

## APPROBATIONES

Superiorum jussu, opus in usum studentium philosophiæ Thomisticæ ab A. R. P. Bacc. Fr. EUGÈNE HUGON exaratum perlegimus: quumque in manuscripto deprehenderimus sanam doctrinam convenienti methodo dispositam, aptam proinde ad profectum illorum qui addiscendis rationabilibus disciplinis vacant, atque imo ad comparandam diviniorem sapientiam Summæ Theologiæ vere præpædientiam, placuit approbationem decernere, quatenus, servatis de jure servandis, prælo committi queat. In quorum fidem, etc.

Batum Lugduni, in festo S. Thomæ Aquinatis, die 7 Martii 1902.

Fr. MARIE-JOSEPH BELON  
Ord. Præd.  
S. Theol. Magister

Fr. BATHOLOMÆUS FROGET  
Ord. Præd.  
S. Theol. Magister

*Imprimatur :*

Fr. JOSEPH-AUGUSTE LABORE  
Provincialis, S. Theol. Magister

*Imprimatur :*

Parisiis, die 2 Decembris 1903.  
G. LEFEBVRE, vic. gén.

## CURSUS PHILOSOPHIÆ THOMISTICÆ AD THEOLOGIAM DOCTORIUS ANGELICI PRÆPÆDEUTICUS

### I LOGICA

# LOGICA

*LOGICA MINOR :* Præcepta et regulæ quæ spectant  
tres mentis operationes.

*LOGICA MAJOR :* Problemata et solutiones quæ spectant  
tres mentis operationes.

AUCTORE R. P. Fr. Ed. HUGON

ORDINIS PRÆDICATORUM, SACRÆ THEOLOGIÆ PROFESSORE



PARISIIS

SUMPTIBUS P. LETHIELLEUX, EDITORIS

10, VIA DICTA CASSETTE, 10

LIBRARY OF

PD  
37.  
H8  
v.1

5814

BEATISSIMÆ VIRGINI MARIE

IMMACULATÆ

SEDI SAPIENTIÆ

REGINÆ SACRATISSIMI ROSARII

OPUS PHILOSOPHICUM

DEDICAT AUCTOR

## PRÆFATIO

« Qui vere philosophari volunt, velle autem potissimum debent religiosi viri, primordium ac fundamenta doctrinae in Thoma Aquinate ponant. Eo neglecto, in tanta ingeniorum licentia, primum esse in opinionum pertenta delahi atque ipsa rationalismi peste sensim afflari, nimium jam res et facta testantur » (1).

Ut quis porro plenam Aquinatis intelligentiam consequatur, sat non est conclusivum quoddam nosse exiguus operibus excerptas atque hac illic dispersas aut temere disiectas, neque sufficit illius principia succincte ediscere; sed in thomistica philosophia requiritur studium quo provinciam illa tota pereurratur. Hinc necessitas enjunctum *Cursus* qui in rationalibus disciplinis ea fere ratione se habent qua Billuart in Theologia, aut qui nostris temporibus praestet quod suo aëvo Gondin.

Verum « philosophia, si rite a sapientibus usurpetur, iter ad veram fidem quodammodo sternere et munire valet, suorumque alumnorum animos ad revelationem suscipiendam convenienter preparare: quamohrem a veteribus modo *prævia ad christianam fidem institutio*, modo *Christianismi præludium et auxilium*, modo ad *Evangelium paedagogus* non immerito appellata est » (2).

Eodem jure thomistica philosophia dicenda est prævia ad Theologiam institutio. Quare in volis fuit ea ratione philosophicam cursum compingere ut esset vere ad Theologiam Doctoris Angelici propædæntiens: nec nimis contractum, ut magistris posset inservire, nec adeo protractum, ut proveclioribus discipulis qui veritatem intimius rinari volunt fieret accommodatus.

(1) Leo xiii, Litter. ad Minist. Gener. Ord. Frat. Min., 25 nov. 1898.

(2) Leo xiii, Encyclic. *Aeterni Patris*, 4 august. 1879.

Cursum ergo exhibemus ex ipso Aquinate ejusque interpretibus cum veteribus, Capreolo, Cajetano, Bannezio, Joanne a S. Thoma, Gondin, Mailhat, etc., tum recentioribus, Sanseverino, Zigliara, Lepidi, Farges, Lorenzelli, Gecomier, Mercier, etc., collectum. At Joanne a S. Thoma potissimum utimur, qui in philosophia est eximius Aquinatis interpres, quemque vocat invissimus editor « Angelici Doctoris assecram et fidelissimam Achatem », adeo ut quod de S. Thoma insigni cum laude acclamant olim viri plures conspiciunt, illum ita D. Augustini spiritum ebuisse et animam tanti Patris et tanti Ecclesiae Doctoris in D. Thomam quasi migrasse non dubitarent asserere, id de fidelissimo D. Thomae discipulo Joanne a S. Thoma possumus asseverare. Sic enim tanti Magistri pressit vestigia, sic illius spiritu fuit informatus ut non incongrue illius intelligibilis imago censeatur.

Intenti nostri fuit, juxta Leonis XIII monitum, *retera novis augere*. Quamohrem sarta trecta servando Scholasticorum principia, necessarium duximus inductioni scientiisque positivis aut physicis, praesertim in Philosophia Naturali et Psychologia, magis indulgere, ac hodierna systemata, prout se praebet occasio, exponere. Hinc etiam in Logica ea copiose tractamus quae a recentioribus praesertim versantur, quae nempe conceptuum universalium obiectivitatem, syllogismi antinoniam ac valorem, veritatis naturam, existentiam et criteria, ipsumque supremum criterium, demonstrationis et inductionis vim, scientiam, methodi notionem, synthesein et analysim, etc., spectant.

Nec laudem omnes praesentis aevi theorias singillatim persequi tentavimus, quippe qui intendimus non kantiano aut hegeliano, sed thomistica philosophiam, tradere.

Non novitati aut elegantiae (non erat hic locus), sed perspicuitati et studiosorum utilitati, consulentes, simplici stylo, syllogistica firma, analytica vicissim et synthetica methodo, prout exposuluit subjecta materia, utimur.

Præcipuos auctores consulendos in notis referimus, non quod illos omnes in singulis adprobemus, sed quia hæc notitia ad pleniorum questionum intelligentiam conducit.

Opus totum sex voluminibus absolvitur.

Primum Logicam complectitur, Logicam nempe Minorem, seu notionem et præcepta quae spectant tres mentis operationes, ac Logi-

cam Majorem, problemata scilicet et solutiones quæ ad tres mentis operationes referuntur.

Volumen alterum exhibet primam partem Philosophiæ Naturalis, *De ente naturali inanimato*, seu quæstiones de Mundo quoad causas efficientem, materialem, formalem ac finalem, inspecto.

Volumen tertium refert alteram partem Philosophiæ Naturalis, *De ente naturali animato*, seu quæstiones de Anima Vegetativa et Sensitiva in communi, de Anima Humana tum quoad substantiam tum quoad facultates et operationes considerata.

Volumen quartum tradit Metaphysicam Psychologicam, de Intellectu scilicet et Intellectione, ac de Voluntate et Volitione.

Volumen quintum præbat primam partem Metaphysicæ Ontologicæ, seu quæstiones de Ente et de Entis Proprietatibus.

Volumen sextum absolvit Metaphysicam Ontologicam, disserendo de Entis divisionibus, ac de Causis.

Quæ autem spectant Theologicam et Ethicam non tradimus, quia hæc munia in ipsa Aquinate sunt requirenda.

Ultimo volumini duplex adnectetur index alphabeticus: alter generalis, præcipuarum nempe rerum de quibus per totum opus disseritur; specialis alter, præcipuorum nempe axiomaticarum, sensuatarum, quas a Scholasticis frequentius usurpantur.

Tumetsi temporum injuria et hominum nequitia acerrime divexentur families religiosæ quæ erant studio Angelici adiectissimæ, nunquam valebit sævissima procella thomisticæ veritatis minere fulgorem neque illum solem qui nescit occasum obnubilare.

Pægratum nobis est en exscribere quæ imperrime sanxit Pius PP. X: « Omnino oportere ducimus ut quæ impressor illustris de cultu philosophiæ doctrinæque Thomisticæ constituisse, ea religiosissime servanda, utque etiam in spem uberiorum fructuum pervenienda curemus... Quæ hortatio pertineat, uti debet, ad omnes quicumque in catholicis orbis terrarum scholis philosophiam tradunt; nimirum curam habeant a via et ratione Aquinatis nunquam discedere, in eademque quotidie studiosius insistant ».

Rijckholt, in Hollandia, mense Aprilis 1904.

## PHILOSOPHIÆ PROLOGOMENA

### ARTICULUS PRIMUS

#### DE PHILOSOPHIA IN GENERALE

I — *Vocabuli fortuna.* Philosophi et Philosophiæ nomen non a principio habuit fixum et determinatum sensum; σοφία enim modo physicum, modo artificem, modo poetam designavit, et generaliter quicumque artem vel scientiam aliquam callebat; hinc omnis qui animi cultura vulgus excedebat σοφός vocabatur. Pythagoras vero, animadvertens solius Dei proprie esse sapientiam, non est ausus se σοφός, seu sapientem, dicere, sed tantum amatorem seu studiosum sapientiæ. Interrogatus enim a Leonte, Philasiorum principe, qua maxime arte confideret, respondit « artem quidem se scire nullam, sed esse philosophum » (1). Ah hoc jam tempore Philosophiæ nomen evasit celeberrimum, et, teste S. Augustino (2), « ita deinceps posteris placuit, ut qualibet de rebus ad sapientiam pertinentibus doctrina quisque vel sibi vel aliis videretur excellere, non nisi philosophus vocaretur ».

Paulatim Philosophiæ nomen ad significationem scientificam trahitur. Sub Socrate designat præcipue cognitionem internam hominis, unde illud elliptum: γινώσκει σεαυτόν; *Cognosce teipsum*. Sub Platonis et Aristotelis temporibus, designat cognitionem scientificam Dei, hominis, mundi, entis, veri, boni, etc. — Quæ notio iterum obscurata est. Scholæ enim posteriores, a doctrinis Academiæ et Lycei nimium independentes, Philo-

1. CICERO, *Tuscul.*, v, 3. — 2. S. AUGUSTINUS, lib. XIV, *De Trinitate*.

sophiam restrinxerunt ad inquisitionem felicitatis humanæ, ut Epicurei, vel ad studium virtutis, ut Stoici. Neoplatonici tandem nomine Philosophiæ intelligebant universum humanæ cognitionis complexum.

II. — **Philosophiæ definitiones.** Multæ, nec omnes recte, trahuntur. Quidam definiunt: Artem recte vivendi, meditationem mortis, assimilationem cum Deo. Est quidem finis Philosophiæ hæc omnia in ordine morali efficere, non tamen hæc est essentialis et distinctiva Philosophiæ notio. Alii, ut De Bonald, definiunt: Scientiam de Deo, de homine, de societate; alii: scientiam entium, ut entia sunt, vel: scientiam de ideis, aut: scientiam que versatur in ideis veri, boni, pulchri. Cartesius definiit: Cognitionem, seu analysim, subjecti cogitantis, ex principiis evidentibus deductam. Malebranchius: Cognitionem veri et amorem boni. Th. Reid: Scientiam spiritus humani. — Omnes illæ definitiones aliquid veri exhibent, sed nimis vagæ et obscuræ sunt, incomplete, nec Philosophiam ab aliis scientiis satis distinguentes.

Falsæ vero omnino sunt definitiones quæ trahuntur: 1<sup>a</sup> a Sensistis et Materialistis: Scientia sensus vel corporum; 2<sup>a</sup> a Transcendentalibus Germanis: Scientia τοῦ ἑαυτοῦ puri sese ponentis per tria momenta, quæ sunt: *thesis, antithesis, synthesis*. 3<sup>a</sup> a Cousin: Philosophia est reflexio totaliter sui juris et ab auctoritate omnino independens. « La philosophie est la réflexion entièrement émanée, définitivement sortie des liens de l'autorité, et ne s'appuyant que sur elle-même dans la recherche de la vérité. » Quæ omnia rationalismum nimis sapient. Aliunde cavendum est a definitione Traditionalistarum, qui docent Philosophiam imparem esse alicui veritati detegendæ, sed esse tantum explicationem scientificam veritatum naturalium a Deo revelatarum et nobis per revelationem transmissarum.

III. — **Rectæ definitiones.** Celeberrima est Tullii definitio (I): *Resum divinarum et humanarum, causarumque quibus hæc res continentur, scientia.*

I. De offic., lib. II, cap. II.

Ad res divinas et humanas reducuntur res mundanæ. Hæc vero adjectio: *Causarum quibus hæc res continentur*, non est supervacanea, ut putabat Seneca, imo addit elementum essentialis definitioni; nam Philosophia non est qualiscunque cognitio rerum divinarum et humanarum, sed elegitio per earum causas, imo causas altiores, et mox declarabitur.

In absoluto terminorum rigore sumpta: *scientia rerum divinarum et humanarum*, hæc definitio omnem contineret complexum cognitionum sive theoricarum sive practicarum; quo pacto nimis pateret Philosophiæ ambitus. Quare Scholastici aliam proferunt definitionem, quæ præcedentem recte explicat et determinat: *Scientia rerum per altissimas causas naturali rationis lumine comparata.*

IV. — **Explicatur definitio.** Dicitur *scientia*, id est cognitio certa et evidens per demonstrationem acquisita. Tria sunt de ratione scientiæ: 1<sup>o</sup> ut sit cognitio *certa*, qua ratione distinguitur ab opinione, quæ est cum errandi formidine; 2<sup>o</sup> ut sit evidens, et hinc distinguitur a fide, quæ est de non visis; 3<sup>a</sup> per demonstrationem, nempe ut faciat cognoscere rem per suas causas. Ne quidem vera habere scientiam alienius rei est habere de ipsa cognitionem perfectam et completam. At vero liquet rem non nisi imperfecte cognosci, quamdiu ejus causa ignoratur; qui enim causam eclipsim ignorat, non perfecte et scientilice eclipsim cognoscit. Scientia igitur designat cognitionem per causas.

Nomine causæ intelligi potest generatim id omne unde res est aut fit aut cognoscitur. Id unde res est, dicitur id ex quo res educitur, sicut statua ex marmore, vel id quo res constituitur in sua natura, sicut homo constituitur in esse hominis per animam. Id porro ex quo res educitur est causa materialis, id autem quo res in sua natura constituitur est causa formalis. Utraque, vero materialis nempe et formalis, est intrinseca rei, quia res ex utraque constat, sicut homo intrinsece constituitur ex corpore tanquam causa materiali et ex anima tanquam causa formali.

Id autem unde res fit est id quod rem producit in esse, sicut pictor imaginem, vel id cujus gratia res fit, sicut pecunia est

id ejus gratia imago pingitur. Id porro a quo res producitur est causa efficiens, id vero ejus gratia res producitur est causa finalis. Utraque autem, efficiens scilicet et finalis, est causa extrinseca, quia non ingreditur rei constitutionem: sic pictor et pecunia extrinsece tantum se habent ad imaginem.

Itaque *id unde res est* duas complectitur causas intrinsecas, materialem nempe et formalem; id autem *unde res fit* duas complectitur causas extrinsecas, efficientem nempe et finalem.

Id tandem *unde res cognoscitur* est medium quo utimur ad rem sciendam. Porro medium rem cognoscendi potest esse vel propria causa rei, sicut eclipsis in sua causa cognoscitur, vel effectus rei, sicut animam ex suis actibus intelligimus.

Hinc divisio in causas in essendo et causas in cognoscendo. Sic animæ essentia est causa facultatum in essendo, sed facultates sunt causa in cognoscendo, quia sunt id unde anima dignoscitur, probatur et demonstratur.

Porro ad habendam simplicem scientiam, sufficit cognitio per quascunque causas sive in essendo, sive in cognoscendo. Qui, exempli gratia, demonstrat Dei existentiam per creaturas, vel animæ spiritualitatem ex animæ actibus, veram sibi parit scientiam. Ut vero habeatur illa ordinis superioris scientia quæ vocatur *sapientia*, requiritur cognitio per causas in essendo, imo per causas ultimas. Quo sensu dicimus Philosophiam esse cognitionem per causas altissimas.

**V. — Quid per causas altissimas intelligatur.** Causa altissima est ratio ultra quam non potest ascendi. Exemplo res declaratur. Corpus humanum secundum diversas rationes potest a diversis scientiis considerari: a medicina, ut est ab arte curabile; a physiologia, ut est subiectum functionum vitalium; ab anatomia, ut talem structuram exhibet. At hæc non est ultima ratio, ultimum *quia* corporis. Potest mens ulterius ascendere et querere: quæ sit essentia corporis? quis corporis auctor? quis finis?

Philosophia autem ultimum *quia* assignat in quolibet genere causæ. Primo quidem in genere causæ intrinsecæ. Corpus est substantia composita ex materia et forma. Quid vero forma,

quid materia? Quid substantia? Substantia est ens. Quid vero ens, quarum relationes entis, veri, boni? Illis omnibus satisfait Philosophia. Impossibile est supra ens alius ascendere; ex qua parte habemus ultimum *quia*.

Secundo, in genere causæ efficientis. A quo productum est corpus? Est ne a se solo, an ex aliqua materia æterna vel in ultima analysi, admitteremus est Creator? quo explicatu habetur ultimum *quia* in genere causæ efficientis. Tertia, ad quid productum est corpus? nonne propter Dei gloriam? Et hoc est ultimum *quia* in genere causæ finalis. Quæ vero de corpore dicimus pro ceteris omnibus rebus ordinis naturalis æque valent. Circa plantas, animalia, hominem, societatem, Philosophia investigabit ultimum *quia* in ordine naturali; omniaque rimabitur intima causæ *formulis*, omnia nempe quæ in essentia latent; et ascendet usque ad primam causam *efficientem* et ultimam causam *finalem*.

— Ratio entis et Deus sunt causæ *absolute ultimæ*; Philosophiæ pars quæ illis investigandis attendit dicitur Philosophia prima. — Attamen Philosophia non unice circa causas absolute ultimas occupatur; philosophi enim est res explorare etiam per causas *relative* ultimas, dummodo ordinem sensibilem excedant. Unde per causas altissimas hic intelligere possumus *omnes illas supremas realitates quæ, vel nobilitate vel universalitate et æternitate sensibilem ordinem transgrediuntur*. Hinc omnis ratio suprasensibilis, eo quod suprasensibilis sit, est quædam causa altissima et ad Philosophiam pertinet: imo, res sensibilis sub respectu suprasensibilis considerata est causa quædam altissima, quæ ad Philosophiam refertur.

In omni porro ordine invenitur aliqua ratio æterna et universalis quæ dici potest causa *ultima relative*. Sic ratio necessaria quam Philosophia considerat in legibus cogitandi est causa altissima in Logica; ratio suprasensibilis et necessaria quam Philosophia considerat in ordine hujus mundi physici est causa altissima in Cosmologia; ratio denique necessaria quam Philosophia considerat in legibus morum est causa altissima in Ethica.

VI. — Dicitur naturali rationis lumine comparata, ut distinguatur a Theologia christiana. Hæc enim est etiam cognitio per altissimas causas; at in hoc viget discrimen quod Theologia sit sapientia procedens ex principiis fidei creditis, dum Philosophia est sapientia procedens ex principiis sola ratione cognitis. Tantum igitur se extendit Philosophia quantum ratio: quæcumque sunt in rationis ambitu, Philosophiæ dominium constituunt; quæ vero rationem excedunt, dominium Philosophiæ prætergrediuntur.

Porro principium totius scientiæ quam de aliqua re ratio percipit est intellectus substantiæ, quia substantia rei est principium demonstrationis; et ideo modus cognoscendi substantiam est modus cognoscendi cætera quæ de re cognoscuntur. Unde, si intellectus humanus alienius rei substantiam comprehendit, nullum intelligibilem illius rei facultatem humanæ rationis excedit, et hæc omnia ad Philosophiam spectant. Si vero substantiam alienius rei intellectus comprehendere non valet, erunt plura intelligibilia huius rei quæ erunt rationi impervia. De Deo quidem ratio cognoscere potest *quia est* et alia huiusmodi, quæ oportet attribui primo principio; sed minime potest in præsentī vita cognoscere essentiam divinam, ut in se est; sunt igitur quædam intelligibilia divinorum, quæ humanæ rationi sunt pervia et ad Philosophiam spectant, quædam vero quæ vim humanæ rationis excedunt, et quæ non spectant ad Philosophiam (I).

VII. — Objectum Philosophiæ. Cum omnis scientia ex objecto cognoscatur, plenius innatescet Philosophia ex proprii objecti consideratione. Vocamus autem objectum *materiale* alienius facultatis quidquid a facultate attingitur; sic omne coloratum est objectum materiale visus. Objectum porro materiale Philosophiæ sunt omnes res naturales de quibus disserit. Objectum vero *formale* duplex distinguitur: formale *quod* et formale *quo*. Formale *quod* est id quod directe et primario attingitur a facultate, et ratione cuius cætera attinguntur. In visu *color* est objectum formale *quod*; nam color

4. *Contra Gentes*, lib. I, cap. 1.

primo attingitur, et ratione coloris cætera visus cognoscit. Quod vero Philosophia directe et primario in rebus naturalibus attendit, sunt *suprema principia*, supremæ realitates, causæ altissimæ. En igitur objectum formale *quod* Philosophiæ. Objectum autem formale *quo* est medium quo facultas attingit summum objectum materiale et formale *quod*; sic lux est objectum formale *quo* visus attingit colorem et corpus. Vnecatur etiam ratio *sub qua*, lumen *sub quo*. — At medium, seu lumen quo Philosophia summum objectum materiale et formale *quod* attingit sunt principia rationis naturalis. Hæc igitur principia sunt objectum formale *quo* Philosophiæ.

Ut ergo hæc tria objecta sub una definitione comprehendamus, dici potest: *Objectum adæquatum Philosophiæ est unum scibile* (objectum materiale) *per altissimas causas* (formale *quod*, lumine principiorum rationis naturalis (formale *quo* aut *sub quo*).

VIII. — Philosophiæ excellentia, utilitas, necessitas. Philosophia contemplatur id quod est nobilissimum, purissimum et altissimum in ordine naturali, quodque est quasi cælum uniuscujusque rei; quæ dixerat Poeta veritatem suam in Philosophia obtinent:

*Os hominī sublimē dedit cælumque tueri  
Jussit.*

Sicut nempe oculus corporis in contemplatione cæli materialis quiescit, ita oculus mentis delectatur in contemplatione cæli spiritualis, quod est altissima veritas. In qualibet autem re, Philosophia speculatur id quod est summum, scilicet suprema principia, altissimas causas, quæ recte dici possunt cælum uniuscujusque rei. Quantum igitur visio cæli visionem rerum terrenarum superat tantum Philosophia alias excedit scientias, quæ versantur circa causas inferiores. Sicut cælum res inferiores tegit ac proleget, sic Philosophia alias naturales scientias fovet. Philosophia quippe in alias scientias duplicem exercet principatum: directionis nempe et correctionis. Directionis quidem, quia mutuantur sua principia a Philosophia eique subordinantur. Correctionis

vero, eo ipso enim quod aliqua scientia sanæ Philosophiæ adversetur, indicium est ipsam a recto tramite deflectere, ideoque esse ex Philosophiæ norma corrigendam.

— Philosophia maxime perfruit hominem secundam partem superiorem. Perfruit quidem intellectum, ei contemplandum obijciendo pulcherrimum eorum veritatis: triplex nempe eorum, Deum, hominem, mundum: Deum, auctorem naturæ, æternum, infinitum, omnipotentem; hominem in sua anima immortalis, intellectiva, libera; mundum secundum suas rationes ultimas, summumque mirabilem ordinem et suas leges, etc.

Perfruit vera voluntatem; hinc quippe Philosophiæ debet esse virtus; hinc est quod ultima pars sit Ethica, quæ voluntatem juxta moralitatis leges dirigit.

Pariter Philosophia hominem sociale, et politicum instruit, illum informando circa jura et officia individui, familiæ, societatis, relationesque diversarum societatum ad invicem. Ex Philosophia magistratus sanas discet indicationes quæ basis sunt ac fundamentum juris civilis. Medico Philosophia necessaria est, qui vult intimam corporis humani nosse constitutionem, scire veram passionum influentiam mutuumque influxum corporis et animæ. A Philosophia discent poætæ, pictores et artifices veram artis notionem, verasque Æstheticæ leges. Proprium quippe artis est exprimere pulchrum ideale; ut quo pacto exprimere quis valet pulchrum nisi habeat genuinam, solidam, verò, philosophicam, pulchri notionem?

Hæc est propria et intrinseca Philosophiæ præstantia; nec tamen silentio prætereunda est excellentia extrinseca quam desumit ex ordine ad Theologiam.

Philosophia quippe necessaria est theologis, apologistis, et generatim cuilibet christiano qui vult suæ fidei fundamenta firmari, et fidem ab impugnationibus defendere.

Triplex autem est Philosophiæ munus erga Fidem. Primo quidem Philosophia demonstrat veritates præambulas ad Fidem; ut existentiam Dei, possibilitatem miraculorum, etc. Secundo, veritates Fidei illustrat per quasdam similitudines et analogias desumptas ex creaturis. Sic ad illustrandum SS. Trinitatis mysterium Philosophia Inculentum exhibet exemplum: in uno homine tria invenimus: principium nempe in

sua intellectione produciens verbum mentale, ipsumque verbum productum et amorem procedentem. Hæc tria repræsentant Patrem, qui est principium Verbum produciens, Filium, qui est Verbum generatum et Spiritum Sanctum, qui est Amor procedens. Tertio, inservit Philosophia ad repellendas infidelium et rationalistarum impugnationes, ostendendo objectiones contra Fidem aut esse sophisticas aut saltem non esse evidentes et cogentes. Quare Philosophia, præsertim scholastica et thomistica, est ad Theologiam vere præcedentia.

**IX. — Jucunditas ex Philosophiæ studio proveniens.** Delectatio et gaudium ex duplici capite attenditur, operatione scilicet et objecto. Operatio porro eo delectabilior est quo magis naturæ convenit. At nulla operatio magis est homini naturalis quam veritatis contemplatio. De natura enim hominis est ut sit rationalis; ergo operatio maxime naturalis est operatio rationis, seu veritatis contemplatio. Nulla ergo delectabilior operatio quam sapientiæ studium. Secundo, philosophica disciplina jucunda est ex objecto. Sicut in visione corporali gaudemus, non solum quia ipse actus videndi est delectabilis, sed etiam quia objectum quod videmus pulchrum est et suave; ita in Philosophiæ studio delectamur, quia nostræ contemplationis objectum est pulcherrimum et cognitum delectabile, nempe supremæ realitates, altissima principia, et eorum uniuscujusque rei, ut modo dictum est.

Jucunditas ex operatione, jucunditasque ex objecto, hæc est philosophici studii beatitudo. Haud immerito Philosophiæ accommodantur quæ de Sapientia dicta sunt: *Non habet amaritudinem conversatio illius, nec tedium convictus illius; sed letitiam et gaudium* (1).

**X. — Partitio Philosophiæ.** Veteres, teste Augustino (2), in tres partes Philosophiam distribuiebant: quarum prima erat *Naturalis*, quæ agit de natura, nempe de mundo et de iis quæ in mundo sunt; secunda *Moralis*, quæ agit de regulis morum in ordine operationum voluntatis; tertia *Rationalis*,

1. Sap. viii, 16. — 2. De civit. Dei, lib. XI, c. xxv.



quæ agit de regulis cogitandi in ordine operationum intellectus. — Hujus divisionis rationem assignat Augustinus (loc. cit.). « Tria sunt quæ in unoquoque homine artifice spectantur ut aliquid efficiat: *natura, doctrina, usus*; natura ingenia, doctrina scientia, usus fructu judicandus est... Ex his propter beatam vitam obtinendam tripartita, ut dixi, a philosophis inventa est disciplina: *Naturalis*, propter naturam, *Rationalis* propter doctrinam, *Moralis* propter usum ».

Aliam rationem affert S. Thomas. Proprium sapientis est ordinare. Porro in rebus est triplex ordo: *est quidam ordo quem ratio non facit, sed solum considerat*; res scilicet naturales considerantur quidem a ratione, sed non a ratione efficiuntur. *Alius autem est ordo quem ratio considerando facit in proprio actu*: sunt enim quedam entia quæ a ratione et considerantur et efficiuntur, ut entia rationis, quæ sunt *in mente et a mente tantum*. Tertius autem est ordo quem ratio considerando facit in operationibus voluntatis: sunt enim quedam quæ ratio considerat, non ut sistat in mera consideratione, sed ut ad praxim ordinet in ordine morali. Ad *Philosophiam* porro *Naturalem* pertinet considerare ordinem rerum quem ratio considerat, sed non facit. Ordo vero quem ratio considerando facit in proprio actu pertinet ad *Rationalem*, seu *Logicam*, ejus est considerare ordinem partium rationis ad invicem et ad conclusiones. Ordo autem actionum voluntariarum pertinet ad considerationem *Moralis Philosophiæ* (1).

— Philosophia Naturalis divisa fuit in duas partes: *Physicam*, quæ agit de motu, et de sensibilibus; et *Metaphysicam*, quæ est de rebus ab omni materia abstractis. Hinc apud veteres scholasticos ita dividitur Philosophia: *Rationalis* seu *Logica*, *Physica*, *Metaphysica*, *Ethica* seu *Moralis*.

Moderni ex Philosophiæ partibus *Physicam* expungunt. Et revera *Physica specialis*, ut hodie sumitur pro scientia quæ mundum considerat juxta leges experientia notas, a Philosophia exulare debet. Sic igitur hodie dividitur Philosophia: *Logica*, quæ tradit regulas cogitandi; *Ontologia*, seu *Meta-*

*physica generalis*, quæ agit de ente in communi; *Metaphysica specialis*, quæ agit de ente in speciali, et comprehendit *Cosmologiam*, seu tractatum de Mundo, *Anthropologiam*, seu tractatum de Homine, *Theologiam*, seu tractatum de Deo; at tandem *Ethica*, seu *Moralis*.

In hac divisione hoc nobis displicet quod ad *Metaphysicam* reducat *Cosmologia* et tota *Anthropologia*. *Metaphysica* namque considerat objecta ab omni materia sejuncta; jam vero et mundus corporeus, de quo est *Cosmologia*, et corpus animatum de quo est prima pars *Psychologiæ*, non sunt objecta omni ex parte immaterialia. Oculatiores ergo erant veteres Scholastici, qui has partes a *Metaphysica* seponbant. Preferendam ergo ducimus antiquam divisionem, rejicientes quidem nomen *Physicæ*, retinentes autem nomen *Philosophiæ Naturalis*. Ad *Philosophiam* porro *Naturalem* pertinet absque dubio tractatus de Mundo, de Anima Vegetativa et Sensitiva. Anima vero Humana, secundum se considerata, prout est rationalis et spiritalis, objectum proprium est *Metaphysicæ*; si autem consideratur ut unita corpori et ut pars hujus *naturæ sensibilis* quæ est homo, ejus consideratio non incongrue reducit ad *Philosophiam Naturalem*. Propter hunc itaque duplicem respectum ratione ejus anima et ad *Philosophiam Naturalem* et ad *Metaphysicam* refertur, tractatus *Psychologiæ* recte collocabitur medius inter *Philosophiam Naturalem* et *Metaphysicam* striete dictam, quasi participans ex utraque. *Psychologia* itaque non est distincta a *Philosophia Naturali* et *Metaphysica*; sed quoad primam partem pertinet ad *Philosophiam Naturalem*, quoad secundam vero ad *Metaphysicam*. Tractatus denique de Ente, et de Deo pleno jure ad *Metaphysicam* referuntur.

XI. — De ordine partium *Philosophiæ*. Ordinatio partium *Philosophiæ* ad invicem regitur hoc principio Aquinatis (1). « In adiscendo incipimus ab eo quod est magis facile, nisi necessitas aliud requirat. Quandoque enim necesse est in adiscendo non incipere ab eo quod est facilius, sed ab eo a cujus

cognitione cognitio sequentium dependet ». Hinc « oportet in addiscendo a Logica incipere, non quia ipsa est faciliior scientiis cæteris, habet enim maximam difficultatem, sed quia aliæ scientiæ ab ipsa dependent, in quantum ipsa docet modum præcendi in omnibus scientiis ».

Utrum vero Metaphysica præcedere an subsequi debeat Philosophiam Naturalem. Respondet D. Thomas (1): « Metaphysica, quæ circūdivina versatur, inter omnes Philosophiæ partes est ultima addiscenda ». Metaphysica namque est de objectis difficillimis et ab omni materia remotis. Naturalis autem ordo postulat ut per concreta et sensibilia quæ sunt nobis notiora, ad abstracta et invisibilia assurgamus. Philosophia igitur Naturalis præcedere debet Metaphysicam. Multæ quidem notiones Ontologiæ prærequiruntur cæteris Philosophiæ partibus, quapropter Ontologia a multis immediate post Logicam ponitur; attamen istæ notiones possunt breviter indicari in ipso tractationis decursu, quin necesse sit totam scire Metaphysicam; plenius autem et profundius tractatus reservabitur in ultimo loco. Psychologiam vero interserendam esse Philosophiam Naturalem inter et Metaphysicam jam probavimus.

Speculationem sequitur praxis, unde post Philosophiam realem ponitur Ethica. Talis ergo erit ordo partium Philosophiæ: 1<sup>o</sup> Logica, 2<sup>o</sup> Philosophia Naturalis (complectens Cosmologiam et primam partem Psychologiæ), 3<sup>o</sup> Metaphysica (complectens secundam partem Psychologiæ, Ontologiam et Theologicam), 4<sup>o</sup> Ethica.

1. I. *Cont. Gent.* cap. 4.

## ARTICULUS SEUNDUS

### DE EXISTENTIA ET CAUSIS PHILOSOPHIÆ

I. — **Quæstio.** Tractata Philosophiæ notione, quærendum venit an revera existat aliqua veri nominis Philosophia. Dubium namque menti ultro ingeritur consideranti innumeros et infanos errores in quos impexit humana ratio. Sit tamen

II. — **Prima conclusio.** Existit aliqua veri nominis Philosophia. Arg. 1<sup>o</sup> *a priori*. Homo naturaliter desiderat scire, quippe qui effectus videndo naturaliter vult cognoscere causas, imo causas ultimas. Atqui cognitio per causas ultimas est Philosophia. Homo ergo habet naturale desiderium Philosophiæ. Sed desiderium nature non potest esse vanum. Deus quippe tale desiderium infundendo media simul indidit illud explendi; nec possibile est nullum hominem iis mediis usum esse. Ergo *a priori* admittendum est existere aliquam veram Philosophiam, quantumvis imperfecta ponatur.

Arg. II<sup>o</sup> *a posteriori*. Philosophia est cognitio certa et evidens per altissimas causas. At vero circa multa objecta cognitione illa gaudemus; sive enim in speculativo sive in practico ordine multa sunt principia evidentiæ, ex quibus necessario profluunt conclusiones certæ et evidentes. Pariter causas altissimas intelligimus; nam circa animam, mundum, corpus, etc., assignare valemus ultimam rationem in ordine causæ sive formalis, sive efficientis sive finalis. Ergo

III. — **Secunda conclusio.** Non existit Philosophia in statu perfecto. Philosophia perfecta dicitur quæ de mundo, de ho-

mine, de Deo, notitiam tradit absolutam et completam. Jam vero in Philosophia multa abstrusa et obscura sunt; in tractatu de mundo, circa constitutionem corporum, principium individuationis, originem vitæ, etc., etc.; in tractatu de homine multa scitu difficilia vel incerta circa unionem animæ cum corpore, originem idearum, etc.; in tractatu de Deo nulla abscondita circa Dei libertatem, scientiam de futuris contingentibus, etc., etc.

IV. — Tertia conclusio. Imo, in statu præsentis naturæ humanæ, non existit Philosophia quæ possit de Deo et veritatibus religiosis ac moralibus ordinis naturalis sufficientem præbere cognitionem, ut homo recte et honeste vivere queat.

Probat. Ut hæc cognitio sit sufficiens, oportet ut veritates religiose et morales ordinis naturalis cognoscantur ab omnibus, ab initio, et sine admixtione errorum. Atqui in præsentis statu ista cognitio haberi nequit nisi a paucis, post longum tempus, et cum admixtione errorum. Ergo Philosophia, sine revelatione, non potest sufficientem præbere cognitionem de Deo et de veritatibus religiosis ordinis naturalis. Hoc argumentum iterum redit in Psychologia; unde sufficit pro momento breviter indicare probationem minoris. Hæc cognitio haberetur: 1<sup>o</sup> A paucis, quia a studio impediuntur alii propter corporis indispositionem, alii necessitate rei familiaris vel publicæ, alii pigritia. 2<sup>o</sup> Post longum tempus, sive quia veritas est difficilis et profunda, sive quia multa huic studio prærequiruntur, sive quia tempore juventutis anima a contemplatione propter passionum impetus retrahitur. 3<sup>o</sup> Cum multis erroribus. Tum propter intellectus debilitatem, tum quia imaginatio intellectum sæpe decipit; tum etiam quia in demonstrationibus admiscetur non raro aliquid sophisticium, quod tamen reputatur verum. Ergo Philosophia destituta revelationis auxilio infirma et imperfecta est. Quæ tamen infirmilas est impotentia moralis tantum, non physica.

Physica enim impotentia est defectus proportionis inter potentiam et actum vel objectum, sicut inter oculum et intellectionem vel inter oculum et objectum longissime distans. Manifestum est autem rationem esse physice proportionatam cui-

libet veritati naturali intelligenti. Adest ergo impotentia moralis dumtaxat, quæ ex difficultatibus et impedimentis extrinsecis proveuit.

V. — De causis Philosophiæ. Quam ergo existat Philosophia, licet in statu imperfecto, suas habet causas. Quatuor autem sunt genera causarum. Quæ sint igitur causæ efficiens, formalis, materialis, finalis in Philosophia?

VI. — Causæ efficientes. Causa efficiens primaria est Deus qui naturale homini indidit desiderium sciendi vimque intellectivam ad rerum principia indaganda; qui insuper ideas nostras causat per spectaculum naturæ universæ et intellectum nostrum efficienter applicat ad intelligendum. Vide dicenda infra de Magisterio divino (1).

Causa autem efficiens secundaria est vis activa humani intellectus in quo sunt quasi semina scientiarum et artium, ut in Logica et Psychologia passim explanabitur. Quæ autem fuerit humanæ rationis evolutio in diverso temporum decursu novimus ex Philosophiæ historia.

VII. — Causa occasionalis est admiratio. « Propter admirationem, ait Aristoteles, et nunc et primo incœperunt homines philosophari: a principio quidem admirando ea quæ de dubitandis faciliora erant; deinde paulatim ulterius procedentes, etiam de majoribus dubitando » (2).

Admiratio est species timoris. Homo videns aliquid sublime ac seipso majus, quamdam experitur mentis trepidationem, seu timorem; at hic stupor simul vivide mentem excitat ad querendum quod ignoratur.

Admiratio itaque est mixta quasi ex cognitione et ignorantia: cognitione quidem, quia sequitur contemplationem alienius solidius veritatis; ignorantia vero, nam in illo sublimi objecto plura sunt quæ mentis cognitionem excedunt, et hinc vehemens oritur desiderium delegendi quæ occulta remanent. Et hæc fuit causa Philosophiæ: homines nempe videndo ef-

1 Log. Maj., Tract. II, q. II, art. vi, n. v. — 2 I. Metaphys. cap. ii.

fectus mirabiles voluerunt causas scrutari, et causas inquirendō philosophati sunt.

VIII. — Causæ formalis, materialis et finalis. Causa formalis Philosophiæ est id quod ipsam constituit et quod in ejus notione exprimitur. Recolatur tradita definitio : *Cognitio per altissimas causas naturali rationis lumine comparata.*

Causa materialis triplex assignatur : 1° subjectum in quo recipitur, scilicet humana ratio ; 2° objectum quod ipsius considerationi subicitur ; 3° partes in quas dividitur.

Causa demum finalis multiplex etiam distinguitur ; 1° finis qui est veritatis cognitio ; 2° finis cui proximus est homo cui inservit Philosophia ; 3° finis cui ultimus est Deus, nam ideo philosophari debemus ut Deum perfectius cognoscamus et diligamus.

## LOGICA

Juxta ordinem prius assignatum incipiendum est a Logica, quæ est quasi porta et clavis totius Philosophiæ. Quedam autem præmittantur oportet de Logicæ natura et indole.

### APPARATUS AD TOTAM LOGICAM

I. — Logicæ definitio. Volest Logica ex D. Thoma (1) definiri. *Ars vel scientia quæ est directiva ipsius actus rationis, per quam scilicet homo faciliter et ordinate et sine errore procedat.*

Ars in genere est qualitas tendens ad dirigenda *factibilia* hominis juxta certas regulas in ordine ad debitum finem. Dicuntur porro *factibilia* per oppositionem ad *agibilia*, quæ sunt operationes morales. Agibilia diriguntur a prudentia juxta regulas moralitatis in ordine ad finem ultimum vitæ humanæ, factibilia vero diriguntur ab arte juxta regulas cuilibet arti proprias et in ordine ad finem arti proprium.

Factibilia autem seu opera hominis, in duplici sunt differentia : alia sunt servilia, quæ homo manibus perficit ; alia vero liberalia, in quibus mens præcipue operatur. Hinc duplex artium classis : artes quæ factibilia externa, seu opera servilia, dirigunt, dicuntur artes mechanicæ ; quæ vero factibilia interna, seu liberalia opera regulant, sunt artes liberales. Septem autem numerantur artes mechanicæ, septemque libe-

1. *Post. Anal. lect. 1.*

rales. Quo facilius vero singulorum nomina in memoria figerentur, scriptores mediæ ævi sequentes adhibuerunt versus :  
primum quidem pro liberalibus, alterum autem pro mechanicis artibus :

(Grammatica) (rhetorica) (logica) (arithmetica) (musica) (geometria) (astronomia)  
*Lingua, tropus, ratio, numerus, tonus, angulus, astra.*  
(Agriculi) (venatoria) (militaris) (navalis) (medicina) (art. textile) (art. fabriles)  
*Rus, nemus, arma, rates, colucre, lana, faber.*

Liberales autem in duplici reponebantur serie : in divisione quidem inferiori, quæ dicebatur *trivium*, collocabantur Grammatica, Rhetorica et Logica ; in divisione autem superiori, quæ dicebatur *quadrivium*, collocabantur Arithmetica, Musica, Geometria, Astronomia.

Pulchre vero artes quinque assignantur : Poesis, Musica, Pictura, Architectura et Sculptura.

Porro illæ omnes ad liberales artes revocari possunt, ut consideranti illuc appareat. Non solum ad *tonum*, sed etiam ad *numeros* reducitur Musica ; imo et Poesis, quæ numerum quendam et rhythmum habet. Pictura vero, Sculptura et Architectura, quæ supponunt linearum scientiam, non incongrue ad geometriam revocantur. Expediit tamen quinque illas artes specialim et separatim considerare, quippe quæ habent specialem finem, nempe exprimere sensibiliter pulchrum ideale.

Logicam non esse artem mechanicam aut unam ex pulchris artibus, nimis liquet ; an vero sit ars liberalis ? Negant quidam ; sententia tamen affirmativa est minime tenenda, ut suadet hæc ratio :

Ars liberalis est qualitas mentis quæ dirigit opera liberalia hominis juxta certas regulas in ordine ad determinatum finem. Atqui Logica : 1<sup>o</sup> dirigit opera liberalia hominis, scilicet definitionem, divisionem, propositionem, argumentationem. Sicut enim ratio actus partium inferiorum, manus etc., dirigit, ita potest reflectere in seipsam, propriosque dirigere actus : *apprehensionem, judicium et rationem*. — 2<sup>o</sup> Juxta debitas regulas, quia Logica fere tota occupatur in explicandis et applicandis regulis definitionis, propositionis, argumentationis, etc. — 3<sup>o</sup> In ordine ad determinatum finem,

quæ est veritatis adeptio, ut homo nempe in ipso actu rationis facilius et ordinate et sine errore procedat. — Ergo Logica est ars liberalis. An vero scientia dici possit, modo inquiremus.

**II. — Logicæ objectum.** Cum Logica sit rationalis, seu *scientia rationis*, habet pro objecto generico ipsam rationem dirigendam. — At, quia triplex est objectum : *materiale, formale quod* et *formale quo*, congruit per singula rem expendere.

**III. — Prima conclusio.** Sub objecto materiali Logicæ continentur omnia quæ sunt materia discursus et etiam tres mentis operationes : *apprehensio nempe, enuntiatio, argumentatio.*

**Proclatur conclusio.** — Facultas discursus habet sane pro objecto materiali quicquid est materia discursus. Sed Logica est facultas discursus, quippe quæ ordinatur ad discurrendum, tanquam ad principale intentum Ergo.

Tres vero mentis operationes possunt considerari dupliciter : 1<sup>o</sup> ut sunt entia naturæ, quatenus talem habent naturam psychologiam, sub quo respectu pertinent ad Philosophiam Realem ; 2<sup>o</sup> ut sunt dirigibiles secundum illum ordinem artificiosum quem ratio considerando in illis facit ; hoc modo sumuntur in præsentia, et sunt objectum materiale Logicæ.

Materia enim dirigibilis a Logica est objectum materiale Logicæ. Sed materia dirigibilis a Logica sunt tres mentis operationes ; scopus quippe Logicæ est facere rectitudinem in actibus rationis, ut homo possit in consequenda veritate recte, ordinate et sine errore procedere. Ergo actus rationis sunt objectum materiale Logicæ. Tertia tamen operatio est objectum principalitatis ; nam apprehensio et iudicium ad syllogismum tanquam ad terminum ordinantur. Unde Logica vocatur *Rationalis* non solum « ex eo quod est secundum rationem, sed etiam ex eo quod est circa ipsum actum rationis, sicut *circa propriam materiam* (1) ».

IV. — **Objectum formale.** De objecto *formali sub quo* nullum est negotium, latentibus omnibus illud objectum esse principia quibus Logica illustrat et demonstrat suas conclusiones. At maxima est controversia de objecto *formali quod*. Aliqui tenent objectum formale Logicæ esse voces seu sermonem vocalem. Ita Nominales et Moderni Sensistæ, qui volunt, cum Condillac, Logicam esse artem bene loquendi. — Alii, attendentes ad solas operationes quas dirigit Logica, dicunt objectum formale esse ipsas operationes ut *recte faciendas*. Ita Fonseca, Suarez. — Thomistæ communiter asserunt objectum Logicæ esse intentionem secundam, seu ens rationis, non quocumque modo acceptum, sed ut est directivum trium mentis operationum.

V. — **Ens rationis.** Priusquam vero statuatur conclusio parvis declarandum est quid sit ens rationis, quid intentio secunda, quid intentio prima. Prima intentio est actus intellectus cognoscentis ens existens in natura; ideoque refert similitudinem rei quæ revera extra animam datur. Cognosco arliorem; cognitio mea est similitudo rei extra me existentis: intentio prima. Secunda vero intentio est actus intellectus apprehendentis rem quæ nec existit nec existere potest extra mentem; ideoque refert non similitudinem rei in natura existentis, sed tantum similitudinem rei prout est in mente. Istud porro objectum intentionis secundæ dicitur *ens rationis*, quia esse ipsius objectivum est solum *in ratione et a ratione*. Ens quidem rationis, si *subjective* spectetur, est aliquid reale, nempe aliquis actus, aliquæ affectio mentis; ut *objective* consideratum nihil realitatis habet, cum *objectum* in ipso representatum nec existat nec existere possit. — sicut *genus*, *species*. Confundendum non est ens rationis cum ente *ideali* vel *imaginario*: istud enim, licet de facto non existat, existentia tamen donari potest. Hinc *mons aureus* non est ens rationis, sed ens possibile, quod in rerum natura a Deo produci posset.

Ens rationis fit quandoque ex mera locunditate meroque lusu rationis, sicut cum distinguo *ensem a gladio*; quandoque autem habet fundamentum in rerum natura: sic non existit

*genus* vel *species*, sed in natura fundamentum est, ut genus et species distinguamus. In primo casu ratio quidem ratiocinatur, sed nihil est ratiocinatum, nullumque fundamentum; unde recte dicitur ens rationis mera *ratiocinantis*. In altero vero casu est aliquid ratiocinatum, aliquodve fundamentum; unde vocatur ens rationis *ratiocinata*.

In presenti vero quæstione per ens rationis quod est objectum Logicæ intelligunt Thomistæ illam artificiosam dispositionem quæ non existit in rebus, sed ipsam mens in illis facit cum illas ordinat per modum definitionis, divisionis, propositionis, syllogismi, etc... Quibus expositis, sit.

VI. — **Secunda conclusio.** Objectum formale Logicæ non sunt voces, nec etiam tres mentis operationes; sed ens rationis ut *directivum trium mentis operationum*.

Prima pars est manifesta, nisi contendamus Logicam non distingui a grammatica, quæ de vocibus occupatur, vel alimurle admittamus objecta scientiarum esse mera nomina. Probatur itaque II<sup>a</sup> et III<sup>a</sup> pars, nam eadem argumenta pro utraque militent.

Arg. I<sup>um</sup>. Cum Logica sit ars artium, debet spectari ejus objectum sicut in cæteris artibus. Atqui in cæteris artibus, licet actio artificis quæ per artem dirigitur sit materia directionis artis, objectum tamen artis non est talis actio, sed opus quod ars considerat, efficit et construit: sicut in arte statuaria objectum est statua, et in arte textili objectum est tela. Ergo in Logica, licet actio mentis sit materia directionis Logicæ, objectum tamen non est talis operatio; sed id quod Logica considerat, efficit et construit per modum cujusdam operis. Sed id quod Logica efficit et construit per modum cujusdam operis est illa artificiosa dispositio quæ dicitur ens rationis. Ergo ens rationis est objectum Logicæ.

Arg. II<sup>um</sup>. Objectum Logicæ est id quo Logica distinguitur a cæteris Philosophiæ partibus, nam facultates et scientiæ distinguuntur per objecta formalia. Atqui Logica distinguitur a cæteris Philosophiæ partibus eo quod ens rationis consideret. Ergo ens rationis est objectum Logicæ.

Prob. Minor. — Teste D. Thoma, ordo quem ratio consi-

derat, sed non facit, pertinet ad Philosophiam Naturalem; ordo quem ratio considerando facit in proprio actu pertinet ad *Rationalem* Philosophiam; ordo autem actionum voluntatis pertinet ad considerationem Moralis Philosophiæ (1). Sed ordo quem ratio et considerat et facit est ens rationis. Ergo Logica distinguitur a Philosophia Naturali et a Morali eo quod consideret ens rationis. Concludamus ergo cum D. Thoma (2). *Ens rationis est proprie subjectum Logicæ.*

**VII. — Solvuntur difficultates.** 1<sup>o</sup> Objectum directivum rationis non est posterius actu rationis. Atqui ens rationis est posterius actu rationis. Ergo ens rationis non potest esse objectum directivum rationis.

Resp. Disting. min.: Ens rationis est posterius actu rationis, in ratione effectus, concedo; in ratione finis, nego. Et nego consequentiam.

Expliciter solutio. Ens rationis producit a mente; ex qua parte consequitur mentis operationem et est posterius ipsa; sed ens rationis, ut est quoddam opus artificiosum, directivum est intellectus, et ad ipsum comparatur sicut finis: quo modo prius est intellectus et operatione ipsius.

2<sup>o</sup> Scientia, ne vana sit, debet habere pro objecto aliquid reale. Atqui ens rationis nihil habet reale. Ergo non est objectum scientiæ logicæ.

Resp. Disting. maj. Debet habere pro objecto aliquid reale vel immediate vel mediate et fundamentaliter, concedo; semper immediate, nego. Fictitia enim dici nequit cognitio cui respondet a parte rei aliquod verum fundamentum. Ad minorem dico, ens rationis ratiocinantis nihil habet reale, concedo; ens rationis ratiocinatæ, nihil habet reale immediate, concedo; mediate et fundamentaliter, nego. Disting. conseq.: ergo ens rationis ratiocinantis non est objectum Logicæ, concedo; ens rationis ratiocinatæ, nego.

3<sup>o</sup> Objectum formale est id quod per se intenditur. Sed nullus intendit per se ens rationis. Ergo.

Resp. dist. min. Ens rationis nude sumptum non intenditur

per se, concedo; ens rationis ut est directivum mentis operationum non intenditur per se, nego; hoc enim modo habet rationem finis respectu intellectus et potest per se intendi, sicut per se intenditur finis. Distinguo conclusionem: ens rationis unde consideratum, ut est merum ens rationis, non est objectum Logicæ, concedo; ut est directivum et quodam modo finis intellectus, non est objectum formale Logicæ, nego.

**VIII. — An Logica sit scientia.** Nonnulli ex Cartesianis continent Logicam esse artem dumtaxat. Scholastici communiter inter scientias Logicam recensent; sed disputant utrum speculativa sit an practica. Speculativam esse tenent Scotus, Capreolus, Joannes a S. Thoma, Goudin; practicam vero Fonseca, Cominlicenses; partim autem practicam partim speculativam, Vasquez, Suarez.

**IX. — Prima conclusio: Logica est vera scientia.** Probat. Disciplina quæ habet actus demonstrativos est scientia. At Logica habet actus demonstrativos. Ergo. Declaratur minor. Logica non sistit in tradendis regulis, sed regulas probat. Sic demonstrat definitionem constare genere et differentia, tunc contradictorias non esse simul veras, ex illo principio: *Quodlibet est vel non est*; syllogismum constare tribus terminis; novemdecim esse legitimos syllogismorum modos, etc. Ino tractando de conclusione probabili, Logica hoc demonstrative facit, nam demonstrative ostendit quo modo sit procedendum ad conclusiones probabiles inferendas.

Altera autem questio videtur esse de nomine. Si enim practicum intelligatur quod tendit ad opus sive extra sive intra intellectum, Logica certe est practica, quippe quæ regulas ad usum applicat, opusque facit intra intellectum.

At ex doctrina Aristotelis et D. Thomæ praxis designat operationem alterius potentiæ ab intellectu.

Rectius ergo videtur esse dicendum:

**X. — Secunda conclusio: Logica est scientia tota speculativa.** Probat. Illa scientia tota speculativa est quæ ad nihil aliud ordinatur nisi ad ipsum scire. Atqui Logica ad nihil aliud ordinatur nisi ad ipsum scire. Ergo.

Major liquet. Scire enim est veritatem contemplari; quod ergo nullum aliud munus habet nisi scire ad solam contemplationem ordinatur.

Proh. minor. 1<sup>o</sup> Totus scopus Logicæ est ut doceat scire, ut faciat scire, ut *sciat scire*. Imo, quando applicat regulas ad usum, hoc facit in ordine ad scire, quatenus mens in sua inquisitione recte procedat, seu, ut *sciat scire*.

2<sup>o</sup> Objectum Logicæ ordinatur tantum ad scire; ens quippe rationis est mere speculabile, nec ullatenus concipitur ut ordinabile ad praxim.

3<sup>o</sup> Modus procedendi Logicæ ordinatur tantum ad scire; non enim considerat circumstantias singulares in quibus est praxis, sed solum definitiones, divisiones, syllogismos modo abstracto.

*Obijciuntur.* — Logica applicat ad opus — atqui applicatio ad opus est praxis. Ergo Logica est practica.

Resp. Disting. Maj. — Applicat ad opus quod est ipsum scire, concedo; ad aliud opus, nego. Contradistinguo min.: Applicatio ad opus quod est ipsum scire est praxis, nego; applicatio ad aliud opus, concedo; et nego consequ.

Solutio patet ex dictis. Cum scire sit tantum speculari, applicatio ad scire est mere speculativa. Porro, ut diximus, applicatio et usus Logicæ est in ordine tantum ad scire, et intra intellectum. Ergo.

**XI. — Logicæ divisio.** Nota est divisio in Logicam *naturalem* et *artificialem*, sed hic solum de divisione Logicæ artificialis disserimus. Celebris autem apud Scholasticos est divisio in Logicam *Minorem* et Logicam *Majorem*.

Prima tradit regulas et præcepta, et circa questiones faciliores versatur; secunda autem questiones magis abstrusas evolvit; agit de natura universalium, veritatis et certitudinis, de mediis ad veritatem et certitudinem perveniendi, de natura et divisione scientiarum, etc. A Modernis Minor vocatur specialiter *Dialectica*, licet dialectica designare possit totam Logicam; Major autem *Critica*, seu *Judicativa*, quia inquirat et iudicat de natura et fundamentis nostræ certitudinis. Logica Minor, quia fere tota occupatur circa structuram et formam

argumentationis, dicitur a Scholasticis *Formalis*. Quæ probe distinguenda est a Logica *Formali* recentiorum Idealistarum, præsertim Kantianorum, et Herbartii sectatorum, qui asserunt Logicam versari tantum circa formalitates subiectivas mentis, nullo habito respectu ad res, seu objecta, quæ formis cogitandi respondent. Hæc perperam omnino dicuntur. Sive enim considerentur conceptus, sive definitiones, de quibus agit Logica, sive principia ex quibus procedit, sive syllogismi quos concludit, perspicuum est Logicam importare ordinem ad objecta et res. Nam conceptus referuntur ad objecta; definitiones ad res definitas; principia autem contradictionis et identitatis intelligi nequeunt si abstrahant a realitate rerum; syllogismi etiam ordinantur ad causas rerum demonstrandas. Ergo, conceptus, definitiones, principia, ratiocinia ordinem important ad res, nec sunt puræ et vanæ formalitates. Non datur itaque Logica *Formalis* in sensu recentiorum.

Nec sub silentio præterenda est divisio in Logicam *Docentem* et *Utentem*. Docens est quæ tradit et explicat regulas; Utens vero quæ principia ad usum relligit. Porro Logica est utens quando in propria materia facit demonstrationes vel syllogismos probabiles; imo etiam quando præbet aliis scientiis modum practicum procedendi artificiosè per formam syllogisticam. Docens et Utens non sunt diversæ scientiæ, nam docere et applicare sunt actus subordinati quorum alter ex altero oritur: designant igitur varia ejusdem facultatis munia. Ita Thomistæ communiter.

**XII. — Præstantia Logicæ.** In dubium verti non potest. « Hæc est enim ars artium, scientia scientiarum, disciplina disciplinarum. Hæc docet docere, hæc docet discere; in hac seipsa ratio demonstrat, atque aperit quæ sit, quæ velit, quæ valeat. *Scit scire*, sola scientes facere non solum vult, sed etiam potest (1). » An et qua ratione sit necessaria breviter dicendum est.

**XIII. — Prima conclusio:** Ad acquirendas scientias in statu imperfecto, non requiritur Logica artificialis. Probat.

1. ARISTOTELIS, *de Ordine*, lib. II, cap. xiii.



Scientia in statu imperfecto est cognitio vera et certa per demonstrationem acquisita, quæ tamen non intima rei penetrat, nec potest facile et expeditè suas conclusiones ab impotentibus defendere. Porro ad huiusmodi cognitionem sufficit Logica naturalis; ratio quippe humana habet virtutem sese naturaliter evolvendi; ratiocinium quoque est actus maxime naturalis; ex principiis enim evidentibus hominibus, etiam inentibus, sponte sua eruit conclusiones, quæ fiunt aliarum demonstrationum principia.

**XIV. — Secunda conclusio: Logica artificialis necessaria omnino est ad cæteras scientias perfecte addiscendas.** Probatur. Qui leges discursus non perfecte callet, nequit bonitatem aut vitium discursus cum promptitudine et primo intuitu apprehendere; nequit analysim suarum actuum instituere; nec ad primas certitudines valet ascendere. At vero huiusmodi cognitionem, quæ in suis discursibus hæret, quæ nescit sue certitudinis analysim instituere et fundamenta rimari, perfectam nemo dicit. Ergo qui non rallet Logicæ et discursus leges scientia perfecta non potitur. Quo vero clarius appareat quænam habeat Logica influxum in cæteras scientias, statuitur.

**XV. — Tertia conclusio: In demonstrationibus aliarum scientiarum forma syllogistica efficitur a Logica.** Quando nempe, in Theologia, in Physica etc., demonstrationem syllogisticam facimus, Logica est quæ ordinat res Theologicæ aut Physicæ per modum syllogismi.

Probatur. Objectum formale Logicæ ad solam Logicam pertinere debet. Atqui objectum Logicæ est ens rationis, seu ista artificiosa dispositio per modum definitionis, propositionis, syllogismi, etc. Ergo ens rationis et syllogismus, ad solam Logicam pertinet. Ergo etiam in aliis scientiis syllogismus efficitur a Logica. Ipsa itaque producit formam demonstrationum in omnibus scientiis. Dicimus *formam*, quia duo sunt distinguenda, forma nempe demonstrationis et assensus demonstrationi præstitus. Assensus porro ad Logicam non pertinet, sed ad scientias illas quæ Logica utuntur: sic in de-

monstratione theologia assensus theologicus est. At forma syllogistica ipsi Logicæ adscribitur tamquam objectum proprium et formale. Ita Thomistæ communiter contra Sanseverino et alios.

**XVI. — Logica est omnia et nihil.** Ellatum celeberrimum, quod sic intelligendum est: Logica est omnia in potentia, quia docet modum procedendi in omnibus scientiis, unde qui perfecte Logicam noverit facile potest omnes artes et scientias capere. Est *nihil*, quatenus versatur circa ens rationis, et quatenus non docet ipsas res, sed modum procedendi in rerum cognitione.

**XVII. — De Logicæ fortuna.** A remotissimis temporibus perhibetur vixisse Logica, etiam apud Indos et Sinenses. Gotama, philosophus, refertur quemdam argumentationis modum syllogismo affinem adinvenisse. Græci præsertim Logicæ cultores extiterunt; Aristoteles omnes cogitandi et ratiocinandi leges penitus rimatus est et in suis *Analyticis* et *Perihermenias* sapientissime exposuit. Alii e regione, ut Gorgias et Protagoras, Logica abuti ipsamque in Sophisticam convertere conati sunt. Neoplatonici cum Porphyrio *rationalem* scientiam excludere. Media ævo quam latissime floruit Logica, ejus subtilitatibus nonnulli plus æquo furte imbuterunt. Orta autem philosophia quæ dicitur moderna despicitur Logica, et hinc veritatum diminutio.

Transcendentales vero Germani cum Hegel Logicæ notionem pervertunt omniaque reductunt ad subjectivas cogitandi formas. Restaurata demum a Leone XIII genuina Scholasticorum methodo, iterum in scholis Logica gradum suum obtinet.

**XVIII. — Scriptores de re logica.** Inter alios consuli possunt ARISTOTELES, in diversis operibus quæ *Organum* constituunt; PORPHYRIUS, *Isagoge*; BOETIUS, *Comment. in Aristot.*; S. THOMAS, *Summa Logicæ*, *Comment. in Aristot.*; DUMINICKUS SOTO, *Logica*; ALAMANNUS, JOANNES A. S. THOMA, GUEDIN; BOSSUETIUS, *Logique*; SANSEVERINO, PESCH, etc. Extra Scholasticos, BACO, *Novum Organum*; CARTESIUS, *discours de la méthode*; LEIBNITZ, *Nou-*

*veaux essais*, Auctores libri : *Logique de Port-Royal* ; KANT, *Logique* ; HEGEL, *Logique* ; HAMILTON, *Lectures of Logic* ; STUART MILL, *Système de Logique* ; BAIN, *Logique inductive et déductive* ; RENOUVIER, *Logique* ; BABIER, *Logique* ; P. GRATRY, BALMES, etc.

## LOGICA MINOR, SEU DIALECTICA

Cum dialecticæ munus sit mentem in veritatis cognitionem dirigere, ut finem suum rite obtineat, debet mentem in omnibus propriis actibus instruere. Triplex porro est actus mentis : Apprehensio, judicium et ratiocinium.

In prima quidem operatione est una tantum notio seu conceptus, quo mens aliquit cognoscit quin tamen affirmet vel neget ; in secunda vero operatione mens duas comparat notiones quarum affirmatione vel negatione efformat judicium ; in tertia deinceps operatione duo judicia copulantur ut tertium effluat.

Apprehensio ergo præcedit judicium, et judicium præsupponitur ratiocinio, nam conceptus apprehensionis sunt elementa judicii, et ipsa judicia sunt elementa ratiocinii.

Ars autem imitari debet naturam ; hinc in tres partes communiter dividitur dialectica : *de simplici apprehensione*, *de judicio*, *de ratiocinio*.

At singulæ mentis operationes signo externo manifestantur : signum quidem simplicis apprehensionis est *terminus*, signum vero judicii est *propositio*, signum tandem ratiocinii est *argumentatio*, cujus præcipua species est *sylogismus*.

Dialectica igitur disserere habet de terminis, propositione et syllogismo.

Tripartitus ergo erit noster Tractatus.

I<sup>us</sup> De simplici apprehensione, ejusque signo, nempe termino ;

II<sup>us</sup> De Judicio ejusque signo, nempe propositione ;

III<sup>us</sup> De Ratiocinio ejusque signo, nempe argumentatione, et præsertim de syllogismo.

## TRACTATUS PRIMUS

## DE SIMPLICI APPREHENSIONE EIUSQUE SIGNO

Explorandum est imprimis quid sit simplex apprehensio, quomodo fiat quibusve constet elementis.

Ista porro elementa sunt conceptus, ideæ. Hinc disserendam de conceptibus et ideis, non prout considerantur in Psychologia, sed prout sunt logica elementa simplicis apprehensionis.

## QUÆSTIO PRIMA

## De elementis simplicis apprehensionis.

## ARTICULUS PRIMUS.

## PRÆNOTIONES GENERALES

**I. — Quid sit cognitio.** *Est animæ operatio vitalis et immanens per quam aliquid animæ manifestatur.* Prima conditio est ut procedat ab anima saltem sensitiva tanquam a primo principio. Rationem modo assignabimus (no. III.) Hinc omnibus quæ anima sensitiva caret repugnat cognitio; ubicumque vero anima sensitiva adest, potest cognitio dari. At eo ipso

quod hæc operatio procedat ab anima, est vitalis. Jam vero de ratione actus vitalis est, prout in Psychologia exponetur, ut sit immanens.

Operatio porro dicitur *transiens*, quando terminus est extra subjectum, in externa materia, sicut *scribere, secare*; dicitur autem *immanens*, cum terminum habet in ipso agente; sicut *meditari, velle* remanent in ipso subjecto meditante et volente. Cognitio ergo est operatio quæ remanet in ipso cognoscente, et ordinatur ad propriam cognoscentis perfectionem.

Secundo, requiritur ut per ipsam aliquid animæ manifestetur. Per cognitionem quippe anima sibi aliquid extrinsecum assimilât, et sibi assimilando illud sibi manifestum facit. Hoc maxime apparet in cognitione sensus externi, quæ est visio; dicimur enim *videre*, quando per visum aliquid nobis ostenditur. Quis autem cognitio dici potest visio lato sensu; hinc omnis cognitio est quidam manifestatio et illuminatio.

**II. — Cognitionis elementa.** Quia cognitio est manifestatio, apparet duo elementa requiri: id cui sit manifestatio, seu id quod cognoscit, et id quod manifestatur. Primum est facultas seu potentia; alterum vero objectum. Hinc axioma: *Ex objecto et potentia paritur notitia.* Porro, ut objectum cognoscatur, debet potentiam afficere, potentiam tangere, potentiam miri. Quo vero pacto objectum erit potentiae præsens? Duplex tantum modus excogitari potest: vel objectum est præsens potentiae secundum seipsum in suo esse physico; vel fit præsens per aliquid quod sit sui vicarium. Jam vero liquet primum modum possibilem non esse: ut cognoscam arborem, non deheo arborem habere physico meæ facultati unitum. Fieri ergo debet præsens per aliquid quod sit vicarium et representativum sui. Hoc autem esse vicarium et representativum objecti dicitur esse *intentionale* vel *ideale*. Cognitio ergo paritur ex potentia et objecto *intentionaliter* potentiae unito.

**III. — Cognitionis divisio.** Quia cognitio requirit ut objectum sit facultati præsens secundum esse intentionale, entia quæ non possunt recipere modo intentionali formas aliarum

rerum necessario cognitione carent. Viventia porro vegetativa tantum, sicut plantæ, non recipiunt alia entia secundum esse quoddam representativum et ideale, sed unice secundum esse materiale et physicum; quare dari nequit cognitio vegetativa.

In his autem quæ habent vitam sensitivam vel intellectivam recipiuntur formæ aliarum rerum modo intentionali: sic canis potest arborem in se recipere per aliquam arboris similitudinem. Datur erga duplex cognitio in genere: *sensitiva* nempe et *intellectiva*. Sensitiva est actus facultatis organica, quæ extendit se tantum ad materialia et singularia; intellectiva vero est actus facultatis spiritualis, ac proprie circa essentias rerum, circa spiritualia, universalia, versatur. Cognitio sensitiva dicitur *sensatio*; intellectiva autem est *cogitatio*, *intellectio*.

IV. — *Species sensibilis* — *phantasma*, *idea*. Commune est utriusque cognitioni quod objectum sit præsens facultati intentionaliter. Hoc autem esse intentionale dicitur *species*, quia est rei similitudo. Species quidem qua fit cognitio sensitiva est *species sensibilis*; et definitur: *Similitudo rei in sensu*.

At sensus sunt externi vel interni. In utraque autem cognitione, tum externa, quæ fit per sensus externos, tum interna quæ fit per sensus internos, ut est imaginatio, adsunt species sensibiles; sed species sensibilis, prout est representatio in phantasia existens, vocatur a Scholasticis *phantasma*.

Species vero qua fit cognitio intellectiva est *species intelligibilis* seu *idea*. — Definitur: *Similitudo rei in mente existens*. Sedula distinguenda est a specie sensibili.

Commune hoc utraque habet quod sit vicaria objecti; sed 1<sup>o</sup> species sensibilis informat tantum facultatem organicam, id est, sensum; idea vero informat facultatem spiritualem; 2<sup>o</sup> species sensibilis representat tantum sensibilia et singularia, idea vero representat etiam immaterialia et universalia, vel singularia et materialia universali et spirituali modo.

V. — *Verbum* — *Conceptus*. Ad intellectionem requiritur ut objectum sit præsens non solum per speciem intelligibi-

lem, sed etiam in ratione termini actu cogniti. Cum enim quælibet actio terminum habeat, in intellectione etiam debet esse aliquis terminus, qui sit imago rei actu intellectæ. Hæc porro imago rei actu intellectæ dicitur *terminus mentalis*, vel etiam *verbum mentale*, *species expressa*, quia per illam mens sibi dicit, et exprimit objectum. Dicitur quoque *conceptus*, cum sit quidam partus mentis objecto accumulatus. — Verbum porro mentale realiter differt a specie intelligibili, quæ dicitur species impressa. Nam hæc est *principium* intelligendi, verbum autem mentale est *terminus* intellectionis; species quippe intelligibilis movet intellectum ad agendum et verbum est id in quo actio intellectus terminatur et quiescit.

Rursus autem conceptus in duplici usurpatur sensu, unde distinguitur conceptus *formalis*, et conceptus *objectivus*. Et enim conceptus habet ordinem et ad objectum cuius est imago, et ad intellectum cuius est actus. Sub primo respectu, dicitur *objectivus*, cum sit ipsum objectum idealiter; sub altero autem respectu dicitur *formalis*, seu *subjectivus*, quia est affectio quædam subjectiva mentis. Hæc autem sunt inter utrumque differentie. 1<sup>o</sup> Conceptus objectivus est ipsum objectum in mente actu expressum, conceptus vero formalis est affectio mentis actu percipientis objectum; 2<sup>o</sup> conceptus formalis est semper res positiva, singularis sicut ipse intellectus; conceptus autem objectivus potest esse ens rationis, ens universale, sicut objectum cuius vices gerit.

VI. *Intentio*, *notio*, *notæ*. Intentio designat actum quo mens in aliquid tendit, vel quo mens id quod apprehendit ordinat ad aliquid aliud cognoscendum et operandum; dicitur intentio *prima*, si tendit ad ens reale, intentio vero *secunda* si tendit ad ens rationis. — Insuper aliquando intentio designat ipsam rem ad quam tendit actus. Unde distinguitur intentio *formalis* et intentio *objectiva*, sicut dictum est de conceptu: intentio formalis est ipse actus tendens ad objectum, intentio autem objectiva est ipsum objectum ad quod tendit actus.

Intentio dicitur *notio* quatenus est propria ratio qua res menti innotescit.

Notio confundenda non est cum *nota*. Nota in genere est

in quo res cognoscitur et ab aliis discernitur; unde notæ idearum dicuntur illa elementa quibus res per ideam representata in se cognoscitur et ab aliis discriminatur. Sic *animalitas* et *rationalitas* sunt notæ ideæ *hominis*; *animalitas* et *humilitas* sunt notæ ideæ *equi*.

Res porro distinguitur ab aliis primo quidem per elementa essentialia et hæc vocantur notæ *essentiales*, *necessariæ*; secundario vero per accidentia, et hæc dicuntur notæ *contingentes*.

**VII. — Simplex apprehensio.** Est mentis operatio qua intelligimus essentiam rei, quin tamen de illa aliquid affirmamus vel negamus.

Duo igitur impartat simplex apprehensio: 1<sup>o</sup> quod sit cognitio manifestans aliquid menti, nimirum quæ sit rei essentialia, 2<sup>o</sup> quod affirmatione et negatione careat. Hoc autem ultimum contingere potest, vel quia apprehendens est perfectissimus, uno ac simplici intuitu videns omnia quæ sunt in re, quin affirmare vel negare indigeat, ut est Deus; vel e contra, quia imperfecte cognoscit, et ab affirmatione vel negatione abstinere, eo quod nondum videat nexum inter subiectum et predicatum. Hæc est apprehensio quæ initium est cognitionis humane et de qua hic agitur.

Omnis simplex apprehensio sit quidem per ideam tum impressam tum expressam. Sedulo tamen distinguenda est a speciei; apprehensio quippe est actus cognoscitivus, species autem impressa est illius actus principium, species vero expressa terminus.

**VIII. — Diversi actus qui reducuntur ad apprehensionem.** Sunt *abstractio*,  *attentio*, *consideratio*, *contemplatio*.

*Abstractio* in triplici præcipue sensu potest sumi:

1<sup>o</sup> Designat separationem formæ a subiecto, ut si considerem scientiam separatim a subiecto sciente, virtutem a virtuoso, albedinem a subiecto alio. 2<sup>o</sup> Designat actum qui universale eruitur ex singulari, sicut ex hac arbore quæ sensum percipit intellectus eruit ideam arboris in genere. 3<sup>o</sup> Designat actum quo mens ex diversis quæ sunt in eodem objecto ali-

quid separatim considerat. Est ipsa simplex apprehensio prout est cognitio unius non cognitis aliis quæ huic adjuncta sunt. Mens nempe alias notis negligit ut unam consideret *separatim*, licet non separatim a cæteris. Hæc abstractio dicitur etiam *præcisio*. Scholastici porro duplicem distinguunt præcisionem: *objectivam* nempe et *formalem*. *Objectiva* est quum ea quæ ab invicem præcisebantur, licet non realiter diversa, ita in mente distinguuntur ut conceptus unius non includat conceptum alterius. Abstractio, v.g. animalitatem a rationalitate: in homine, re quidem sunt idem animal et homo, attamen conceptus animalitatis non includit necessario conceptum rationalitatis. Hoc easdem abstractio, habens fundamentum ex parte objectorum, merito dicitur *objectiva*. — *Formalis* vero est quum res præcisæ ita nominantur ut conceptus unius includat conceptum alterius sicut ratio *veri* includit conceptum *entis*. Hæc abstractio vocatur etiam *per modum includentis et inclusi* et *per modum expliciti et impliciti*.

*Attentio* est applicatio mentis reducta ad aliquid unum præ cæteris considerandum. Mens quasi ab aliis objectis fugit ut obtutum suum in unum ligat, sive illud sit una indivisibilis notio, sive plures notiones continet.

*Consideratio* est attentio prout specialiter et gradatim ad singulas partes objecti descendit; licet in genere designet omnem mentis operationem.

*Contemplatio*, juxta Richardum a S. Victore, est liber et perspicax intuitus animi in res percipiendas. Est igitur quædam simplex apprehensio perfectioris generis.

## ARTICULUS SECUNDUS

## DE DIVISIONE CONCEPTUUM

**I. — Quatuor divisionis fontes.** Quia simplex apprehensio fit per ideas seu conceptus, tractatus de prima operatione disserere habet de divisione conceptuum.

Conceptus porro, ut diximus, est expressio objecti in mente existens. Fundamentalis ergo conceptuum divisio desumenda est ex ipsis objectis et ex maiore vel minore extensione objectorum. At objectum potest perfectiori vel imperfectiori modo representari: hinc secundus fons divisionis. Conceptus demum inter se comparari possunt, et hinc tertius fons divisionis; et in ordine ad mentem a quo originem ducunt, et hinc quartus fons divisionis. Ita communiter.

**II. — Ex parte objecti, conceptus est positivus vel negativus.** *Positivus* dicitur ejus objectum est aliqua entitas, ut *vita, lux*; *negativus* autem ejus objectum est earentia vel privatio entitatis. Quia vero nihilum non potest secundum se intelligi, idea negativa non representat ipsum nihilum, ut putat Hegel, sed duo importat: 1<sup>o</sup> entitatem, 2<sup>o</sup> negationem hujus entitatis. Sic conceptus *mortis* exhibet *vitam ut negatam*, conceptus *tenebrarum* *lucem ut negatam*.

Distinguitur etiam conceptus *positivo-negativus*, cujus objectum est entitas positiva, quæ tamen propter suam perfectionem et intellectus nostri imperfectionem, per modum ejusmodi negationis intelligitur. Sic est conceptus *infiniti*. — Objectum quidem est maxime positivum, at ejus conceptus

importat duplicem negationem: limitem nempe et negationem limitis.

**III. — Conceptus simplex, conceptus compositus.** Juxta plures recentiores conceptus *simplex* ille est qui exhibet menti unum simplex elementum, unam tantam notam ut *eus*. *Compositus* vero est qui exhibet plures notas, sicut *homo* constat ex nota *animalitatis* et nota *rationalitatis* (1).

E contra, juxta scholasticos, simplex est qui representat unam essentiam indivisibilem, licet forte pluribus notis constantem; compositus vero est qui representat essentiam multiplicem; sic conceptus *poetæ* includit essentiam *hominis* et formam accidentalem *poetæ*.

Modus autem loquendi Scholasticorum præferendus est. Nam conceptus mensuratur ex essentia quam representat. Sed essentia potest esse indivisibilis licet pluribus notis constet: unica enim et indivisibilis est *hominis* essentia, quæ tamen includit animalitatem et rationalitatem. — Ergo conceptus indivisibilis et simplex est, licet plures notas exhibeat, dummodo illæ notæ inseparabiles sint ab invicem.

**IV. — Conceptus geometricus et purus.** *Geometricus* significat materiam vel extensionem, ut est *corpus, angulus*; conceptus vero *purus* exhibet rem ab omni materia abstractam, ut est *Dens, anima, veritas*. Distinguit Kantius conceptum *purum, empiricum et mixtum*. *Purus* conceptus est qui ab experientia non originatur; *empiricus* qui ab experientia dependet, *mixtus* vero qui ex utroque participat.

**V. — Conceptus concretus et abstractus.** Conceptus *concretus* dicitur qui designat simul subjectum et formam quæ subjectum afficitur et denominatur; sic *homo* designat simul et formam humanitatis et subjectum quod humanitate afficitur.

1. Ita etiam opinatur Lockius, ideam simplicem vocans quæ in plures notas resolvi nequit sed uniformem conceptionem producit. Cui sententiæ aliquatenus accedit Leibnitz, ideam compositam habens quæ refertur figuræ et motus multiplices.

Conceptus autem *abstractus* designat solum formam a subiecto separatam; sicut est *humanitas*, *virtus*.

Triplex porro est species concreti. Si forma concreti est subiecta intrinseca et essentialis, ut *humanitas* in homine, habetur concretum *metaphysicum*; si autem forma est intrinseca quidem, sed non essentialis, ut *virtus* in virtuoso, habetur concretum *physicum*; si demum forma nec essentialis nec intrinseca, sed extrinseca tantum est, ut *honor* in honorato, habetur concretum *logicum* (Zigliara).

Concretum et abstractum speciem habent significationem cum numeris applicatur. Numerus enim concretus designat multitudinem rerum determinatarum, v. g. *centum homines*; abstractus vero multitudinem rerum quorumcumque, v. g. *centum*.

VI. - Conceptus intentionis primæ et intentionis secundæ. Conceptus *realis* seu intentionis primæ ille est cujus obiectum habet esse extra mentem; conceptus autem *logicus* seu intentionis secundæ est cujus totum esse obiectivum est in mente et a mente. Rerte quidem dicitur intentio *secunda*, quia, sicut cognitio rei sequitur entitatem rei, ita status essendi in cognitione est secundus respectu status essendi in re, qui est primus.

VII. — Conceptus singularis et universalis. Objectum conceptu expressum potest ad plura se extendere vel uni tantum esse proprium. Unde divisio in conceptum *singularem* et *universalem*.

*Singularis* est cujus obiectum ita restrictum et determinatum est ut nomines ejus determinationes simul acceptæ non possint convenire pluribus; quo fit ut sit penitus incommunicabile. Hoc obiectum est individuum, de quo est axioma: *Individuum est incommunicabile*. Cur vero ita restrictum et determinatum est? Quia habet quasdam notas, quædamve principia individuantia quorum collectio ipsi soli convenit. Hæc autem sunt principia individuantia.

« *Forma, figura, locus, stirps, tempus, patria, nomen.*  
Hæc ea sunt septem quæ non habet unus et alter. »

*Figura* designat tum vultus lineamenta tum dispositionem membrorum et partium; *forma* vero designat sive quamlibet qualitatem figuræ inherentem sive temperamentum et complexionem corporis; *stirps* parentes; *nomen* vocabulum proprium, ut *Socrates*.

— Conceptus autem *universalis* dicitur cujus obiectum est communicabile pluribus subiectis; sicut *substantia* pluribus communicatur, nam homo est substantia, lapis est substantia.

Illa porro subiecta quibus communicatur universale dicuntur *inferiora*, et ipsum universale se habet ut superius: *Homo* est inferius respectu *animalis*, *Petrus* est inferius respectu *hominis*. Universale excedit quidem inferiora in *extensione*, sed inferiora excedunt universale in *comprehensione*. *Extensio* conceptus designat numerum subiectorum quibus applicatur; *comprehensio* vero numerum elementorum seu notarum quibus constat. Universale porro se extendit ad plura subiecta quam ipsius inferiora; *animal* plura habet subiecta quam *homo*, quippe quod se extendit et ad hominem et ad bovem; sed universale pauciores habet notas quam inferiora. *Homo* sibi vindicat omnes notas quæ sunt in *animali*, et insuper aliquam notam quæ in conceptu animalis non includitur, nimirum *rationalitatem*; pariter Petro adscribuntur omnia elementa quæ sunt in *homine*, et insuper principia individuantia, quæ non includuntur in hominis conceptu. Ergo universale excedit inferiora in extensione, sed exceditur ab ipsis in comprehensione.

VIII. — Conceptus particularis et generalis. *Particulare* confundendum non est cum *singulari*, nec *universale* cum *generali*. Conceptus *particularis* est conceptus universalis sumptus cum quadam restrictione, v. g. *aliqui homines*. Conceptus autem *generalis* est conceptus universalis absque restrictione acceptus. Potest ergo dari conceptus universalis qui non sit generalis. Universale opponitur tantum singulari; particulari autem opponitur proprie generale. Aliquando tamen terminus particularis potest ex adjunctis designare individuum, et tunc non est conceptus universalis, sed singularis, ut si dicam: *Aliquis homo fuit immediate a Deo creatus*; manifestum est agi de Adamo.

**IX. Conceptus particularis dividitur in particularem determinatum et particularem indeterminatum.** Primus dicitur qui convenit quidem pluribus, sed designat aliquam determinatam individuum categoriam, ut si dicam: *aliqui homines electi sunt a Christo ad predicandum evangelium*, hic sermo est de duodecim Apostolis. Si vero conceptus non designet specialiter certa individua, dicitur *indeterminatus*, v. g. *aliqui homines ambulant*.

**X. — Conceptus generalis dividitur in distributivum et collectivum.** Conceptus dicitur *distributivus*, quum res quam exprimit convenit omnibus et singulis individuis sub universali contentis, v. g. *homo* convenit omnibus individuis humanis et simul et divisivo sumptis; conceptus autem *collectivus* designat aliquam communitatem pluribus simul, non autem separatim et divisivo sumptis. Res nempe significata convenit toti quidem collectioni, ut non singulis quæ collectionem efformant; *exercitus*, *agmen*, *ciuitas*, non attribuntur cuiuslibet militi aut quilibet civi.

Conceptus distributivus et collectivus in hoc conveniunt quod uterque significet aliquid commune pluribus et aliquam unitatem inter plura; sed aliunde maxime differunt. Conceptus scilicet distributivus importat unitatem naturæ inter plura individua, unde hęc natura potest singulis individuis attribui, sicut natura humana singulis hominibus; conceptus autem collectivus importat tantam unitatem ordinis, et quia non quodlibet individuum est ordo, ideo non potest conceptus collectivus de singulis individuis predicari: sic exercitus non predicatur de quolibet milite. A distributivo igitur ad collectivum non valet sequela. Distributivus iterum dividitur in univocum et analogum, ut dicitur articulus sequens.

**XI. — De secunda partitione conceptuum nempe ex modo representandi.** Conceptus *clarus* ille est qui objectum ita representat ut id possit facile ab aliis discerni. Conceptus vero *distinctus* ita exprimit objectum ut id possimus non solum ab aliis discernere, sed etiam notas quibus constituitur et ab aliis differt apprime cognoscere. Addit aliquid supra conceptum clarum; hinc omnis conceptus distinctus est cla-

rus, licet non omnis conceptus clarus sit distinctus. Conceptus *obscurus* opponitur conceptui clario; est ille cuius objectum non facile ab aliis discerni potest. Conceptus autem *confusus* opponitur conceptui distincto, non tamen conceptui clario. Sæpe enim contingit ut idem licet clarus in se, ob defectum tamen distinctionis, confusus fiant.

Conceptus distinctus dividitur in *completum* et in *incompletum*. *Completus* est conceptus *totius* representans omnes notas distincte; *incompletus* vero est conceptus vel non representans omnes notas, vel omnes non distincte. Iterum conceptus completus dividitur in conceptum *adæquatum* et conceptum *inadæquatum*. Non omnes auctores eodem modo definiunt. Alii conceptum adæquatum cum conceptu completo confundunt. Iuxta alios vero conceptus adæquatus est qui adæquat objectum, ita ut exhibeat omnia quæ sunt in ipso vel esse possunt, et exauriat ejus intelligibilitatem; quod si non præstet, erit inadæquatus. Rursus vero adæquatus dicitur *apprehensivus*, vel *comprehensivus*. *Apprehensivus* est qui exaurit objecti intelligibilitatem extensive, nempe quoad omnia objecta quibus applicatur; *comprehensivus* autem qui exaurit objecti intelligibilitatem *et extensive et intensive*, qui nempe clare et distincte repræsentat omnes perfectionis gradus qui in re sunt vel esse possunt, omnia quæ enim re ipsa relationem habent vel habere possunt. Hujusmodi conceptum solus Deus habet.


**XII. — De tertio fonte divisionis conceptuum, nempe ex comparisone idearum inter se.** Conceptus *identici* dicuntur qui eisdem notis constant, ut *Plato et Aristonis filius*; secus sunt *diversi*. Possunt autem esse identici ex parte, diversi vero ex alia parte; sicut *animal rationale* et *animal irracionale* sunt identici quoad notam animalitatis, diversi quoad cætera. Distinguunt nonnulli auctores identitatem et diversitatem *intrinsecam*, quæ afficit conceptus, aliam vero *extrinsecam* vel *objectivam* quæ reperitur in rebus. At non recte; conceptus enim mensuratur essentialiter ex objecto formali; unde si objectum formale est identicum vel diversum, conceptus necessario est identicus vel diversus: eadem ergo est diversitas intrinseca et objectiva.



Conceptus *associati* vel *pertinentes* dicuntur quorum alter necessariam habet connexionem cum altero ita ut illud necessarium aut includat, ut *pater* et *filius*, aut excludat, ut *lux* et *tuebræ*. Si vero unus non necessario alium excitat, dicuntur *disparati* vel *impertinentes*. Nexus porro in conceptibus associatis, potest esse *objectivus*, seu ex ipsis objectis proveniens, et triplex est: 1<sup>o</sup> *similitudo*, 2<sup>o</sup> *oppositio*, ut *vita* et *mors*, etc., 3<sup>o</sup> *causalitas*, ut *ignis* et *fumus* etc. Vel *subjectivus*, seu pendens ex conditione subiecti cognoscentis. Triplex est etiam: 1<sup>o</sup> *simultaneitas*, quia nempe isti conceptus habiti fuerunt eodem tempore, 2<sup>o</sup> *similitudo conditionum* in quibus fuerunt habiti; 3<sup>o</sup> *similitudo vel dissimilitudo effectuum* seu impressionum quas produxerunt.

Conceptus *compatibiles* seu *sociabiles* dicuntur qui eidem subiecta simul convenire et in unum conceptum conjungi possunt, ut *justitia* et *miseriordia*; conceptus autem *repugnantes* sive *insociabiles* quorum unus directe vel indirecte, ex parte vel ex toto importat negationem alterius, ut *vita* et *mors*, *virtus* et *vitium*. Hæc repugnantia vocatur oppositio, quæ quadruplex est: *contradictoria*, *privativa*, *contrarium*, *relativa*. De his loquemur in Postprædicamentis.

**XIII. — De quarta partitione conceptuum, nempe ratione originis seu in ordine ad mentem.** *Intuitivus* conceptus est quo res cognoscitur per speciem immediate ab ipsa re acceptam; *abstractivus* vero est quo res cognoscitur per speciem non ab ipsa re acceptam, sed ab alia in qua ipsa res representatur. Quæ ut intelliguntur, recedenda sunt quæ diximus de cognitione (art. I). Ut fiat cognitio, obiectum debet esse præsens cognoscenti; potest autem esse præsens vel secundum essentiam, sicut Deus est præsens menti Beatorum; vel per speciem propriam, id est a se ipsa emissam: sic oculus librum videt per speciem ipsam quam liber ingessit; vel tandem potest esse præsens per speciem ab alia re acceptam. Sic Petrum cognosco per speciem emissam a speculo in quo ejus imago resultat. In primo et secundo casu est cognitio intuitiva. Ad cognitionem igitur intuitivam non requiritur præsentia rei per essentiam, sufficit præsentia per speciem propriam: sic visio externa dicitur cognitio intuitiva licet obiectum non sit



in oculu per essentiam præsens. Vicissim omnis cognitio intuitiva dicitur *visio*, dum cognitio abstractiva dicitur *specularis*.

Conceptus *quidditativus* est conceptus intuitivus repræsentans clare, distincte, perfecte, et usque ad ultimam differentiam omnia predicata rei essentialia. In sensu tamen lato conceptus quidditativus dici potest is omnis qui exprimit rei quidditatem.

Conceptus *directus* est ille qui primu et directe acquiritur ex objecto; reflexus vero est quem intellectus efformat redeundo supra suum actum vel actus objectum. Sic intellectus directe *virtutem* intelligit, deinde redeundo supra actum qui est spiritualis et objectum, quod etiam est spirituale, efformat conceptum reflexum suiipsius.

#### XIV. Schema omnium conceptuum.

## ARTICULUS TERTIUS

### DE UNIVOCIS, ANALOGIS ETC.

I. — **De univocis.** Præcipua divisio conceptus distributivi est in univocum et analogum. Quia vero divisio hæc maximi est momenti in philosophia, uberius nunc de univocis et analogis est disserendum.

Univoca (synonyma) porro dicuntur quorum nomen est commune et ratio nomine significata, simpliciter eadem: *Petrus est homo, Paulus est homo*; hic nomen commune est utrique, et natura nomine significata est simpliciter eadem in Petro et Paulo. Hæc autem ratio potest esse eadem vel secundum speciem ut in isto exemplo, vel secundum genus dumtaxat: *Petrus est animal, bos est animal*.

II. — **Analogia.** Dicuntur quorum nomen est commune et ratio nomine significata nec est simpliciter diversa nec simpliciter eadem, sed importat quamdam proportionem vel similitudinem. *Animal sanum, cibus sanus*. Ibi nomen est commune, ratio autem nomine significata, *sanitas*, non est simpliciter eadem in animali et in cibo, nec simpliciter diversa; ideo sane quædam proportio, nam est sanitas in animali ut in subjecto, in cibo vero ut in causa. In hoc ergo exemplo verificatur propria analogiæ definitio.

III. — **Divisio analogiæ.** Licet auctores in re convenient, non tamen eodem sensu vocabula usurpant; non pauci enim pro eodem sumunt analogum *proportionis* et analogum *attributionis*, quidam vero distinguunt.

Nos vero, claritatis causa, triplicem distinguimus analogiam : *proportionis*, *attributionis* et *proportionalitatis*.

*Analogia proportionis* habetur, cum ratio nomine significata est in uno intrinsece et essentialiter, in alio vero extrinsece, secundario, et per respectum ad primum. *Sanitas* est in animali intrinsece et essentialiter ; in cibo autem extrinsece tantum, secundario, et per respectum ad animal. — Est vero *analogia attributionis*, cum res nomine significata dicitur de pluribus in ordine ad aliquod tertium. *Cibus sanus*, *color sanus*. Si sanitatem cibum et colori tribuimus, idem non est, quia sanitas invenitur principaliter in cibo, in colore autem per respectum ad cibum ; sed et color et cibus dicuntur sani quia utrumque habet ordinem ad aliquod tertium in quo sanitas proprie invenitur, scilicet animal : cibus quippe dicitur sanus ut causa sanitatis et color dicitur sanus ut signum sanitatis.

In analogia attributionis semper adsunt tres saltem termini, duo nempe qui comparantur inter se, ut *cibus* et *color*, et tertius in ordine ad quem fit comparatio, ut *animal* in isto exemplo. In analogia vero proportionis adsunt duo tantum termini, alter in quo ratio significata invenitur proprie et intrinsece, alter vero in quo ratio est extrinsece, secundario et per respectum ad primum.

*Summum analogatum* vocant illud in quo ratio significata est intrinsece et essentialiter, et in ordine ad quod cetera dicuntur. Dicitur etiam *fundamentum* et *principalis analogatum*.

Quaedam exempla utriusque analogiæ : *Essentia divina*, *scriptura divina* ; analogia proportionis, quia divinitus est in essentia Dei intrinsece, in scriptura vero extrinsece. — *Scriptura divina*, *verbum divinum*, analogia attributionis, nam et scriptura et verbum dicuntur divina in ordine ad tertium, scilicet essentiam divinam.

*Anima sacerdotalis*, *vestis sacerdotalis*, analogia proportionis : sacerdotium quippe est intrinsece in anima, extrinsece autem in veste. *Vestis sacerdotalis*, *oratio sacerdotalis*, analogia attributionis : vestis et oratio dicuntur sacerdotales in ordine ad tertium.

*Proportionalitas* importat proportionem proportionum. Unde *analogia proportionalitatis* dicuntur : *Quorum nomen*

*commune est*, *ratio autem significata eadem est secundum convenientiam proportionum*. Hoc modo sex et quatuor sunt analogæ : sex quippe se habet ad tria, sicut quatuor ad duo ; sicut enim senarius est duplum ternarii, ita quaternarius binarii. Pariter hoc modo analogæ sunt *pes hominis*, et *pes montis*, quia *pes montis* est respectu montis id quod *pes hominis* est respectu hominis. Analogia proportionalitatis dividitur in *propriam* et *metaphoricam*. *Propria* est cum ratio nomine significata invenitur in utroque analogato formaliter et vere, licet non eadem simpliciter ratione, — sicut *ens* invenitur proprie in substantia et accidente. Licet enim esse substantiæ et esse accidentis dicantur secundum convenientiam proportionum, substantia tamen proprie et intrinsece est ens, et accidens proprie et intrinsece est ens. — *Metaphorica* est, cum ratio significata invenitur formaliter in uno, et similitudinarie seu per translationem in altero : sicut *risus* est formaliter in homine, metaphorice autem in prato ; sicut *oculus* est formaliter in corpore, per translationem vero in anima. Hæc analogia licet fundamentum habeat in natura, præcipue tamen ex usu et conventionem hominum provenit. Hujusmodi autem non sunt analogata naturalia et proprie dicta, sed vocantur a Cajetano *analogata absirr* (1).

IV. — *Conditiones analogorum*. Analogorum proportionis vel attributionis quatuor sunt conditiones : *Primæ* est ut in principali analogato inveniat forma intrinsece, in aliis vero extrinsece et per denominationem ; ut diximus de sanitate, quæ est intrinsece in animali, denominative in colore. Ratio hujus conditionis liquet. Si in omnibus est forma intrinsece, vel est omnino similis in omnibus, et tunc erit univocum, vel omnino diversa, et erit æquivocum, vel est intrinsece in omnibus sed tantum secundum convenientiam proportionum, et erit analogia proportionalitatis. Ergo ut detur analogia distincta ab analogia proportionalitatis, requiritur ut forma sit in uno intrinsece, in cæteris vero extrinsece. *Secundæ* condi-

1. Cf. CAJET. Opusc. de analogia nominum et comment. in I. P. q. 13, n. 5.

tur, quæ sequitur ex prima, est ut forma analoga sit una numero, quippe quæ invenitur tantum in summo analogato. *Tertia* conditio est ut forma principalis analogati ponatur in cæterorum definitione. Ratio est, quia cætera denominantur a principali: sic non potest intelligi quid sit sanitas in eiho, nisi cognito quid sit sanitas in animali. *Quarta* est ut summum analogatum et cætera analogata non habeant unum conceptum objectivum. Etenim conceptus debet correspondere formæ. Atqui huiusmodi analogata non habent unam formam, juxta sit intrinsece in omnibus, sed eorum unitas est unitas ordinis unius vel plurium ad unum terminum a quo denominatur. Ergo non possunt habere unum conceptum objectivum; hinc conceptus *sanitatis* non completur proprie nisi in animali. Diversi ergo adsunt conceptus pro diversis analogatis.

Datur tamen unitas quedam comparisonis ad unum terminum, et hinc differunt ab æquivocis, in quibus talis unitas comparationis deest.

In modis proportionalitatis metaphoricæ adsunt similes conditiones. Manifestum est risum non esse intrinsece in homine et in prato, nec risum hominis et risum prati habere unum et eundem conceptum objectivum. — Analogia autem proportionalitatis proprie dictæ tres habet conditiones omnino diversas, quæ sic exprimuntur. *Prima*: Forma analogorum invenitur intrinsece in summo analogato, et intrinsece etiam in aliis, licet non eodem modo. Huiusmodi quippe analogia distinguenda sunt ab analogis proportionis et attributionis, et ab univocis. Distinguntur verò primis eo quod in illis forma intrinsece in summo tantum analogato reperitur; distinguuntur denum ab univocis, quia forma non invenitur in omnibus eadem ratione. Sic forma *entis* est intrinsece in substantia et accidente, non tamen eadem ratione, cum substantia sit ens in se, accidens vero ens in alio. *Secunda* conditio sequitur ex prima: Principale analogatum non est ponendum in definitione aliorum; hæc enim habent formam qua intrinsece denominantur. *Tertia*: Hæc analogata possunt habere conceptum unum unitate imperfecta. Ratio patet. Conceptus mensuratur formæ quam representat. Atqui hæc analogata habent unam formam intrinsece. Ergo habent unum conceptum. Quia tamen forma non

est in omnibus secundum eandem rationem, conceptus non erit unus unitate perfecta, sed unitate secundum quid.

**V. — Modus loquendi S. Thomæ.** Distinguit Angelicus (1).  
*1º Analoga secundum intentionem et non secundum esse.* Hæc sunt analogia proportionis et attributionis; forma invenitur in omnibus secundum intentionem, id est denominative et extrinsece; sed non secundum esse, id est, non intrinsece. —  
*2º Analoga secundum intentionem et secundum esse.* Hæc sunt analogia proportionalitatis proprie dictæ. Invenitur forma in omnibus secundum esse, id est intrinsece, et insuper secundum intentionem, quia forma non est in omnibus eadem ratione. —  
*3º Analoga secundum esse et non secundum intentionem.* Hæc vocantur a Cajetano et aliis analogia *inæqualitatis*, sed proprie analogia non sunt. Habetur hæc analogia, cum ratio significata prædicatur univoce de omnibus, sed esse est perfectius in uno quam in alio. Dico: *corpus corruptibile est corpus; corpus incorruptibile est corpus.* Nomen *corpus* prædicatur univoce de corpore corruptibili et de corpore incorruptibili, sed esse naturæ non est ejusdem rationis in corruptibilibus et in incorruptilibus. Si hæc considerantur *physice* et *secundum esse*, dici possunt analogia, quia materia corruptibilis et materia incorruptibilis nec simpliciter est eadem, nec simpliciter diversa; ut, si considerantur *logice* et *secundum intentionem*, non competit eis definitio analogorum, sed potius univocorum, quia corpus corruptibile et corpus incorruptibile eandem rationem corporis habent; utrumque enim designat compositum ex materia et forma. Unde talia non computantur inter analogia proprie dicta.

**VI. — De Æquivocis.** Æquivoca (homonyma) dicuntur quorum nomen est commune, et ratio significata simpliciter diversa. Sic nomen *canis* dicitur de sidere, de pisce, de animali domestico, quæ sunt res simpliciter disparatæ. Aliquando est æquivocum *a casu*, ut in dicto exemplo; nonnunquam est æquivocum *a consilio*, quando communio ejusdem nominis

1. Dist. 19, q. 5. 2: I. D. 35, 4.

sit ex consideratione quadam, ut si quis vocat filium suum *Dominicani*, quia sperat ipsum ingressurum locum ordinem *S. Dominici*. Latini vocant etiam equivocum a consilio ipsum analogum, de quo dictum est.

Equivocatio convenit solis vocibus, nam idea, sicut et quævis imago, ita unum objectum representat ut non possit esse alterius representativa.

**VII. — De Denominativis.** Denominativa (paronyma) dicuntur concreta accidentalia, quatenus denominantur a forma quam significant et huiusmodi denominationem subiecta tribuunt. Sic *grammaticus* denominatur a *grammatica*, *fortis* a *fortitudine*, *album* ab *albedine*. Quia denominativa sunt accidentalia, hinc est quod predicari *denominative* sit predicari *accidentaliter*.

**VIII. — Solutio de causis analogiæ.** Explanatis notionibus univocorum, analogorum, equivocorum et denominativorum, nonnulla addenda sunt de causis analogiæ. Sane existimant solam dependentiam esse causam analogiæ, alii vero solam transcendentiam, Thomistæ autem ponunt utramque.

Imprimis quidem, dependentia in participanda aliqua ratione communi est sufficiens analogiæ causa. Nam dependentia huiusmodi est ordo prioris et posterioris in participanda ratione communi. Atqui ordo prioris et posterioris in participanda ratione communi est sufficiens analogiæ causa. Ergo.

Prob. min. Habetur analogia cum aliqua ratio communis invenitur in uno per prius et principaliter, in cæteris vero secundum quid. Atqui ordo prioris et posterioris in participanda aliqua ratione communi necessario efficit ut illa ratio sit in uno per prius, ideoque principaliter, in cæteris autem per posterius, seu modo secundario et secundum quid. Ergo ordo prioris et posterioris in participanda aliqua ratione communi inducit analogiam. Hinc Angelicus (1) colligit analogiam inter Deum et creaturam ex dependentia creaturæ a Deo, qui est ens per essentiam.

Secundo etiam transcendentia est causa sufficiens analogiæ. Transcendentia est ratio communis quæ est extra omne genus et differentiam et imbitur in omni conceptu, sicut ratio entis.

Porro hæc ratio communis causat analogiam. Nam analogia importat ut plura nec simpliciter eandem nec simpliciter diversam habeant rationem, sed in aliquo conveniant et in aliquo differant. Atqui vi transcendentis inferiora in aliquo conveniunt, scilicet in illa ratione communi quæ in omni conceptu imbitur; et in aliquo differant, nam illa ratio communis non eodem modo ab omnibus contrahitur: sic ratio entis diversimode participatur a Deo, qui est ens per essentiam et a creatura, quæ est ab alio; a substantia quæ est ens in se et proprie existens, et ab accidente, quod est ens entis seu ens in alio. Ergo transcendentia infert et causat analogiam.

Analogia quidem attributionis et proportionis causatur ex dependentia, nam hæc analogia viget inter plura quæ denominantur a forma quæ est in uno per prius, in cæteris autem per dependentiam ab illo priori. Analogia proportionalitatis metaphoricæ causatur etiam ex dependentia, nam forma analogica est in uno intrinsece, in alio vero extrinsece et per dependentiam a priori.

Analogia autem proportionalitatis proprie dictæ causari potest tum a transcendentia, sicut modo ostensum est de ratione entis; tum a dependentia, quando forma analogica in uno pendet ab alio, sicut ratio entis in accidente pendet a substantia.

## ARTICULUS QUARTUS

## DE TRANSCENDENTALIBUS ET UNIVERSALIBUS

**I. — De Transcendentalibus.** Explicata notione univoci et analogi, disserendum venit de percipuis conceptibus analogicis et univocis, scilicet de Transcendentalibus et Universalibus. Transcendentale dicitur quod est supra omne genus et omnem speciem. Definitur: *Id quod convenit aliqua solum ratione omnibus or singulis quæ sunt vel esse possunt.* Sex autem enumerantur transcendentalia: *res, ens, unum, aliquid, verum, bonum.*

*Res* designat subiectum quod habet esse, *ens* vero subiectum coneretur, nempe et id quod habet esse et ipsum esse. Omne porro ens est indivisum in se, unde fit *unum*; et divisum a qualibet alio, et sic dicitur *aliquid*, quasi *aliquid*; habetque ordinem ad intellectum, unde fit *verum*, et ad voluntatem, unde fit *bonum*.

In praxi *res* et *ens* promiscue usurpantur; licet autem *aliquid* designet *ens* ut divisum a cæteris, reducit tamen ad *ens* vel ad *unum*. Sunt igitur sex vocabula, sed quatuor tantum transcendentalia communiter assignantur: *ens, unum, verum, bonum.* De his tractatur ex professo in Metaphysica (1).

**II. — Universale.** Definitur: *Unum aptum inesse pluribus et prædicari de illis univoce.* Dugendæ sunt maximæ differentiæ inter universalis et transcendentalia: 1º Transcendentalia sunt in omnibus speciebus et generibus, sed non continentur ab ipsis; sunt *in* et *extra* genera, *in* et *extra* omnem catego-

riam. Universalis vero designant genus et speciem determinatum, quæ quibusdam conveniunt et non aliis; ad categorias revocantur, nec possunt extra omnem categoriam vagari. — 2º Transcendentalia prædicantur *analogice* tantum de suis inferioribus; quo pacto ens prædicatur analogice de Deo et creaturis, de substantia et accidente; nam esse convenit Deo essentialiter et necessario, creature autem contingenter; convenit substantiæ tanquam propriæ existenti, scilicet existenti in seipso; convenit vero accidenti ut existenti tantum in alio, unde accidens potius *inest* quam *est*. Universalis, contra, prædicantur de suis inferioribus *univoce*; sic genus convenit eadem ratione omnibus ac singulis quæ genus participant, et similiter species humana eadem ratione tribuitur singulis individuis humanis.

**III. — Universale directum, reflexum.** In conceptu universalis v. g. in *homine*, potest considerari ipsa natura per definitionem expressa, quod suas notas constitutivas, non curando an sit in pluribus necne. Universale hoc modo sumptum dicitur *metaphysicum, directum*, quia pertinet ad directam mentis considerationem. Potest insuper mens reflectere et considerare naturam, non jam quod principia constitutiva, sed reduplicative ut pluribus communicabilem. Hæc autem ratio essendi in multis, hæc communicabilitas ad plura dicitur universale *logicum, reflexum*. De hoc in præsentia agitur.

**IV. — Prædicabilia.** Eo ipso quod aliqua natura sit communicabilis pluribus, potest de pluribus prædicari (hic prædicatio intelligitur affirmatio unius de alio). Unde universalis recte vocantur prædicabilia. (Κατηγορούμενα). Sunt igitur prædicabilia *modi universales prædicanti qui fundantur in ipso communicabilitate ad plura*. Immediate et in recto prædicabile significat ipsum universale logicum; at, cum logicum supponat universale metaphysicum ut fundamentum, prædicabile mediate et connotative importat ipsum naturam per definitionem expressam.

1. Metaphys. Ontol. Tract. I et Tract. II.

V. — **Quinarius est prædicabilem numerus.** Arg. 1<sup>um</sup>. Prædicabilia sunt modi generales quibus unum potest communicari pluribus. Sunt autem quinque modi generales quibus unum potest communicari pluribus. Nam unum potest esse in multis vel ut aliquid ad essentiam pertinens, vel ut aliquid essentie superveniens. In primo casu vel explicat totam et integram essentiam, omnia scilicet quæ ad definitionem concurrunt, et sic habetur *species*; vel partem essentie potentialem et determinabilem qua res cum cæteris convenit, et vocatur *genus*; vel partem actualem et determinantem qua res ab aliis discriminatur, et est *differentia*. — In secundo autem casu, vel est aliquid ex principiis essentie proveniens et habens necessariam connexionem cum illis, et dicitur *proprium*; vel est aliquid non habens necessariam connexionem cum principiis essentie, et dicitur *accidens*.

Arg. 2<sup>um</sup>. — Debet esse quædam analogia inter compositionem logicam et compositum naturale. Sed in composito naturali sunt quinque: 1<sup>o</sup> materia ut elementum potentiale et determinabile; 2<sup>o</sup> forma, ut elementum actuans et determinans; 3<sup>o</sup> ex materia et forma resultat compositum; 4<sup>o</sup> ex composito resultant proprietates; 5<sup>o</sup> tandem composito conveniunt accidentia. Ergo etiam in composito logico debet inveniri aliquid quod sit quasi materia, et hoc est *genus*, quod est indeterminatum et determinabile; et aliquid quasi forma, et hoc est *differentia*, quæ actualiter et determinat; et aliquid quasi compositum, et hoc est *species* quæ resultat ex genere et differentia; ac tandem *proprietates* et *accidentia*.

Nam tamen minimum urgenda est comparatio. Compositum quippe physicum sit secundum partes realiter distinctas; compositum autem logicum sit secundum intentiones rationis, quæ non necessario important distinctionem realem.

VI. — **Definiuntur et explicantur prædicabilia.** Genus a Porphyrio et Scholasticis definitur: *Unum aptum inesse pluribus specie differentibus et prædicari de illis univoce in quid incomplete*.

In hac definitione quatuor sunt notanda: 1<sup>o</sup> Id quod est commune omni prædicabili, *unum aptum inesse pluribus*; at

ex ipso quod multis sit communicabile, potest de multis prædicari, et quidem *univoce*, in quo distinguitur a transcendentalibus, quæ prædicantur analogice dumtaxat. 2<sup>o</sup> *Pluribus specie differentibus*. Genus enim est pars communis et determinabilis, in qua species conveniunt, et quæ in species dividitur per differentias. Directe et immediate prædicatur tantum de speciebus; si quamba de individuo prædicatur, hoc est mediante specie. Hæc enim prædicatio: *Petrus est animal*, ita explicatur: *Petrus est homo, homo est animal, ergo Petrus est animal*. 3<sup>o</sup> *In quid* seu in id quo respondetur questioni: *Quid est res?* Jam vero id quo respondetur questioni: *Quid est res?* est essentia, quæ propter hoc dicitur *quiblibet*. Igilur prædicari in *quid* est prædicari *essentialiter*, et etiam modo *substantivo*. Porro genus est pars essentialis rei; dicendo quippe: *Homo est animal*, assigno aliquid sine quo essentia hominis non concipitur. Genus etiam prædicatur substantive; nam ut assignetur genus hominis dicendum non est: *Homo est animalis*, sed *Homo est animal*. 4<sup>o</sup> *Incomplete*. Licet quippe ad essentiam genus pertineat, est tantum pars ejus potentialis; quamdiu enim animal tantum habemus, nec essentiam hominis nec essentiam equi intelligimus.

*Species est unum aptum inesse pluribus numero differentibus et prædicari univoce de illis in quid complete*.

Quatuor etiam hic notari possunt: 1<sup>o</sup> Quod est commune cæteris prædicabilibus *in esse multis, prædicari univoce*. 2<sup>o</sup> Species prædicatur in *quid*, id est, essentialiter, seu ut constituens essentiam. 3<sup>o</sup> *Complete*, quia totam essentiam relet. Species enim explicat et definit rem complete; unde si velim essentiam integram cognoscere, sufficit nosse speciei definitionem. 4<sup>o</sup> *Pluribus numero differentibus*. Sicut genus designat commune in quo species conveniunt, ita species designat commune in quo conveniunt individua.

— *Differentia est unum aptum inesse pluribus et prædicari univoce de illis in quale quid*.

1<sup>o</sup> Differentia, sicut cætera prædicabilia de pluribus univoce dicitur; 2<sup>o</sup> in *quid* seu *essentialiter*. Differentia namque est id quo naturæ quæ conveniunt in genere uno essentialiter inter se distinguuntur. Sed essentialiter distingui non possunt

nisi differentia essentialiter prædicetur. 3<sup>o</sup> Non tamen concedendum est differentiam prædicari in *quid absolute*, sed in *quale quid*. Prædicari in *quale* est prædicari in id quo respondetur quaestioni: *Qualis est res?* Qualis est Petrus? respondetur: *Rationalis*. Hinc prædicari in *quale* est prædicari *modo adjectivo*.

Differentia autem, licet essentialis sit, munus tamen et prædicationem differentiae exerceat per modum adjectivæ, non per modum substantivi. Ratio est, quia differentia non præbet primum fundamentum essentie, sed advenit generi, illudque requirit tanquam aliquid præsuppositum, quod ipsa actualit et determinat in species. Quia ergo genus se habet per modum fundamenti, prædicatur substantivo modo, et quia differentia advenit huic fundamento, prædicatur per modum adjectivæ, adjectivo modo, seu in *quale*. In *quale quid* ergo significat: Prædicatur modo adjectivo essentialiter (1).

— *Proprium est nomen aptum inesse pluribus et prædicari de illis nimirum in quale necessario.*

1<sup>o</sup> Prædicatur univocè de pluribus subjectis, scilicet de omnibus inferioribus contentis sub specie cuius est proprium. *Petrus est risibilis, Paulus est risibilis*, et ita de cæteris quæ sub specie humana, cuius risibilitas est proprium, continentur. 2<sup>o</sup> Proprium non pertinet ad essentiam rei, et in hoc distinguitur a tribus prioribus, quia attribuitur per modum *qualitatis*. — 3<sup>o</sup> qualitatis tamen necessarie, inseparabilis a subjecto; sicut risibilitas hominem necessario comitatur: *quale necessario*.

*Accidens est nomen aptum inesse pluribus et prædicari univocè de illis in quale contingenter.*

1<sup>o</sup> Convenit enim omnibus prædicabilibus quia prædicatur de multis univocè. 2<sup>o</sup> Differt a genere, specie, differentia, quia prædicatur in quale tantum. 3<sup>o</sup> Differt a proprio, quia proprium impartat qualitatem necessariam, accidens autem aliquid separabile a subjecto, quod potest indifferenter esse vel abesse.

1. Ex Joan. a S. Thoma, Log.

**VII. — Definitio prædicabilium in abstracto.** Præfatæ definitiones sunt universalis concreti. Concretum autem importat simul formam et subjectum, formam quidem directe et formaliter, subjectum vero materialiter et per modum substrati. Unde universale concretum significat directe et formaliter statum universalitatis, materialiter et per modum substrati ipsam naturam quæ universalitatis statum habet.

In abstracto vero prædicabilia definiri possunt: Genus est *universalitas naturæ potentialis pluribus specie differentiis communis*. Species est *universalitas naturæ complete*.

Differentia est *universalitas naturæ specierum distinctivæ*. Proprium est *universalitas notionis accidentalis necessario essentiam consequentis*. Accidens est *universalitas notionis accidentalis contingenter advenientis*.

**VIII. — Quæstio: An necesse sit universale esse actu in multis.** In definitione prædicabilium ponimus: *Unum aptum inesse pluribus*. De ratione igitur universalis est ut possit communicari pluribus iuxta nostram concepiendi modum. An vero dari possit aliquod universale quod non sit actu in pluribus sed tantum in uno?

**IX. — Conclusio: Non potest dari genus habens unicam speciem; bene autem dari potest species habens unicum individuum.** Ita D. Thomas et Thomistæ.

Prob. 1<sup>a</sup> pars. Genus designat naturam communem, potentialem, indeterminatam. Atqui communitas non potest salvari respectu unius. — Quod enim est potentiale necessario requirit plura, quia in uno non explet nisi unam partem suæ potentialitatis; deinde quod est indeterminatum contrahendum est per diversas differentias. Diversæ autem differentie inducunt diversas species. Ergo genus salvari nequit respectu unius speciei. Hinc axioma: *Genus referendum est ad plures species*.

Prob. 2<sup>a</sup> pars. Species designat naturam actualem et determinatam. Nihil porro obstat naturam actualem, determinatam inveniri in uno individuo. Sic tota natura humana invenitur in uno homine. Ergo potest salvari species in unico individuo.



*Obijetur.* — Sicut tota natura humana continetur in uno homine, ita tota natura animalis continetur in unica specie. Ergo potest salvari genus in unica specie.

*Resp.* — Nego paritatem. Genus quidem salvatur in unica specie quantum ad entitatem ipsius nature, non vero quantum ad rationem formalem ipsius generis. Communis enim ratio generis est potentialitas; quæ quidem requirit plura. E contra, ratio speciei significat aliquid actuale, quod bene potest haberi in uno, et de facto habetur.

**X. — An species habeas unicum individuum dici possit universalis.** Juxta D. Thomam, non datur nec dari potest nisi unum individuum in qualibet angelorum specie, nulle tot sunt species quot angeli. Querunt autem Scholastici an species angelica dici possit universalis.

Difficilis nulla esset si natura angelica posset communicari multis, tametsi de facto esset in uno; at repugnat ipsam pluribus communicari. Nihilominus dicendum est naturam angelicam esse universalem.

Probatur. Illa natura universalis est quæ, quantum est de se, potest communicari pluribus. Atqui natura angelica, quantum est de se, communicabilis est pluribus. Ergo universalis est.

Declaratur minor. Natura angelica non prohibetur esse in multis ex hoc quod sit natura in tali ordine rerum, sed ex hoc quod desit in angelo principium multiplicationis numerice, quod est materiam signati quantitate. Si ergo natura non potest esse in multis, id non est defectu sui, sed defectu principii individuationis, seu defectu subjecti recipientis.

Natura itaque, quantum est de se, est pluribus communicabilis, sed communicabilitas impeditur ex parte eorum quibus facienda esset communicatio. Rerte ergo talis natura dicitur universalis. Ita Thomistæ communiter.

**XI. — Quomodo exprimenda sint universalis.** *Prima regula.* Differentia, proprium, accidens, applicata suis inferioribus, exprimantur in concreto. *Petrus est rationalis*, non autem: *est rationalitas*; *est albus*, non vero; *est albedo*. Ratio

liquet. Hæc tria universalis prædicantur in quale, seu modo adjectivum. Atqui omne adjectivum est concretum; importat enim et formam et subiectum formæ, sicut *virtuosus* dicit virtutem et virtutis subiectum. Ergo tria præfata universalis prædicantur in concreto.

*Secunda regula.* — Genus et species, quando prædicantur de substantiis, exprimantur in concreto. Nam exprimenda sunt ut essentia completa in suo ordine. Sed substantiæ in abstracto non sunt completæ in ordine substantiæ, siquidem considerantur separate a suis suppositis; sic *humanitas* in abstracto, non potest dici substantia completa, cum non sit aliquid subsistens. Ergo exprimenda sunt in concreto. Hinc dicendum est: *Homo est animal*; non vero: *Humanitas est animalitas*; *Petrus est homo*, non vero *Petreitas est humanitas*.

*Tertia Regula.* — Genus et species, cum prædicantur de accidentibus, exprimantur in abstracto. Id quippe solum exprimendum est quod est de essentia accidentis, non vero quod est ipsi extraneum. Atqui natura expressa in abstracto designat puram accidentis essentiam; expressa autem in concreto imbibit aliquid essentia extraneum. Dicendo enim: *virtus*, solum essentiam designo; dicendo autem: *virtuosum*, addo aliquid extraneum, scilicet subiectum, quod non est de essentia accidentis. Fiat ergo, prædicatio in abstracto, v. g. dicendo: *scientia est cognitio certa et evidens*, non autem: *sciens est cognoscens*...

## ARTICULUS QUINTUS

## DE UNIVERSALIBUS IN PARTICULARI

I. — De genere. Dictum est genus prædicari in quid incompleto, nec constituere essentiam completam; estne igitur genus pars speciei?

Resp. 1<sup>o</sup> *Genus non est pars actualis speciei.* — Pars actualis est quæ continetur actu sub toto: sic manus est pars actualis corporis humani. Pars autem actualis non prædicatur de toto, non enim dicitur: *Homo est manus, vel brachium.* Atqui genus recte prædicatur de specie: *Homo est animal.* Ergo genus non est pars actualis speciei.

2<sup>o</sup> *Genus non est totum actuale respectu speciei.* — Totum actuale dicitur quod continet actu et determinate suas partes, sicut corpus humanum complectitur actu manus, pedes, etc. Sed genus non continet actu et determinate quicquid est in specie: hæc quippe plura elementa, pluresve notas habet quæ non includuntur in genere. Ergo.

3<sup>o</sup> *Genus est totum potentiale respectu speciei.* — Totum potentiale respectu speciei dicitur quod continet in potentia et indeterminate quicquid est actu et determinate in ipsa specie. Sed quicquid actu et determinate est in specie inveniri potest potentia et indeterminate in genere. Ergo. — Declaratur minor. Rationalitas est actu in specie humana: genus porro animalis non exprimit ipsam actu, sed potest ad ipsam se extendere, potest ab ipsa contrahi et determinari. At, si potest ab ipsa determinari, continet ipsam in potentia et indeterminate.

Pariter animal non continet actu immutabilitatem, sed potest

ab ipsa contrahi, ideoque ipsam gerit in potentia. Nihil ergo invenitur actu in specie quod non contineatur in potentia et extensione generis. Genus igitur est totum potentiale.

4<sup>o</sup> *Genus sub diverso respectu potest dici pars potentialis et totum potentiale.* — Si consideratur comparative ad differentiam, genus explicat partem unam, differentia partem alteram; genus quidem partem determinabilem, differentia vero partem determinantem. Porro pars determinabilis recte dici potest pars potentialis. — Consideratum vero respectu speciei inferioris est totum potentiale, continens indeterminate quod determinate refert species, ut explicatum est.

II. — Quid sit genus sumi a materia. Comparatur genus materiæ, quia utrumque est potentiale et determinabile. In materia tamen prima nulla importatur actualitas, in genere vero imbibitur actualitas quædam, licet non perfecte determinata. Unde genus non est sumendum a sola materia prima, sed ab eo quod est materiale in re et principium potentialitatis.

In corporalibus quidem hoc principium ex materia desumitur; in spiritualibus vero, sicut in angelis, genus non sumitur, etiam remote, a materia, quia illa earent; sed ab eo quod est magis potentiale et quasi materiale in ipsis. Hoc autem est ipsa intellectualitas indeterminate accepta. Requidem vera intellectualitas finita et limitata, indeterminate accepta, est aliquid vagum et commune, quod potest esse magis vel minus perfectum, secundum quod magis vel minus accedit ad actum purum, scilicet Deum. Hæc igitur communitas et indeterminatio intellectualitatis tenet locum generis: major autem vel minor accessus ad actum purum tenet locum differentie.

Accidentia non habent materiam sibi intrinsicam, sed materia ipsorum est subjectum, seu substantia; unde in ipsis genus desumitur ex diversa habitudine ad substantiam: sic genus quantitatis desumitur ex eo quod quantitas sit accidens extensivum substantiæ in partes; genus vero qualitatis ex eo quod qualitas modifiet substantiam in seipsa, etc.

Differentias autem accidentium proprias ignoramus; unde illas desumimus, vel *a priori* ex subjectis quorum accidentia

sunt propria, vel ex subiecto quod respiciant; vel *a posteriori* ex effectibus accidentium.

**III. — De multiplici differentia.** Porphyrius tres assignat differentias: *communem*, *propriam*, *propriissimam*. *Communis* est quæ provenit ab accidentibus; sic sanitas est differentia communis quæ sanus differt ab aegroto; albedo differentia communis quæ Gallus differt ab Æthiops. — Differentia autem *propria* ea est quæ provenit a proprietatibus inseparabilibus a subiecto: *risibilitas* est differentia propria quæ distinguit hominem a bruto. — Differentia demum *propriissima* est quæ ad rem pertinet ut aliquid essentialiter et constitutivum. Sic *rationalitas* est differentia propriissima hominis. Hæc porro sola est quæ prædicatur in *quale quid*. Differentia enim communis pertinet ad quidam prædicabile, accidens; differentia vero propria ad quantum prædicabile.

Differentia propriissima triplex habet munus: 1<sup>o</sup> est *divisiva*, scilicet dividit genus in plures species, 2<sup>o</sup> est *constitutiva*, scilicet determinando genus speciem constituit, 3<sup>o</sup> est *distinctiva*, constituendo speciem, eam secernit a quacunque alia.

**IV. — Qua ratione differentia dicatur universalis.** Differentia habet rationem universalis non per respectum ad speciem, sed per respectum ad individua contenta sub specie quam constituit. Universale quippe dicitur per ordinem ad suum correlativum. Sed correlativum universalis sunt inferiora, siquidem universale est unum aptum inesse multis inferioribus. Ergo dicitur per ordinem ad inferiora.

At species non est inferior differentia, sed æqualis ipsi et cum ipsa convertibilis. E contra individua speciei sunt inferiora et respectu speciei et respectu differentie. Ergo differentia prædicatur formaliter de individuis speciei, concomitanter autem prædicatur de specie tanquam æquale de æquali. Hinc *rationalitas* est aliquid universale, quia prædicatur de omnibus individuis speciei humanæ ejus est differentia constitutiva.

**V. — De specie.** Distingui potest species *logica* et species *realis*. Species *realis* est quæ resultat ex genere et differentia

essentialiter unitis et unam naturam efformantibus. *Homo* est species realis, quia materia et anima essentialiter uniuntur. Species vero *logica* constituitur ex genere et differentia accidentaliter unitis. Species *alba*, species *nigra* in hominibus, sunt species logicæ, quia differentie *alba*, *nigra*, sunt accidentia speciei humanæ.

**VI. — Qua ratione species dicatur universalis.** Species habet duplicem respectum: 1<sup>o</sup> est aliquid subjectum quod continetur sub genere tanquam inferius sub superiori; 2<sup>o</sup> est aliquid superius quod respicit individua et de illis affirmatur. Sub primo respectu dicitur *subjicibilis*, sub altero autem *prædicabilis*. Habet porro rationem universalis non ut est subjicibilis, sed ut est prædicabilis. Universale enim, ut dictum est, importat ordinem ad inferiora tanquam ad suum correlativum. Atqui species non dicit ordinem ad genus tanquam ad suum inferius, sed tanquam ad superius. Ergo non dicitur universalis quatenus est subjicibilis generi, sed quatenus respicit individua quæ sunt sibi inferiora.

**VII. — Speciei correspondet individuum.** Ut fert nomen, individuum est aliquid indivisum et indivisibile. Definiri potest: *Essentia singularis, quæ non potest communicari aliis tanquam inferioribus.*

Distinguitur: 1<sup>o</sup> individuum vagum, seu individuum in genere, quale designant hæc nomina: *Individuum*, *Singulare*, *aliquis homo*, etc.; 2<sup>o</sup> individuum determinatum, puta *Petrus*. Huic præsertim individua competunt septem proprietates superius assignatæ:

*Forma, figura, locus, stirps, tempus, patria nomen.*

Hæc ea sunt septem quæ non habet unus et alter. 3<sup>o</sup> individuum genericum, quod dicit ordinem ad genus: *hoc animal*; 4<sup>o</sup> individuum specificum, quod continetur immediate sub specie: *Pantus*; 5<sup>o</sup> individuum substantiale: *hic homo*; 6<sup>o</sup> individuum accidentale: *hæc albedo*.

**VIII. — De proprio.** Proprium dicitur quatuor modis. Primo quod convenit soli speciei sed non omni ejus indivi-

duo — *soli sed non omni*. Convenit soli homini esse sacerdotem, sed non omni. *Secundo*, quod convenit omni individuo, sed non soli speciei — *omni sed non soli*. Convenit omni homini, sed non soli, esse bipedem. *Tertio* quod convenit soli speciei et omni individuo, sed non semper — *omni, soli, non semper*. Ridere actu convenit omni homini, soli homini, sed non semper omnis homo actu ridet. *Quarto*, quod soli speciei et omni individuo convenit, et semper. *Omni, soli, semper*. Omni homini competit esse risibilem, soli homini, et semper. Et hoc est proprium quod constituit quartum prædicabile. Etiam proprium quod constituit quartum prædicabile prædicatur in quale necessario, seu est aliquid inseparabile ab essentia. Quod autem est inseparabile ab essentia invenitur tantum ubi est essentia, seu in solo habente essentiam, ubicumque est essentia, seu in omni essentiam habente, et quantum remanet essentia, id est, semper.

IX. — **Proprium habet rationem universalis per respectum ad individua speciei.** Universale importat ordinem ad inferiora; sed species non est inferior respectu proprii, convertuntur enim species et proprium, nam proprium tantum extenditur quantum species. Ergo proprium non dicitur universale, per respectum ad speciem. Habet quidem proprium sua inferiora; sic risibilitas respicit hanc et illam risibilitatem; al de suis inferioribus prædicatur essentialiter, non in quale. Proprium enim est quaedam natura quæ dividitur essentialiter in plura individua. Ergo proprium non dicitur universale respectu suorum inferiorum, sed respectu inferiorum speciei, de quibus prædicatur in *quale necessario*.

X. — **De accidente.** Duplex est accidens, physicum scilicet et logicum. *Physicum* est ens quod non potest existere in seipso, sed in alio: sic *albedo* non potest salvari nisi in aliquo subjecto. Accidens vero *logicum* designat id omne quod non est de essentia rei aut ejus proprietas: sic pallor non est de essentia hominis nec qualitas ab essentia inseparabilis. — *Physicum* dicitur prædicamentale, logicum autem prædicabile. De eorum distinctione redibit sermo, cum loquemur de

prædicamentis. Hic pauca de accidente prædicabili. — Definitur a Porphyrio: *Id quod potest adesse et abesse sine subjecti corruptione*. Ita nempe contingenter convenit subjecto ut ab ipso possit separari, quin pereat aliquod prædicatum essentialiter. Proprium e contra, licet de essentia non sit, non potest tamen negari nisi pereat aliquod prædicatum ad essentiam pertinens. Si negem risibilitatem, quæ est hominis proprium, convenire homini, illico sequitur hominis essentiam non esse illam ex qua necessario fluit risibilitas. At si essentia hominis non est illa ex qua sequitur risibilitas, non jam remanet vera hominis essentia. Ergo non potest negari proprium nisi resultet aliqua corruptio in ipsa essentia. Unde axioma: *Proprietatum deletio est nature negatio*.

Separato autem accidente prædicabili, v. g. albedine ab homine, remanet eadem hominis natura. Sensus tamen definitionis non est accidens posse *semper de facto realiter separari a subjecto*, cum quædam accidentia sint naturaliter inseparabilia, sicut nigredo ab Æthiope, sed sensus est: posse per intellectum affirmari aut negari indifferenter, salva rei essentia. Separata per intellectum nigredine ab Æthiope, remanet ejus quidditas.

*Objeies.* — Mors est accidens prædicabile hominis. Atqui mors non potest adesse sine subjecti corruptione. Ergo inepta est prædicta accidentis definitio. *Respondeo.* — Major potest in dubium verti. Nam mors potest considerari dupliciter, vel in fieri, pro instanti quo homo propinquat ad mortem, et tunc non tollit hominis essentiam; vel in facto esse, cum homo est mortuus, et tunc respectu hominis est prædicatum repugnans, non accidens prædicabile. Sed transmissa majore, disting. min. Mors non potest adesse sine subjecti corruptione quantum ad vitam actualem, concedo; quantum ad prædicata essentialia hominis, nego. Sive enim homines moriantur sive vivant, eadem habent prædicata essentialia. Vita autem actualis non est de essentia hominis, sed prædicatum contingens.

Notandum est demum hæc verba: *Sine subjecti corruptione* significare proprie: *sine corruptione speciei*, non vero: *sine corruptione individui*. Sæpe quidem accidens separari potest

sine individi corruptione ; at contingere potest ut individuum in sui conservatione ab accidentibus pendeat.

XI. — Accidens habet rationem universalis per ordinem ad subjecta quæ denominat, non vero per respectum ad propria inferiora. Sicut de proprio diximus, accidens habet sua inferiora ; albedo enim dividitur in hanc et hanc albedinem. At respectu suorum inferiorum prædicatur essentialiter, ut in hac prædicatione ; *Hoc album est album*. Ergo dicitur universale respectu eorum de quibus prædicatur in quale contingenter, et hæc sunt subjecta quæ denominat, v. g. *Pavulus est albus*, *Joannes est albus*, etc.

## ARTICULUS SEXTUS

### UNIVERSALIU COORDINATIO

I. — Genus dividitur in supremum seu generalissimum, in subalternum seu medium et in infimum seu proximum. Genus *supremum* illud est quod nullum habet supra se genus, nullumve conceptum qui possit prædicari de ipso univoco. Illiusmodi est *substantia*, quæ nullum supponit genus cuius sit species. Habet quidem supra se conceptum *entis*, sed *ens* non prædicatur univoco de suis inferioribus. Genus ergo supremum immediate venit post transcendentalia. Genus autem *infimum* dicitur quod non habet infra se alia genera, sed species tantum. Porro infra genus animalis inveniuntur tantum homines et bruta, at homines et bruta sunt species, non genera. *Animal* itaque est genus infimum. Genus vero *subalternum* est quod habet alia genera et infra se et supra se. *Vivens* habet supra se *substantiam* et infra se *animal*. Unde *vivens* est genus subalternum.


II. — Species dividitur sicut genus. Species *suprema* ea est quæ supra se non habet aliam speciem, sed immediate venit post genus supremum. Sic *corpus* habet supra se solummodo *substantiam*, quæ dividitur in *substantiam corpoream* et *substantiam incorpoream*. *Infirmum* autem est quæ non habet infra se species alias, sed tantum individua ; sic *homo* non continet sub se alias species, sed solum individua humana. Species demum *subalterna* alias species habet et supra se et sub se. *Vivens* habet supra se *corpus*, infra se *bruta* et *homines*. Est igitur species respectu generis superioris, sed sit genus respectu speciei inferioris.

III. — *Triplex etiam est differentia. Suprema est divisiva supremi generis et constitutiva speciei supremæ; infima est divisiva generis infimi et constitutiva speciei infimæ; subalterna est divisiva generis subalterni et constitutiva speciei subalternæ.*

IV. — *Arbor Porphyriana vocatur schema sequens universalium, quia Porphyrius in sua Isagogo hoc exemplum tradidit, demptis tamen nonnullis erroribus qui inveniuntur in schemate ipsius Porphyrii. Ea schema prout a D. Thoma et Scholasticis fuit emendatum.*

V. — *Schollon — Quidam modi loquendi. Contrahere genus est determinare et applicare genus ad aliquam speciem; contrahere speciem est applicare speciem ad aliquod individuum. — Genere differunt quæ non continentur sub eodem genere infimo, licet continentur sub eodem genere subalterno et supremo: Homo et planta differunt in genere. Continentur quidem sub eodem genere viventis, sed vivens est genus subalternum. — Genus infimum dicitur genus proximum, genus autem subalternum et genus supremum sunt genera remota. — Differre dicuntur toto genere quæ in nullo genere conveniunt, sed tantum in ratione entis, v. g. homo et albedo.*

Inter genera est *diversitas*, inter species *differentia*, inter individua *distinctio*. Hæc tamen tria vocabula sæpe promiscue usurpantur.



## ARTICULUS SEPTIMUS

## DE PRÆDICAMENTIS, SEU CATEGORIIS, IN GENERE

I. — *Aristotelis tractatus.* Aristoteles librum scripsit de *Categoriis*, quæ a Boetio dictæ sunt *Prædicamenta*. Totum opus in tres præcipuas partes divisit. Prima vocatur *Antepredicamentum*, quia tractat de quibusdam necessariis et præambulis ad rationem entis prædicamentalis. Secunda est de ipsis *Prædicamentis*. In tertia autem agit de *Postpredicamentis*, quæ sunt quidam modi consequentes ad prædicamenta.

II. — *Antepredicamenta quinque assignantur.* Primum antepredicamentum, seu primum requisitum ad categoriarum notitiam, sunt *univoca, analogæ, æquivocæ*, de quibus hinc dictum est. Secundum antepredicamentum est divisio entis in complexum et incomplexum. Incomplexum pariter dicitur quod exhibet essentiam unam, ut *homo*; complexum vero quod multiplicem exhibet essentiam, ut *homo albus*. Incomplexa tantum, non complexa, ponuntur in prædicamento.

Tertium antepredicamentum est hæc regula: *Quando aliquid prædicatur de subiecto, quicquid dicitur de prædicato dicitur etiam de subiecto.* Ratio hæc est: Notæ essentielles et propriæ prædicati sunt inseparabiles a prædicato. Ergo, si prædicatum convenit subiecto, omnes notæ prædicati etiam subiecto adscribantur. Sic, quia *animal* prædicatur quidditative de *homine*, quicquid dicitur de *animali* dicitur de *homine*.

Quartum antepredicamentum est hæc regula: *Diversorum*

*generum non subalternorum diversæ sunt differentiæ; at vero generum subalternorum nihil prohibet eandem differentias esse.* Manifesta est; quæ non conveniunt in genere, a fortiori in differentia convenire nequeunt. Si vero habent idem genus subalternum, possunt eandem habere differentiam subalternam; sic planta et animal quia conveniunt in genere subalternum, per eandem differentiam, scilicet *vitalitatem*, differunt a lapide.

Quantum antepredicamentum est divisio entis incomplexi in decem prædicamenta. Hujus occasione quærentur conditiones prædicamentorum.

III. — *Conditiones ut aliquid poni possit in prædicamento.* Prima conditio ut aliquid ponatur in prædicamento est ut sit *eius reale*. Non negamus posse in entibus rationis et conceptibus logicis coordinari aliquam seriem prædicamentalem; sic Kantius duodecim exhibet categorias quæ sunt series prædicamentalis entium secundæ intentionis. Sed entia rationis non ponuntur sub aliquo ex decem prædicamentis ab Aristotele assignatis, quæ sunt divisiones entis realis.

Secunda conditio est ut sit *eius per se unum*. Si enim est unum per accidens, non dicit unam naturam sed plures; consequenter non constat unico genere et unica differentia, sed pluribus. Quælibet ex his naturis ponetur in distincto prædicamento; vel, si in eodem, distincto modo; ut ipsum totum non ponetur unica positione. Unde in prædicamento non ponuntur entia complexa, ut *homo albus*; nec concreta accidentalia, ut *musicus*. In musico quippe duo sunt: *homo* et *musica*; *homo* vera ponitur sub prædicamento substantiæ, et *musica* sub prædicamento qualitatis.

Tertia conditio est ut sit *eius completum*. Nam partes, cum sint propter totum, ponuntur in prædicamento totius. *Directe*, seu in linea recta, ponuntur in prædicamento ipsæ nature specificæ vel genericæ, et etiam individuum tanquam basis et fundamentum; *indirecte* vero, seu in linea laterali, ponuntur differentiæ, quæ speciem constituent et ad illam se habent ut æquale ad æquale, et quæ respectu generis sunt tanquam aliquid adjacens, potius quam aliquid inferius. *Reductive* denum

ponuntur partes physicae vel integrantes, ut materia, forma, pedes, manus; et etiam in abstracto significatæ, ut humanitas, animalitas, quæ non sunt ipsa natura completa et subsistens, sed solum pars ejus. Pariter modi qui rem componunt aut determinant ad rei prædicamentum reducuntur.

Quarta est ut sit *ens finitum*; quia, si infinitum intra aliquod genus vel categoriam contineretur, jam limites haberet, et infiniti rationem amitteret.

Quinta est ut sit *univocum*. « Nam, ut dicit Joannes a S. Thoma, æquivoca non habent unam naturam sed plures, et sic non dicunt aliquid unum ponibile in prædicamento. Analogi autem remouentur, quia non habent rationem unam contrahibilem, sicut genus per differentias, nec tanquam speciem ex genere constitutam, quod contrahatur ad individuum. Excluso autem genere, specie et differentia excluditur subordinatio prædicamenti, quæ ex his constat (1). »

**IV. — Definiuntur Prædicamenta: Suprema genera ad quæ revocantur omnia quæ prædicari possunt de omni ente aliquam essentiam habente.** Distinguntur a transcendentibus, quia transcendentia sunt supra omnem categoriam nec ullatenus circumscribi possunt, prædicamenta e contra sunt modi quibus ens determinatur et contrahitur. Differunt a prædicabilibus: Prædicabilia quippe designant entia secundæ intentionis, quæ nullum habent esse extra mentem; prædicamenta vero sunt entia primæ intentionis, quæ extra animam et independentes ab anima esse habent. *Substantia* enim, quæ est primum prædicamentum, designat aliquam realitatem subsistentem quæ non pendet a nostro conceptu.

**V. — Duplex consideratio prædicamenti.** Notandum est tamen prædicamenta dupliciter considerari posse: 1<sup>o</sup> *metaphysice*, seu ut sunt prædicamenta propriè dicta; 2<sup>o</sup> *logice*, seu ut habent rationem prædicabilium. Sub primo respectu sunt entia nature quæ existunt in se (substantia), vel in alio (accidens). Hoc modo sumpta sunt objectum Metaphysicæ et vocari possunt series rerum naturalis, quia ab ipsa natura instituitur.

Et revera, quod ens dividatur in existens in se, et existens in alio, non a mentis fictione sed a natura provenit.

Sub secundo autem respectu, non considerantur prædicamenta quoad naturam, sed quoad modum prædicandi; sic substantiam non definimus *ens in se*, sed *genus supremum quod non habet aliud genus supra se et continet infra se alia genera*. Hoc modo prædicamenta non sunt series naturalis rerum, sed *series seu ordinatio artificialis ad quam reduimus omnes ideas genericas, específicas etc.*, quas de re qualibet habere possumus. Reducuntur ad primum prædicabilem, scilicet genus; et ita sunt entia rationis et pertinent ad logicam.

Hanc distinctionem invenit D. Thomas *opusc.* 48. « Scindum est quod prædicamentum, seu genus generalissimum dupliciter accipi potest: uno modo pro ipsa intentione prædicamentali seu universalitatis, alio modo pro ipsa re in qua talis intentio fundatur. Primo modo prædicamentum est ens rationis, secundo modo est ens reale ».

**VI. — Prædicamentum logice acceptum.** Diximus prædicamenta in sensu logico reduci ad primum prædicabilem, genus; atamen non includunt solum genus supremum, ut omnia prædicata essentialia a supremo genere usque ad individuum. Ut illico apparet arborescens porphyrianam intuenti, inter prædicata alia sunt superiora et magis universalis, alia inferiora et minus universalis: in supremo est substantia, deinde corpus, deinde vivens, deinde animal, deinde homo, ac tandem individuum, Plato. Adest quædam scala per quam descendimus a supremo genere ad individuum, et ascendimus ab individuo ad supremum genus; qua propter illa prædicata dicuntur *gradus*. Prædicamentum autem logicum est series omnium istorum graduum, et definiri potest juxta Joannem a S. Thoma (1): *Series seu ordinatio prædicatorum superiorum et inferiorum ab uno supremo genere, quod prædicatur de omni inferiori, usque ad individuum, quod subjicitur omni inferiori*. Exemplum affert ipsum quod attulimus: « In prædicamento substantiæ ponitur ut genus supre-



minum substantia, deinde corpus, deinde vivens, deinde animal, deinde homo deinde Petrus. »

**VII. — Prædicamentorum numerus.** Celeberrima est divisio in decem prædicamenta ab Aristotele inventa et a S. S. Patribus et Scholasticis communiter recepta. In ipsam tamen vehementer insurgunt Cartesiani et Kantiani, quorum opinionem alibi confutamus (Metaphys. Ontol. Tract. III in præmio) — In præsentem autem sufficere *breviter* ostendere Peripateticorum assertum, scilicet: *denarius est prædicamentorum numerus.*

Arg. I<sup>ma</sup>. — Prædicamenta sunt genera suprema rerum, utique decem sunt genera suprema rerum. Ergo.

*Prob. Min.* Omnis res quæ existit, vel ex natura sua habet ut possit in seipsa existere, vel ex natura sua exigit ut in alio sustentetur; non datur medium. Si potest existere in seipsa, est *substantia*; si autem indiget sustentari in alia, est *accidens*. Ergo habemus jam duo genera suprema, *substantiam* et *accidens*.

Substantia, cum sit ens perfectum, non subdividitur in alia prædicamenta; sed accidentium novem sunt genera. Quod ita ostenditur. — Quod existit in alio vel est pure absolutum, vel pure relativum, vel medio modo se habet, nempe est absolutum cum ordine ad aliquid extrinsecum: non videtur possibilis alia hypothesis. Si est aliquid absolutum, convenit substantiæ vel ratione materie, et dicitur *quantitas*, vel ratione forme, et dicitur *qualitas*. Si autem est pure relativum, dicitur *relatio*. Si denum est absolutum commotus aliquid extrinsecum, vel commutat illud tanquam principium activum a quo profluit, et est *actio*, vel tanquam principium passivum in quo recipitur, et est *passio*; vel tanquam mensuram in loco, et quidem vel in loco absolute, et est *ubi*, vel secundum dispositionem partium in loco, et est *situs*; aut respicit extrinsecum tanquam mensuram temporis, et est *quando*, vel tanquam ornamentum et tegumentum corporis, et est *habitus*.

Arg. II<sup>ma</sup>. Illa divisio adæquata est qua responderi potest omnibus questionibus quæ de re aliqua instituntur; decem

vero institui possunt de qualibet re questionibus quibus per decem prædicamenta respondetur. Ergo decem sunt prædicamenta.

Declaratur minor. De homine, v. g. quæri potest? Quid sit? *substantia*. — Quantus sit? magna an parva stature? *quantitas*. — Qualis sit? bonus, doctus? *qualitas*. — Cujus sit? filius, pater, servus dominus? *relativum*. — Quid agat? *actio*. Quid recipiat, quidve patiat? *passio*. — Quo loco vivat, Romæ, Parisiis? *ubi*. — Quo tempore? *quando*. — Quomodo sit in loco, stans, sedens recumbens? *situs*. — Quod generalis sui corporis ornamentum vel tegumentum? *habitus*.

Decem prædicamenta his versiculis comprehenduntur:

(Substantia)	(quantitas)	(relativum)	(qualitas)	(actio)	(passio)
Arbor	sex	servos	malore refrigerat	ustos	
(Ubi)	(quando)	(situs)	(habitus)		
huri	cras	stabo,	sed	inveniens	ero.

Ex his prædicamentis tria sunt absoluta simpliciter: *substantia*, *quantitas*, *qualitas*; unum est mere relativum; sex alia, ut dictum est, medio modo se habent: absoluta quidem sunt sed simul aliquid extrinsecum commutant.

De sex ultimis prædicamentis movetur difficultas a quibusdam Scholasticis, et recentior a P. Bulliet. Illorum tamen realitatem probant quæ dicemus de accidente modali (1).

**VIII. — De differentia inter accidens prædicabile et accidens prædicamentale.** Jam monuimus distingui accidens logicum, seu prædicabile, et physicum seu prædicamentale; sed, quia hæc distinctio magni apud Scholasticos est momenti, quædam addere juvat.

Accidens logicum innuit modum quo predicatur de subiecto, nempe in *quali contingenter*; accidens autem physicum designat modum quo existit, non in se sed in alio. Quicquid non convenit essentialiter vel necessarii dicitur accidens prædicabile, sive sit aliquid reale, sive rationis, sive inherens, sive subsistens. Prædicabile igitur potest esse substantia, sicut vestis respectu hominis, sed nunquam proprium. Accidens vero

prædicamentale directe opponitur substantiæ. Definitur: *Essentia cui competit esse non in se sed in alio.*

Non datur medium inter substantiam et accidens prædicamentale, quia non concipitur medium inter existere in se et existere in alio; datur vero medium inter accidens prædicabile et substantiam, scilicet proprium. *Risibilitas* non est substantia, nec tamen accidens prædicabile, quia non potest abesse sine subjecti corruptione. Proprium ergo medium tenet inter substantiam et accidens prædicabile.

Aliquid tamen potest esse simul accidens prædicamentale et prædicabile. *Petrus est albus*. Albedo non existit in se, ergo accidens prædicamentale; potest a Petro separari sine Petri corruptione, ergo accidens prædicabile.

Regula facillima qua discernatur utrum sit accidens. Prædicabile opponitur proprio, non substantiæ; prædicamentale opponitur substantiæ non proprio. Si aliquid non est substantia, est accidens prædicamentale; si non est proprium, est prædicabile (1).

1. De Universalibus et Categoriis consulti possunt ARISTOTELES, *Organum*; PORPHYRIUS, *Isagoge*; D. THOMAS, *Summa Logicæ*; et opusc. *De Ente et Essentia*; SCOTUS, *Super Universalia*; DOMINICUS SOTO, *Logica*; JOHANNES A S. THOMA, GUERINOIS, ALAMANNUS, in suis *Logicis*; FRASEN, *Logica*. D. MERCIER, *Logique*; P. CARONEL, *D. Thomæ excerpta philosophica*, etc., etc.

## ARTICULUS OCTAVUS

### EXPLICANTUR SINGULAE CATEGORIÆ

I. — **Substantia.** Quæstiones profundiores quæ ad intimam spectant naturam substantiæ et aliorum prædicamentorum in Metaphysica expendemus; hic quedam breviter attinguntur quæ necessaria sunt ad singulas categorias intelligendas.

*Substantia* designat essentiam cui competit esse in se et non in alio. Duo sibi vindicat: 1<sup>o</sup> in se et per se subsistit, 2<sup>o</sup> accidentibus sustentamentum præstat. Essentia vero hujusmodi non existit in rerum natura nisi contracta, individua, singularis. Quare substantia realis, individua, dicitur substantia *prima*, cum sit primo et maxime substantia: *Petrus, Joannes, hic liber*. Substantiæ vero *secundæ* sunt prædicata generica vel specifica quæ de substantia prima prædicantur, sicut universale de singulari: *Petrus est homo*. *Homo*, substantia secunda, prædicatur de *Petro*, substantia prima. Ipsa vero substantia prima non prædicatur de alio, cum singulari sit penitus incommunicabile. Substantia autem prima perfecte subsistens sui juris et alteri incommunicabilis, dicitur *suppositum*, vel *persona* si sit naturæ intellectualis.

Jam vero ut aliquid in prædicamento substantiæ ponatur, constare debet ex genere et differentia; categoria quippe sine genere et differentia non concipitur. Hinc omnes substantiæ creatæ, etiam angeli, in hoc prædicamento collucantur. Christus quidem Dominus, ut naturæ humanæ individuum, ponitur directe in prædicamento substantiæ, quia ut homo ejusdem est rationis cum cæteris. Deus vero, licet sit ens perfecte in se subsistens, non ponitur in substantiæ prædicamento. Non di-

recte, cum non constet genere et differentia: nec etiam reductively.

Illa enim ponuntur reductively in prædicamento quæ pertinent ut partes ad rei constitutionem. Sed Deus non pertinet ad intrinsicam rei creatæ constitutionem. Ergo.

**II. — Quantitas.** *Est accidens extensivum substantiæ in partes:* Non quidem partes essentielles, sicut materiam et formam, nec partes potestativas, sicut anima dividitur in sensitivam et intellectivam; nec subjectivas, sicut universale dividitur in inferiora — sed *partes integrales*, seu quantitativas. De essentia porro quantitatis est habere partem extra partem in seipsa, scilicet ut una pars non sit alia; quod autem partes illæ foris occupent distinctum, est proprietas quidem quantitatis, non tamen essentielle constitutivum. Quantitas itaque est accidens habens partes, illasque tribuens subjecto, et hoc modo dicitur substantiam in partes extendere. — Dividitur quantitas in *continuum et discretam*. *Continua* est ejus partes copulantur inter se aliquo termino communi, sicut *linea*, ejus partes punctis ununtur. *Discreta* vero illa est ejus partes sunt distinctæ nulloque termino communi copulatæ, ut *numerus*, qui unitatibus distinctis collatur. *Continua* autem dividitur: 1<sup>o</sup> in *permanentem*, ejus partes simul coexistunt, ut in *linea*, *superficie*, *corpore*. *Linea* porro est quantitas continua in longum, *superficies* autem in longum et latum, *corpus* denum in longum, latum et profundum. Dividitur: 2<sup>o</sup> in *fluentem*, ejus partes non simul, sed successive existunt, ut in tempore. At, juxta Thomistas, quantitas illæns, cum sit ens incompletum et successivum, non ponitur nisi reductively in quantitatis categoria.

**III. — Qualitas.** In genere qualitas dici posset id omne quod actual et determinat aliud; hinc distingueretur *qualitas substantialis* et *qualitas accidentalis*. *Qualitas substantialis* esset forma substantialis, quæ materiam actual, et differentia quæ genus ad esse substantiale determinat. *Qualitas vero accidentalis*, de qua solum hic disserimus, est id omne quod modificat substantiam in seipsa secundum aliquod esse acci-

dentale; vel brevius: *accidens modificativum substantiæ in seipsa*. Distinguitur a quantitate, quæ non proprie modificat substantiam, sed extendit in partes et reñit determinabilem per alia accidentia; differt denum a cæteris accidentibus, quia hæc modificant substantiam in ordine ad aliquid extrinsecum, qualitas vero subjectum in seipsa afficit.

Quatuor sunt qualitalis species: *habitus et dispositivus, potentia et impotentia, passio et putibilis qualitas; forma et figura*.

*Habitus est qualitas difficile mobilis disponens subjectum ad bene vel male se habendum in ordine ad esse vel ad operationem*. Si disponit in ordine ad esse, ut *sanitas, gratia*, dicitur *habitus entitativus*; si autem disponit in ordine ad operationem, ut *scientia, virtus*, dicitur *habitus operativus*. *Dispositio* in hoc differt ab habitu quod ipsa sit instabilis et facile mobilis, dum habitus est firmus et non nisi difficile mutatur.

Secunda species qualitatis definitur: *Proximum principium agendi simpliciter et absolute, vel resistendi*. Distinguitur a prima specie, nam habitus et dispositio possunt esse principia agendi *bene vel male*, non autem agendi *simpliciter*. *Potentia* quidem est principium forte et validum agendi vel resistendi, ut facultas visiva in juvene, durities adamantis. *Impotentia* autem est principium debile agendi vel resistendi, ut potentia visiva in senes et mollities in cera. In proposito igitur impotentia non est privatio potentiae, sed a potentia discriminatur solum ut imperfectum a perfecto. Potentia dividitur in *activam* et *passivam* seu *resistivam*. Ad potentiam reducuntur characteres sacramentales: ad potentiam quidem passivam character Baptismi, qui est susceptivus, ad potentiam vero activam character Confirmationis et character Ordinis, qui sunt operativi.

Tertia species definitur: *Qualitas sensibilis alterationem sensibilem causans vel ab alteratione sensibili causata*. Constat, v. g. secundum frigus, calorem, humiditatem, siccitatem. Dicitur quidem *passio* si sit subita et transiens, ut rubor ex verecundia; *putibilis vero qualitas*, si diu permaneat in subjecto, ut rubor ex naturali temperamento.

Quarta species est *qualitas disponens partes quantitatis in*

se. Complectitur *formam* et *figuram*, quæ differunt accidentaliter, quatenus forma est qualitas disponens partes quantitatis in rebus artificialibus, figura vero in rebus naturalibus. Hinc dicitur forma navis, forma domus; figura autem hominis vel figura leonis.

**IV. — Relatio** prædicamentalis, quæ dicitur ab Aristotele *ἡ πρὸς τι*, sen *ad aliquid*, est accidens cuius totum esse est ad aliud se habere. Est ergo purus respectus substantiam ad aliud referens. Confundenda non est cum relatione *transcendentali*, quæ est res absoluta ordinem importans ad aliud. Hæc autem non distinguitur a re, sed est res ipsa ut essentialiter ad aliud ordinata: cuius modi est quæ inter animam et corpus viget.

In relatione porro prædicamentali tria sint oportet: *subiectum*, *fundamentum* et *terminus*. Subiectum est id in quo est relatio et de quo dicitur, terminus est id ad quod ordinem dicit: in paternitate subiectum est pater, filius terminus. Fundamentum autem est causa cur relatio subiecto conveniat. Fundamentum quidem remotum est causa seu ratio remota, fundamentum vero proximum est causa proxima et immediata cur relatio subiecto insit, sicut generatio in relatione paternitatis.

Fundamenta remota relationum quatuor assignantur: *substantia*, *quantitas*, *qualitas*, *potentia activa*, *potentia passiva*. Substantia fundat relationes *identitatis* et *diversitatis*: ea quippe eadem vel diversa sunt quorum est eadem vel diversa substantia. Quantitas autem fundat relationes *æqualitatis* et *inæqualitatis*; qualitas vero relationes *similitudinis* et *dissimilitudinis*; potentia activa relationes *causæ ad effectum*, potentia demum passiva relationes *effectus ad causam*.

Fundamenta proxima tria sunt: 1<sup>o</sup> *unitus* et *numerus*, seu convenientia et disconvenientia: 2<sup>o</sup> *actio* et *passio*: 3<sup>o</sup> *mensura* et *mensurabilis*. Cætera vero quæ relationis naturam et realitatem spectant in Metaphysica Ontologica expendantur.

**V. — Actio** est actus, sen forma qua causa dicitur actu causans. Distinguitur actio *inmanens*, cuius terminus rema-

net in ipso agente; et *transiens* cuius terminus extra subiectum exit. Porro sola actio transiens ponitur proprie in hoc prædicamento. Etenim actio prædicamentalis est accidens quo causa denominatur actu causans. At denominatio causæ non sumitur ab actione, ut est in agente, sed ut egreditur ab ipso et ponit aliquid in passo. Sic ignis dicitur *calefacere* non secundum quod calor est in igne, sed secundum quod calor transit ab igne in aquam. Ergo actio prædicamentalis in eo consistit quod sit emanatio et egressus quidam ab agente in passum, seu in materiam externam. Actiones autem immanentes ordinantur ad bene esse sui subiecti, ut scientia, vel ad male esse, ut actus erroris; non autem sunt egressus in aliud subiectum. Unde pertinent ad qualitatis prædicamentum; et, quia sunt facile mobiles, ad dispositionem referuntur.

**VI. — Passio** est effectus illatioque actionis, seu receptio illius cuius actio est productio. Quia vero in actionis prædicamento collocantur omnes et solæ actiones transeuntes, hinc in prædicamento passionis recensentur omnes et solæ passionibus ex actionibus transeuntibus consequenter. Ideoque hoc prædicamentum non designat omnem receptionem cuiuscunque, sed tantum receptionem effectus in externa materia producti.

Passio denominat passum non præcise ut est in passo, sed ut est *ab* illatione agentis, et ideo denominat ab extrinseco. Non enim, ut ait D. Thomas (1), aqua dicitur calefieri, quia in se est calor, sed dicitur calefieri et pati, quia talis calor est a calefaciente.

Actio et passio non sunt entitates realiter diversæ, sed hæc tria: *actio*, *passio*, *motus* differunt modaliter tantum; sunt una entitas sub diversis modis considerata. Dicitur actio prout est in agente, passio prout est in patiente, motus prout est in fluxu, seu in fieri. De his plenius disseritur in Phil. Naturali.

**VII. — Ubi** communissime acceptum designat id ratione cuius res in loco constituitur. Dividitur in *ubi divinum*, ratione cuius Deus est ubique, et in *ubi creatum* ratione cuius

creatura ita loco uno astringitur ut non possit alibi esse. Dicitur etiam ubi *definitivum*, et duplex est: ubi *definitivum simpliciter dictum* et ubi *definitivum circumscriptivum*. Primum est quod rem ita constituit in loco ut tota sit in toto loco et tota in qualibet loci parte. Vocatur etiam ubi spirituale. Secundum vero est id quod ita rem coarctat in loco ut tota toti loco et partes partibus loci corresponsdeant.

Ubi autem prædicamentale est ubi circumscriptivum. Ubi enim divinum est ipse Deus, nec eoneipit potest ut categoria quedam. Ubi vero spirituale, seu angelicum, non est proprie ubi; angeli quippe non sunt proprie in loco, sed solum requirere, et locum potius continent quam a loco continentur. Itaque ubi prædicamentale his convenit tantum quæ in loco continentur et mensurantur. Illa vero solum a loco continentur quæ a loco circumscribuntur. Ergo ubi prædicamentale est ubi circumscriptivum.

Ubi non est ipse locus, sed accidens resultans in subjecto ex eo quod a loco mensuretur. Describitur eademmodo: *Denominatio corporis locati, ab ipso loco circumscribente* proveniens.

Species ubi sunt: *sorsum, deorsum, ante, retro, dextrorsum, sinistrorsum*.

**VIII. — Situs** est accidens disponens partes rei locatæ in ordine ad locum, sicut *sedere, stare, cubare*. Situs est aliquid ipsi ubi superadditum et ab ipso distinctum. Ubi quippe est modus rei locatæ ex circumscriptione loci proveniens ratione ejus rei locatæ loco ipsi commensuratur adeo ut tota toti loco et partes rei partibus loci respondeant et adequentur; situs autem addit talem vel talem dispositionem partium in loco ratione ejus non est recta, alia inflexa, alia curva, etc.

Dividitur situs in *naturalem*, qui est dispositio partium corporis ipsi a natura conveniens, v. g. quod hominis caput sit sursum, pedes deorsum; et in situm *inarturalem*, qui est dispositio partium non a natura, sed ad libitum, vel ex violentia acquisita.

**IX. — Quando** est accidens in re durante proveniens ex adjacentia temporis a quo rei illius duratio mensuratur. Sicut res locata ex eo quod loco mensuretur acquirit ubi, ratione ejus formaliter denominatur esse in tali vel tali loco, ita res

durans, ex eo quod ipsius duratio temporis subjiciatur, acquirit quendam modum vi ejus formaliter dicitur esse in tali vel tali tempore, hodie, heri vel eras.

Triplex porro est duratio: *æternitas*, seu duratio entis immutabilis in sua substantia et operatione; *ævum*, seu duratio entis immutabilis in substantia, mutabilis vero in operatione; *tempus*, seu duratio entis mutabilis et quoad substantiam et quoad operationem.

Mensuræ autem æternitatis et ævi non ponuntur in hoc prædicamento. Sicut enim Deus et angelus non habent proprie ubi, ita nec proprie quando. In duratione quippe immutabili non potest queri: quando fuit vel erit? nam semper et eodem modo est. Servit ergo quando pro durationibus mutabilibus quæ temporis subjiciuntur.

Quando tamen non est tempus, sed determinatio in tempore, aliquid nempe relictum in re durante ex eo quod a tempore mensuretur. Est ad tempus, sicut ubi ad locum.

**X. — Habitus** est corporum et eorum quæ corpori adjacent, nimirum accidens in subjecto induta ex indumento adjacentia proveniens. Non est ipsum indumentum; vestis quippe dici potest accidens prædirabile; non tamen prædicamentale, enim in se subsistat. Habitus ergo est illa affectio quæ in subjecto ex vestimento resultat. Quamvis enim vestis sit substantia in se, ejus tamen applicatio est accidentalis et categoriam accidentalem constituit. Sicut ex adjacentia loci resultat in re modus quidam vi ejus est formaliter in loco, et ex adjacentia temporis relinquitor modus ratione ejus res formaliter dicitur esse in tali tempore, ita ex adjacentia vestis relinquitor modus quo subjectum formaliter dicitur vestitum. *Habitus* est quid medium inter indumentum et habentem indumentum. « Unde fit, ait Joannes a S. Thoma, quod animalia etsi tegantur pilis vel armentur unguitibus, non denominantur ab illis vestita, quia sunt partes corporis. Si autem veste aliqua circumdantur, ut equus phaleratus vel armatus, denominantur ab hoc prædicamento, sicut lino a veste (1). »

Species hujus prædicamenti sunt *vestes* et *arma*.

## ARTICULUS NONUS

## DE POSTPRÆDICAMENTIS

**I. — Postprædicamenta** sunt proprietates quædam ad Prædicamenta consequentes, quæ tamen propter suæ entitatis imperfectiorem in nullo prædicamentorum genere collocari directe possunt. Quinque enumerantur: *Oppositio*, *prioritas*, *similitudo*, *modus habendi*. Vocantur etiam *Hypothecæ*.

**II. — Oppositio.** In genere distinguitur duplex oppositio: alia *complexa*, quæ est iudiciorum et propositionum, alia *incomplexa*, quæ est rerum vel conceptuum. De complexa loquimur in tractatu de propositione; hic de incomplexa disseritur. Hæc vera late sumpta est pugna inter duo, seu repugnantia aliquorum quæ simul eidem convenire non possunt. Hæc ratio comprehendit etiam disparata, quæ proprie opposita non sunt, ut est *arbor* et *equus*.

Oppositio autem strictè sumpta definitur: *Repugnantia determinata aliquorum inter se*. Differt ab oppositione disparata, quia hæc repugnantiam involvit cum omnibus quibuscum non convenit in essentia, sicut inter *bovem* et *plantam*; oppositio vero strictè sumpta importat determinatam repugnantiam unius extremi cum altero cui directe opponitur: quo modo *lux* et *tenebræ*, *virtus* et *vitium* opponuntur.

Quatuor in species oppositio strictè sumpta dividitur: oppositionem scilicet *contradictoriam*, *privativam*, *contrariam*, *relativam*. *Contradictoria* est impossibilitas inter ens et non ens, seu rem et ejus negationem ut sunt *videns* et *non-*

*videns*, *homo* et *non-homo*. Oppositio igitur contradictoria totaliter removet alterum, nihil omnino relinquens.

Oppositio *privativa* est repugnantia inter formam et defectum ejus, seu carentia formæ in subiecto apto nato, id est, quod naturaliter aptum est ad illam formam habendam. Notabilis intercedit differentia inter negationem et privationem: negatio quippe dicit solum absentiam formæ ejusdemque, privatio vero est absentia formæ subiecto *debito*. Sic absentia cognitionis in bruto est negatio seu nescientia, in homine privatio, seu ignorantia.

Duplex autem considerari potest privatio: una quæ tollit solum actum, nempe actualem possessionem formæ, sicut ignorantia relata ad scientiam; alia vero quæ non solum actum, sed etiam potentiam ad formam demit, sicut cæcitas removet potentiam videndi. A *privatione* (hoc modo accepta) *ad habitum non datur regressus naturaliter*, ait Aristoteles; ex cæco non potest fieri videns. A *privatione* autem primo modo accepta ad habitum dari potest regressus per naturam: ex ignorante fieri potest sciens naturaliter.

Oppositio *contraria* est repugnantia duarum formarum positivarum quæ sub eodem genere contentæ maxime distant, et ab eodem subiecto se mutuo expellunt. Differt a duobus prædictis, quia istæ vigent inter unum terminum positivum et alterum negativum, dum in ipsa ambo termini sunt res positivæ. Continentur autem illæ formæ contrariæ sub eodem genere, vel proximo, ut *nigrum* et *album* sub genere coloris; vel remoto, ut *virtus* et *vitium* sub eodem genere habitus. Maxime distant, quia in eodem genere utraque est in extrema distantia, ut vitium et virtus, nec in eodem subiecto simul sociari possunt. Quia vero extrema sunt res positivæ, potest inter duo contraria dari medium, sicut inter odium et amorem; possum quippe simul et ab odio et ab amore abstinere.

Oppositio *relativa* est repugnantia duorum extremorum orta ex ordine quem ad invicem important, ut *pater* et *filius*, *servus* et *dominus*. Si relatio est mutua, ut in illis exemplis, oppositio erit *reciproca*; si autem relatio est in uno dumtaxat extremo, oppositio dicitur non mutua.

Maxima omnium oppositionum est *contradictoria*. Omnes enim ceteræ aliquid relinquunt : contraria relinquit aliquod medium, ut dictum est ; privativa relinquit aptitudinem ad oppositam formam, sicut ignorans aptitudinem habet ad scientiam comparandam ; relativa non destruit oppositum, sed potius exigit utrumque extremum simul. At contradictoria nihil omnino relinquit. Negatio quippe unius ita absoluta est ut excludat omnem convenientiam cum suo extremo negata. Hinc contradictori dicitur *esse fortissima*. Sub alio respectu *nihil est contradictorie infirmius*, quia contradictorium non potest in natura existere, nec cogitare possumus esse simul et non esse.

Privativa est major contraria ; nam contraria non excludit medium, nec genus ; privativa vero illa excludit, et solum relinquit subjectum, seu aptitudinem in subjecto. Ac tandem omnium minima est relatio, quæ non tollit aliquod extremum, sed solum distinguit.

III. — **Prioritas** est modus quo una res præcedit aliam. Quintuplex est : *temporis, naturæ, consequentiæ, dignitatis, ordinis*.

Illud prius *tempore* dicitur quod aliud antecedit aliqua reali temporis duratione, saltem aliquo instanti reali, ut pater creatus præcedit filium, et calor ignis calefacientis calorem aque calefactæ. Prius autem *natura* dicitur quod est simul duratione et in eodem instanti reali cum alio, ita tamen se habet ut esse alterius pendeat ab ipso, quia ratione essentia est prior facultatibus. Hæc autem prioritas subdividitur in prioritatem *in quo* et prioritatem *a quo*. Prioritas *in quo* habetur, quum unum pendet ab alio quod dicitur prius, ut non vicissim istud pendet ab illo, v. g. *rationalitas* et *visibilitas*, *anima* et *facultates*. Visibilitas enim oritur a rationalitate, facultates ab animæ essentia causantur, sed non e converso. Dicitur *in quo*, quia est veluti instans rationis ratiocinatæ in quo id quod dicitur prius intelligitur esse sine posteriori. Prioritas *a quo* est inter illa quæ mutuo a se dependent, et quorum alterum sine altero non intelligitur, quemadmodum materia pendet a forma, et forma a materia. Vocari posset prioritas et posterioritas mutua.

Prioritas *consequentiae*, seu *quoad subsistendi consequentiam*, habetur quum valet consequentia a secundo ad primum, non autem a primo ad secundum. Quo modo omne superius est prius inferiori, animal prius homine. *Est homo*, valet consequentia : *ergo est animal*, non autem valet consequentia : *est animal, ergo est homo*. In hac prioritate secundum substantiam primum, non autem primum secundum.

Prius *dignitate* dicitur quod aliud excedit excellentiâ, merito vel officio. Prius demum *ordine* est quod in dispositum rerum seu partium, aliud antecedit ; Logica est prior ordine in divisione Philosophiæ, exordium prius est inter concionis partes. Distingui etiam potest prioritas *originis*, quum aliqua a suo principio procedunt absque ulla causalitate vel dependentia, quo modo in divinis Filius a Patre procedit, et Spiritus a Patre et Filio. At, quia nulla ibi est dependentia, nullum est vere prius ; et melius diceretur *ordo* originis quam *prioritas* originis.

IV. — **Simultas**. Non opponitur præcise prioritati, nam priori formaliter opponitur posterius, sed directe simultas opponitur *successioni* inter prius et posterius. Species autem simultatis distinguuntur sicut species prioritatis : Simultas *temporis* est inter ea quæ eodem tempore, eodemque instanti reali existunt, ut ignis et calor ; simultas *naturæ*, inter ea quæ se mutuo ponunt et destrunt, licet neutrum sit alterius causa. Hujusmodi sunt relativa. Posito domino ponitur servus ; sublato domino tollitur servus, et vice versa. Simultas *consequentiae* inter ea quæ se mutuo inferunt, v. g. : *est spirituale, ergo naturaliter immortale* ; *est naturaliter immortale, ergo spirituale*. Simultas *dignitatis* est paritas in dignitate. Simultas demum *ordinis* est inter ea quæ sunt ejusdem generis vel ordinis, v. g. differentie divisivæ ejusdem generis, et ipsæ species sub eodem genere contentæ.

V. — **Motus** definitur ab Aristotele : *Actus existentis in potentia in quantum hujusmodi*, id est, in quantum est in potentia. Aliis verbis, motus est aliqua perfectio imperfecta, quæ ens ponitur in aliquo actu et nihilominus remanet in po-

tentia. Acquisitio caloris est actus, seu perfectio quædam subiecti quod calefit, at nonobstante actu illo subiectum calefaciendum remanet adhuc in potentia ad ulteriorem calorem. Est ergo acquisitio caloris actus subiecti existentis in potentia. Itaque motus est actus vialis ad terminum. Dicitur: *in quantum huiusmodi*, scilicet in quantum est tendentia ad actum perfectum, qui est terminus (1). Simplicius definiri potest: *transitus de uno statu in alium*.

Sex porro sunt species motus. Nam mutatio de uno ad aliud potest esse vel ex non subiecto in subiectum, ex non esse substantiali ad esse substantiale, ut cum ex non animali fit animal, et sic habetur *generatio*; vel ex subiecto in non subiectum, ex esse substantiali ad non esse substantiale, ut cum ex animali fit cadaver, et habetur *corruptio*. Vel fit ex subiecto in subiectum, et ita quadruplex est: *alteratio*, qua subiectum transit de qualitate in qualitatem; *augmentum*, quo subiectum transit de minori vel imperfecta ad maiorem vel perfectam quantitatem; *decrementum*, quo subiectum transit de maiori vel perfecta ad minorem vel imperfectam quantitatem; *latio*, qua subiectum transit de loco in locum.

**VI. — De modo habendi.** Ultimum postprædicamentum, *habere*, est motus quo una res dicitur *habere* aliquid. Sunt autem octo modi. Primus est quo quis dicitur habere qualitatem, ut scientiam, virtutem; secundus quo quid dicitur habere quantitatem, puta bicubitalem, vel tricubitalem; tertius est quo quis dicitur habere ea quæ corpori adjacent, ut vestem, arma; quartus, quo quis dicitur habere ea quæ adjacent parti, ut anulum in digito; quintus quo quis dicitur habere membrum; sextus quo quid dicitur habere contentum, ut lagena vinum; septimus, quo quis dicitur habere possessionem; octavus, quo vir dicitur habere uxorem, vel uxor habere virum. Ita ALAMANNUS (2).

Hi modi ad quinque reduci possunt. Aliquis enim dici potest habere aliquid: 1° per *inhærentiam*, ut intellectus habet

scientiam, corpus quantitatem, murus colorem; 2° per *continentiam*, ut lagena vinum, crumena pecuniam; 3° per *possessionem*, sicut homo habet domum; 4° per *relationem*, sicut servus habet dominum, filius patrem; 5° per *juxtapositionem*, sicut homo habet arma, vestes; sicut Gallia, ait Goudin, habet ad occidentem Oceanum et ad meridiem mare Mediterraneum.

1. Vide dicenda in I P. Phil. Nat. Tract. III. Q. 1, art. II.

2. Loy. de Postprædic.



## QUÆSTIO SECUNDA

## De his quibus manifestatur simplex apprehensio.

Hucusque sermonem habuimus de elementis quibus fit prima mentis operatio, seu de ideis et conceptibus. At interna operatio exterius manifestatur signis vel terminis. Hinc est disserendum de signis et terminis eorumque divisionibus et proprietatibus.

## ARTICULUS PRIMUS

## DE SIGNIS ET TERMINIS (1)

**I. — Signum in communi.** Definitur : *Id quod representat aliud a se potentie cognoscenti.* Duo sunt de ratione signi hoc modo sumpti. Primum est ut sit manifestativum et representativum ; secundum vero est ut dicat ordinem ad alterum, scilicet ad aliquid a se distinctum, quia nihil est sui signum ; et ad potentiam cui manifestat rem a se distinctam. Ordinatur itaque ; 1<sup>o</sup> ad rem significatum tanquam ad terminum quem manifestat, et 2<sup>o</sup> ad potentiam cognoscentem tanquam ad terminum cui fit manifestatio.

**II. — Signum dividitur in formale et instrumentale.** — *Formale* est quod representat aliquid vi ipsius similitudinis, ut *imago* ; *instrumentale* vero quod ducit in alicujus cognitionem vi alterius connexionis præter similitudinem ; sic *fumus* re-

presentat *ignem*, non vi similitudinis sed vi connexionis quæ est inter effectum et causam.

*Instrumentale* definitur : *Id quod prius cognitum ducit in cognitionem alterius.* Hæc definitio passim traditur de signo in genere, sed non nisi instrumentali signo proprie convenit. Signum enim formale non semper prius cognoscitur quam res significata ; imo significatum cognosci potest simul et prius ipso signo ut *medio*, vel in ipso signo. Sic species qua fit cognitio rei externæ est ejus signum formale, cum tamen prius cognoscatur objectum quam species. De ratione e contra signi instrumentalis est ut sit aliquid prius cognitum, et quatenus prius cognitum, ducat in alterius cognitionem. Quandoque tamen signum formale potest ducere in rei cognitionem quatenus est prius cognitum, sicut cum imago prius cognita facit aliud cognoscere ; at tunc non est pure formale, sed novam induit rationem et dicitur *formale objectiveum*.

Porro signum in stricto sensu acceptum comprehendit solum signum instrumentale et signum formale objectiveum, non autem signum pure formale. Nam ex modo loquendi signum dicitur quod est magis notum, seu prius notum quoad nos. At signum pure formale non est prius notum quoad nos, ut dictum est. Ergo. De ratione igitur signi proprie dicti tria sunt : 1<sup>o</sup> ut sit manifestativum ; 2<sup>o</sup> ut ordinem dicat ad alterum a se distinctum ; 3<sup>o</sup> ut sit *prius cognitum* quam res manifestata et significata. Nonnulli quartam addunt conditionem, nempe ut signum sit minoris momenti quam signatum ; sic fumus, statua minoris sunt momenti quam res ipsis significata.

**III. — Aliæ partitiones signi.** Signum *naturale* dicitur quod representat ex ipsa natura, et idem est apud omnes : fumus est signum ignis naturale ; vestigium leonis naturale ; signum transitus leonis ; ploratus naturale tristitiæ indicium.

Signum *arbitrarium* est illud quod representat aliquid vel ex impositione voluntatis per publicam auctoritatem, sicut *rexillum*, quo casu dicitur proprie signum *ad beneplacitum* ; vel ex solo usu absque publica impositione, sicut *mappæ supra mensam* significant prandium, quo casu dicitur signum *ex consuetudine*.

1. Cf. ARISTOTELES, *Perihermeneias*, D. THOMAS, comment. in præfatum librum, JOANNES à S. THOMA, *log.* II P. Q. 21, ALAMANNUS, *log.* Q. XVI.

Signum *artificiosum*, seu *mixtum*, est id quod partim ex natura partim ex conventionem significat, ut *gladius*, *barometrum*.

Signum *suppositivum personale* est quod non solum rem manifestat sed, etiam pro ipsa supponit ipsiusque vices gerit; ut *statua regis* pro regis persona supponit.

Signum vero *manifestativum impersonale* est quod rem solum ostendit, non pro ipsa supponit. Potest autem idem simul esse manifestativum et suppositivum, sicut *imago* est manifestativa regis et supponens pro rege; sicut *vocabula* sunt suppositiva rerum et correptivum manifestativa.

Signum dicitur *speculativum* si ordinatur tantum ad repræsentandum, *practicum* autem, si id efficiat quod significat; sacramenta sunt signa practica, quia causant gratiam quam significant.

Signum quod est de præterito dicitur *rememorativum*; quod est de præsentis *demonstrativum*; quod est de futuro, *prognosticum*. Eucharistia, v. g. est signum rememorativum Passionis Christi, demonstrativum gratiæ, prognosticum future gloriæ.

IV — In quo prædicamento sit reponendum signum in communi, et an debeat esse aliquid sensibile. Ad primam questionem sit responsio: *Signum est in prædicamento relationis*.

Probat. Signum se habet ad signatum sicut mensuratum ad mensuram, sicut substitutum ad suum principale. Atqui ordo mensurati ad mensuram, substituti ad suum principale est relatio prædicamentalis. Ergo. Proh. Maj. Signum, ut sit verum signum, debet confirmari signato, et tanto melius significat quanto propius ad ipsum signatum accedit. Mensuratur ergo a signato. Pariter signum non est propter seipsum, sed ordinatur ad signatum tanquam ad suum terminum. Quod autem ordinatur ad aliud tanquam ad finem se habet ad ipsum sicut ad principale. Stat ergo major: Signum se habet ad signatum sicut mensuratum ad mensuram, sicut substitutum ad principale. — Minor autem constat ex dictis. Proxima enim relationis prædicamentalis fundamenta sunt unitas et numerus, actio et passio, *mensura* et *mensurabile* (1).

1. Cf. Ont. Tract. III. Q. 3, art. III, n. IX.

Ad secundam vero questionem responsio est: *De ratione signi inter homines est ut sit aliquant sensibile*. Probat. Signum in sensu stricto debet esse melius quam res significata, cum sit medium ipsam cognoscendi. Atqui sensibilia sunt homini notiora quam spiritualia; est enim modus naturalis cognitionis nostræ ut per visibilia ad invisibilia, et per sensibilia ad intelligibilia assurgamus. Ergo de ratione signi inter homines est ut sit sensibile. Hinc est quod Christus, ut nostræ naturæ se accommodaret, sacramenta sensibilia instituerit.

V. — *Signa logica*. Quæ de signo in genere prænotavimus applicanda sunt signo logico, quod dicitur *terminus*. Definatur in universum terminus. *Signum rei simpliciter apprehensione perceptæ*. Terminus quidem *mentalis* est ipsum signum internum rei mente perceptæ; terminus autem *vocalis* seu *oralis* est vox ex hominum arbitrio significans et terminum mentalem et rem termino mentali expressam.

Terminus mentalis est signum formale, naturale; formale quidem, quia est ipsa rei similitudo, naturale vero, quia vim determinatam significandi habet a natura. Terminus autem oralis est signum instrumentale ad beneplacitum; quia non vi similitudinis nec ex instituto naturæ sed ex hominum consuetudine significat. Directe et immediate refert terminum internum, seu verbum mentale, est enim illius vicarius sensibilis; secundo autem ipsam rem quæ verbo mentali repræsentatur.

VI. — *De sermone*. Quo melius intelligatur natura termini oralis, seu vocabulorum, quædam de sermone subjunguntur. Sermo in genere, prout comprehendit et propriam et metaphoricam significationem, quadruplex distingui potest: *sermo actionis*, *sermo sonorum* seu *vocum*, *sermo articulatus* seu *locutio*, ac *sermo scriptus*.

1º Sermo *actionis* complectitur gestus, motionem vultus, oculorum, capitis, corporis, et generatim motus omnes qui ad manifestandas internas impressiones ordinantur. Ille sermo spontaneus, instinctivus ac naturalis est; invariabilis aut fere invariabilis in omni tempore et loco invenitur, nec sine illo vera datur eloquentiæ vis.

2<sup>o</sup> Sermo sonorum comprehendit clamores inflexionesque in articulas vocis. Vox porro ab Aristotele definitur: *Sonus ab ore animalis prolatus cum imaginatione quadam* (1). Est igitur homini et bruto communis. Producitur ex influxu imaginationis aliquid apprehendentis. Imaginatio vero cognoscit tantum sensibilia, seu ea quæ sunt delectationis et tristitiæ objecta; hinc est quod vox dicatur et sit signum tristitiæ et delectationis, et, quia passiones omnes ad tristitiam et delectationem redeuntur, vox dici potest universale passionum signum. Vocum alia significant ex natura, ut gemitus, interjectiones, rugitus; alia autem sine significatione sunt, ut *bilitri*, *syndapsis*; alia demum ex hominum placito significant.

3<sup>o</sup> Sermo articulatus, seu locutio, est sonus ab ore hominis prolatus ad manifestandos internos mentis conceptus. Differt a voce dupliciter: primo quidem, quia vox est modulatio inarticulata, constans vocalibus, vel si quibusdam consonantibus, non tamen ordinatis ad syllabas et phrases efformandas, locutio autem constat vocalibus et consonantibus, ita ordinatis ut ex eorum copulatione resultet syllaba, ex syllabis vero vocabula, ex vocabulis phrases. Secundo, quia vox est passionis signum, locutio vero mentalis conceptus expressio; vox singularia, locutio universalia refert. Quantum ergo distat intellectus a sensu, tantum præceminet locutio voci.

Locutio naturæ humane mire congruit. In homine quippe est spiritus et corpus, in sermone concurrunt etiam cum corpore spiritus: spiritus quidem est conceptus internus, verbum mentale; corpus autem est sonus sensibilis, qui est internæ cogitationis indumentum et vehiculum. Sicut corpus animæ debet inservire, ita vocabulum cogitationi; sicut vero interdum corpus animam impedit et captivat, ita quandoque cogitatio vocabulo impeditur litque quasi vocabuli serva. At secundum legem naturalem sermo et cogitatio debent se mutuo juvare, sicut anima et corpus.

Hinc apparet sermonis et vocabulorum necessitas. Si homo purus esset spiritus, sufficerent sibi proprii conceptus; si solitarium vitam duceret sufficerent sibi passiones. At, quia est

naturaliter socialis, signis uti debet quibus cum cæteris communicet. Si sensitiva tantum cognitione uteretur, sufficeret sibi vox, at quia est sensibilis et intellectualis naturæ, debet habere sensibilia conceptus intellectualis signa, et hæc sunt vocabula, seu locutio (1).

4<sup>o</sup> *Scriptura* est vicaria locutionis, seu ipso sermone oralis pictus et quasi ipsis oculis loquens. Porro homo, sicut invenire potuit vocabula ad suos conceptus exprimendos, ita sibi potuit signa præstitinere ad suam locutionem pingendam. In principio, ut videtur, scriptura fuit figurativa: ad scribendum objectum quidpiam illud pinxerunt. Postea devenerunt ad scripturam ideographicam, quæ ideam, non sonum repræsentat; ac tandem ad scripturam phoneticam, sonorum repræsentativam, quæ nempe vocabula dividit in syllabas et syllabas in vocales et consonantes.

Celeberrima est scriptura Ægyptiorum hieroglyphica, quæ signum habet figurativa, allegorica et phonetica. Sunt autem hieroglyphæ imitationes objectorum sive realium sive imaginariarum ad cogitationem exprimendam. Sic imago aquilæ designat litteram *a*, imago leonis litteram *b*, imago oris *c*, imago nocturnæ *m*, etc. Quandoque signa syllabica adjuncta habent signa ideographica quæ significationem determinant. Sic verbum quod significat manicare adjunctum habet hieroglyphum representans hominem qui ad os manum admoveat.

**VII. — Inter omnia signa vocabula principatum obtinent.** Nam omnia alia signa verbis enunciare possumus, sed verba aliis signis exprimi vel nullatenus vel nonnisi imperfecte et confuse possunt.

Vocabula decem assignant Grammatici, tria vero frequentioris usus sunt apud Logicos: *nomen, verbum et attributum*. De attributo loquimur in tractatu de propositione, hic nonnulla de nomine et verbo.

**VIII. — Nomen:** Definitur ab Aristotele: *Vox significativa ad placitum sine tempore cujus nulla pars significat separata, finita et recta* (2).

1. Cf. 1. *Periherm.* Lect. 2.

2. 1. *Periherm.* cap. vi.

Dicitur: 1<sup>o</sup> *cujus nulla pars significat separata*, ut in hoc exemplo: *tellus, tel* et *lus* separatim nullum exhibent sensum. Quandoque partes possunt materialiter aliquid significare, non autem in ordine ad componendam vocem completam. Sic *res* et *publica* separatim significant, at non referunt simplicem illum conceptum quem exhibent quum uniuntur in hac dictione: *respublica*, id est, regimen commune.

2<sup>o</sup> *Sine tempore*. Nomen abstrahit a presenti, præterito et futuro, remque exhibet quasi subsistentem, non autem per modum actionis et passionis. Potest quidem materialiter actionem exprimere, ut *scriptio, fabricatio*, sed id sit per modum subiecti, non per modum actionis. Scriptio enim et fabricatio, ut nomina, abstrahunt ab omni actu presenti.

3<sup>o</sup> *Finita*. Nomen infinitum, seu infinitans, dicitur quod aliqua negatione apposita reddat suam significationem indeterminatam: *non-homo*. Notandum est negationem quandoque affligi præcise ad negandum, ut *nullus*; quo casu non est vox infinitans. Tunc solum nomen infinitum dicitur, cum negatio ponitur ad faciendam significationem indeterminatam. Porro vox infinitans non est nomen. Nomen quippe est quasi *notamen* et designativum rei; rem enim suo nomine notamus, dignoscimus, distinguimus a cæteris. At nomen infinitum nec notat, nec designat, nec distinguit; quinimo suum significatum reddit indeterminatum, exprimendo quid non sit, non vero quid sit.

4<sup>o</sup> *Berta*. Casus obliqui excluduntur a stricta ratione nominis. Proprium enim officium nominis est significare aliquid nominando, id est notando et designando quid sit in se. At casus obliqui, casus *cujus*, vel *cui*, significant rem prout est alterius, non vero prout est in se. Ergo non sunt nomina. « Quia potius, ait Joannes a S. Thoma, *easus* dicuntur, quia a propria nominis ratione cadunt ».

Animadvertendum est tandem nomen significare per modum subiecti et substantiæ. Vocatur *substantivum*, non quod semper substantiam relerat: *virtus* quippe, *albedo*, sunt accidentia; sed quia quidquid significat, per modum subiecti in se stantis exprimit.

IX. — **Verbum**. Est vox *significativa ad beneplacitum*, quæ *insuper significat cum tempore*, et est signum eorum quæ de alio dicuntur. Dicitur: 1<sup>o</sup> *Cum tempore*. Aliquid potest significare tempus ut rem significatam, et hoc sit per nomen, v. g., *tempus, dies, mensis, annus*; aliquid potest significare habitudinem unius temporis ad aliud, et hoc sit per adverbium, *heri, hodie, cras*, etc.

Ac tandem potest significare *cum tempore*, et hoc est proprium verbi. Significare enim cum tempore est significare actionem et passionem, prout est in fieri. Actio porro ut in fieri est quidam fluxus et motus, seu egressus ab agente in passum. Jam vero motus tempore mensuratur. Significare ergo actionem vel passionem in fieri est significare cum tempore. Verbum potest quidem esse independens a tempore, si exprimit aliquid æternæ veritatis: *homo est animal rationale*; at semper *cum tempore* significat, quia etiam actiones æternæ veritatis intelliguntur a nobis per modum temporis, id est per modum fluxus et motus. Tempus autem quod importat verbum est tempus præsens; præteritum quippe et futurum ipso verbo non exprimuntur, sed potius formis et casibus verbi.

Omnia porro verba et omnia verborum tempora ad præsens verbi *est* reducuntur: *Laborat, est laborans*; *laboravit, est habens laborem ut factum (il est ayant travaillé)*; *laborabit, est habens laborem ut faciendum (il est devant travailler)*.

2<sup>o</sup> *Est signum eorum quæ de alio prædicantur*, quia est vinculum subiecti et attributi, unde dicitur *copula*. Subjectum quidem et prædicatum sunt materia, verbum vero est forma propositionis.

Diximus nomen infinitans non esse proprie nomen; an autem dari possit verbum infinitans? Resp. Intra propositionem verbum non potest infinitari, bene vero extra propositionem. Verbum enim intra propositionem exercet officium copulæ. Ergo negatio afficiens verbum afficit ipsam copulam, ipsumque unionem, ideoque negat verbum, non infinitat. Extra vero propositionem verbum non tenet locum *copulæ*, ideoque potest infinitari.

## ARTICULUS SECUNDUS

## DE DIVISIONE ET PROPRIETATIBUS TERMINORUM

I. — Terminorum divisio. Cum termini signa sint conceptuum, dividuntur sicut ipsi conceptus. Quaedam tamen sunt divisiones quae magis propriae sunt terminis mentalibus, sicut terminus *intuitivus*, *abstractivus*, *quidditativus directus*, *reflectivus*. Quaedam autem magis propriae terminis vocalibus. Hi autem termini sunt :

1<sup>o</sup> Terminus *significans*, qui revera aliquid menti exhibet, terminus *inanis* qui aut nihil aut rem repugnantem refert, ut *bilibili*, *circulus quadratus*.

2<sup>o</sup> Terminus *fixus*, terminus *vagus*. Terminus *fixus* habet constantem significationem, ut *circulus* ; *vagus*, autem modo unum, modo alium conceptum exhibet, simul *natura* modo essentiam, modo totum universum, modo id quod est gratiae oppositum, significat.

3<sup>o</sup> Terminis vagi affines sunt terminus *equivocus*, *ambiguus* et *obscurus*. *Equivocus* est terminus idem qui pluribus simpliciter diversis tribuitur. *Equivocatio* porro non est idcirco, nam idea ita est unius ut non possit esse alterius imago. Haec autem est differentia inter terminum *equivocum* seu *ambiguum*, et terminum *obscurum* : in obscuro vel nihil vel parum quod attendatur apparet, nec satis constat an quid significandum impositus fuerit ; in *ambiguo* vero plura apparent, sed quid horum accipiendum sit ignoratur.

4<sup>o</sup> Terminus *categorematicus* qui per se solum significat, ut *homo* ; et terminus *syncategorematicus* qui significat cum alio, ut *tres*, *decem*, etc.

3<sup>o</sup> Terminus *obsoletus*, qui ab usu communi non amplius recipitur, et terminus *usitatus*, qui a communitate recipitur, P. Lepidi (1).

II. — De suppositione. Terminorum proprietates praecipuae sunt :

*Suppositio*, *appellatio*, *ampliatio*, *restrictio* et *alienatio*. — *Suppositio* est acceptio termini pro aliquo de quo verificatur. Quum enim res ipsas inter disputandum alferre non liceat, loco rerum terminos adhibemus, sicut supputatores utuntur calculis loco pecuniarum. Quae nominis substitutio loco rei dicitur *suppositio*.

Non est suppositio ipsa vocabuli significatio. Nam significatio est representatio qua ipsae voces nobis ingerunt res significatas ; suppositio vero non tantum rem ostendit, sed etiam substituitur loco illius cui volumus aliquid applicare. *Homo est sapiens* ; *homo*, hic non solum significat naturam humanam, sed etiam loco naturae humanae, cui sapientiam tribuo, substituitur. Hinc multi termini significant qui tamen non supponunt ; sic adjectiva non supponunt, sed copulant. In propositione subjectum dicitur *supponere*, predicatum autem *verificare*.

Additur : *pro aliquo de quo verificatur*. Sensus non est : de quo verificatur ipsa propositio, sed : de quo verificatur acceptio seu substitutio termini. *Homo est lapis* ; non verificatur propositio, ut tamen *homo* vere supponit, quia respectu huius copulae : *est*, revera datur aliquid cui attribuo esse lapidem. Cum autem acceptio termini non verificatur, dicitur propositio de subjecto non supponente.

III. — Suppositio termini non habet locum extra propositionem. Licet enim terminus significet extra propositionem, non tamen verificatur ejus substitutio loco alterius nisi per copulam *est*. Sed in sola propositione invenitur copula. Ergo in sola propositione terminus supponit.

IV. — Suppositionis partitiones. Ex parte significati divi-

ditur in *propriam* et *impropriam*. *Propria* est acceptio termini pro eo quod proprie significat vel representat, ut cum dico : *Leo rugit*. *Impropria* est acceptio termini pro eo quod metaphorice et similitudinarie refert, ut si dicam : *Vicit Leo de tribu Juda*.

*Propria* vero dividitur in *materialem* et *formalem*. *Materialem* est acceptio termini pro seipso, seu pro ipsa voce. *Messias* est nomen hebraicum, *homo* est vox duarum syllabarum. *Formalis* est acceptio termini pro suo significato : *Messias* est *Filius Dei* quem mirabili iniectione *Deus* nunt.

Formalis duplex est : *simplex* et *personalis*. *Simplex* est acceptio termini pro eo quod est significatum primario et immediate. *Homo* est *species* ; non accipitur hic homo pro individuo, seu pro homine ut sic. Suppositio vero *personalis* est acceptio termini pro individuo seu pro his quæ materialiter et mediate significat. *Petrus* est *homo*. Dicitur *personalis*, quia convenit suppositis seu personis.

Distinguitur etiam suppositio *logica* et *realis*. *Logica* est quæ ponitur pro re ut subest intentioni secundæ ; *animal* est *genus*, *homo* est *species* ; *realis* vero quæ ponitur pro re ut subest intentioni primæ : *Animal* est *vivens* *animationem* ; *animal* est *ferox*, etc.

Distinguitur insuper suppositio *singularis* et suppositio *communis*. Suppositio *singularis* est acceptio termini singularis pro re singulari : *Petrus* *disputat*. Suppositio communis est acceptio termini communis pro conceptu experiente rem pluribus communem : *Homo* *disputat*.

Communis suppositio dividitur in *absolutam* et *personalem*. *Simplex* et *absoluta* dicitur quando acceptio termini est pro suo immediato significato, id est pro natura, abstractione facta ab individuis : *Homo* est *animal*. *Personalis* vero quando acceptio termini est pro mediato significato seu pro individuis et personis : *Omnis homo* *moritur*.

V. — De descensu. Illa quibus applicatur terminus communis dicuntur inferiora. Successiva autem substitutio inferiorum termino communi sub quo continentur vocatur *descensus*. *Omnis homo* est *animal*, descendendo ad inferiora,

resolvo : *Petrus* est *animal*, *Paulus* est *animal*, etc. Quadruplex autem est descensus : *Copulativus*, *copulatus*, *disjunctivus*, *disjunctus*.

*Copulativus* dicitur quando individua quæ substituuntur idere universali ita uniantur particula copulativa *et*, *ac*, ut pro singulis individuis multiplicanda sit oratio. *Omnis homo* est *risibilis* ; et *Petrus* est *risibilis* ; et *Jacobus* est *risibilis* ; et *Johannes* est *risibilis* ; pro singulis individuis oratio multiplicatur.

*Copulatus* habetur quando singula substituta ita uniantur particula copulativa ut oratio non sit pro numero individuum multiplicanda. Exemplum afferunt communiter illud crudele Neronis effatum : *Utinam omnes cives haberent unum caput* ! Non sit descensus hoc modo : *Utinam* civis A haberet unum caput, et civis B haberet unum caput, sed : *utinam* et civis A et civis B et omnes simul sumpti haberent unum caput !

*Disjunctivus* est quum individua substituta ita connectuntur particula disjunctiva *aut*, *vel*, ut pro numero individuum multiplicanda sit oratio. *Aliquis homo* est *albus* ; *vel* *hic homo* est *albus*, *vel* *ille homo* est *albus*. *Aliquis navigator* *invenit Americam* ; *vel* *hic navigator* *invenit*, *vel* *ille navigator* *invenit*.

*Disjunctus* demum quando individua substituta ita connectuntur particula disjunctiva ut non sit pro numero individuum multiplicanda oratio. Exemplum vulgatum est istud : *Aliquis oculus* est *necessarius ad videndum*, oculus supponit pro ambobus oculis sub disjunctione simul sumptis, non seorsim. Unde solum inferre licet de ambobus simul : *Ergo vel dexter vel sinister est necessarius ad videndum* ; non vero seorsim : *Ergo vel dexter est necessarius, vel sinister est necessarius*. His explicatis de quadruplici descensu, facile intelligitur quid sit.

VI. — Suppositio distributiva, collectiva, disjunctiva et disjuncta. *Distributiva* est acceptio termini pro omnibus ac singulis suis significatis, ita ut inferiora sint descensu copulativo enumeranda. *Omnis homo* est *vivens* ; et *Petrus* est *vivens* et *Jacobus* est *vivens*, etc. Hæc subdividitur in dis-

tributivam *completam*, seu absolutam et in distributivam *incompletam*, seu accommodatam. *Completa* et absoluta est receptio termini communis pro omnibus suis significatis absolute, ut in exemplo mox allato, seu pro *singulis generum*, nempe pro singulis individuis sub specie contentis. In *completa* est pro *generibus singulorum*, id est, non pro singulis individuis speciei, sed solum pro speciebus sui genere contentis. Classicum exemplum est: *Omne animal fuit in arca Noe*, sensus est: ex omnibus animalium speciebus aliquod fuit in arca Noe.

Suppositio *collectiva*, quæ etiam dicitur *copulata*, est acceptio termini pro omnibus suis significatis simul, non seorsim sumptis, adeo ut inferiora sint enumeranda descensu copulati: *Omnes Apostoli sunt duodecim*.

Suppositio *disjunctiva* est acceptio termini communis pro inferioribus enumerandis descensu disjunctivo: *Aliquis Apostolus trinitatem Christum; aliquis navigator invenit Americum*.

Suppositio *disjuncta* est receptio termini communis pro inferioribus enumerandis descensu disjuncto.

**VII. — Regulæ suppositionis.** Quod subjectum. Prima: Subjectum affectum signo universaliter affirmativo *omnis, totus*, etc., supponit universaliter, et distributive quidem vel collective juxta exigentiam prædicati: *Omne animal est vivens* — distributive; *omnes milites sunt exercitus* — collective. Secunda regula: Subjectum affectum signo universaliter negativo, *nullus, nullum*, ex natura sua supponit distributive: *nullus homo est lapis*.

Tertia regula: Subjectum affectum signo particulari *aliquis*, supponit disjunctive vel disjuncte juxta exigentiam prædicati. *Aliquis homo est albus* — disjunctive; *aliquis equus est necessarius ad equitandum* — disjuncte.

Quarta regula: Subjectum nullo affectum signo supponit distributive in materia necessaria; sic *homo est animal*, æquivalens, *omnis homo est animal*; particulariter vero in materia contingenti: *Homo est albus, homo est justus*, æquivalent: *aliqui homines sunt albi, aliqui homines sunt justi*.

**Quoad prædicatum** Prima regula: In propositione affirmativa prædicatum nunquam supponit distributive. *Homo est animal*, i. e., *aliquod animal*.

Secunda regula: In omni propositione negativa prædicatum supponit distributive: *Homo non est lapis*: i. e., nullus lapis, neque lapis A neque lapis B.

**VIII. — Appellatio.** Est *appositio seu applicatio significationis unius termini ad significatum alterius*. *Petrus est doctus*; significatum termini *doctus* applicatur significato termini *Petrus*. Terminus porro qui applicatur, dicitur *appellans*, ille vero cui sit applicatio, dicitur *appellatus*. In allato exemplo *doctus* est terminus *appellans*, *Petrus* terminus *appellatus*. Terminus appellans duo importat: et formam et subjectum. Potest igitur fieri applicatio vel ratione formæ vel ratione subjecti. Si quidem ratione subjecti est appellatio *intrinsicis*, si autem ratione formæ, est appellatio *formalis*: *Philosophus ambulat*, appellatio materialis; *philosophus demonstrat*, appellatio formalis. *Philosophus* ratione philosophiæ non ambulat, sed demonstrat.

Terminus appellans sumitur semper formaliter. Quoad terminum vero appellatum tres sunt regulæ, quas sic exprimiuntur.

**IX. — Regulæ appellationis.** Prima: Appellatio est materialis quando terminus appellatus est adjectivus. *In Deo sunt tres omnipotentes, tres æterni*. Si intelligantur adjective, veræ sunt propositiones, quia hunc referunt sensum: *In Deo tria sunt supposita omnipotentia, æterna*.

Secunda regula: Appellatio est formalis quum terminus appellatus est absolutus seu substantivus; vel, si adjectivus seu connotativus, adjunctam habent formulam: *in quantum, secundum quod, reduplicative ut sic*. Hinc propositiones superius allatæ: *In Deo sunt tres æterni, tres omnipotentes*, falsæ sunt, si sumantur substantive, quia hunc referunt sensum: *In Deo sunt tres omnipotentia, tres æternitates*. Hi termini usurpantur substantive in symbolo Athanasiano, ubi dicitur: *Non tres omnipotentes, sed unus omnipotens*.

Tertia regula : Terminum numeralem applicati substantiis appellant formam eamque multiplicant, applicati autem nominibus adjectivis appellant subjectum. Hinc si dicatur : *sunt tres dii*, sensus erit : *sunt tres essentiae divinae* — propositio falsa. Si autem : *sunt tres divini*, sensus est : *sunt tria supposita divina* — vera propositio.

**X. — Ampliatio.** Est extensio termini a minori ad maiorem suppositionem : *Iusti autem in perfectum vivant*. Terminus *iusti*, qui posset supponere solum pro iustis futuris, ut solum exigit *vivant*, ampliatur et extenditur ad supponendum pro iis etiam iustis qui modo sunt aut jam fuerunt.

**XI. — Restrictio.** Opponitur ampliacioni. Est coarctatio a maiori ad minorem suppositionem. *Omnis homo iustus diligit Deum*. Terminus *homo* restringitur termino *iustus* ad supponendum non pro omnibus, sed pro quibusdam.

**XII. — Alienatio.** Est translatio termini a propria significatione ad impropriad et metaphoricam, v. g. : *Vos estis sal terrae*, *Christus est agnus dominator terrae*.

## QUÆSTIO TERTIA

### De modis sciendi.

Pleraque jam expendimus quæ pertinent ad simplicem apprehensionem ; priusquam vero ad secundam operationem gressum faciamus, exponere quædam necesse est de *modo sciendi*, qui invenitur tum in prima, tum in cæteris operationibus.

## ARTICULUS PRIMUS

### DE MODIS SCIENDI IN COMMUNI

**I. — Modus sciendi sumitur tripliciter :** Primo, latissime pro omni quod conducit aut juvat ad scientiam acquirendam. Hoc sensu Logica, quæ tradit regulas sciendi, Methodos, quæ est modus ordinate procedendi in veritatis inquisitione, dicuntur nonnunquam modi sciendi. Secundo, strictissime pro eo solo quod proxime et immediate concurrat ad scientiam proprie dictam comparandam. Hoc modo sola demonstratio est modus sciendi ; quia ipsa sola veram et proprie dictam scientiam parit. Tertio, communiter accipitur pro eo quod servit immediate ad recte et sine errore rem cognoscendam, etsi illa cognitio proprie scientifica non sit. Hoc sensu modus sciendi definitur : *Oratio ignoti manifestativa, seu explicans id quod de re ignoratur*.



II. — **Quid oratio.** In genere oratio est complexus quidam verborum aliquam animi sententiam referens. Dividitur in *perfectam* et *imperfectam*. *Perfecta* illa est quæ completum sensum in animo audientis generat, quæ nempe intellectum suspensum non relinquit, sed totam sententiam refert: *Deus est summum bonum*. *Imperfecta* vero sensum incompletum generat, non exprimit integram sententiam, sed intellectum quasi suspendit: *Si dormitis...* cum Petrus loqueretur.

Orationis species sunt: *enunciativa*, *deprecativa*, *imperativa*, *interrogativa*, *vocativa*.

Non solum enim oratio debet conceptum exprimere, sed etiam ad alios dirigere. Unde præter *enunciativam* quæ mentis conceptus refert, necesse fuit ut essent aliquæ aliæ orationes significantes ordinem rationis secundum quam alia diriguntur. Dirigitur autem ex ratione unius hominis alius homo ad tria: Primum quidem ad attendendum mente, et ad hoc pertinet *vocativa* oratio; secundo ad respondendum voce, et ad hoc pertinet *interrogativa*; tertio ad exequendum in opere, et ad hoc pertinet *imperativa*, quantum ad inferiores, oratio *deprecativa*, ad quam redeunt *optativa*, quia respectu superioris homo non habet vim motivam nisi per expressionem desiderii. *Dubitativa* autem refertur ad *interrogativam* (1).

III. — **Sola oratio enunciativa pertinet ad Logicam.** Oratio enim non pertinet ad Logicam nisi quatenus est signum veritatis aut falsitatis. Atqui esse signum veritatis aut falsitatis soli orationi enunciative competit. Nam, ut in Critica ostendimus, veritas et falsitas proprie et perfecte habetur in iudicio tantum, cuius signum est enunciatio.

IV. — **Conditiones modi sciendi.** Prima conditio modi sciendi est ut fiat per orationem, non vero per modum signi cuiuscunque, quod insufficienter manifestaret ignotum. Secunda est ut explicet clare et complete id quod de re ignoratur, ideoque ut manifestatio fiat per aliquid notius et clarius, quo tollantur obscuritas et ignorantia.

V. — **Modi sciendi tres recte assignantur: Definitio, divisio, argumentatio.** Probat. Cum modus sciendi sit oratio ignoti manifestativa, tot sunt modi sciendi quot sunt ignota in rebus.

Atqui tria possunt esse ignota in rebus: 1<sup>o</sup> essentia rei, et hujus manifestatio fit per definitionem, quæ est oratio explicans rei essentiam; 2<sup>o</sup> partes rei, et harum manifestatio fit per divisionem, quæ est oratio explicans rei partes; 3<sup>o</sup> proprietates rei, et harum manifestatio fit per argumentationem, quæ est oratio explicans rei proprietates inferendo et deducendo illas ex essentia. Ergo tres sunt modi sciendi: *definitio*, *divisio*, *argumentatio*.

VI. — **Solvitur dubium.** Difficultas quædam suboriri potest de propositione, quæ videtur esse ignoti manifestativa.

Respondemus. Propositio non est modus sciendi per se et ratione sui, sed ratione definitionis et divisionis, quando nempe illas includit. Definitio secundum se non est propositio: non enim per ipsam aliquid affirmamus vel negamus, sed solum rei essentiam apprehendimus, qua de causa reducitur definitio ad simplicem apprehensionem. Est tamen propositio *in virtute*, quia, cognita definitione, illico apparet definitionem de subiecto vere prædicari, et sequitur propositio. Item, proportionem servata, valet de divisione. Propositio tamen potest includere definitionem et divisionem, v. g.: *Homo est animal rationale; hominis alia pars est anima, alia corpus*, et tunc est modus sciendi. Iterum vero dici potest modus sciendi ratione argumentationis, in qua ipsa includitur ut pars, v. g.: *homo est rationalis, ergo est risibilis*.

(1) *Periherm*, liv. I, lect. 7.

## ARTICULUS SECUNDUS

## DE DEFINITIONE (1)

**I. — Notio definitionis.** Definitio est oratio naturam rei aut termini significationem exponens. 1° Est oratio, non vox aut nomen. Definitio quippe debet distincte notificare rei principia : nomen autem nomen non plene et liquido rei naturam ostendit. Ergo non sufficit nomen, sed requiritur oratio. 2° Exponens naturam rei aut termini significationem, quia distinguitur definitio *quid rei* et definitio *quid nominis*.

**II. — Definitio nominis et rei.** Definitio *quid nominis* est oratio explicans quid aliquo nomine intelligatur, ut si definiam alium *subjectum habens albedinem* ; philosophiam *amorem sapientiae*, theologiam *scientiam de Deo*. Definitio porro nominalis maxime necessaria est in scientis. Nisi enim prius sciatur de aliquo *an sit*, non potest sciri proprie de eo *quid sit* ; non enim quippe non sunt definitiones. At non potest ostendi de aliquo *an sit*, nisi prius intelligatur quid nomine significetur (2).

In disputationibus igitur incipiendum est a definitione nominali ut praeaveantur equivocationes et ambiguitates. Hæc autem definitio triplici processu confici potest : primo, *ernendo sensum vocis ex ejus etymologia* ; secundo, *exprimendo vocem ignotam vocibus notioribus* ; tertio ipsam rem voce ignota significatam *describendo* vocibus magis assuetis et manifestis.

(1) Consuli possunt. S. THOMAS. *Post. Anal.*, lect. 2. BOSSUET. *Logique*, chap. xiii. JAMER. *Logique*, ch. v. DAVIDSON. *The logic of definition*, etc.

(2) D. Th. *Post. Anal.*, l. 1, lect. 2.

Definitio *quid rei* est oratio naturam rei explicans. Seu oratio quæ respondetur questionibus : *Quid est res ? Quid est homo ? Animal rationale. Quid est philosophia ? Scientia rerum per altissimas causas naturali rationis lumine impurata.*

**III. — Definitio conceptualis.** Præter definitionem nominalem et realem aliqui distinguunt definitionem conceptualem. Hæc autem est oratio explicans quænam sit perceptio seu conceptio quam quis de re aliqua sibi efformat. Respondet questionibus : *Quid tua conceptio repræsentat de natura rei ?* Ita P. Lepidi. Hæc reducitur ad definitionem nominalem. Quæstio enim : *Quæ est tua conceptio de re ?* æquivalet isti : *Quid intelligis hoc nomine ?*

**IV. — Subdivisiones definitionis realis.** Definitio *quid rei* dividitur in *essentialem*, *descriptivam* et *causalem*. *Essentialis* est quæ rei essentiam explicat per partes essentielles, seu prædicata essentialia. Partes vero possunt esse physice et realiter distinctæ, ut materia et forma ; vel metaphysice et ratione dumtaxat distinctæ, ut genus et differentia. Hinc duplex definitio essentialis : *physica*, quæ traditur per materiam et formam, *metaphysica* quæ traditur per genus et differentiam. Definitio *descriptiva* rei naturam explicat per aliquid quod est extra essentiam ejus. Hæc maxime utuntur poëtæ et oratores ; philosophi vero tunc solum quum nondum constat de rei essentia, vel quum agitur de rebus quæ non habent proprie essentiam determinatam. Descriptiva porro duplex est : *propria*, quæ naturam rei explicat per proprietates v. g. : *Homo est animal visibile* ; et *accidentalis*, rem declarans per quædam accidentia communia quæ simul juncta soli definito competunt, v. g. : *Homo est animal pulchrum, implume, bipes, habens caput erectum*.

Definitio essentialis et descriptiva sunt definitiones *intrinsecæ*, quia manifestant rem per principia ipsi inherrentia. *Conceptualis* autem est definitio *extrinseca*, quæ rei naturam explicat per causas extrinsecas. Hæc vero causæ extrinsecæ ducuntur præcipuè : efficiens et finalis, quibus addi potest causa exemplaris. Definitio per illas tres causas habetur in hoc exemplo :

*Anima humana est forma creata a Deo* (causa efficiens) *ut ejus imaginem* (causa exemplaris) *propter beatitudinem consequentiam* (causa finalis). Hinc affinis est definitio quam post Leibnitz vocant *geneticam*, quæ nempe naturam rei explicat indicando ejus originem seu genesim, sive modum quo producit. Hujus modi sunt multe definitiones quæ traduntur in geometria, v. g. definitio circuli: *est circulus figura plana quæ ex motu lineæ rectæ sese circum fixam sui extremitatem revolvens oritur*.

**V. — Regulæ quoad definitionem.** Regulæ definiendi alia spectant ipsam definitionem, alia definitum. Quoad definitionem,

Prima regula. *Definitio sit clarior definito.* Etenim definitio est ratio ignoti manifestativa; ergo, nisi sit ipso ignoto notior, non habet rationem definitionis.

Contra hanc regulam peccant 1<sup>o</sup> qui utuntur vocibus inusitatis, indeterminatis, quæ iterum explicatione indigent; 2<sup>o</sup> qui adhibent metaphoras; metaphora enim sensum ambiguum sapientis efficiunt; et « cum definitiones sint præcipua et efficacissima media in disputationibus, si definitiones darentur per metaphoras, sequeretur quod oporteret ex metaphoris disputare (1). » 3<sup>o</sup> Qui ponunt definitum in ipsa definitione. Est definire idem per idem, imo hoc pacto oratio redditur magis perplexa.

Secunda regula quæ sequitur ex prima: *Definitio constare debet ex genere et differentia.* Quæ regula ipsam definitionis essentiam exprimit. Definitio enim debet manifestare complete rei naturam. Sed essentia completa constituitur ex genere et differentia. Ergo constare debet definitio ex genere et differentia. Quum autem res non habet proprie genus et differentiam, definienda est ex quibusdam elementis quæ locum teneant generis et differentię. Aliis verbis definitio debet rem explicare per id quod est ei commune cum aliis, et id quod est ipsi proprium et quod ipsam a cæteris distinguit (2).

(1) O. Th. II Post, lect. 16.

(2) Rectissime ergo Bossuetius definitionem vocat *une proposition ou un discours qui explique le genre et la différence de chaque chose. Logique,*

Tertia regula. *Definitio non sit diminuta nec superflua.* Si diminuta, non explicat totum definitum; si superflua, non explicat clare, superfluitas quippe confusionem parit.

Ex quo sequitur quarta regula. *Debet esse reciproca seu convertibilis*, ita ut definitum possit poni loco definitionis. Ratio liquet. Definitio est ipsum definitum clarius explicatum; ergo debet convenire toti et soli definito. Modus itaque verificandi definitionem est convertere definitum cum definitione. *Homo est animal rationale. Omne animal rationale est homo.* Valet conversio. *Homo est animal mortale. Omne animal mortale est homo.* Non valet reciproca; ergo inepta definitio.

**VI. — Regulæ quoad definitum.** Definitione nominali omnia possunt definiri, sive simplici nominis expositione, sive aliqua descriptione proprietatum. Ut autem aliquid definiri possit definitione reali proprie dicta plures conditiones requiruntur.

Prima, *ut sit ens completum.* Unumquodque enim definitur sicut et habet esse. Quæ ergo habent esse complete, ut substantia, proprie definiri possunt; quæ vero habent esse incomplete ut accidentia, non nisi imperfecte definiuntur.

Secunda. *Ut sit unum per se.* Si definitum plures essentias explicat, non erit unum definitum, sed plura.

Tertia. *Ut sit universale.* Definitio explicat tantum naturam; singularia autem addunt conditiones naturæ extraneas, unde proprie non cadunt sub definitione, sicut nec proprie cadunt sub scientia.

Quarta, *ut sit aliqua species contenta sub aliquo genere*, eo quod omnis propria definitio constet ex genere et differentia.

**VII. — Processus ad inveniendas definitiones duplex est: descendivus et ascensivus.**

Primus descendit ab universalibus ad minus universalia, A

lv. II, chap. xiii. — « On voit en quoi consiste la règle qui veut qu'on définisse par le genre et la différence: ce n'est pas là seulement une règle, un précepte, c'est l'essence de la définition. Ce n'est pas, comme l'a dit la Romiguière, une espèce de définition: c'est la loi universelle de toute définition. » PAUL JANET, *Logique*, sect. I, chap. v.

genere supremo ad subalternum, deinde ad proximum, usque dum inveniat speciem quæ convertatur cum re definienda. Inventa autem illa specie habetur definitio.

Secundus ascendit ab individuïs ad universalâ, quousque perveniat ad unam rationem omnibus individuïs communem. Cognito vero quid singularia habeant *commune inter se*, inspicitur quid habeant commune *cum cæteris*, et quid proprium quo a cæteris discriminentur. Hinc habetur genus et differentia ex quibus constat definitio.

« Suivant Bain, les définitions s'obtiennent par une double méthode: l'une *positive*, qui consiste à rassembler toutes les classes particulières qui rentrent dans la notion; l'autre *negative*, qui consiste à réunir tous les cas particuliers compris sous la notion opposée. C'est à peu près la méthode que suivait Socrate et qu'Aristote appelle *ἐπαγωγή* (1) ».

(1) PAUL JANET, *loc. cit.*

## ARTICULUS TERTIUS

### DE DIVISIONE

**I. — Notio divisionis.** Divisio est *oratio explicans rei partes, seu oratio totum in suas partes distribuens*. Totum dicitur *divisum*, partes vero dicuntur *membra*.

Totum definitur: *Id cui nihil deest eorum ex quibus constare debet*, et sub alio respectu: *Unum aliquid quod in plura resolvi aliquo modo potest*.

Divisio, sicut definitio, alia est nominis, alia rei. Divisio nominis, quæ vocatur etiam *distinctio*, est oratio terminum per varias significationes distribuens. Divisio rei est oratio rem explicans enumeratione partium. Hæc multas species habet. Quia vero divisionis officium est distribuere totum in partes, divisionis species cognoscuntur ex speciebus totius. Præcipua autem divisio totius est in totum reale, totum logicum et totum potestativum.

**II. — Totum reale.** Totum reale, sive *actuale*, est id cujus partes actu existunt. Hoc triplex est: *essentiale, integrale, accidentale*. *Essentiale* est id quod dividitur in partes actuales essentielles; et, si quidem fuerint partes *metaphysicæ*, sola ratione distinctæ, dicitur totum *metaphysicum*: *hominis alia pars est animal, alia rationale*; si vero fuerint partes *physicæ*, realiter distinctæ, ut materia et forma, est totum *physicum*: *hominis alia pars est corpus, anima rationalis altera*.

Totum *integrale* est quod dividitur in partes actuales, quæ licet non component rei essentiam, quantitatem tamen totius constituunt, vel requiruntur ad naturalem totius integritatem: *hominis pars alia est caput, alia manus, etc.* Quidam auctores

vocant etiam totum *physicum* totum *integrale*; sed ex communi usu loquendi partes *physicæ*, ut materia et forma, non dicuntur partes *integrales*, sed partes *essentiales*. At, si partes *essentiales* sunt, totum dicendum est *essentiale*.

Totum reale *accidentale* est id quod dividitur in accidentia quæ actu importat: *hominis accidens aliud est quantitas, aliud qualitas, aliud relatio*, etc.

III. — Totum logicum. Totum logicum, ut explicat Cajetanus, includit totum *universale* seu *potentiale* et totum *definibile* (1). Totum *definibile* id dicitur quod constat ex partibus definitionis. *Humana est animal rationale*. Homo hic est aliquod totum definendum cujus partes sunt animal et rationale. Totum autem *potentiale*, seu *universale*, est id quod dividitur in partes *potentiales* et *subjectas*, id est quas sub se in potentia continet, et quæ e contra ipsum actu continent: *Animal aliud est homo, aliud brutum*. Animal continet in potentia hominem et brutum, sed homo et brutum actu continent animal. Recolantur ea quæ diximus de modo quo genus sit totum respectu speciei (Tract. I, q. I, art. 3<sup>o</sup>). Hinc apparet totum *potentiale* esse solummodo partem respectu totius *definibilis*. *Homo est animal*. *Animal* est pars tantum definitionis hominis, unde homo est totum definibile respectu animalis; at rursus animal est totum *potentiale* respectu hominis.

Totum *potentiale* dividitur iterum in *essentiale* et *accidentale*. *Essentiale* est quod dispescitur in partes a quibus *essentialiter* participatur, et si quidem participatur ab omnibus æqualiter et sub eadem ratione, est totum univocum, ut in exemplo sæpe allato: *animal aliud est homo, aliud brutum*, si vero participatur sub ratione nec simpliciter eadem nec simpliciter diversa, est totum analogicum, v. g. *ens aliud est substantia, aliud veridens*.

Totum *potentiale accidentale* est quod dividitur in partes *potentiales* a quibus *accidentaliter* participatur, *album aliud est paries, aliudnix*. Hoc iterum potest esse univocum vel analogum secundum quod participatur ab inferioribus eadem ratione vel analogice. Divisio totius *accidentalis* triplex est.

(1) Cajetanus præminim in opus: *De ente et essentia*.

prima, *subjecti in accidentia*: *animalium aliud album, aliud nigrum*; secunda, *veridensis in subjecta*: *ulborum aliud nix, aliud lux*; tertia *accidentis in accidentia*: *alborum aliud dulce, aliud amarum*.

IV. — Totum potestativum. Est illud quod coalescit ex pluribus agendi potentiis, seu unum principium radicale quod operatur per potentias realiter distinctas; vel etiam una substantia prædita virtutibus multis inter se diversis: ut anima habet sensum, intellectum, voluntatem; aut demum una et eadem potentia, seu virtus, quæ diversa gerit munia.

Totum potestativum medium se habet inter totum actuale et totum *potentiale*. Nam totum *potentiale* seu *universale* adest cuilibet parti secundum totam suam *essentiam* et *virtutem*; sic tota *essentia* et tota *virtus* animalis est in homine et in bruto; totum vero actuale, speciatim totum *integrale*, non adest cuilibet parti neque secundum totam suam *essentiam*, neque secundum totam suam *virtutem*; sic nec tota *essentia* nec tota *virtus* domus est in tercio. Totum vero potestativum adest singulis partibus secundum totam suam *essentiam*, ut non secundum totam suam *virtutem*. Tota animæ *essentia* est in intellectu, non tamen tota *virtus* animæ in intellectu residet.

#### V. — Regulæ divisionis.

Prima. *Singula membra sint minora diviso*, nam omne totum est majus sua parte.

Secunda. *Omnia membra simul exhaustiant totam divisionem*. Ratio est quia totum non est aliud est quam omnes sue partes simul.

Tertia. *Membra dividenda sint opposita inter se*, vel re vel ratione; secus non essent partes de quarum ratione est se invicem excludere.

Quarta. *Totum dividatur primo in membra principalia, deinde membra principalia in membra secundaria*.

Quantum fieri potest, divisio fieri debet in duo membra tantum, quasi contradictoria, et hæc membra in alia duo subdividi, et sic deinceps, v. g.: *substantia, alia est corporea, alia incorporea*; *corporeæ alia vivens, alia non vivens*; vi-

*ecus, alia sensibilis, alia non sensibilis; sensibilis, alia rationalis, alia non rationalis.* Id tamen semper necessarium non est; imo quandoque finis majoris momenti suadet ab hac regula recedere. Generatim divisio sit brevis quoad fieri potest.

**VI. — Divisionis utilitates.** Inservit divisio: 1<sup>o</sup> ad æquivalentes tollendas, nam generatim qui non distinguit et dividit, confundit; 2<sup>o</sup> ad naturam rei enumeratione partium declarandam, est enim oratio ignoti manifestativa; 3<sup>o</sup> ad memoriam juvandam.

Non tamen semper et indiscriminatim est adhibenda, nec usque ad minima protrahenda, nam simile confuso est, ait Seneca, quicquid usque in pulverem sectum est (1).

**VII. — Divisio secundæ operationi præsertim deservit.**

Tribus quidem operationibus adminiculatur, rem enim clarius apprehendimus abstrahendo et dividendo, et argumentanti convenit ut frequenter distinguat et dividat. At secundæ operationi proprium est affirmare vel negare, quid autem sit affirmandum vel negandum divisione innotescit. Item affirmatio vel negatio fundantur in identitate vel diversitate subjecti, quæ quidem identitas vel diversitas divisionis ope manifestantur. Ergo divisio secundæ operationi peculiari modo deservit.

Quocirca naturalis et obviu8 est gressus de divisione ad secundam mentis operationem. De tertio autem sciendi modo, qui est argumentatio, fuse disseremus in Tractatu tertio.

(1) Epist. 79.

## TRACTATUS SECUNDUS

DE SECUNDA MENTIS OPERATIONE, NEMPE JUDICIO, MÏSQUE  
SIGNO, NEMPE PROPOSITIONE

In prima operatione, de qua locuti sumus, unus adest conceptus, vel, si plures, non uniuntur ad aliquid asserendum, nec dividuntur ad aliquid negandum. In secunda autem operatione semper adsunt duo conceptus qui affirmatione uniuntur aut negatione separantur ad sensum completum gignendum. Quæ operatio est judicium, cujus signum est propositio seu enunciatio (1).

Disserendum ergo est de natura et speciebus judicii, ac de natura et speciebus propositionis.

### QUÆSTIO PRIMA

De natura et partitionibus judicii

### ARTICULUS PRIMUS

DE NATURA JUDICII

**I. — Judicii notio.** Secundum primam nominis impositionem judicium significat rectam determinationem eorum quæ sunt

(1) « Un dictionnaire nous fournit l'exemple de ce que les anciens appelaient *simple apprehension* ou *conception*. En effet, quand je par-

justi; deinde ampliatur ad significandum rectam determinationem in quibuscumque rebus, tam in speculativis quam in practicis. In Logica vero designat actum mentis quo determinamus aliquid esse vel non esse, et definitur a D. Th. (1): *Actio intellectus secundum quam componit et dividit affirmando et negando.*

1<sup>o</sup> *Est actio intellectus*, quia iudicium attingit suum objectum sub ratione veri, verum autem objectum est intellectus. Hinc enormiter errant Cartesiani, qui autem iudicium actum esse voluntatis.

2<sup>o</sup> *Secundum quam componit et dividit affirmando et negando*, qui scilicet intellectus duas ideas conjungit affirmativa, vel separat negative. *Deus est justus, Deus non est injustus.* Conceptum *Deus* et conceptum *justus* compono affirmando: *est*; conceptum *Deus* et conceptum *injustus* divido negando: *non est*. Hæc compositio comparari potest compositioni accidentis ad subjectum quæ fit in rebus materialibus, sicut ex albedine et homine componitur *homo albus*. Hæc tamen intercedit differentia: quæ componuntur in re sunt diversa, compositio autem intellectus est signum identitatis eorum quæ componuntur. Dico: *homo est albus*. Est assequatio et identitas inter hominem et album. « Non enim sic componit intellectus ut dicat: homo est albedo, sed dicit quod homo est albus, id est habens albedinem. *Idem* autem est subjecto quod est homo et quod est habens albedinem (2). »

Unde componere est affirmare identitatem inter duos conceptus, dividere est negare hanc identitatem.

II. — In iudicio tria sunt elementa distincta. 1<sup>o</sup> Elementum de quo aliquid affirmatur vel negatur; 2<sup>o</sup> ipsum elementum

cours un dictionnaire. chaque mot a un sens, mais non pas un sens complet, et n'implique aucune affirmation vraie ou fausse. Quand je dis *aimer, amare*, je sais ce que cela signifie; mais je ne prononce rien, je ne dis rien, je ne crois rien, tant que je ne fais que prononcer le mot. Pour que ma pensée ait un sens complet, il faut au moins deux mots, et il faut que ces deux mots soient réunis par le verbe *est*. »

PAUL JANET, *Logique*, sect. I, chap. III.

(1) QQ. dispt. q. 14, de Verit. a. 1.

(2) I. P. q. 85, a. 5, ad 3.

quod affirmatur vel negatur; 3<sup>o</sup> elementum conjungens aut separans utrumque. Primum dicitur *subjectum*, secundum dicitur *prædicatum*, tertium est *copula* seu verbum *est*. Duo priora sunt *extrema* iudicii, et, quia plerumque prædicatum habet majorem extensionem quam subjectum, ut in exemplis: *Petrus est homo, homo est animal* (latius homo patet quam Petrus et animal quam homo) hinc communiter prædicatum dicitur *majus extremum*, subjectum vero *minus extremum*. Subjectum et prædicatum sunt quasi *materia* iudicii, copula est quasi *forma*. Sicut enim materia determinatur et constituitur per formam ita subjectum et prædicatum determinatur et constituuntur in uno esse per copulam *est*.

Si prædicatum subjecto attribuitur in casu nominalivo, est prædicatio in *sensu recto*; si in casu genitivo, dativo et ablativo, vel etiam cum præpositione importante accusativum, est prædicatio in *sensu obliquo*. Si vero prædicatum ponatur in accusativo absque præpositione, in quonam sensu dicetur prædicatio? Disputant logici: alii tenent esse in sensu recto; alii in sensu obliquo, et hoc videtur verius. Dicendo quippe: *Petrus amat Deum*, seu *est amans Deum*, non importatur directe identitas inter subjectum et accusativum *Deum*, sed directe importatur identitas inter subjectum et participium *amans*, quod habet accusativum *Deum*.

### III. — De actibus qui requiruntur ad iudicium.

Supponit iudicium 1<sup>o</sup> simplicem apprehensionem subjecti et prædicati, cum sit actus cognoscitivus, qui non potest conjungere vel separare ignota (1); 2<sup>o</sup> comparisonem prædicati cum subjecto, nam de essentia iudicii est duos conceptus comparare inter se, ut hinc determinet ipsos convenire vel non convenire ad invicem; 3<sup>o</sup> quia debet affirmare vel negare convenientiam prædicati cum subjecto, supponit perceptionem, seu *perspicientiam nexus*, id est convenientiæ aut discrepantiæ inter prædicatum et subjectum. Posito vero quod intellectus vident convenientiam vel inconvenientiam, requiritur ne alius ac-

(1) « Entendre les termes est chose qui précède naturellement les assembler: autrement on ne sait ce qu'on assemble. »

BOSSUET, *Connaissance de Dieu et de soi-même*, chap. 1<sup>er</sup>, XIII.

tus positivus quo affirmet vel neget? Quidam auctores, inter quos card. Zigliara, ita sentiunt. Requiritur actum quo intellectus perspicit convenientiam, seu videt conceptus esse associabiles, et alium actum quo de *facto* conceptus associat.

Patemur in nonnullis casibus ab intellectu ad illi novum actum quo quasi ratam habet hanc *nerus perceptionem*; sed hic est actus reflexus, qui ad essentiam iudicii non requiritur. Unde sentimus iudicium formaliter consistere in perceptione nexus inter prædicatum et subiectum.

Probatur. Est axioma: *intellectus intelligendo dicit*, quia intelligendo format verbum quod suum objectum exprimit et dicit. Idem ergo sonat intelligere et dicere. Ergo intelligendo convenientiam, intellectus convenientiam dicit.

Atqui dicere convenientiam est convenientiam affirmare. Ergo intellectus convenientiam perspicendo illam affirmat. Sed affirmare est iudicare; ergo iudicium consistit in ipsa perspicentia convenientiæ vel discrepantiæ inter prædicatum et subiectum.

Confirmatur. — Non datur medium inter simplicem apprehensionem et iudicium. Atqui actus quo mens perspicit nexum attributi cum subiecto non est simplex apprehensio. Ergo est iudicium.

Proh. min. Apprehensio considerat subiectum solum, vel prædicatum solum, aut si utrumque simul, non tamen ponit copulam. Atqui perspicentia nexus ponit ipsam copulam. Ergo. — Probatur ultima minor. Non concipitur verus nexus inter utrumque extremum sine copula; ergo actus qui ponit nexum ponit copulam. Sed perspicentia nexus ponit nexum, ergo et copulam; ergo perspicentia nexus est positio copule.

Quocirca idem est actus qui videt ideas esse associabiles et qui ideas associat. Videre enim est dicere, et dicere est affirmare seu conceptus conjungere.

IV. — **Judicium qualitas simplex.** Certum est iudicium esse quid compositum ex parte suæ materiæ, quæ ex duobus conceptibus conflatur, conceptu nempe subiecti et conceptu prædicati. At quaeritur utrum ipse conceptus internus, seu verbum

mentis illam unionem utriusque extremi repræsentans, sit unicus et simplex an multiplex et compositus.

Esse compositum tenent non pauci auctores; at secundum communem Thomistarum sententiam, ille conceptus, qui dicitur etiam *propositio mentalis simplex* et unus est.

Probatur. Unius et simplicis actus non potest esse nisi unus et simplex terminus: actio quippe specificatur ex termino, nō nempe unus est terminus una est actio, et vice versa. Atqui conceptus repræsentans compositionem prædicati cum subiecto est terminus unius et simplicis actus. Ergo ille conceptus est unicus et simplex. Declaratur minor. Conceptus ille est terminus actionis quæ enunciatur unum de alio; sicut enim actus *apprehendens* habet pro termino aliquod verbum mentale simplex objectum repræsentans, ita actus *enuncians* habet pro termino verbum mentale seu conceptum quo repræsentatur ipsa enunciatio prædicati de subiecto. Atqui actus *enuncians* est unicus et simplex. Requiritur quidem ad iudicium plures actus prævii, ut diximus; at ipsum iudicium formaliter consistit in unica operatione intellectus et exprimitur unico verbo: *est*. Ergo verbum mentale quo iudicium repræsentatur simplex qualitas est.

V. — **Obicies.** Unum non potest repræsentare plura. Atqui conceptus qui dicitur *propositio mentalis* repræsentat plura. Ergo non est unicus.

Dist. maj. Unum non potest repræsentare multa per modum multorum, concedo, multa per modum unius, nego; una quippe imago exprimit res multas quæ conveniunt in unica representatione. Contradist. min. Repræsentat multa per modum multorum, nego; per modum unius, concedo: nam subiectum et prædicatum conveniunt in una affirmatione vel negatione.

— Cæterum, ut notat Goulin (1), non est major ratio cur possint unico actu cognosci quam quod possint univocumque exprimi. Sed prædicatum et subiectum unius actu iudicii cognoscuntur. Ergo et unico conceptu expresso possunt repræsentari et exprimi.

(1) Log. Maj. II P. q. univ. art. II.



**VI. — Judicii diversa nomina.** Vocatur frequenter judicium *compositio* et *divisio*, ratione materiæ, scilicet subjecti et prædicati, quæ actu judicii conjunguntur vel separantur; *affirmatio* vel *negatio*, ratione identitatis vel diversitatis quam ponit; *assensus* et *adhæsiō*, ratione veritatis ad quam mens trahitur et in qua quiescit. *Dissensus* et *dissensio* designant judicium negativum.

**VII. — Judicio proprium est continere veritatem vel falsitatem, certitudinem vel probabilitatem, et etiam statum dubii, quando dubium est deliberatum. De his in Logica Majori.**

## ARTICULUS SECUNDUS

### JUDICIORUM PARTITIO

**I. — Judicium certum, prudens, etc.** Cum ex subjecto et objecto pariatur notitia et judicium, fundamentalis judiciorum divisio desumitur ex parte subjecti et ex parte objecti. — Ex parte quidem subjecti judicium esse potest *certum* vel *incertum*, *prudens* vel *temerarium*. *Certum* illud est cui mens adheret absque ulla errandi formidine; *incertum*, quod dicitur etiam *opinio*, est adhæsiō cum quadam errandi formidine. *Prudens* est quod mens efformat ex solido motivo, secus erit *temerarium*.

**II. — Judicium immediatum et mediatum.** Ex parte vero objecti est *immediatum* vel *mediatum*. *Immediatum*, seu intuitivum, dicitur id in quo convenientia prædicati cum subjecto apparet primo intuitu absque ratiocinio: *impossible est idem esse et non esse*. *Mediatum*, vel discursivum, dicitur, id in quo nexus prædicati cum subjecto manifestandus est ope ratiocinii, v. g.: *Anima est forma corporis*.

**III. — Judicium analyticum, syntheticum.** Celeberrima est divisio in judicia *analytica* et *synthetica*. *Analytica* sunt, quarum prædicatum includitur in ipsa notione subjecti.

Potest autem includi prædicatum in subjecto tripliciter: 1<sup>o</sup> ut genus subjecti: *homo est animal*; 2<sup>o</sup> ut differentia subjecti: *homo est rationalis*; 3<sup>o</sup> ut proprietas inseparabilis a subjecto: *homo est risibilis*. Dicuntur analytica, quia sufficit instituere analysim subjecti ut inveniatur prædicatum (si hominis analysim instituiam, reperio in ipso *animal*, *rationalis*, *risibile*);

vel saltem, per talem analysim, aperitur ratio cur prædicatum subiecto conveniat.

Hæc est notio iudicii analytici affirmativi. Iudicium vero analyticum negativum habetur cum sola notio subiecti prædicatum excludit. *Homo non est angelus. Circulus non est quadratus* — Analysis *hominis* excludit *angelum* et analysis *circuli* excludit *quadratum*. — Iudicium *syntheticum* est, illud in quo notio subiecti prædicatum nec includit nec excludit. *Homo est albus*: conceptus hominis albedinem nec exigit nec rejicit. Si autem de facto albo homini conveniat, id ex experientia duntaxat deprehenditur.

Judicia analytica dicuntur *a priori*, *pura*, *rationalia*, *metaphysica*, quia non pendent ab experientia; dicuntur etiam *absoluta*, quia sine conditione et sine exceptione sunt. Iudicia vero synthetica dicuntur *a posteriori*, *empirica* sive *experimentalia*, *contingentia*, *physica*, quia in sola experientia fundamenta sua habent; dicuntur etiam *hypothetica*, quia id quod asseritur vel negatur absolute loquendo se habere aliter posset.

IV. — Num sit medium inter iudicium syntheticum et analyticum. Kantius putat dari medium inter iudicia analytica et iudicia synthetica. Animadvertit tres esse conditiones iudicii analytici: 1<sup>o</sup> prædicatum debet includi in notione subiecti; 2<sup>o</sup> iudicium analyticum debet esse universale; 3<sup>o</sup> necessarium. Si desit ipsi una ex tribus, non erit pure analyticum; aliunde, si habent duas ultimas, licet prima careat, non erit pure syntheticum. Erit ergo partim syntheticum, partim a priori: recte vocabitur *syntheticum a priori*. Porro dantur quedam iudicia, in quibus drest prima conditio, adsunt vero duæ ultimæ.

Ergo dantur iudicia synthetica a priori. Probatur exemplis: *Omnis effectus habet causam; quinque plus septem æquantur duodecim; linea recta est omnium brevissima inter duo puncta*. Hæc iudicia sunt necessaria et universalia, qua ex parte sunt a priori. At *effectum habere causam* non includitur in notione *effectus*, quia *causa* non est de essentia *effectus*; *ægnari duodecim* non includitur in notione *quinque plus sep-*

*tem*; sed id experientia externa, recurrendo ad digitos vel scriptionem, deprehendimus; esse *brevissimum iter duo inter puncta* non includitur in notione *lineæ rectæ*, sed id visione externa compertum est. Ergo ex hac parte illa iudicia sunt synthetica, sicut ex alia parte sunt a priori.

V. — Conclusio. Repugnant iudicia synthetica a priori qualia a Kantio adstruuntur. Arg. 1<sup>oa</sup> — Non sit iudicium, nisi intellectus cognoscat convenientiam vel disconvenientiam prædicati cum subiecto. Atqui non sunt nisi duo modi cognoscendi convenientiam vel disconvenientiam prædicati cum subiecto: vel in sola notione subiecti independenter ab experientia, vel in sola experientia; non datur medium. Ergo iudicium non sit nisi duobus modis: uno modo quum mens cognoscit convenientiam vel disconvenientiam prædicati in sola notione subiecti, altero autem modo cum illam deprehendit in sola experientia. Sed quando sit primo modo, est iudicium pure analyticum; quando vero sit altero modo est pure syntheticum. Ergo inter analytica et synthetica iudicia non datur medium.

— Objici nequit convenientiam cognosci partim in notione subiecti, partim in experientia. Si enim non sufficit notio subiecti, dicendum est convenientiam vel disconvenientiam cognosci simpliciter in experientia. Non ergo datur medium. Vel nexus prædicati cognoscitur *simpliciter* in notione subiecti, et tunc non requiritur experientia et iudicium est pure analyticum; vel *simpliciter* in experientia, et est iudicium pure syntheticum.

Arg. 2<sup>oa</sup>. — Ex contradictionibus in quas impingit Kantius. Concedit iudicia synthetica a priori esse necessaria et universalia. Atqui non possunt esse necessaria et universalia nisi prædicatum includatur in notione subiecti. Ergo contradictoria ponit. Prob. min. — Si prædicatum convenit necessario subiecto, signum est notionem subiecti requirere necessario prædicatum; si convenit universaliter subiecto, signum est notionem subiecti requirere universaliter prædicatum. Ergo iudicium non potest esse necessarium et universale nisi prædicatum includatur in notione subiecti.

Arg. III<sup>um</sup>. — Ex ipsis exemplis a Kantio allatis.

Inspiciatur imprimis principium causalitatis: *omnis effectus habet causam*. Effectus est ens quod incipit. Quod autem incipit non est a seipso, secus esset et non esset, nec a nihilo, ut patet, sed ab alio. Ergo non concipitur effectus nisi ut aliquid quod incipit ab alio. Sed incipere ab alio est pendere ab illo tamquam a causa sui esse. Igilur licet causa non ingrediatur ipsam essentiam effectus, includitur in effectus notione (1).

— Quoad secundum exemplum: *quinque plus septem sunt duodecim*. Sic arguimus. Prædicatum includitur in notione subiecti, cum invenitur in ejus analysi. At si instituatur analysis *quinque plus septem*, impossibile est non inveniri *duodecim*. Ergo in hoc exemplo prædicatum includitur in notione subiecti.

— Id quoque de tertio exemplo verificatur. Includitur sane in notione subiecti quod in ejus definitione ponitur.

Atqui non potest definiri linea recta nisi *brevissimum iter inter duo puncta*. Ergo hic prædictum in notione subiecti includitur et a subiecto postulatur.

VI. — *Judicium attributionis et judicium existentiae*. Hæc divisio frequentioris est usus apud modernos. Judicium attributionis dicitur quod habet quodcumque prædicatum, judicium vero existentiae est id cujus prædicatum, idem semper, est existentia: *Deus existit, ego existo*. At noletur hic adesse verum prædicatum, quod est quoddam universale subiecto majus in extensione. *Christo, ego sum existens, Petrus est existens*: prædicatum in extensione excedit subiectum *ego* et subiectum *Petrus*.

(1) Cf. *Metaphys, Ontol Tract. IV, q. I. Art. 4.*

## QUÆSTIO SECUNDA

De propositione ejusque partitionibus.

### ARTICULUS PRIMUS

DE PROPOSITIONE IN GENERE

I. — *Enunciatio*. Enunciatio est verbalis expressio judicii. Pro eodem sumitur *enunciatio* et *propositio*; est tamen aliquando distinctio rationis, quia propositio supra enunciationem addit quod *proponatur* ad inferendum aliquid in argumentatione. In syllogismo igitur expressio judicii proprie dicitur propositio, in judiciis vero immediatis est enunciatum. At in praxi pro eodem usurpabimus.

II. — *Propositionis definitio*. Propositionis duplex est definitio: *essentialis* una, *descriptiva* altera. Essentialiter quidem definitur: *Oratio enuncians unum de alio*. Oratio est genus quod dividitur in quinque species; sola vero oratio *enunciativa* pertinet ad Logicam et est differentia quæ propositionem constituit essentialiter. De essentia enim propositionis est *asserere* aliquid esse vel non esse; quod sit communiter verbo indicativi modi, vel alio quod ad istud reducatur.

Definitur secundo: *Oratio significans verum vel falsum* (1). Hæc definitio est *descriptiva*, seu per proprietates propositionem declarans. Eo ipso enim quod enunciet unum de alio, sequitur ipsam continere veritatem vel falsitatem; nam vel res se habet sicut enunciat, et tunc verum significatur; vel

(1) « Juger, c'est prononcer au-dedans de soi sur le vrai et sur le faux; et bien juger, c'est s'y prononcer avec raison et connaissance ». BOSSUET, *Op. cit.*, xvi.

aliter se habet, et jam immiscetur et adest falsitas. Hoc autem est proprietas, non essentia propositionis; nam prius est esse enunciativum quam enunciativum esse veri vel falsi. Observandum est verum vel falsum esse in mente *formaliter* tanquam in subjecto; in re, seu objecto, tanquam in *causa* (nam ut dicit Philosophus, *ab eo quod res est vel non est oratio vera vel falsa est*); in propositione idem tanquam in signo.

**III. — Elementa propositionis.** Propositio, sicut iudicium cuius ipsa est signum, tres includit terminos: *subjectum* et *prædicatum* quasi materiam, *copulam* vero quasi formam quæ dat esse propositioni. Porro verbum semper se tenet ex parte prædicati. Munus quippe verbi est affirmare vel negare convenientiam prædicati cum subjecto, quo fit ut verbum vi officii sui ad prædicatum trahatur.

**IV. — Propositio de primo, de secundo, de tertio adjacente.** Tres termini implicite saltem continentur in omni propositione. *Amo* tres includit: *ego, sum, amans*. Cum duo explicite ponuntur, ut *Deus est*, dicitur propositio de secundo adjacente, quia tunc verbum adjacet nomini in secundo loco propositionis. Si vero tres termini explicite ponuntur, ut *Petrus est doctus*, dicitur de *tertio adjacente*, quia tunc verbum, licet non sit in tertio loco, est tamen tertia dictio quæ adjacet in enunciatione. « Non dicitur *est* esse tertium, quia sit tertium prædicatum sed quia tertia est dictio posita in enunciatione, quæ simul cum nomine prædicato facit unum prædicatum (1). »

Quid vero si solum verbum sit expressum, *Amo*? dicitur a quibusdam propositio de primo *adjacente*, quia tunc verbum est in primo et unico loco. At, si desunt subjectum et prædicatum, non potest verbum alicui adjacere. Si vero nulli adjacet, melius diceretur de nullo adjacente. Reipsa autem hæc propositio est de secundo adjacente, quia verbum est revera in secundo loco et adjacet nomini, quod subauditur esse in primo loco.

Formaliter autem non sunt nisi tres termini, non plures;

(1) S. Th. II, *Periherm*, lect. 2.

nam cæteri qui adduntur sunt tantum determinationes subjecti vel prædicati. *Alexander, filius Philippi, fuit bellator celeberrimus. Filius Philippi* determinat subjectum, quod est materialiter multiplex, formaliter unum; *celeberrimus* determinat prædicatum, quod est unum formaliter.

**V. — Naturalis ordo in terminis propositionis.** — Prædicatum majorem debet habere extensionem quam subjectum, ut subjectum, nam ideo precise subjectum vocatur quia subicitur prædicato ut inferius universaliori *Animal est vivens*. Al aliunde subjectum debet majori actualitate majorique comprehensione gaudere sicut *animul* includit *vivens* et quædam alia. Hic est naturalis ordo. Unde, si subjectum est minus extensione quam prædicatum, dicitur propositio *recta* seu *naturalis*: *Animalis est vivens*. Si vero prædicatum minus est extensione quam subjectum, dicitur propositio *indirecta, innaturalis, violenta*. Dicitur tandem propositio *præternaturalis, præter ordinem*, cum prædicatum convenit subjecto per accidens et materialiter, non autem formaliter et per se: *philosophus errat; candidum est frigidum*. Cantare non convenit philosopho, ut sic, sed materialiter; nec frigidum candido nisi materialiter.

**VI. — An veritas propositionis sit significatio veri.** Delinimus propositionem: *oratio significans verum vel falsum*, at tamen veritas vel falsitas propositionis non est ipsa significatio veri vel falsi. Significare verum vel falsum est significare rem applicando unum alteri per modum judicabilis; veritas autem vel falsitas est conformitas vel difformitas cum re significato ex tali significatione proveniens. Significatio igitur veri quam habet proposito antecedit ipsam veritatem propositionis.

**VII. — De interpretatione.** Enunciatio, seu propositio, dicitur a Philosopho interpretatio; hinc liber *de interpretatione*, *ὑπὲρ ἐρμηνείας*. De qua hæc annotat Angelicus: « Dicitur autem interpretatio, secundum Boetium, vox significativa, quæ per se aliquid significat, sive sit complexa sive incomplexa. Unde

conjunctiones et prepositiones et alia hujusmodi non dicuntur interpretationes, quia non per se aliquid significant... Et ideo sola nomina et verba et orationes dicuntur interpretationes... Sed tamen nomen et verbum magis interpretationis principia esse videntur quam interpretationes; ille enim interpretari videtur qui exponit aliquid esse verum vel falsum. Et ideo oratio enunciativa, in qua verum vel falsum invenitur, interpretatio vocatur (1). Itaque interpretatio est ipsa propositio ut significativa veri vel falsi.

**VIII — De propositione mentali.** Propositio mentalis est verbum mentale propositionis oralis, seu conceptus internus representans in mente omnem prædicati cum subjecto. Est qualitas simplex, ut dictum est quæst. præced. art. I, n° 1.

(1) II, *Periherm.*, lect. 2.

## ARTICULUS SECUNDUS

### DE PROPOSITIONUM SPECIEBUS

**I. — Ad quatuor** refertur propositio: ad subjectum et prædicatum tanquam materiam; ad extensionem seu universalitatem ipsorum ut quantitatem; ad copulam tanquam formam; ad veritatem vel falsitatem, ut qualitatem. Hinc quadruplex partitio propositionis: ex parte materie dicitur propositio in materia *necessaria* vel *contingente*, *possibili* vel *impossibili*; ex parte formæ dividitur in *affirmativam* vel *negativam*; ex parte qualitatis in *veram* vel *falsam*; ex parte quantitatis in *singularem* et *universalem*, *particularem* et *indefinitam*.

**II. — Ratione materie.** In propositione distingui potest materia *ex qua*, et materia *circa quam*. Materia *ex qua* sunt termini, materia *circa quam* est diversa habitudo prædicati ad subjectum, seu rationes diversæ propter quas prædicatum convenit subjecto.

Si prædicatum *per se* inest subjecto, dicitur propositio in materia *necessaria* vel naturali; si prædicatum *per se* repugnat subjecto dicitur enunciatio in materia *impossibili* sive remota; si medio modo se habet, nec *per se* repugnet, nec *per se* insit, dicitur enunciatio in materia *possibili* vel *contingenti*. Notandum est plures auctores distinguere propositionem necessariam a propositione in materia necessaria et propositionem impossibilem a propositione in materia impossibili. Propositio necessaria dicitur, quoniam est necessario vera, et in materia necessaria cum prædicatum *per se* convenit subjecto; propositio est impossibilis cum est necessario falsa, et in

materia impossibili, cum prædicatum per se excluditur a subiecto.

III. — De modis prædicandi per se. Quo clarius intelligatur quid sit per se convenire subiecto, hic quædam addere quæval de quatuor modis prædicandi per se.

Primus modus prædicandi per se est, cum prædicatum est definitio vel pars definitionis subiecti. Unde duplex est: primus modus prædicandi per se primo, quum prædicatum est tota definitio subiecti et cum ea convertitur: *homo est rationalis. Omne rationale est homo*. Primus modus prædicandi per se secundo, quando prædicatum est pars tantum definitionis nec convertitur cum subiecto: *homo est animal*.

Secundus modus prædicandi per se, cum subiectum ponitur in definitione prædicati, et ipsum prædicatum non est de essentia subiecti, sed aliqua ejus proprietas inseparabilis. Si dicatur: *Corpus superficiei est coloratum*, erit secundus modus prædicationis per se (1); quia superficies est præambula ad colorem; unde ut definatur color debet poni superficies in ejus definitione; sed ipse color non est de essentia superficiæ.

Ille modus est etiam duplex: primus, quum prædicatum convertitur cum subiecto: *homo est visibilis. Omne visibile est homo*; secundus, cum prædicatum non convertitur cum subiecto. Card. Zigliara addit hoc exemplum: *Isosceles habet tres angulos æquales duobus rectis*. Non convertitur: *omne habens tres angulos æquales duobus rectis est isosceles*.

Cujus ratio hæc est: cum summa omnium angulorum in triangula æqualeat duobus angulis rectis, verissimum est isosceli competere tres angulos æquales duobus rectis; at hæc non est proprietas convertibilis cum subiecto, quia etiam scilicet compellunt tres anguli æquales duobus angulis rectis.

Tertius modus prædicandi per se est quum prædicatum est aliquid substantiale, nam substantia dicitur per se subsistens. Sed hic est modus existendi potius quam prædicandi.

Quartus modus prædicandi per se, quum prædicatum est propria operatio subiecti: v. g. *musicus per se cantat, medicus per se curat*.

(1) I. P. q. 76, art. III.

Propositio in primo modo perscrutata dicitur propositio per se nota, saltem illi qui cognoscit subiectum.

IV. — Ratione formæ. Dividitur in affirmativam et negativam, et hæc est divisio essentialis, quæ vocatur a D. Th. divisio generis in species (1).

Sensus est *propositionis genus dividi in propositionem affirmativam et negativam tanquam in duas species essentialibus*. Probatur. In aliquo genere tot sunt species essentialiter distinctæ; nam differentia et species desumuntur a forma, sicut genus a materia. Atqui in genere propositionis duplex est forma essentialiter distincta. Ergo in genere propositionis duæ sunt species essentialiter distinctæ. Prob. min. Forma est copulatio; sed copulatio negativa essentialiter differt ab affirmativa, nam negatio essentialiter opponitur affirmationi, cum illam totaliter destruat. Ergo in genere propositionis duplex est forma essentialiter distincta, ex qua duplex resultat species.

Proponi potest sub alia ratione (2). Differentia prædicati est differentia formalis. Atqui affirmatio et negatio sunt differentia prædicati: in duplici namque differentia constituitur prædicatum secundum quod affirmatur vel negatur ejus convenientia cum subiecto. Ergo affirmatio et negatio sunt duæ differentia formales, indeque faciunt duas species essentialiter distinctas. Ratio majoris est quia prædicatum est pars formalis propositionis. Propria quidem propositionis forma est copula, seu verbum; sed, quia verbum tota vi sua fertur ad prædicatum, recte prædicatum dicitur *pars formalis*. Unde differentia prædicati est differentia formalis.

V. — Qua ratione negatio afficere debeat copulam. Cum propositio negativa constet ex copula negata, manifestum est requiri ut negatio cadat in ipsam copulam. Si enim negatio afficiat subiectum vel prædicatum, verbum est remanet affirmativum, et consequenter identitas inter subiectum et prædicatum remanet affirmata.

(1) I Periherm., lect. 10.

(2) Periherm., lect. 10.

Quum autem negatio afficit subjectum dicitur propositio *indefiniti subjecti*: *Qui non est inimicus contra me est. Non amare Deum summa stultitia est.* Quum vero negatio cadit in predicatum, propositio est *indefiniti prædicati*: *Petrus est non imperitus. Vivere in peccato est non vivere.* Potest esse simul indefiniti subjecti et indefiniti prædicati. *Non facere voluntatem Dei est non amare Deum.*

Notandum est insuper duplicem distingui copulam: aliam *principalem*, quæ unit duo extrema propositionis: *Petrus est doctus*; aliam *minus principalem*, quæ dicitur etiam copula *implicationis*, et quæ se tenet ex parte alicujus extremi. V.g. *Petrus, qui est doctus, est pius*; *qui est doctus* se tenet ex parte subjecti. Copula autem quæ facit propositionem affirmativam vel negativam non est copula *implicationis* sed copula *principalis*. Unde affirmativa est sequens propositio: *Petrus, qui non est doctus, est tamen pius.*

**VI. — Ex parte qualitatis.** Duplex est qualitas propositionis: 1<sup>a</sup> affirmatio et negatio dicuntur qualitas essentialis propositionis; sunt enim differentia essentialis, ut explicatum est n<sup>o</sup> 4, differentia vero dicitur *quale quid*. 2<sup>a</sup> Veritas et falsitas sunt qualitas propria. Nam diximus proprium esse propositionis *ut significet verum vel falsum*. » Quum enunciatur aliquid esse vel non esse secundum congruentiam rei est oratio vera, alioquin est falsa. Sic igitur quatuor modis potest variari enunciatio. Uno modo quia id quod est in re enunciatur ita esse sicut in re est, quod pertinet ad affirmationem veram, puta *quum Socrates currit et dicimus Socratem currere*. Alio modo quum enunciatur aliquid non esse quum in re non est, quod pertinet ad negationem veram, ut quum dicitur: *Aethiops non est albus*. Tertio modo quum enunciatur aliquid esse quod in re non est; quod pertinet ad affirmationem falsam, ut quum dicitur: *corvus est albus*. Quarto modo quum dicitur aliquid non esse quod in re est; quod pertinet ad negationem falsam, ut quum dicitur: *nix non est alba* (1). »

**VI. — Ex parte quantitatis.** Propositionis quantitas est ex-

(1) Perihem., lect. 9.

tentio subjecti ad plura vel pauciora. Propositio singularis non est proprie *quanta*, quia convenit uni tantum, et est aliquid indivisibile in genere quantitatis propositionis. Quantitas autem desumitur ex subiecto: in tantum enim se extendit forma propositionis in quantum permittit subiectum, nullo putatur verbum in singulari vel in plurali secundum quod subiectum est in singulari vel in plurali. Notandum est hanc divisionem ex parte quantitatis non esse essentialem, sed accidentalem. Primo quidem non desumitur ex eo quod est formale in propositione, scilicet ex copula, sed supponit propositionem constitutam. Secundo, tota essentia propositionis invenitur in propositione singulari, quæ proprie loquendo non habet quantitatem. Ergo divisio ex parte quantitatis non est essentialis. Porro ex quantitate dividitur propositio in *generalem*, *particularem*, *indeterminatam*. *Generalis* est cujus subiectum afficitur signo generali, *omnis*, *nullus*; *particularis* vero cujus subiectum afficitur termino particulari, *aliquis*, etc.; *indeterminata* dicitur seu indefinita cujus subiectum nullo termino afficitur. Quomodo erga determinari possit hujus propositionis extensio? Hic revolvenda est regula quam tradidimus circa suppositionem subjecti.

**VII. — Suppositio subjecti in propositione indelicta.** In materia necessaria subiectum supponit distributive, in materia vero contingenti supponit particulariter. In materia enim necessaria prædicatum dimanat ex natura subjecti, ideoque ab eo inseparabile est, et invenitur universaliter ubicumque est natura subjecti: *circulus est rotundus*, equivaleat: *omnis circulus est rotundus*. In materia vero contingenti prædicatum, cum non dimanet ex subjecti natura, ab eo separabile est, ideoque non invenitur universaliter ubicumque est natura subjecti. *Circulus est ferreus*, importat solum: *aliquis circulus est ferreus*.

**VIII. — Triplex universalitas.** In suppositione distributiva distinguitur triplex universalitas: *metaphysica*, *physica*, et *moralis*. *Metaphysica* laudatur in essentiis rerum, quo fit ut exceptio repugnet ipsi naturæ intrinsecæ subjecti; et, cum ne

Dens quidem possit rerum essentias mutare, nulla omnino datur exceptio in universalitate metaphysica. Igitur a propositione metaphysica universali semper inferre licet propositionem singularem. *Homo constat ex anima et corpore. Ergo Petrus constat ex anima et corpore.*

Universalitas autem *physica* est quæ fundatur in legibus nature. Unde hoc casu exceptio non repugnat ipsis rerum essentiis, sed tantum rei proprietatibus. Et, quia Dens potest rei proprietates a re separare vel illarum effectum suspendere, exceptiones hic dari possunt.

Hinc a propositione physice universali non potest semper et absolute inferri propositio singularis: *Ignis comburit. Ergo candauit tres pueros in furnare. Mortui non resurgunt: ergo non surrexit Lazarus.* Attamen communiter loquendo inferri potest propositio singularis, nisi a posteriori probetur dari exceptionem.

Universalitas *moralis* est quæ fundatur in hominum consuetudine; unde hoc casu exceptio nec essentiarum nec proprietatibus subiecti repugnat, sed tantum legibus quæ communiter in humanis moribus observantur. A fortiori non licet ex propositione moraliter universali inferre semper propositionem singularem. *Filii diligunt parentes: ergo Absalom dilexit David.*

Quædam exempla hujus triplicis universalitatis: 1<sup>o</sup> *homo est rationalis*; 2<sup>o</sup> *ignis comburit*; 3<sup>o</sup> *matres diligunt filios*. 1<sup>o</sup> *Angelus est immortalis*; 2<sup>o</sup> *homo moritur*; 3<sup>o</sup> *avarus non dat elemosynam*. 1<sup>o</sup> *Oculus corporis non potest videre essentiam divinam*; 2<sup>o</sup> *mortui non resurgunt*; 3<sup>o</sup> *fratres mutui se jurant*.

**IX. Extensio prædicati.** Quoad prædicati extensionem duæ regulæ sunt.

*Prima regula.* In propositione affirmativa prædicatum non supponit distributive, seu non sumitur in tota sua extensione *ei ipsius affirmationis*. Ut enim verificetur affirmatio: *homo est univul*, sufficit ut homo sit *aliquod* animal, non vero requiritur ut animal conveniat soli homini, cum, contra, subiectum regulariter minorem habeat extensionem quam prædicatum.

Quum dico: *homo est rationalis*, vi propositionis sensus est: *homo est aliquod rationale*. Vi tamen *materiæ*, in delinitionibus, prædicatum sumitur secundum totam suam extensionem, et convertitur cum subiecto. Hinc *vi materiæ* hic sensus est: *homo est omne rationale*; et *omne rationale est homo*. Idem valet, si prædicatum sit terminus singularis, quia tunc exhaustitur a suo subiecto: *Filius Aristotelis est Plato*.

*Secunda regula.* In propositione autem negativa prædicatum supponit distributive, seu negatur in tota sua extensione.

*Negatio* enim, ut aiunt, *est malignantis naturæ*, destruit quidquid invenit: *homo non est angelus, neque angelus A, neque angelus B...*

**X. — Prædicati comprehensio.** In propositione affirmativa prædicatum sumitur quoad omnes suas notas; quia præcise vi affirmationis importatur identitas comprehensiva inter subiectum et prædicatum. *Homo est animal*, id est, homo habet omnes notas quæ sunt in animali, et *sensum*, et *vitam*, et *substantiam* et ens.

In propositione autem negativa negatur prædicatum convenire subiecto quoad omnes suas notas simul sumptas, non vero seorsim sumptas. Homo non est *angelus*, scilicet non habet omnes notas quæ sunt in angelo, sed potest habere, imo habet, plures ex ipsis. *Lupis non est vivens*, nempe non habet omnes notas viventis, sed bene habet plures ex illis notis, ut substantiam et ens. Ita communiter Logici.



## ARTICULUS TERTIUS

## DE DIVISIONE PROPOSITIONIS RATIONE UNITATIS

I. Unitas simplicitatis et compositionis in propositione. Propositione, simul ens quodlibet, quidam gaudet unitate: ens quippe et unum convertuntur. Duplex porro est unitas: *simplicitatis* nempe et *compositionis*. Propositio ergo potest esse una vel simplicitate vel compositione. Jam vero simplex non dicitur propositio hoc sensu quod non constet partibus, cum necessario tria continent elementa, sed hoc sensu quod unico prædicato et unico subjecto constituitur. Composita vero est quæ constat duobus vel pluribus propositionibus aliqua particula conjunctis: *si homo currit, movetur*. Propositio simplex vocabatur a scholasticis *categorica*, composita vero dicebatur *hypothetica*.

II. — Divisio in categoriam et hypotheticam est divisio essentialis. Propositiones essentialiter differunt quarum extrema et copula essentialiter distinguuntur. Atqui extrema et copula propositionis compositæ essentialiter distinguuntur ab extremis et copula propositionis simplicis. Etenim extrema, seu materia, propositionis simplicis sunt subjectum et prædicatum; extrema vero seu materia propositionis compositæ sunt propositiones simplices; forma seu copula propositionis simplicis est verbum, forma autem seu copula propositionis compositæ est particula propositiones simplices conjungens. Ergo essentialiter differunt.

III. **Propositio occulte simplex.** Propositionis simplicis divisiones ipsæ sunt quas exposuimus, unde nihil hic adli-

mus, nisi quod propositio possit esse aperte simplex et occulte simplex. Quid sit aperte simplex ex se manifestum est. *Orente vero simplex* est illa quæ constat unico subjecto et unico prædicato, sed subjectum et prædicatum est terminus complexus, vel ipsis adnectitur alia propositio, unde fit ut subjectum vel prædicatum terminus complexus evadat. Propter hoc dicitur propositio *complexa*: a veteribus dicebatur de *extrema conjuncto*, id est de extremo complexo. Quæ adnectitur est propositio incidens. Adnecti autem potest subjecto, v. g.: *Dens, qui condidit mundum, ipsum gubernat*; vel prædicato: *Dens gubernat mundum quem condidit*.

IV. — **Propositio incidens.** Duplex est: alia *explicativa*, alia *restrictiva*. *Explicativa* est quæ in seipsa continet saltem virtualiter aliquod iudicium quo explicatur sensus propositionis principalis: *Dens, qui te creavit sine te, non te subruat sine te. Homo, qui est cinis et pulvis, nudet contra omnipotentem insurgere*. Restrictiva non habet per se sensum integrum, sed totum ejus munus est determinare et coarctare vel subjertum propositionis principalis, v. g.: *homo qui peccat est hostis uniuscujusque*; vel prædicatum: *Dens condemnabit hominem qui decesserit in peccato mortali*. Incidens *explicativa*, cum iudicium continet, veritatem vel falsitatem per se habere potest. *Restrictiva*, utpote non habens sensum integrum, per se nec veritatem nec falsitatem habet; potest tamen supponere iudicium verum vel falsum ex parte subjecti hanc propositionem enunciantis.

Veritas autem propositionis principalis non pendet a propositione incidenti explicativa: *Dens gubernat mundum*, vera est independenter a propositione: *qui creavit mundum*; bene autem pendet ab incidenti restrictiva: *Dens condemnabit hominem*, non est vera nisi dependenter a restrictiva: *qui decesserit in peccato mortali*.

V. — **Propositionis compositæ divisiones.** Similiter propositio potest esse aperte composita vel occulte composita. In primo casu compositio ex ipsa orationis structura manifeste apparet: si *Petrus currit, movetur*; in altero casu, propositio

apparenter est simplex, at, si exponatur, in plures propositiones resolvitur. *Christus solus est Salvator hominum*, ita resolvitur. *Christus est Salvator, nullus alius est Salvator*. Propositiones occulte compositæ, cum intelligant aliqua expositione, ut appareat compositio, dicuntur *expandibiles*, illæ vero in quas resolvuntur sunt *exponentes*. In prædicto exemplo, *Christus solus est Salvator*, est propositio exponibilis; *Christus est Salvator, nullus alius est Salvator*, sunt propositiones exponentes.

VI. — Propositionis aperte compositæ præcipuæ species sunt: copulativa, causalis, rationalis, discretiva, relativa, hypothetica.

*Copulativa* est quæ per particulam copulativam *et, nec*, unum vel plura subiecta: *Petrus et Paulus sunt sancti*, vel plura prædicata: *neque servit Deus et divitiis*. Forma huiusmodi propositionis est particula copulativa; unde, si hæc sit affirmativa, propositio erit affirmativa, licet membra copulata sint negativa; et e converso, propositio erit negativa, si particula est negans, licet membra sint affirmativa.

Regulæ huius propositionis. Si propositio copulativa est affirmativa, requiritur ad ejus veritatem ut singula membra sint vera; constat enim ex omnibus membris. Ergo si unum falsum est, falsa propositio. Si est negativa requiritur ad ejus veritatem ut omnia membra non sint simul vera.

Propositio *causalis* est quæ unit plures propositiones simplices particulis *quia, quoniam, eo quod*. Forma huius propositionis est particula causalis; unde, si particula non assignet veram causam, falsa erit propositio, licet singulæ propositiones simplices sint in se veræ. Oportet igitur ut antecedens sit causa consequentis: *anima est immortalis, quia est spiritualis*; vera est, quia spiritualitas est causa immortalitatis. Falsa est ista: *angeli vident Deum, quia sunt beati*; beatitudo non est causa visionis divinæ, sed e converso.

Propositio *illativa*, seu *rationalis*, est quæ habet plures propositiones unitas particulis *ergo, igitur*. *Homo currit; ergo morietur*. Differt a causali, quia in propositione rationali antecedens non est semper causa consequentis; *homo ridet,*

*ergo est rationalis*. Ridiculus inert quidem sed non causal rationalitatem.

Propositio *discretiva*, seu *adversativa*, dicitur quæ unit propositiones simplices particulis *sed, at*. Forma huius propositionis est particula importans oppositionem inter membra; unde si opposita non sint membra, destruitur essentia propositionis discretivæ: *anima est spiritualis, sed immortalis*.

Propositio *relativa* est quæ habet propositiones simplices connexas particulis relativis: *ubi, ibi; is, qui; qualis, talis; tam, quam; tantum, quantum; sicut, ita*. Hæc propositio importat quamdam habitudinem inter plura membra, unde veritas propositionis relativæ pendet a veritate ipsius relationis.

VII. — *Propositio hypothetica*. Dupliciter sumi potest. Apud veteres præsertim, propositio *hypothetica* idem sonat ac propositio composita, *categorica* vero est propositio simplex. Alio vero sensu *categorica* dicitur quæ enunciat absolute vel simpliciter aliquid esse vel non esse: *Deus est justus; homo non est æternus; hypothetica* vero quæ enunciat aliquid esse vel non esse, non absolute, sed modo aliquid sit vel non sit: *si decesseris in lethali culpa, dumnaveris in æternum; si Adam non peccasset, non mortuus fuisset*. Hæc propositio non habet veritatem nisi ex suppositione. Componitur ex duabus propositionibus simplicibus, una quæ afficitur particula hypothetica *si, aut et* quæ dicitur *antecedens* seu *hypothesis* vel *causatio*; altera quæ inferitur ex antecedenti et quæ dicitur *consequens*, seu *thesis*, vel *conditionatum*.

VIII. — Triplicem distinguunt propositionem hypotheticam: conditionalem, disjunctivam et conjunctivam.

*Conditionalis*, quæ est proprie hypothetica, constat propositionibus categoricis unitis particula *conditionali* *si*. Forma huius propositionis est particula importans nexum inter antecedens et consequens; unde, si nexus affirmatur, propositio est affirmativa, licet utrumque extremum sit negativum: *Si fidem non habes, non consequeris salutem*. Propositio affirmativa, nam affirmatur nexus inter fidem non habere et salutem non consequi. Est negativa, si negatur nexus: *Si sum pauper,*

non tamen sum impius; hic negatur existere uexum inter esse pauperem et esse impium: propositio negativa. Pariter veritas hujus propositionis pendet a veritate nexus inter antecedens et consequens. Si *immobile currit, immobile movetur*: vera propositio, licet utraque categorica sit falsa. Si *Cartesius est philosophus, est Gallus*; falsa propositio, licet utraque categorica sit vera.

#### IX. — Regulæ hujus propositionis.

Prima regula. *Affirmatio conditionis, affirmatur conditionatum, sed non vice versa*. Ut enim vera sit propositio, conditio debet esse causa necessaria conditionati, non quidem causa realis et ontologica, sed causa logica a qua inseparabile est conditionatum. At, si inseparabile est conditionatum, posita conditione, conditionatum eo ipso ponitur: Si *existit mundus, existit Deus*. Sed conditionatum potest habere veritatem aliunde quam a conditione; ergo non licet ex conditionato inferre conditionem. Non licet inferre: Si *existit Deus, existit mundus*.

Secunda regula. *Negato conditionato neganda est conditio, sed non vice versa*. Liqueat: conditionatum est inseparabile a conditione. Ergo, nisi detur conditionatum, non datur conditio. Sed, quia conditionatum potest esse verum independenter a conditione, negata conditione, non licet negare conditionatum. Si *non est Deus, non existit mundus*. Vera est, sed falso inferitur: Si *non existit mundus, non est Deus*.

X. — *Disjunctiva*. Propositio hypothetica *disjunctiva* est quæ constat ex pluribus simplicibus unitis per particulas *aut, vel*: *Anima aut est materialis aut est immaterialis*. Duplex hæc distinguitur: *proprie disjunctiva* et *improprie disjunctiva*. *Improprie disjunctiva*, seu in sensu præcisivo, quum adhibita particula *vel* indicatur, sin minus omnia propositionis membra, saltem unum ex illis esse concedendum. *Vel Jacobus vel ejus frater hoc fecit*. Non nego Jacobum id fecisse, sed contendo saltem unum ex duobus id fecisse. *Proprie disjunctiva*, seu in sensu exclusivo, quum adhibita particula *aut* significatur unum membrum accipiendum esse exclusis aliis. *Anima aut est mortalis aut est immortalis*. Si accipio: *est immortalis*, excludo alterum membrum.

#### XI. — Regulæ propositionis proprie disjunctivæ.

Prima. Disjunctio debet esse adequata, enumerare omnia membra, alioquin daretur medium et falsa esset propositio. *Aut sedet aut jacet*. Est medium; *aut stat*.

Secunda. Membra enumerata non debent esse cum in simul vera vel simul falsa; sed, si vera est propositio, oportet ut unum membrum sit verum, aliud falsum, ut in exemplo allato: *anima aut est materialis (falsum) aut est immaterialis (verum)*.

XII. — *Disjunctiva resolvi potest in conditionalem*. Si *anima non est materialis, est immaterialis*; attamen non semper valet æquipollentia inter utramque. Conditionalis ex una parte negata, ex altera vero parte affirmata, est vera, sive in contradictoriis, sive in contrariis, sive in disparatis, ut cum dicitur: Si *est album, non est nigrum*. Sed disjunctiva est vera solum in tali materia in qua unum omnino ponitur et alterum removetur vel e converso, hinc falsa est propositio: *aut est album, aut est nigrum*.

XIII. — *Conjunctiva*. Est illa quæ negat duas partes simul esse posse veras, seu enunciat duo prædicata esse incompatibilia: *nemo potest simul amare Deum et peccatum*. Dicitur a *disjunctiva*, quia in *disjunctiva* indicatur unum ex pluribus prædicalis convenire subjecto, conjunctiva autem tantum asserit duo prædicata esse incompatibilia. Ut communiter notant auctores, conjunctiva resolvi potest in conditionalem: Si *quis amat peccatum non amat Deum*; si *amat Deum non amat peccatum*.

## ARTICULUS QUARTUS.

## PROPOSITIONES EXPONIBILES

I. — Propositiones exponibiles sunt quæ, ratione alicujus termini importantis sensum explicabilem, pluribus propositionibus necesse habent exponi seu declarari (1).

Quatuor sunt species: *exclusiva*, *exceptiva*, *comparativa* et *reduplicativa*. Ad omnes commune habent quod debeant esse veræ, non solum in seipsis, sed etiam in sensu expresso per particulas; ratio est quia particula est forma hujusmodi propositionum.

II. — *Exclusiva* est vel ejus subjectum afficitur particula exclusiva, quo casu dicitur *exclusivi subjecti*, v. g.: *solus Deus est infinitus*; scilicet infinitas convenit huic soli subjecto quod est Deus; vel ejus prædicatum afficitur particula exclusiva, quo casu dicitur *exclusivi prædicati*. Subjectum tunc non habet aliud prædicatum: *Beati in celo non amant nisi quod est bonum*; scilicet amant bonum et extra bonum nihil amant.

III. — *Exceptiva* est ejus subjectum vel prædicatum afficitur particula exceptiva: *præter*, *excepto*, etc. *Omnia sunt vanitas præter amorem Dei*. Ita exponitur: *omnia sunt vanitas, et amare Deum non est vanitas*. In hoc differt ab exclusiva quod hæc *directe* importat exclusionem, exceptiva autem in *obliquo*. Attamen in exclusivam exceptiva resolvi potest: *omnia præter Deum mutantur*; in hoc convertitur: *Solus Deus non mutatur*.

IV. — *Comparativa* propositio est ejus subjectum vel prædicatum afficitur particula comparativa. *Petrus habet majorem scientiam quam Paulus*. Tres exponentes continet: *Petrus habet scientiam, Paulus habet scientiam, sed scientia Petri est major scientia Pauli*.

V. — *Propositio reduplicativa* est illa quæ afficitur particulis: *quatenus ut*, *quantum*, *quatenus*, quæ subjectum reduplicant, et indicant significationem in qua accipiendum sit: *homo, ut homo, rationalis est*.

Particula sumi potest vel in sensu *reduplicativo* vel in sensu *specificativo*. *Reduplicative* accipitur, cum assignat rationem propriam cur prædicatum subjecto conveniat. Hoc autem fit cum subjectum est *causa propria*, *efficiens vel formalis*, prædicati: *Ignis ut ignis comburit*. Hic ignis est *propria causa efficiens* combustionis. *Coloratum ut coloratum est visibile*. Color est *causa formalis* cur coloratum sit visibile.

*Specificative* autem, cum assignatur causa materialis prædicati, seu cum subjectum includit prædicatum, quia est *species* vel *subjectum* prædicati. *Homo ut homo sentit*; homo est subjectum sensationis, unde vera est propositio in sensu *specificativo*, sed falsa est in sensu *reduplicativo*. *Homo enim non sentit ut homo, sed ut animal*. Generatim loquendo, sumere subjectum *reduplicative* est ipsum sumere *secundum differentiam suam constitutivam*.

Hæc regula explicantur quædam exempla quæ tradit Gouddin (1): *Homo ut homo videbit Deum, homo ut homo virtute perficitur*. In quonam sensu hoc accipiendum sit, reduplicative, an specificative? Primo intuitu videtur accipiendum reduplicative, quia homo videbit Deum et virtute perficitur, non *ut animal* sed *ut homo*. Nilominus explicanda sunt *specificative*. Nam *videre Deum, virtute perfici* non est differentia constitutiva hominis. Si esset differentia constitutiva, soli homini conveniret; nec competeret angelo Deum videre et virtute perfici.

(1) Log. Mth. P. II. art II.

(1) JOAN. A S. TH. Log. I P. cap. xxiv.

## ARTICULUS QUINTUS

## DE MODALIBUS

**I. — Notio modi.** Obcherrima est apud Scholasticos divisio in propositiones absolutas, seu de *inesse* et *propositiones modales*. Propositio de *inesse* est illa in qua simpliciter enunciatur predicatum convenire et inesse subjecto; propositio vero *modalis* est in qua denotatur predicatum inesse subjecto cum modo quo illi inest et convenit. Modus porro est *determinatio adjuvans rei*, quae quidem sit per adjectionem nominis adjectivi quod determinat substantivum, ut cum dicitur: *homo est albus*, vel per adverbium quod determinat verbum: *homo currit bene* (1).

**II. — Divisio modi.** Triplex est modus: quidam determinat subjectum: *homo velox currit*; quidam determinat praedicatum: *homo currit velociter*; quidam afficit ipsam copulam et convenientiam praedicti ad subjectum modificat, et hic solus facit propositionem modalem. Hic modus quadruplex est: *impossibile est hominem errare, possibile est hominem currere; necessarium est hominem currere, contingens est hominem currere*.

Quidam Logici addunt verum et falsum ut modum. Sed, ut recte animadvertit D. Thomas, verum et falsum nihil addunt supra significationem propositionum de inesse. Idem enim significatur cum dicitur: Socrates non currit, et Socratem currere est verum.

(1) Quae hic disserimus ex D. Thoma desumuntur, Opusc. 40.

**III. — Quid requiritur ad essentiam propositionis modalis.** Ad rationem igitur propositionis modalis duo requiruntur: 1<sup>o</sup> ut afficiatur aliquo ex his quatuor supra enumeratis; 2<sup>o</sup> ut modus sit praedicatum, verbum autem exprimens compositionem sit subjectum. Ratio est, quia modus est determinatio; id vero quod determinat subjectum est praedicatum. Ergo oportet ut modus sit praedicatum. Propositio igitur est modalis si dicitur: *Socratem errare est possibile*; *Socratem currere* est subjectum, *possibile*, praedicatum. Et contra desinit esse modalis et fit de inesse si modus sit subjectum: possibile est Socratem currere; ita ut hic redilatur sensus: *Aliqua res possibilis est, nempe quod Socrates currat*.

**IV. — De re, de dicto.** Propositio absoluta, cui additur modus, vocatur *dictum*. *Socratem currere est possibile*. In hac propositione, *Socratem errare* est dictum, *est possibile* est modus.

Distinguant auctores propositiones modales *de re* et *de dicto*. Est *de re*, cum modus interponitur dicto: *Socratem possibile est currere*; vel: *homo necessario est mortalis*. Est *de dicto*, cum modus postponitur: *Socratem currere est possibile*; *hominem mortalem esse est necessarium*.

Frequenter occurrunt istae propositiones: *de re, de dicto*; in sensu composito, in sensu diviso; *necessitas consequentiae, necessitas consequentis*; *potentia antecedens, potentia consequens*. Breviter hic explicandae sunt quibusdam exemplis. *Omne scitum a Deo necesse est esse*. Si intelligitur *de re* sensus est. Omnis res quam Deus scit est necessaria, et sic falsa est: actum meum liberum Deus scit, et tamen actus meus liber non est res necessaria. Si intelligitur *de dicto*, vera est, et sensus est: Deum scire aliquam rem esse et de facto rem esse, est necessarium, scilicet dictum seu consequentia est necessaria, quavis res ipsa necessaria non sit (1).

**V. — Necessitas consequentiae et consequentis.** Hinc intelligitur quid sit *necessitas consequentiae*, quid *necessitas consequentis*. Deum praecognoscere aliquid futurum et istud re-

(1) Cf. I. P. q. 14. art. XIII. ad 3.

vera evenire, est necessarium necessitate *consequentiae*, nempe ipsa consequentia necessaria est, fieri enim nequit ut Deus fallatur; non autem necessarium est necessitate *consequentis*, id est, res ipsa quae consequitur non est necessaria. Si homo sedet, necesse est ipsum sedere, necessitate *consequentiae*, sed non necessitate *consequentis*, quia scilicet ipsa sessio non est necessaria.

**VI. — Sensus compositus et sensus divisus.** Sensus *compositus* est qui componit non actum vel actum oppositum cum actu, vel praequisitis prioritate naturae ad actum. Sensus *divisus* est qui dividit actum non actu vel ab actu opposito. *Sedens potest stare*. Distinguo: in sensu *composito*, *nego*; in sensu *diviso*, *concedo*. Sedens non potest componere actum sessionis cum actu stationis; sed sub actu sessionis habet veram *potentiam* standi. Ut egregie dicunt Thomistae cum Billuart, sensus compositus importat *potentiam simultatis*, sensus vero divisus *simultatem potentiae*. Qui sedet habet *simul* potentiam sedendi et potentiam standi, sed non habet potentiam sedendi et standi *simul*. Quando ergo dicunt Thomistae: *Præmotus ad sedendum potest stare in sensu diviso*, non intendunt: *Sedens habebit potentiam standi*, cum *oblato fuerit præmotio*, sed sensus est: *Sedens sub ipsa præmotione ad sedendum habet veram potentiam standi*, licet de facto nunquam uniri queat actus standi cum præmotione ad sedendum; sicut nec actus standi cum actu sedendi componitur, quamvis potentia standi sit simul cum potentia sedendi et cum actu sessionis.

**VII. — Potentia antecedens et consequens.** Potentia *antecedens* est potentia vera, quae ex suppositione nunquam reducitur ad actum. Potentia autem *consequens* est potentia cum actu conjuncta. Prædestinatus potest damnari, potentia *antecedente*, non autem *potentia consequente*. Reprobis potest salvari, *potentia antecedente*, non autem *consequente*. Absolutè loquendo habet veram potentiam ad salutem perveniendi, sed id factò, ex suppositione, hæc potentia nunquam reducitur ad actum. Similiter qui nunc sedet habuit potentiam antecede-

dentem nunc standi, sed ex suppositione hæc potentia nunquam reducitur ad actum, nec erit consequens.

**VIII. — Modalium quantitas ex parte subjecti.** Quantitas modalium attendi potest ex parte subjecti et ex parte modi. Cum autem in modali sint duo: et *dictum* et ipsa *propositio totalis*, duplex consideratur subjectum: nunc ipsius dicti, alterum ipsius propositionis totalis. Possibile est Socratem esse alium. *Socratem* est subjectum *dicti*; *Socratem esse alium* est subjectum totius modalis. Si consideratur subjectum propositionis totalis, propositio est semper singularis, quia totum illud dictum tenet locum subjecti singularis, licet habeat signum universale. *Omni hominem esse mortalem est necess.* Propositio singularis, quia omnem hominem esse mortalem, seu hoc assertum: omnem hominem esse mortalem, est subjectum singulare. Si vero attenditur subjectum solius dicti, propositio est singularis vel universalis, particularis, indefinita, juxta extensionem ipsius subjecti. *Socratem esse mortalem*, singularis; *omni hominem esse mortalem*, universalis.

**IX. — Quantitas ex parte modi.** Exposito quænam sit quantitas ex parte subjecti, iterum querendum est quæ sit quantitas ex parte modi. Regula facilis traditur a S. Thoma (1). *Necessarium* habet similitudinem cum signo *universali affirmativo*, quia quod necesse est esse, semper est; *impossibile* cum signo *universali negativo*, quia quod est impossibile esse, nunquam est; *contingens* vero et *possibile* similitudinem habent cum signo *particulari*, quia quod est contingens et possibile, quandoque est, quandoque non est.

**X. — Quid sit forma in modalibus.** Forma propositionis modalis, ut modalis, est ipse modus; unde propositio modalis dicitur affirmativa vel negativa secundum affirmationem modi, non vero dicti. *Socratem non currere* est possibile: in dicto est negatio, sed modus affirmatur; propositio affirmativa. So-

(1) Opusc. 40.

erantem currere non est possibile: totum dictum est affirmativum, sed negatur modus, propositio negativa.

**XI. — Quadruplex fieri potest dispositio affirmationis et negationis in modalibus.** Vel dictum et modus affirmantur, vel dictum et modus negantur; vel affirmatur dictum et negatur modus, vel negatur dictum et affirmatur modus. Dialectici has dispositiones designarunt quatuor vocalibus: A, E, I, U., sicut fert iste versus:

« E dictum negat, I que modum, nihil A, sed U totum ».

— A significat propositionem affirmativam et in modo et in dicto: *Neccesse est omnem hominem esse rationalem.* E propositionem de dicto negato et modo affirmato: *hominem non currere est possibile.* I propositionem de modo negato et de dicto affirmato. *Omnem hominem currere non est possibile.* U propositionem de dicto et de modo negato: *Non necesse est Socratem non currere.*

**XII. — Quid sit propositio officians.** Propositio modalis reduci potest ad propositionem de inesse. *Contingens est Socrates currere* hoc modo reducitur; *hec propositio: Socrates currit, est contingens.* Ista propositio dicitur officians illius modalis.

### XIII. — Schema omnium propositionum (1).

(1) De propositionibus consuli possunt, ARISTOT. *de Interpretatione*, D. TH. COMPTON in *Aristot.* et *Summa Logice*; JOANNES A. S. THOMA, *ALAMANNUS*, *Log.*; LAMB, *Les Logiciens anglais contemporains*; RAPIER, *Logique*, c. III, etc.

### XIII. — Schema propositionum

Dividitur propositio in *Simplex* et *Compositam*

Propositio	Simplex	Aperte simplex dividitur	Ratione materie in	Propositionem in materia necessariam. Hinc de modis predicandi per se.
				et
		Occulte simplex	Ratione forme in	Propositionem in materia contingentem.
			Ratione qualitatis in	Affirmativam.
			Ratione quantitatis in	Negativam.
				Veram.
	Composita	Aperte composita	Adnexum habet incidentem quo est	Falsam.
				Generalem.
		Occulte composita	Vel est absolutum et ita dividitur in	Particularem.
			Vel est hypotheticam et ita dividitur in	Indeterminatam.
			Dicitur exponibilis quam dividitur in	Explicativa.
				vel
		Restrictiva.		
		Copulativam.		
		Causalem.		
		Rationalem.		
		Discretivam.		
		Relativam.		
		Conditionalem.		
		Disjunctivam.		
		Conjunctivam.		
		Exclusivam.		
		Exceplivam.		
		Comparativam.		
		Reduplicativam.		
		Necessarium.		
		Contingens.		
		Impossibile.		
		Possibile.		
		De re.		
		De dicto.		
		Necessitas consequentiae.		
		Necessitas consequentis.		
		Potentia antecedens.		
		Potentia consequens.		
		Sensus compositus.		
		Sensus divisus.		

## QUÆSTIO TERTIA

## De proprietatibus propositionum.

Explicatis natura et speciebus propositionum, loquendum venit de proprietatibus quæ competunt propositionibus ex earum conparatione ad invicem. Tres autem sunt hujusmodi proprietates: *oppositio*, *conversio* et *æquipollentia*. Quæ hic traduntur logici, etsi subtilia videantur, utilia tamen sunt ut plena instituantur analysis nostrarum cognitionum, ut omnes aperiantur erroris equivocationes et ut innotescant diversi modi quibus mens veritatem consequitur.

## ARTICULUS PRIMUS

## DE OPPOSITIONE

**I. — Quid oppositio.** In communi oppositio est *affirmatio et negatio ejusdem de eodem*; prout vero hic sumitur est *repugnantia inter propositionem affirmativam et negativam ejusdem prædicati et ejusdem subjecti*. Ad veram autem oppositionem duarum propositionum triplex requiritur conditio. Prima est ex parte extremorum, nempe quod *utraque constet eodem prædicato et subjecto*, alioquin essent propositiones disparatæ, non oppositæ. Secunda, quod *servetur eadem terminorum acceptio, eadem suppositio, eadem appellatio, etc.*, ita ut si vel minimum varietur sensus, tollatur oppositio.

Tertia, quod *una illarum sit affirmativa, altera negativa*, ita ut quod una ponit et affirmat, altera neget et removeat.

**II. — Quotuplex oppositio.** Propositiones opponi possunt: 1<sup>o</sup> ratione formæ tantum; et, si sint duæ propositiones generales, quæ sola forma differunt, ut: *universis homo currit, nullus homo currit*, dicitur oppositio *contraria*; si autem sint duæ propositiones particulares quæ sola forma differunt: *aliquis homo currit, aliquis homo non currit*, dicitur oppositio *sub contraria*. 2<sup>o</sup> Ratione quantitatis tantum, ut: *omnis homo est justus, aliquis homo est justus*. Dicuntur propositiones *subalternæ*; generalis quidem est *subalternans*, particularis vero *subalternata*. Hic tamen non est proprie dicta oppositio, cuius ratio consistit in affirmatione et negatione ejusdem de eodem. 3<sup>o</sup> Ratione formæ et ratione quantitatis: *Omnis homo est rationalis, aliquis homo non est rationalis*; et est *oppositio contradictoria*.

**III. — Definiuntur diversæ oppositionum species.** Igitur oppositio *contradictoria* est inter duas propositiones de eodem subjecto et prædicato quarum una est generalis, altera particularis, una affirmativa, altera negativa; vel inter duas singulares, quarum una est affirmativa, altera negativa: *Petrus currit, Petrus non currit*.

Oppositio *contraria* est repugnantia inter duas propositiones ejusdem prædicati et subjecti quarum una est affirmativa, altera negativa, et ambæ universales.

Oppositio *sub contraria* est repugnantia inter duas propositiones de eodem prædicato et subjecto, quarum una est affirmativa, altera negativa, et ambæ particulares.

Oppositio *subalterna* est repugnantia inter duas propositiones ejusdem prædicati et subjecti, in hoc solum consistens quod una sit universalis, altera particularis.

**IV. — Quomodo designantur propositiones.** Mos antiquissimus est in Scholis designare propositionem generalem affirmativam littera A, generalem negativam littera E, particularem affirmativam littera I, particularem negativam littera O.




Asserit A, negat E; verum generaliter ambo,  
Asserit I, negat O; sed particulariter ambo.

**V. — Oppositionum schema.** Schema propositionum oppositarum ab Aristotele jam inventum, postea a Porphyrio, Boetio, D. Thoma et scholasticis perfectius dispositum, est hujusmodi p. 133.

**VI. — Leges propositionum oppositarum.**

*Prima lex.* Contradictoriae in nulla materia possunt esse simul verae vel simul falsae. Probatur. Idem non potest simul esse et non esse. Atqui si contradictoriae forent simul verae vel falsae, idem simul esset et non esset. Ergo. Prob. min. quoad I<sup>am</sup> partem. Contradictoriae ita se habent ut idem quod una enunciat esse altera enunciet non esse; una enunciat omnem hominem esse justum, altera non omnem hominem esse justum. Ergo si ambae simul verae sunt, idem simul erit et non erit.



Prob. min. Quoad II<sup>am</sup> partem. Si falsum est omnem hominem esse justum, sequitur non omnem hominem esse jus-

tum; al rursus, si falsum est non omnem hominem esse justum, sequitur non omnem hominem esse justum. Ergo idem simul erit et non erit.

*Secunda regulo.* Contrariae in nulla materia possunt esse simul verae; falsae vero simul esse possunt in materia contingente, non autem in materia necessaria.

Prob. I<sup>a</sup> pars. Si haec vera est: *omnis homo est justus*, verum erit: *aliquis homo est justus*; et, si simul verum est: *nullus homo est justus*, verum erit: *aliquis homo non est justus*. Ergo habebimus quatuor propositiones veras simul: *omnis homo est justus*, *aliquis homo non est justus*; *nullus homo est justus*, *aliquis homo est justus*. Sed *omnis homo est justus et aliquis homo non est justus*, *nullus homo est justus et aliquis homo non est justus* sunt propositiones contradictoriae. Ergo, si duae contrariae verae simul sunt, sequitur duas contradictorias simul esse veras, quod jam deprehendimus esse impossibile.

Prob. II<sup>a</sup> pars. Contrarietas est inter duo extrema inter quae datur medium. Dummodo igitur veritas salvetur in medio, nihil repugnat falsitatem inveniri in utroque extremo, quando agitur de materia contingente. *Omnis homo est justus*, *nullus homo est justus*, utrumque extremum est falsum; sed in medio salvatur veritas: *aliquis homo est justus*, *aliquis alius homo non est justus*.

Prob. III<sup>a</sup> pars. In materia necessaria praedicatum est inseparabile a subjecto: si cuilibet convenit, omnibus convenit. Hinc duae istae contrariae non sunt simul falsae: *omnis homo est rationalis*, *nullus homo est rationalis*.

*Tertia lex.* Subcontrariae in nulla materiae possunt esse simul falsae; verae autem simul esse possunt in materia contingente, non tamen in materia necessaria.

Ratio I<sup>ae</sup> partis haec est: si falsum est *aliquem hominem esse justum*, a fortiori falsum est *omnem hominem esse justum*; et si falsum est *aliquem non esse justum*, a fortiori falsum est *nullum hominem esse justum*. Ergo habemus quatuor propositiones simul falsas quarum duae sunt contradictoriae. Duas vero contradictorias esse simul falsas omnino repugnat.

Secunda et tertia pars manifestæ sunt. In materia contingenti prædicatum potest convenire quibusdam, non tamen omnibus; hinc verum est simul dicere: *aliquis homo est justus, aliquis homo non est justus*. In materia autem necessaria prædicatum non potest convenire quibusdam quin omnibus competat. Hinc asserere non licet: *aliquis homo est rationalis, aliquis homo non est rationalis*.

*Quarta lex.* In materia necessaria, si subalternans est vera, vera erit subalternata; si falsa subalternans, falsa subalternata; in materia autem contingenti potest esse subalternans falsa, subalternata vera, ut in exemplo: *omnis homo est justus*, subalternans falsa; *aliquis homo est justus*, subalternata vera.

**VII. — Maxima omnium oppositionum est contradictoria.** Nam propositiones contradictoriæ non relinquunt medium, sed pugnant in veritate et in falsitate; secundo loco, veniunt contrariæ, quæ relinquunt medium et pugnant in veritate, non autem in falsitate; tertio loco subcontrariæ, quæ non habent stricte dictam rationem oppositionis, cum non constant eodem subjecto. Subalternæ minus adhuc habent de oppositionis natura, cum opponantur solum ratione quantitatis.


**VIII. — Natura divisionis in oppositione.** Divisio oppositionis in contradictoriam, contrariam, subcontrariam et subalternam non est divisio univoca, sicut generis in species, sed analogæ.

Oppositio enim invenitur proprie et principaliter in contradictoriis, in cæteris vero secundario et in quantum plus minusve ad contradictorios accedunt.

**IX. — Oppositio modalium.** Modales etiam sua oppositione gaudent. Necessarium æquivallet termino universali affirmativo, impossibile termino negativo universali. Unde necessarium et impossibile opponuntur contrarie. Possibile æquivallet termino particulari affirmativo, unde impossibile et possibile opponuntur contradictoriæ; contingens æquivallet termino

particulari negativo, unde necessarium et contingens opponuntur contradictorie.

En schema :



## ARTICULUS SECUNDUS

## DE CONVERSIONE PROPOSITIONUM

**I. Quid conversio.** Conversio est mutatio unius propositionis in aliam per solam transpositionem prædicati in subiectum et subiecti in prædicatum, servata eadem forma et qualitate propositionis. Duo ergo ad conversionem requiruntur: primum ut subiectum fiat prædicatum et vice versa, secundum ut, facta inversione, remaneat eadem forma et qualitas, id est, ut propositio sit affirmativa vel negativa, vera vel falsa sicut prius. Notandum est insuper conversionem esse faciendam per illationem seu per deductionem, ita ut legitima sit conversio quotiescunque propositio convertens recte inferatur ex conversa. *Nullus homo est lapis. Ergo nullus lapis est homo.*

**II. — Quotiplex conversio.** Conversio triplex distinguitur: simpliciter, seu mutua; per accidens, seu non mutua; et per contrapositionem, mutua quidem, sed mutatis terminis finitis in infinitis. Unde conversio simpliciter, quæ dicitur etiam conversio in totum, definitur: illa in qua transmutatur prædicatum in subiectum, manente eadem quantitate. *Nullus homo est angelus: ergo nullus angelus est homo. Aliquis homo est albus: ergo aliquod album est homo.* — Conversio per accidens, quæ dicitur etiam conversio in partem, est illa in qua transmutatur prædicatum in subiectum non manente eadem quantitate. *Omnis homo est animal, non licet inferre: ergo omne animal est homo sed: aliquod animal est homo.* Hæc illæ conversiones, simpliciter et per accidens sunt conversiones in terminis; tertia autem conversio est per contraposi-

tionem terminorum, et definitur: illa in qua transmutatur prædicatum in subiectum, servata eadem forma et quantitate propositionis, sed variatis terminis finitis in infinitos, et vice versa. *Homo est animal: hæc propositio generalis et affirmativa convertitur in istam generalem et affirmativam: omne non animal est non homo.*

**III. — Regulæ conversionum.** Istis versibus continentur:

E et I simpliciter convertitur; E v A per accid.;  
A s I O per contrap.; sic fit conversio tota.

*Prima ergo regula:* propositio generalis negativa E et particularis affirmativa I convertuntur simpliciter. Prædicatum quippe et subiectum in propositione negativa supponunt distributive. Ergo prædicatum conversum fit subiectum generale, ideoque propositio remanet generalis sicut prius. In propositione autem affirmativa prædicatum supponit particulariter, ergo in conversione fit subiectum particulare, et propositio remanet particularis sicut prius.

*Secunda regula.* Propositio generalis affirmativa, A, convertitur per accidens; generalis autem negativa, E, quæ convertitur simpliciter, converti etiam potest per accidens.

Ratio primæ partis hæc est: prædicatum in propositione affirmativa supponit particulariter; ergo fit subiectum particulare, et propositio erit particularis. *Omnis homo est substantia: ergo aliqua substantia est homo.*

Declaratur secunda pars. Si prædicatum negativæ propositionis potest fieri subiectum generale, includit subiectum particulare. Si licet affirmare: *nullus angelus est homo, verum etiam erit: aliquis angelus non est homo.*

*Tertia regula.* Particularis negativa O convertitur solum per contrapositionem; generalis autem affirmativa, A, quæ convertitur per accidens, converti etiam potest per contrapositionem. Ostenditur 1<sup>a</sup> pars. Particularis negativa non potest converti simpliciter. Prædicatum enim in negativa supponit distributive; ergo, si convertitur, erit subiectum generale, jamque mutatur quantitas propositionis, ideoque non est conversio simpliciter. Si autem convertitur per accidens, id est,

si propositio particularis sit generalis, falsa redditur: *aliquis homo non est justus, nullus justus est homo*. Restat solum ut converti possit per contrapositionem. *Aliquis homo non est justus, aliquod non justum non est non homo*.

II<sup>a</sup> pars etiam constat. Contrapositio præcise inventa est ut suppleret conversionem mutuam in his quæ non possunt converti secundum se; ut accedit in particulari negativa et in generali affirmativa. *Omnis homo est animal*. Ergo recte inferitur: *omne non animal est non homo*.

IV. — De conversione propositionis singularis. Regula est: propositio singularis convertitur in particularem affirmativam, singularis negativa in universalem negativam. Exemplis res patet: *Petrus est sanctus; aliquis sanctus est Petrus. Petrus non est impius; nullus impius est Petrus* (1).

(1) « On a souvent dit que cette théorie de la conversion est une subtilité inutile. Cependant un logicien anglais, M. Bain, en fait bien voir l'utilité pratique. La source la plus féconde des sophismes, dit-il, est la tendance de l'esprit à convertir les affirmations universelles sans limitation. Lorsqu'on dit: « Tous les esprits puissants ont de larges cerveaux », l'auditeur passe facilement à la proposition convertie: « Tous les larges cerveaux indiquent de puissants esprits ». Cette erreur de logique est une des plus fréquentes; il y a donc intérêt à appliquer la forme logique pour se mettre en garde contre elle ». Cf. PAGE JANET, *Logique*, chap. IV.

## ARTICULUS TERTIUS

### DE EQUIPOLLENTIA PROPOSITIONUM

I. — **Definitur æquipollentia.** Æquipollentes in genere dici possent propositiones quæ habent eundem significationem ex æquivalentia signorum provenientem. Hic vero specialiter sumitur æquipollentia pro reductione duarum propositionum oppositarum ad eundem significationem ope particulæ negantis.

II. — **Conditiones æquipollentiæ.** Ut propositiones fiant æquipollentes, debet esse æquivalentia in terminis. Produciuntur autem æquivalentia terminorum per particulam unam, quæ est malignantis naturæ, et destruit formam et quantitatem signorum quibus præficitur. *Omnis homo est justus, aliquis homo non est justus* opponuntur in forma et quantitate. Si præponatur non subjecto prioris propositionis, destruitur ejus forma et quantitas, et prima æquivaleret secundæ: *Non omnis homo est justus*; idem valet: *aliquis homo non est justus*.

III. — **Regulæ æquipollentiæ.** Tres assignantur.

*Prima.* Dux contradictoriæ redduntur æquipollentes si alteri illarum præponatur negatio. *Nullus homo currit, aliquis homo currit*, præpono negationem: *nonnullus homo currit*, redditur sensus: *aliquis homo currit*. Et vice versa: *Nam aliquis currit*, idem est ac: *nullus currit*.

*Secunda regula.* Dux propositiones contrariæ redduntur æquipollentes, si negatio præponatur subjecto propositionis ante copulam. *Omnis homo currit, nullus homo currit*. Post-

universus negationem : *omnis homo non currit*, æquipollet : *nullus homo currit* ; et : *nullus homo non currit* æquipollet : *omnis homo currit*.

*Tertia regula.* Duæ subalternæ sunt æquipollentes, si sub-  
jecto propositionis præponatur et postponatur negatio : *omnis  
homo est justus ; aliquis homo est justus.* Applicetur regula.  
*Non omnis homo non est justus*, æquipollet : *aliquis homo est  
justus.* *Non aliquis non est justus*, æquipollet : *omnis homo est  
justus.*

Tres regulas huc versu comprehenduntur :

Pro contradic, post contra, præ postque subaltern.

#### IV. — Signa æquipollentiæ. Resumuntur his versibus :

a Non omnis, quidam non ; omnis non quasi nullus.  
Non nullus, quidam ; nullus non, valet omnis.  
Non aliquis, nullus ; non quidam non, valet omnis.  
Non uller, neuter ; neuter non, præstat uterque. a

V. — Subcontrariæ non sunt capaces æquipollentiæ. Si  
præponatur negatio, sit propositio universalis et contradic-  
toria : *aliquis homo est justus*, non *aliquis homo est justus* so-  
nal : *nullus homo est justus*. Si vero postponatur, sit propositio  
formaliter negativa, non æquipollens : *quidam homo est  
justus*, *quidam homo non est justus*. Si præponatur et post-  
ponatur est propositio subalternans.

VI. — De æquipollentia modalium. — Regulæ prædictæ  
applicuntur modalibus. Duæ modales contradictriæ rediun-  
tur æquipollentes si negatio præponatur modo. *Non necesse  
est esse* æquipollet huic : *possibile est non esse*. Et hæc : *non  
impossibile est esse* æquipollet huic : *possibile est esse*.


Duæ modales contrariæ redduntur æquipollentes si negatio  
postponatur modo : *necesse est non esse*, æquipollet huic : *im-  
possibile est esse*. Et : *impossibile est non esse* æquipollet huic :  
*necesse est esse*.

Duæ modales subalternæ redduntur æquipollentes, si ne-  
gatio præponatur et postponatur modo. *Non necesse est non esse*  
æquipollet : *possibile est esse* ; et : *non impossibile est non esse*  
æquipollet huic : *possibile est non esse*.

VII. — Schema modalium æquipollentium. — Omnes dis-  
positiones affirmationis et negationis in modalibus quatuor  
litteris designantur : A, E, I, O, ut supra dictum est (1).

Ad designandam æquipollentiam et appositionem juxta  
omnes istas dispositiones, inventi sunt quatuor dictiones, seu  
rotuli, ex prædictis litteris constantes : *Amubinus, Edentuli,  
Illiacæ, Purpurea*.

En schema.



(1) Q. II, art. V, de modal. n. XI.

## TRACTATUS TERTIUS

DE RATIOCINIO EIUSQUE SIGNO, NEMPE ARGUMENTATIONE

Tertia mentis operatio est hominis propria et distinctiva. Angelis quidem convenit uno simplici intuitu cognitionem veritatis obtinere; unde dicuntur *intellectuales*, quia interius in ipsa rei essentia veritatem quodam modo legunt. Anima vero, ut ad perfectam veritatis cognitionem perveniat, debet saepe ex uno in aliud discurrere, et ex cognitis in incognitorum notitiam deducitur. Unde homines dicuntur proprie *rationales*, nam *ratio* discursum quemdam designat quo ex uno in aliud cognoscendam anima pertingit et pervenit (1).

Sicut autem iudicium fit ex comparatione duarum idearum, inter se, ita ratiocinium fit ex comparatione duorum iudiciorum ad invicem; et sicut signum iudicii est propositio, ita signum ratiocinii est argumentatio. Tria iudicia sunt in ratiocinio, tres propositiones in argumentatione.

Argumentatio autem praecipua est syllogismus: tractatus ergo noster praecipue circa naturam et species syllogismi versabitur.

(1) Cf. q. 13, *De veritate*, art. I.

## QUÆSTIO PRIMA

De syllogismo secundum se.

### ARTICULUS PRIMUS

DE RATIOCINIO ET ARGUMENTATIONE IN GENERE

**I. — Ratiocinii definitio.** Ratiocinium definiri potest: *Operatio mentis qua ex uno prius cognito aliud inferitur*, seu *qua ex duobus iudiciis tertium inferitur*.

Ex quo apparet duas ad ratiocinium requiri conditiones: primam ut aliqua veritas prius cognoscatur; alteram ut veritas prius cognita sit causa cognoscendi veritatem prius ignotam. Nomen scio Deum esse actum purum, sed jam scio Deum esse infinitum; hujus veritatis cognitio causat veritatem illius, hoc modo: *Deus est infinitus. Atqui quod est infinitum est actus purus. Ergo Deus est actus purus* (1).

(1) « Qui si nous nous servons d'une chose claire pour en rechercher une obscure, cela s'appelle raisonner, et c'est la troisième opération de l'esprit. Reasonner, c'est prouver une chose par une autre. Par exemple, prouver une proposition d'Euclide par une autre; prouver que Dieu hait le péché, parce qu'il est saint; ou qu'il ne change jamais ses résolutions, parce qu'il est éternel et immuable dans tout ce qu'il est.

Toutes les fois que nous trouvons dans le discours ces particules, *parce que, car, puisque, donc*, c'est la marque indubitable du raisonnement ».

BOSSET, *Connaissance de Dieu et de soi-même*, chap. 1<sup>er</sup>, XIII.

II. — In *ratio*cinio unum cognoscitur ex alio. Ad *ratio*cinium non sufficit cognoscere aliquid in aliquo, sed requiritur ut cognoscatur aliquid ex aliquo. Tunc vero dicitur aliquid ex aliquo cognosci, quando non est idem motus in utrumque, sed primum movetur intellectus in unum et ex hoc movetur in aliud.

Tria porro in *ratio*cinio sunt distinguenda: antecedens, consequens et consequentia. Antecedens sunt duo prima iudicia, quæ dicuntur etiam *præmissa*; consequens est tertium iudicium quod eruitur ex duobus primis; consequentia denum est nexus necessarius inter antecedens et consequens, seu transitus logicus de antecedente ad consequens. Intellectus primum fertur in antecedens et secundario fertur per antecedens in consequens tamquam in causatum (per suam causam). Motus igitur qui fertur in antecedens essentialiter distinguitur a motu qui fertur in consequens, et ita consequens cognoscitur ex alio, scilicet antecedente.

III. — *Materia et forma ratio*cinii. Duplex est *materia ratio*cinii: proxima et remota. Remota sunt tres notiones seu tres termini ex quibus conflatur *ratio*cinium. *Materia* proxima sunt tria iudicia, duo scilicet *præmissa* et consequens.

*Forma* vero *ratio*cinii est consequentia, seu nexus inter antecedens et consequens, sicut in iudicio forma est nexus inter subiectum et prædicatum. De his longior erit sermo, cum iterum loquimur de *materia* et *forma* syllogismi.

IV. — *Conditiones ad ratio*cinium requisitæ.

*Primum.* *Ratio*cinium præsupponit cognitionem *præmissorum*. Ratio liquet. Sicut non fit iudicium nisi præcognoscantur subiectum et prædicatum, ita nec fieri potest *ratio*cinium nisi præcognoscantur *præmissa*.

*Secundum.* Omne *ratio*cinium incipit a quibusdam primis principiis indemonstrabilibus et immediatis. Nam omnis motus debet incipere ab aliquo immobili. Ergo motus qui est *ratio*cinium debet incipere ab aliquo immobili, scilicet ab aliquo iudicio immediato, quod demonstratione non indigeat. Si enim principium demonstrationis sit demonstrandum, erit processus in infinitum; et, si primum antecedens est princi-

pium mediatum, non jam est primum antecedens; hinc impossibile evadit *ratio*cinium. Quare omnis cognitio mediata reducit ad immediatam sicut in principium. Necesse tamen non est ut principia ista prima et intuitiva sint actu presentia menti, sed supponuntur semper præcognita (1).

*Tertia.* Duo iudicia *præmissa* debent esse in se veræ. Licet enim ex falso antecedente sequi possit aliquando verum consequens, id fit tantum per accidens. Ut autem *ratio*cinium sit legitimum, veritas debet sequi non per accidens, sed ex natura *præmissorum*. Atqui veritas non sequitur ex natura iudicii falsi. Ergo, si unum ex iudiciis *præmissis* falsum est, legitimum non erit *ratio*cinium.

*Quarta.* Antecedens debet continere implicite consequens. Nam consequens eruitur logice ex antecedente. Ergo logice in ipso continetur.

*Quinta.* Antecedens non debet esse minus certum quam consequens; ratio est quia certitudo consequentis a certitudine antecedentis derivatur et causatur.

*Sexta.* Antecedens debet esse notius consequente. Quia in *ratio*cinio antecedens est id quod prius cognitum ducit in cognitionem consequentis ignoti.

V. — *Divisio ratio*cinii. Dividitur *ratio*cinium sicut argumentatio, quæ est ejus signum. Ut ergo appareat divisio *ratio*cinii quædam de argumentatione adilenda sunt.

Argumentatio definitur: *Oratio in qua uno dato aliud sequitur*, seu oratio in qua unum ex alio inferitur. Delinitio liquet ex dictis de *ratio*cinio. Dividitur argumentatio in genere in *conditionalem*, *causalem* et *rationalem*. Est *conditionalis*, cum illatio seu consequentia sit unliante particula *si*: *si sol lucet, dies est*; *causalis*, cum illatio inferitur particula, *quia*

(1) « Il n'est pas toujours nécessaire que ces jugements intuitifs soient actuellement présents à notre pensée. Dans le plus grand nombre des cas nous nous lions à des jugements garantis par la mémoire. Le raisonnement peut être comparé à l'action de celui qui monte un escalier. Il ne s'agit que de répéter le mouvement par lequel on a franchi la première marche. » H. STUART, apud PAUL JAKOB, *Psychologie*, n. 366.

ant simili: *quia homo est rationalis, ideo est risibilis; rationalis* idemum seu illativa, cum illatio infertur particula *ergo*: *Petrus est rationalis. Ergo risibilis.*

Hic sermo est de argumentatione *rationali*, et quæritur quomodo dividatur. Duæ porro sunt species argumentationis rationalis: *sylogismus* et *inductio*.

*Sylogismus* est argumentatio qua ex universaliori antecedente evincitur consequens minus universale.

*Inductio* est argumentatio in qua ex singularibus vel particularibus sufficienter enumeratis infertur universale.

Exemplum est argumentatio in qua ex antecedente minus vel paucis singularibus adductis infertur aliud singulare.

*Deus pœpervit Maydabner pœnitenti, pœpervit Petro pœnitenti. Ergo, si pœnitueris, tibi pœceat.*

**VI. — Exemplum non differt specie ab inductione**, seu solum sicut imperfectum a perfecto. Exemplum non enumerat sufficienter singularia ut concludi possit universale; et propter illam insufficientem enumerationem, evincitur tantum conclusio singularis. At idem est modus procedendi, nempe a singularibus. Unde exemplum dici potest inductio imperfecta, sicut enthymema imperfectus est syllogismus.

Duæ igitur tantum sunt species argumentationis et rationum: *sylogismus* et *inductio*. Syllogismi quidem structura obiectum est Logicae Formalis, seu dialecticæ; inductio vero, quia difficiliora problemata involvit, congruentius in Logica Majori expenditur.

## ARTICULUS SECUNDUS

### DE SYLLOGISMO QUOAD SUAM MATERIAM, SUAM FORMAM SUARQUE PRINCIPIA

**I. — Syllogismi definitio.** Syllogismus est argumentatio in qua ex antecedente uniente duo extrema cum medio aliquo infertur consequens uniens illa inter se. Cum hac definitione coincidit definitio Aristotelis: *Syllogismus est oratio in qua quibusdam positis aliud quidpiam necessario ponitur eo quod hæc sint.* Id est, argumentatio in qua positis duabus propositionibus unientibus duo extrema cum uno medio, sequitur necessario alia propositio uniens eadem extrema inter se. *Eo quod hæc sint*, scilicet propositio illata sequitur vi et positione duarum priorum.

**II. — Materia syllogismi.** Quo melius innotescat hæc definitio, assignanda est materia et forma syllogismi. Ut dictum est de ratiocinio, materia remota sunt tres termini: terminus, seu notio, alicujus subjecti, terminus, seu notio, alicujus prædicati de quo præcise quæritur an conveniat subjecto; ac idem terminus, seu notio, quæcum notiones subjecti et prædicati comparantur. Termini subjecti et prædicati sunt duo extrema; terminus quidem subjecti est terminus *minor*, seu *minus extremum*; terminus vero prædicati est terminus *major* seu *maius extremum*, utpote habens communiter majorem extensionem; terminus tandem quæcum major et minor conferuntur est terminus *medius*, vel simpliciter dicitur *medius*. *Omne spirituale est immortale. Animu humanu est spiritualis. Ergo est immortalis.* Terminus minor est *anima*, terminus major est *immortalis*, terminus medius est *spiritualis*.



Materia *proxima* sunt tres propositiones: duæ priores dicuntur *premissæ*, in quibus extrema cum medio conferuntur: tertia est *conclusio* in qua affirmatur vel negatur convenientia extremorum inter se. Præmissa quidem quæ continet majus extremum est *major* syllogismi, præmissa vero quæ continet minus extremum est *minor*. Unde major et minor strictè loquendo non dicitur a primo vel secundo loco quem tenet in syllogismo, sed ex eo quod majus vel minus extremum exprimat.

Mos tamen invaluit in scholis ut propositio quæ ponitur primo loco dicatur major et quæ ponitur secundo loco dicatur minor. — Notandum est duo extrema semper reperiri in conclusionè; minus ut subjectum, majus vero ut prædicatum; medium e contra semper a conclusionè excludi. Conclusio, quæ dicitur etiam *consequens*, præbe distinguenda est a *consequentia*. Hæc enim non est propositio, sed transitus logicus de præmissis ad conclusionem.

### III. — Quid sit munus præmissarum et conclusionis.

Munus præmissarum est comparare et unire duo extrema cum medio. Sic in exemplo mox allato, præmissæ comparant et uniant duo extrema: *anima humana* et *immortalis*, cum medio *spiritualis*. Munus conclusionis est unire duo extrema inter se. Si enim extrema conveniunt cum medio, signum est convenire inter se vi principii: *Quæcumque eadem sunt uni tertio sunt eadem inter se*. Unde, si præmissæ uniant extrema cum medio, conclusio debet unire extrema inter se. Hæc intelliguntur de syllogismo affirmativo. Si autem extrema non conveniant cum medio, indicium est ea non convenire inter se, vi alterius principii: *Ex quorum unum cum tertio convenit, alterum non convenit, inter se diversa sunt*. Unde, cum hoc casu unio non sit facta in præmissis, munus conclusionis erit separare duo extrema, seu negare unionem et convenientiam extremorum inter se. *Materiale non est immortale. Anima brutorum est materialis. Ergo anima brutorum non est immortalis*. Minus extremum *anima brutorum* convenit cum medio *materiale*; majus extremum *immortalis* non convenit cum medio *materiale*. Ergo *anima brutorum* et *immortalis* non conveniunt inter se.

IV. — *Syllogismi forma*. Forma syllogismi diversimode intelligitur: nam ipsa dispositio ordinans materiam ut rite possit inferre et concludere consuevit vocari forma; dispositio quidem qua ordinatur materia remota, seu termini, dicitur *figura* syllogismi; illa vero qua ordinator materia proxima, seu propositiones, est *modus*. De his mox loquemur. Sed in presenti forma syllogismi intelligitur elementum *formale* seu *constitutivum* syllogismi. Hoc autem elementum est *consequentia*, seu nexus inter antecedens uniens duo extrema cum medio, et consequens uniens duo extrema inter se. Quedam ergo hic dicenda sunt de consequentia et de consequentiæ legibus.

V. — *De consequentia*. In genere consequentia est transitus logicus de una propositione quæ est antecedens ad alteram quæ est consequens. Duplex imprimis distinguitur consequentia seu illatio: *immediata* et *mediata*. *Immediata* est, cum consequens educitur ex antecedente absque termini tertii adiuviculi. Hujusmodi sunt:

1<sup>o</sup> Illationes quæ per æquipollentiam propositionum habentur: *omnis homo est rationalis. Ergo nullus homo non est rationalis*.

2<sup>o</sup> Illationes quæ ex propositionum conversione proveniunt: *nullus homo est angelus. Ergo nullus angelus est homo. Animal est vivens. Ergo aliquod vivens est animal*.

3<sup>o</sup> Illationes quæ in propositionum oppositione fundantur. *Falsum est omnia infidelium opera esse peccata. Ergo verum est non omnia infidelium opera esse peccata*.

4<sup>o</sup> Illationes per subalternationem. *Omnes homines in Adamo peccaverunt. Ergo Petrus in Adamo peccavit*.

5<sup>o</sup> Illationes a modalitate, scilicet a necessitate ad actum; ab actu ad posse; a necessitate ad posse; a defectu possibilitatis ad defectum actus; a defectu actus ad defectum necessitatis; a defectu potentie ad defectum necessitatis.

6<sup>o</sup> Illationes ab uno prædicato ad aliud: *homo est animal, ergo est sensitivum*; vel ab uno subjecto ad aliud, propter evidentem identitatem utriusque: *sensitivum est vivens, ergo animal est vivens; sphaera est rotunda, ergo globus est rotundus*.

Consequentia *mediata* dicitur, quando conclusio inferitur ope alienius termini tertii qui est medius inter duos extremos. Et hæc est consequentia quæ proprie pertinet ad tertiam mentis operationem. Unde consequentia quæ est elementum formale in syllogismo est consequentia mediata. Consequentia immediata non est proprie dicta consequentia seu illatio. De ratione quippe illationis est ut ex noto progrediatur ad ignotum. Atqui progressus de noto ad ignotum fit ope alienius comparationis, idemque ope tertii termini. Ergo illatio quæ fit absque tertii termini adiuvamento non est proprie dicta illatio. Unde est potius nova et magis explicita terminorum declaratio quam vera consequentia, id est verus transitus de antecedente ad consequens.

Alia divisio consequentiæ est in *materiale*m et *formalem*. *Formalis* est quæ vi formæ, id est vi dispositionis terminorum et propositionum concludit, ideoque semper bona est, et in omni materia. *Materialis* est quæ solum ratione alienius materis concludit, unde non semper et in omni materia bona est. Ad rationem pariter syllogismi requiritur consequentia *formalis*: oportet enim ut vi et dispositione terminorum et præmissarum semper et in omni materia sequatur conclusio.

Ratione qualitatis dividitur consequentia in *bonam* et *malam*, non proprie in *veram* et *falsam*. Nam consequentia non est propositio ad quam pertinet proprie veritas et falsitas, sed est connexio illativa propositionum. Si servatur debita convenientia connexionis, est consequentia bona; si autem non servatur hæc convenientia, est mala consequentia; convenientia enim et inconvenientia faciunt bonum et malum, non vero proprie verum vel falsum.

**VI. — Leges consequentiæ.** *Prima.* Si antecedens est verum, etiam consequens; et, si consequens falsum, etiam antecedens. Nam consequentia est logica et necessaria connexio inter antecedens et consequens. Ergo, si verum est antecedens, vi consequentiæ verum est consequens; si autem vi consequentiæ est falsum consequens, necessario falsum est antecedens: non potest quippe dari connexio necessaria inter verum et falsum.

*Secunda.* Si antecedens est possibile, etiam consequens; et, si consequens est impossibile, etiam antecedens. Sequitur ex prima.

*Tertia.* Si antecedens est necessarium, etiam consequens est necessarium saltem sub ratione quæ inferitur ex antecedente; et si consequens est contingens, etiam antecedens. Sequitur ex eodem principio. Si enim antecedens est necessarium, semper est verum, ideoque consequens debet esse verum, alioquin dari posset antecedens verum et consequens falsum. Si consequens est contingens, potest esse falsum; ergo, si antecedens esset necessarium, esset semper verum; et sic dari posset falsum consequens et verum antecedens.

*Quarta.* Ex quocumque sequitur antecedens sequitur consequens, et quodcumque sequitur ex consequente sequitur ex antecedente. Ratio est, quia consequens logice continetur in antecedente. Ergo, si antecedens complectitur consequens, continere etiam debet quidquid in consequente implicatur.

**VII. — Principia syllogismi.** Ex hucusque explanatis apparet syllogismum, in quo duo extrema comparantur cum medio, nili principio identitatis: *Quæ sunt eadem uni tertio sunt eadem inter se*, et principio discrepantiæ: *Ea quorum unum est idem tertio, alterum vero non idem, inter se diversa sunt*. Unde ita se habent termini in syllogismo: *substantia spiritualis = immortalis. Anima humana = spiritualis. Ergo anima humana = immortalis*. E contrario in sequenti exemplo: *substantia materialis non = immortalis. Anima brutorum = materialis. Ergo non = immortalis*. Jam vero comparatio cum medio non potest fieri nisi terminus medius supponat generaliter et distributive, juxta regulam mox declarandam:

*Aut semel aut iterum medius generaliter esto.*

Sed comparatio cum medio fit vi hujus principii: *Dictum de omni*, cui correspondet in syllogismo negativo principium: *Dictum de nullo*. Hinc rectitudo syllogismi nititur hu-

justitiam principii : *Dictum de omni, Dictum de nullo* (1) Sensus principii : *Dictum de omni*, est : quicquid generaliter et distributive affirmatur de aliquo subjecto affirmandum est de omnibus contentis sub illo. *Omne animal est sensitivum. Omnis homo est animal. Ergo omnis homo est sensitivus* — *Homo*, subjectum minus universale, continetur sub *animali*, quod est universalius. Ergo, si *sensitivum* dicitur de *animali*, dicendum etiam est de *homine* sub *animali* contento. Sub hoc respectu definitur syllogismus : *Argumentatio in qua concluditur omnia predicata quæ conveniunt subjecto universaliori convenire omnibus particularibus sub ipso contentis.*

Principii *dictum de nullo* sensus est : quicquid generaliter et distributive negatur de aliquo subjecto negandum est de omnibus sub eo contentis. *Nullum vivens est lapis. Omnis planta est vivens. Ergo nulla planta est lapis. Planta* continetur sub *vivente* tanquam inferius sub universaliori. Ergo quicquid repugnat *viventi*, repugnat *planta*. In hoc casu definitur syllogismus : *Argumentatio in qua concluditur unius predicata quæ repugnant subjecto universaliori repugnare omnibus particularibus sub eo contentis.*

Quatuor ergo sunt principia : syllogismus affirmativus nititur principio identitatis et principio : *dictum de omni* ; syllogismus negativus nititur principio discrepantiæ et principio : *dictum de nullo*. Structura quidem syllogismi nititur principiis identitatis et discrepantiæ ; rectitudo vero syllogismi principiis : *dictum de omni, dictum de nullo*.

VIII. — De valore syllogismi contra Stuart Mill. Contentit iste syllogismus aristotelicum valore demonstrativo carere, quin major, ut sit certa, supponit conclusionem. *Omnis homo est mortalis. Atqui Socrates est homo. Ergo Socrates est mortalis.* Probata non est major nisi prius constet : *Socrates est mortalis, Plato est mortalis, etc.* Major itaque supponit conclusionem.

(1) Euler illa principia sic gallice expressit : « Tout ce qui est dans le contenant est dans le contenu. Tout ce qui est hors du contenant est hors du contenu. »

*Resp.* In hoc vehementer decipiuntur empiristæ quod existiment majorem non esse nisi summam singularium experientiarum, cum e contra major sit principium universale, abstractum, a priori, per se et independenter ab experientia notum. Ideæ quidem subjecti et prædicati experientia comparantur, at convenientia prædicati cum subjecto independenter ab experientia et in sola subjecti natura deprehenditur. Intellectus nempe, multis singularibus expertis, vi sua abstractiva utitur et hinc efformat judicium abstractum, universale, a priori, quod judicium est major syllogismi. Progreditur ergo syllogismus ab abstracto ad magis concretum, ab universali ad particulare. Quia ergo major est aliquid universalius, continetur sub se minus universale ; applicatio vero universalioris ad minus universale fit mediante minore et eruitur in conclusione. Itaque conclusio continetur in majore sicut scientia in suis principiis, sicut planta in semine, sicut minus cognitum et minus universale in notiori et universaliori. Quocirca major, necum supponat conclusionis notitiam, imo notitiam ipsam causat.

Hinc in exemplo allato : *Omnis homo est mortalis*, convenientia *mortalis* cum *homine*, deprehenditur non ex facto quod Socrates moriatur, sed a priori ex sola hominis natura, quæ ulpote contrariis elementis constans corruptioni subiacet. In hac ergo majori de morte Socratis non agitur, sed solum de natura humana in cujus notione reperitur mortalitas. Per minorem autem sussumitur : *Socrates habet naturam humanam*. Recte inferitur aliquid cujus cognitio non erat supposita in majori, sed potius ex majori causatur : *Ergo Socrates habet mortalitatem, seu est mortalis.*

In summa, quamvis termini majoris experientia cognoscantur, ipsa tamen major, ut sic, est principium abstractum a singularibus, universale, in quo prædicatum est de natura subjecti. Quod cum ita sit, veritas majoris, convenientia nempe prædicati cum subjecto, non expostulat conclusionis notitiam, sed ex sola subjecti natura resultat. Ipsa vero conclusio in majore continetur sicut scientia in principiis, sicut arbor in semine ; et ex majore eruitur mediante minore, quæ est propositio subsumpta, subordinata et disposita sub majore

in ordine ad causandam conclusionem. Intellecta igitur gemina majoris natura, principii nempe abstracti in quo conclusio continetur sicut in aliquo universaliori, ruit objectio quam post Stuart Mill urgent empiristæ.

Quæ omnia iterum clarescent ex dicendis infra de Syllogismo, Inductione, Analysisi et Synthesi (1).

**IX. — De historia et fortuna syllogismi.** Quia syllogismus est præcipua species ratiocinii, naturale est homini syllogizare sicut et ratiocinari; quare syllogismus ubique et semper fuit in usu. Prout vero perfectæ gaudet structura et dispositione legistaturum habet Aristotelem, Magno in honore fuit apud Peripateticos, Arabes omnesque Scholasticos. At postea, decidente Scholastica, plures syllogismo methodisque a priori plus æquum usi sunt. Hinc ex adverso ingens exortum est collum adversus artem syllogisticam, quam Lutherus vocat inanem fallaciam ab Apostolo damnatam. Syllogismo bellum præsertim indixere illi omnes qui inductionem solam tamquam veram et legitimam philosophandi methodum enclamanant, ut Baco a Verulamio, Lockius, non pauci ex Cartesianis, neenon positivistæ et empiristæ.

Defensendum autem syllogismum susceperunt præstantissimi viri in philosophia etiam moderna, ut Leibnitzius (2), Bossetius, de Maistre, Cousin, P. Gratry; imo plures ex Subjectivistarum castris. Reviviscente vero nostris diebus Scholastica, rediret iterum ars syllogistica. Quæ quidem necessaria omnium est in scientiis, quia ipsa *facit scire* nec sine ipsa vim infallibilem habet inductio, ut ostendetur in Logica Majori (3).

(1) *Log. Maj.* Tract. III, q. I, q. II, q. III.

(2) « Je tiens que l'invention de la forme des syllogismes est une des plus belles de l'esprit humain et même des plus considérables. C'est une espèce de mathématique universelle, dont l'importance n'est pas assez reconnue, et l'on peut dire qu'un art d'infailibilité y est renfermé. » LEIBNITZ, *Nouveaux essais*, t. IV, ch. xvi.

(3) Consulti possunt ARISTOTELIS, *Analyt. priora*; D. THOMAS, *Comm. in Aristot. et Summa Totius Logicae*; et extra Scholasticos LEIBNITZ, *Nouveaux essais*; ROLLIN; *Traité des études*, livr. V; EULER, *Lettres à une princesse d'Allemagne*; RAVASSON, *Essais sur la Métaphysique d'Aristote*; LACHELIER, *De natura syllogismi*; COUSIN, *Hist. de la phil.*, 2<sup>me</sup> leçon; JANET, *Revue philosophique*, t. XII; P. GRATRY, *Logique*, etc.

## ARTICULUS TERTIUS

### DE REGULIS SYLLOGISMI

**I. — Enumerantur syllogismi regulæ.** Octo communiter recensentur: quatuor spectant materiam remotam, nempe terminos: quatuor vero materiam proximam seu propositiones.

#### *Regulæ terminorum:*

Terminus esto triplex: major, mediusque minorque.  
Latius hos, quam præmissæ, conclusio non vult.  
Nequaquam medium capiat conclusio fas est.  
Aut semel aut iterum medius generaliter esto.

#### *Regulæ propositionum:*

Utraque si præmissa neget, nil inde sequetur.  
Ambæ affirmantes nequeant generare negantem.  
Nil sequitur geminis ex particularibus unquam.  
Pejorem sequitur semper conclusio partem.

**II. — Prima regula.** *Tum re tum sensu terminus debet esse triplex.* De natura quippe syllogismi est ut duo extrema comparentur cum uno eodemque tertio. Quod si sint duo vel quatuor termini non fit comparatio duorum cum uno eodemque tertio. Ergo, nisi terminus sit triplex, destruitur ratio syllogismi (1). Contra hanc regulam peccatur si varietur supposi-

(1) « Cette règle résulte de la définition même du syllogisme, qui se compose de trois termes: le *grand*, le *petit* et le *moyen*. » P. JANET, *Logique*, n° 343.

tin; si medius terminus æquivoce sumatur. *Mus est syllaba. Sed syllaba caseum non rodit. Ergo mus non rodit caseum. Omnes milites sunt exercitus. Sed Ajax est miles. Ergo Ajax est exercitus.*

III. — **Secunda regula.** *Conclusio non debet habere majorem extensionem quam præmissæ*, seu aliis verbis: nullus terminus latiore extensionem debet extensionem in conclusione quam in præmissis.

Totum minus conclusionis est affirmare comparisonem prout facta est in præmissis. Ergo, si comparatio facta est in præmissis, particulariter, non potest fieri generaliter in conclusione. Conclusio enim continetur in præmissis ut in causa. Sed nihil excedit suam causam. Ergo extensio conclusionis non debet excedere extensionem præmissarum. *Omnis circulus est rotundus. Sed omnis circulus est figura. Ergo omnis figura est rotunda.* Falsa conclusio: solum inferre licet: aliqua figura est rotunda.

IV. — **Tertia regula.** *Medius terminus conclusionem ingredi non debet.* Conclusio enim est id quod sequitur ex comparisonem extremorum cum medio, et ipse terminus medius est id vi cuius sequitur conclusio. Sed, si medium est id vi cuius sequitur conclusio, non potest esse ipsa conclusio. Ergo terminus medius est a conclusione omnino excludendus.

V. — **Quarta regula.** *Medium debet supponere generaliter et distributive saltem in una præmissarum.* Terminus bis acceptus particulariter est verbotenus unus, re autem duplex: accipitur enim in majori secundum unam partem suæ extensionis, in minori vero secundum aliam partem. Aderunt ergo duo medii termini, et duo termini in præmissis: quatuor termini. *Homo est substantia. Sed lapis est substantia.* Ergo *homo est lapis.* Quatuor termini: *homo, lapis, aliqua substantia et aliqua alia substantia.* Aliquando tamen medium potest bis accipi particulariter, dummodo constet ipsum accipi pro eodem in utraque præmissa. Quo casu ejus suppositio æquipollet suppositioni universali. Pariter terminus medius potest bis esse singularis, si pro eodem acci-

pitur in utraque præmissa, quia est æquivalenter universalis.

Valet sequens syllogismus. *Aliquis apostolus est Judas. Sed aliquis proditor est Judas. Ergo aliquis proditor est apostolus.*

VI. — **Quinta regula.** Ex se liquet. Syllogismus consistit in comparisonem extremorum cum medio. Sed si duæ præmissæ sunt negantes, comparatio non est facta. Ergo nullus syllogismus. Nolandum est hic agi de præmissis negativis et quoad voces et quoad sensum. Valet enim syllogismus si sensus est affirmativus, ut in hoc exemplo: *Qui non habet fidem non placet Deo. Sed ethnici non habent fidem. Ergo non placent Deo.* Equivalet isti: *Qui est sine fide non placet Deo. Atqui ethnici sunt sine fide.* Ergo.

VII. — **Sexta regula.** *Ex duabus affirmativis sequitur necessario conclusio affirmativa.* Si ambe præmissæ affirmant, indicium est comparisonem extremorum cum medio esse perfectam. Sed conclusionis minus est referre comparisonem factam in præmissis. Ergo, si ambe asserunt comparisonem in præmissis, in conclusione etiam affirmanda est comparatio.

VIII. — **Septima regula.** *Nulla conclusio legitime inferri potest ex geminis particularibus.*

Vel utraque præmissa est negativa, et tunc nihil inde sequitur; vel utraque est affirmativa, et tunc terminus his sumitur particulariter, et adsunt quatuor termini; vel una est affirmativa, altera negativa, et tunc latius patet conclusio quam præmissæ. Quod sic ostenditur. Si una est negativa, conclusio erit negativa juxta regulam octavam mox declarandam. In propositione vero negativa prædicatum supponit distributive. Sed in altera ex præmissis prædicatum supponit particulariter. Ergo major erit extensio in conclusione quam in præmissis. *Aliquod animal non est rationale. Sed aliquod rationale est homo. Ergo aliquis hominum non est animal.* Animal supponebat particulariter in majori, supponit vero distributive in conclusione.

**IX. — Octava regula.** Duo præcipit: *Si una ex præmissis est negativa, conclusio debet esse negativa; si una est particularis, conclusio particularis esse debet.*

Duo extrema sunt in conclusione comparanda inter se eodem modo quo sunt comparata cum medio in præmissis. Sed, si unum extremorum convenit cum medio in præmissis, seu affirmatur, alterum vero non convenit, seu negatur, liquet extrema non convenire inter se, juxta illud: *quorum una convenit cum tertio, alterum non convenit, inter se diversa sunt.* Ergo, si una præmissa est negativa, extrema in conclusione non debent convenire inter se, ideoque conclusio debet esse negativa.

— Si autem una ex præmissis est particularis, signum est comparationem fieri in præmissis non *generaliter*, sed *particulariter*. Atqui conclusio, ut dictum est, refert tantum comparationem factam in præmissis. Ergo, si una præmissa est particularis, conclusio particularis esse debet.

**X. — Reductio regularum ad unam.** Plures recentiores ad unam regulam conantur omnes regulas reducere. Auctor Libri *De arte cogitandi* hanc statuit: *Una præmissarum conclusionem contineat, altera contentam declaret.*

Id quidem verum est; sed est potius principium cui veritas syllogismi innitur quam regula explicans quid sit faciendum, quidvis vitandum ut legitima sit connexio inter antecedens et consequens.

P. Græty aliam ponit: *Tres namque sint!*

Convertitur cum principio: *Ea quæ sunt eadem uni tertio sunt eadem inter se.* Est igitur principium, sed assignanda sunt insuper regulæ indicantes quo pacto hoc principium recte applicari possit. Unde utiliter ponuntur explicite octo regulæ ad detegenda singula vitia quæ in syllogismo subrepere possunt. Prima quidem et tertia negligi possent (1), quia in ipsa syllogismi notione implicantur, at opportune ponuntur, quippe quæ id commodi habent quod veram et completam syllogismi naturam liquido exprimant et in mentem subito revocent.

## ARTICULUS QUARTUS

### DE SYLLOGISMO IN ORDINE AD FORMAM PROUT DISPONIT TERMINOS, SEU DE FIGURIS

**I. — Figuræ definitio.** Mannius formam quæ disponit materiam remotam syllogismi, seu terminos, vocari *figuram*; quæ vero disponit materiam proximam, seu propositiones, dici *modum syllogismi*.

*Figura* definitur: *Dispositio extremorum cum medio per modum subjecti et prædicati ex qua necessario sequitur conclusio.* Dicitur *figura*, metaphora desumpta ex similitudine figuræ triangularis. Nam, sicut triangulus est conclusio trium linearum in tribus angulis, ita syllogismus est concursus trium propositionum in tribus terminis (1).

**II. — Triplex figura.** Scholastici tres figuras admittebant, nec plures nec pauciores. Vel enim medium subicitur in una et prædicatur in altera; vel subicitur in utraque, vel prædicatur in utraque. Si subicitur in una et prædicatur in altera, dicitur prima figura. Et merito, quia tunc medium est verum medium sapiens naturam utriusque extremi, scilicet subjecti et prædicati. Si prædicatur in utraque, est minus perfecta figura, quia medium non sapit utriusque naturam; cum tamen dignius sit prædicari quam subici, ideo hæc figura secundum locum tenet. Si tandem medium subicitur in utraque, est tertia figura. Tres figuræ ita designantur: *sub præ, præ præ, sub sub.*

*Sub præ præ præ, sed altera bis præ, tertia bis sub.*

Exemplum sit pro unaquaque figura:

(1) S. Th. opusc. 47.

(1) Et de lacto a Logica Portus Regalis tamquam inutiles rejiciantur.

## PRIMA FIGURA

Sub præ { Omne animal est sensibile. — Major generalis.  
 Al qui omnis homo est animal. — Minor affirmans.  
 Ergo omnis homo est sensibilis.

## SECUNDA FIGURA

Præ præ { Omne sensitivum est animal. — Major generalis.  
 Atqui nullus lapis est animal. — Minor negans.  
 Ergo nullus lapis est sensitivus.

## TERTIA FIGURA

Sub sub { Omne animal est sensibile.  
 Alqui omne animal est substantia. — Minor affirmans.  
 Ergo aliqua substantia est sensibilis. — Conclusio particularis.

III. — Non datur quarta figura realiter distincta a prima. Quidam logici, post Eudemum et Galenum, quartam inducunt figuram, quæ dicitur *galenica*, in qua medium prædicatur in majore et subjicitur in minore : *præ sub* :

Præ sub { Omnis homo est animal. — Major affirmans.  
 Sed omne animal est substantia. — Minor generalis.  
 Ergo aliqua substantia est homo. — Conclusio particularis.

At dici nequit nova figura nisi adiat novam habitulinem nulli cum extremis. Sed figura galenica non adiat novam habitulinem nulli cum extremis, Ergo non est nova figura.

Sive enim medium primum subjiciatur et secundo prædicatur, sive primo prædicatur et secundo subjiciatur, dummodo sit semel subjectum et semel prædicatum, semper verum est ipsum sapere naturam utriusque extremi : quocirca in utroque casu habetur prima figura. Solummodo inferri potest primam figuram habere duo schemata : unum in quo medium subjicitur in majore et prædicatur in minore ; alterum in quo medium prædicatur in majore et subjicitur in minore. Secundum schema est tantum *metathesis* et *transpositio* primi (1). Hæc

(1) « Cette quatrième figure, qui est assez peu naturelle, ne serait suivant la plupart des logiciens qu'un renversement des moles de la première figure, au moyen de la conversion. » PAUL JARRET, n° 347.

porro *metathesis* habet quid violenti et insueti. Principium enim *dictum de omni*, vi cuius minus extremum continetur sub majore extremo, postulat ut primo loco medium comparatur cum majore extremo ; quod fit, si medium subjicitur in majore ; et secundo loco medium comparatur cum minori extremo, quod fit, si medium prædicatur in minore. Si contra prædicatur in majore et subjicitur in minore, pervertitur naturalis ordo, et sequitur aliquid violenti. Melius itaque esset admittere unum duntaxat schema *sub-præ* ; et, ad supplendum secundum schema, addere in primo syllogismos indirecte concludentes. Dicitur porro syllogismus concludere indirecte quando in conclusione majus extremum prædicatur de minori extremo ; indirecte autem concludere, quando e converso in conclusione minus extremum prædicatur de majore. Ad primam figuram indirectam reducitur galenica :

*Galenica :*

Omnis homo est animal.  
 Sed omne animal est substantia.  
 Ergo aliqua substantia est homo.

*Prima indirecta :*

Omnis animal est substantia.  
 Sed omnis homo est animal.  
 Ergo aliqua substantia est homo.

Id ergo commodi habet prima figura indirecta quod suppleat figuram galenicam et naturalem servet ordinem in dispositione terminorum.

Quia tamen falsa non est figura galenica, legitime quis eam defendere potest. Res tanti non est ut in ea amplius immoremur.

Qui quatuor admittunt figuras hunc versum habent :

*Sub-præ, præ-præ, præ-sub, denique præ-sub.*

## IV. — Leges primæ figuræ :

*Sit minor affirmans, major vero generalis.*

*Ratio primæ partis.* Si minor est negativa, inferet conclusionem negativam. Ergo prædicatum supponet distributive in conclusione, et tamen supponebat particulariter in maiore que debet esse affirmativa, cum minor jam sit negativa. Ergo violatur regula: *Latius hos... Omnis homo est animal. Sed nullus equus est homo. Ergo nullus equus est animal.* (Latior conclusio quam præmissæ).

*Ratio secundæ partis.* Si major est particularis, medium erit particulare, quia medium subiicitur in maiori. Aliunde medium, utpote prædicatum propositionis affirmativæ, erit etiam particulare in minori. Ergo violatur regula: *Aut semel aut iterum indius generaliter est.*

#### V. — Leges secundæ figuræ:

*Una negans esto, nec major sit specialis.*

*Ratio primæ partis.* Cum medium in utraque præmissa debeat esse prædicatum, si utraque est affirmativa, medium non distribuitur, nam in affirmativis prædicatum supponit particulariter.

Omne sensibile est animal (aliquod animal).  
Atqui omnis homo est animal (aliquod animal).  
Ergo omne sensibile est homo.

*Ratio secundæ partis.* In secunda figura subjectum maioris est prædicatum in conclusione. Sed, cum conclusio sit negativa, ejus prædicatum supponit distributive. Si ergo major est particularis, aliquis terminus latior erit in conclusione quam in præmissis. *Aliquid animal est homo. Sed nullus equus est homo. Ergo nullus equus est animal* (latior conclusio quam præmissæ).

#### VI. — Leges tertiæ figuræ:

*Sit minor affirmans, conclusio particularis.*

*Ratio primæ partis.* Si minor est negativa, major erit affirmativa, cum ambæ non possint esse negantes; adeoque

suppositio prædicati erit particularis. Aliunde, si minor est negativa, conclusio erit negativa; et tunc prædicatum supponet distributive in conclusione, cum tamen supponeret particulariter in præmissa. *Omnis planta est vivens, aliquod vivens. Sed nulla planta est animal. Ergo aliquod animal non est vivens* (latior conclusio).

*Ratio secundæ partis.* Si conclusio est generalis, subjectum sumitur in ea distributive. Sed idem sumetur particulariter in minori, utpote prædicatum propositionis affirmativæ. Ergo latior conclusio quam præmissæ. *Natum animal est lapis. Atqui omne animal est substantia, aliqua substantia. Ergo nulla substantia est lapis* (conclusio latior).

VII. — Leges figuræ galenicæ. Figura galenica tres regulas habet:

*Prima est:*

*Major ubi affirmat, generalis tunc minor esto.*

Medium est prædicatum in maiori; si ergo major affirmat, medium sumitur particulariter. Medium est subjectum in minori: si ergo minor est particularis, medium erit iterum particulare, contra regulam quartum terminorum.

*Secunda:*

*Si minor affirmet, conclusio sit specialis.*

Si minor est affirmativa, minus extremum, quod est ejus prædicatum, supponit particulariter. Ergo in conclusione minus extremum, quod est ejus subjectum, debet supponere particulariter, et, subjecto supponente particulariter, conclusio est particularis.

*Tertia:*

*Si una neget, major generalis postulat esse.*

Si major est particularis, majus extremum, quod est ejus subjectum, debet esse particulare. Aliunde, cum una neget, conclusio erit negativa; ideoque majus extremum, quod est ejus prædicatum, sumitur distributive, contra regulam: *Latius hos...*



## ARTICULUS QUINTUS

DE SYLLOGISMO IN ORDINE AD FORMAM PROUT DISPONIT  
PROPOSITIONES SEU DE MODIS

**I. — Definitio modi.** Modus syllogismi est dispositio propositionum inter se secundum affirmationem et negationem, generalitatem et particularitatem. Tot ergo erunt modi quot sunt dispositiones harum propositionum : generalis affirmativa A, generalis negativa E, particularis affirmativa I, particularis negativa O.

**II. — Quot modi possibiles.** Dispositiones omnes possibiles hoc schemate exhibentur :

	Minor a	Minor e	Minor <sup>2</sup> i	Minor o
Major : A. . . .	aaa aae aai aao	aea aee aei aao	aia aie aii aio	aoa aoe aoi ooo
Major : E. . . .	ean eae eai eao	een eee eei eeo	eia eie eii eio	eon eoe eoi eoo
Major : I. . . .	iaa iae iai iao	iea iec iei ieo	iia iie iii iio	ioa ioe ioi ioo
Major : O. . . .	oaa oae oai oao	oea oee oei oeo	oia oie oii oio	oia oie oii oio

Schema exhibet sexaginta quatuor dispositiones. Cum vero sint quatuor figurae quibus possunt hae dispositiones convenire, numerus sexaginta quatuor numero quatuor est multiplicandus : (64 x 4 = 256). Sunt igitur ducenti quinquaginta sex modi possibiles.

**III. — Quot vero legitimi sint.** Nunc expendamus.

a a a, nullam offendit regulam ; a a e, contra regulam : *ambae affirmantes*... a a i, legitimus ; a a o, contra regulam : *ambae affirmantes*... A e a contra regulam : *praejorem sequitur*... a e e, legitimus. a e i, contra regulam *pejorem*... a e o, continetur in a e e ; non falsus ; a i a, contra regulam : *pejorem*... a i e, contra regulam : *ambae affirmantes*... et : *pejorem*... a i i, legitimus, a i o, contra regulam : *ambae affirmantes* ; a o a, contra regulam : *pejorem*... a o e, contra eandem, a o i, contra eandem, a o o, legitimus.

Eaa, contra regulam : *pejorem*, eae, legitimus, eai, contra regulam : *praejorem*... eao, legitimus, eea, eei, contra regulam : *pejorem*... et : *utraque si praemissa neget*...

Eee, eeo, contra regulam : *utraque si praemissa neget*... eia, contra regulam : *pejorem*... eie, eii, contra eandem, eio, legitimus.

Eoa, eoe, eoi, eoo, contra regulam : *utraque si praemissa*... Iaa, contra regulam : *pejorem*... iae, contra eandem regulam et insuper : *ambae affirmantes*... iai, legitimus ; iao, contra regulam : *ambae affirmantes*... iea, iee, iei, contra regulam : *pejorem*... Ieo non potest concludere directe, quia in majore affirmativa majus extremum supponit particulariter, si ergo esset praedicatum in conclusione negativa, supponeret distributive et offenderet regulam : *Intinus hos*... Indirecte autem, id est, si majus extremum fiat subjectum conclusionis, poterit concludere. Nam tunc subjectum erit particulare, et majus extremum habebit eandem suppositionem quam habet in majore. Sit exemplum :

i. Aliquod animal est substantia (aliqua substantia).

e. Sed nullus lapis est animal.

o. Ergo aliqua substantia non est lapis.

Iii, iip, iiii, iio, ion, ioe, ioi, ioo, præter alia vitia, violant regulam : *Nil sequitur geminis ex particularibus unquam.* Oaa, oae, oai, contra regulam : *Pejorem... oao, legitimus ;* oea, oee, oei, oeo, contra regulam : *utraque si præmissa... oia, oie, oii, oio, ooa, ooe, ooi, ooo, præter alia vitia, violant regulam : Nil sequitur geminis...*

Expunctis igitur falsis modis, remanent decem modi directe concludentes. Quatuor affirmativi : aaa, aai, aii, iai ; sex vero negantes : eae, aee, eio, aeo, eao, aao.

Adjici possunt aeo, ieo qui possunt concludere indirecte.

**IV. — Non omnes ex his modis in se legitimis conveniunt singulis figuris.** A prima figura, quæ vult majorem generalem et minorem affirmativam, excluduntur : aee, aoo, iai, aao. — Aai, aii non excluduntur, sed, quia continentur in aaa, eae, possunt negligi ut non necessarij. Remanent ergo quatuor directe concludentes in prima figura :

aaa, eae, aii, eia.

*Barbara, Celarent, Darii, Ferio.*

A secunda figura, quæ vult unam præmissam negantem et majorem generalem, excluduntur : aaa, aai, aii, iai, aao. — Eao non peccat contra regulam, sed, quia continetur in eae, potest negligi ut non necessarius. Remanent ergo quatuor modi directe concludentes in secunda figura :

Eae, aee, eio, aao.

*Cesare, Camestres, Festina, Baroco.*

A tertia figura, quæ vult minorem affirmativam et conclusionem particularem, excluduntur : aee, aoo, aaa, eao. Remanent sex modi directe concludentes in tertia figura :

Aai, eao, iai, aii, aao, eio.

*Barapi, Felapton, Disamis, Datisi, Bocardo, Ferison.*

Figura galenica vi primæ suæ regulæ :

*Major ubi affirmat, generalis tum minor esto,*

excludit : aii, aii. Vi secundæ regulæ :

*Si minor affirmat, sit conclusio particularis,*

excludit : aua, eae. Vi tertiæ regulæ :

*Si non negat, major generalis postulat esse,*

excludit aao. Remanent ergo quinque modi in figura galenica :

Aai, ace, iai, eao, eio.

*Bamalipton, Camestres, Dimatis, Fresapno, Fresisonorum.*

**V. — Novem decim modi.** Quatuor modi in prima, quatuor in secunda, sex in tertia, quinque in galenica : novem decim habentur modi legitimi, qui his recensentur versiculis :

(1<sup>a</sup> fig.) *Barbara, Celarent, Darii, Ferio ;* (galen) *Bamalipton,*

*Camestres, Dimatis, Fresapno, Fresisonorum.*

(2<sup>a</sup> fig.) *Cesare, Camestres, Festino, Baroco.* (3<sup>a</sup> fig.) *Barapi,*

*Felapton, Disamis, Datisi, Bocardo, Ferison.*

At verò diximus figuram galenicam, quæ est tantum novum schema primæ figuræ, habere aliquid violenti, et melius esse si suppleatur per syllogismos indirecte concludentes in *sub præ.*

Oportet ergo invenire quinque modos indirectos in prima figura, ad supplendos quinque modos figuræ galenicæ. Quinam ergo modi possunt indirecte concludere in *sub præ* ? Regulas primæ figuræ non lædit aai : minor est affirmans, major generalis. Cur vero conclusio sit particularis facile intelligitur. In modis indirectis majus extremum, quod est prædicatum in majori, est subjectum in conclusione. Nam vero prædicatum in affirmativa supponit particulariter. Ergo in conclusione subjectum erit particulare.

Eae, eai, nullatenus lædunt regulam primæ figuræ ; aeo offendit quidem regulam : *sit minor affirmans...*, sed hæc regula valet solum pro modis directis ; nra potest concludere indirecte. Semper enim recolendum est in modis indirectis prædicatum majoris fieri subjectum conclusionis. Sed prædi-

entum est particulare. Ergo sicut subjectum particulare in conclusione et recta erit illatio. Sit exemplum :

- a Omne animal est substantia (aliqua substantia).
- e Nullus lapis est animal.
- o Aliqua substantia non est lapis.

Jam explicatum est quoniam pacto id eo possit concludere indirecte.

Invenimus ergo quinque modos indirectos in *sub-præ*, ad supplendos quinque modos in *præ-sub*. Quia verum, ut jam ostensum est, modi, in *præ-sub* sunt violenti et modi in *sub-præ*, naturales, recte Scholastici volentes suppresserunt omnes modos in *præ-sub*, et, eorum loco suffecerunt modos indirecti : aii, *Baralipon*, loco *Bamalipon* ; ea e, *Celantes*, loco *Camentes* ; aii, *Dabitis*, loco *Dimatis*, aeo, *Fapesmo*, loco *Fresupmo* ; ieo, *Frisexomorum*, loco *Fresisonorum*.

Hujusmodi ergo sunt versus antiquorum Scholasticorum :

- (1<sup>a</sup> fig.) *Barbara*, *Celarent*, *Darii*, *Ferri* ; (1<sup>a</sup> ind.) *Baralipon*, *Celantes*, *Dabitis*, *Fapesmo*, *Frisexomorum*.
- (2<sup>a</sup> fig.) *Cesare*, *Coniunctes*, *Festino*, *Baroco*. (3<sup>a</sup> fig.) *Darapti*, *Felapton*, *Disamis*, *Dabisi*, *Perison*.

Quinque ex prædictis modis sunt generales : septem concludunt affirmative, duodecim negative.

## VI. — Tabula omnium modorum legitimorum :

### PRIMA FIGURA :

- a Bar- Omnis virtus est habitus bonus.
- a An- Omnis justitia est virtus.
- a Va- Omnis justitia est habitus bonus.
- e Ce- Nullum sensitivum est planta.
- a An- Omne animal est sensitivum.
- e rent. Nullus animal est planta.
- a Da- Omnis superbia est mala.
- i ri- Aliqua scientia est superbia.
- i i. Aliqua scientia est mala.

- e Ce- Nullum ritum est amabile.
- i ri- Aliquis amor est ritum.
- o o. Aliquis amor non est amabilis.

### 1<sup>a</sup> fig. in sub-præ indirecta.

- a Ba- Omne animal est sensitivum.
- a va- Omnis homo est animal.
- i lipton. Aliquod sensitivum est homo.
- e Ce- Nullum animal est planta.
- a An- Omnis homo est animal.
- e tes. Nulla planta est homo.
- a Da- Omne animal est vivens.
- i li- Aliqua substantia est animal.
- i tis. Aliquod vivens est substantia.
- a Fa- Omne animal est substantia.
- e pes- Nullus lapis est animal.
- o mo. Aliqua substantia non est lapis.
- i Pri- Aliqui sapientes sunt divites.
- e se Nullus avarus est sapiens.
- o som Aliqui divites non sunt avari.

### 1<sup>a</sup> fig. in præ-sub gallica.

- a An- Omnis homo est animal.
- a ma- Omne animal est sensitivum.
- i lipton. Aliquod sensitivum est homo.
- a Ca- Omnis homo est animal.
- e men- Nullum animal est planta.
- e tes. Nulla planta est homo.
- i Di- Aliqua substantia est animal.
- a ma- Omne animal est vivens.
- i tis. Aliquod vivens est substantia.
- e Fre- Nullus lapis est animal.
- a sup- Omne animal est substantia.
- o no. Aliqua substantia non est lapis.
- e Pre- Nullus avarus est sapiens.
- i si Aliqui sapientes sunt divites.
- o son Aliqui divites non sunt avari.

### SECUNDA FIGURA

- a Ca- Omnis planta est vivens.
- e mes- Nullus lapis est vivens.
- e tres. Nullus lapis est planta.
- e Ce- Nullum malum est faciendum.
- a sa- Omne mandatum Ecclesie est faciendum.
- e re. Nullum mandatum Ecclesie est malum.

e Pas-	Nulla virtus est culpa.
i ti-	Aliqua ira est culpa.
o no.	Aliqua ira non est virtus.
a Da-	Omnis virtus placet Deo.
o ro-	Aliqua indulgentia non placet Deo.
o co.	Aliqua indulgentia non est virtus.

TERTIA FIGURA

a Da-	Omnis homo est risibilis.
a ra-	Omnis homo est animal.
i pli.	Aliquod animal est risibile.
e Pa-	Nullum rationale est lapis.
a la-	Omne rationale est substantia.
a ptem.	Aliqua substantia non est lapis.
i Di-	Aliquis sanctus est pauper.
a sa-	Omnis sanctus placet Deo.
i mis.	Aliquis pauper placet Deo.
a Da-	Omne animal est sensitivum.
i ti-	Aliquod animal est alatum.
i si.	Aliquod alatum est sensitivum.
o Ro-	Aliquis amor non est malus.
u cur-	Omnis amor est passio.
o da.	Aliqua passio non est mala.
e Pa-	Nullus superbus placet Deo.
i ri-	Aliquis superbus est magister.
o son.	Aliquis magister non placet Deo.

VII. — Scholion. De quantificatione prædicati. Nonnulli philosophi angli, ut Hamilton, contendunt doctrinam peripateticam de syllogismo esse incompletam, eo quod negligat quantificationem prædicati. Volunt enim propositionem esse dividendam non solum ex parte subjecti, sed etiam ex parte prædicati; hinc non quatuor tantum propositionum species (A, E, I, O.), sed octo esse admittendas; quo fit ut multiplicandi sint modi in singulis figuris.

Dicunt autem propositionem evadere adæquationem perfectam si quantificetur prædicatum sicut et subjectum.

Reponimus prædicatum non esse quantificandum, quia ex natura sua est indeterminatum, nec determinatur nisi fiat aliquatenus subjectum, imo subjectum particulare: *Homo est vivens. Aliquod tale vivens est homo. Homo non est planta. Tale non planta est homo.* At, si sit particulare, propositio desinit esse generalis; si autem propositio amittit suam universalitatem, quomodo fiet syllogismus?

Aliunde, si prædicatum quantificetur, et inducatur perfecta adæquatio, ut volunt adversarii, non jam erit major, minor et melius terminus, sed omnes termini erant æquales, quod est contra syllogismi notionem (Vid. art. II, et art. III). Igitur theoria de quantificatione prædicati pessumdat veram syllogismi naturam.

Aliqui tamen sensu legitimo admitti potest quantificatio prædicati juxta ea quæ alibi tradidimus de extensione prædicati (1). « Il est très vrai que le prédicant a une quantité, mais l'ancienne logique avait connu ce principe avant Hamilton. L'ancienne logique avait sagement entendu ce principe et l'avait sagement exprimé, en disant que : dans toute affirmation, le prédicant est pris particulièrement, et dans toute négation, universellement (2). »

(1) *Log. Min. Tract. II, q. II. a. II, II. IX.*

(2) P. JANET, *Logique*, n° 324.

## ARTICULUS SEXTUS

## DE REDUCTIONE MORORUM

**I. — Ratio articuli.** Quatuor primi modi primæ figure sunt omnium perfectissimi, quia in ipsis perfectissime salvantur principia dictum de auni, dictum de nullo; in ipsis etiam inveniuntur omnes propositiones inferibiles: *universalis affirmatio* perfectissime inferitur in Barbara, *universalis negatio* in Celarent, *particularis affirmatio* in Darii, *particularis negatio* in Ferio.

In cæteris autem modis non tam liquido apparet conclusionis valor. Quo ergo melius probetur hæc legitimitas, resolvendi sunt in quatuor modos directos primæ figuræ (1).

**II. — Quid sit reductio.** Hæc operatio qua cæteri modi resolvuntur in quatuor priores ut probetur ipsorum legitimitas, vocatur *reductio*. Duplex est: *directa* seu *ostensiva*, *indirecta* seu *per impossibile*. *Directa* est revocatio syllogismi imperfecti ad perfectum per solam propositionum conversionem, aut etiam per transpositionem.

Dupliciter ergo fieri potest, vel per solam conversionem alicujus propositionis, in qua operatione servandæ sunt leges de conversione propositionum; vel etiam per transpositionem, ut scilicet major ponatur loco minoris, aut e contra. Hæc re-

(1) Diximus: quo melius probetur, quia isti modi in se legitimi non indigent forte reductione, sed in se ipsis absolute probari possent, ut autumant quidam Logici. Unde singulis figuris propria principia assignant, quibus demonstratur legitimitas modi, quin recurratur ad reductionem. Ita LACHELIER, *Études sur le syllogisme*, Revue philosop., t. I, p. 476 et seqq.

ductio *ostensiva* nititur principii: *quidquid sequitur ad consequens sequitur ad antecedens*.

**III. — Conditiones reductionis directæ.** Ut recte fiat ductio scienda sunt: 1<sup>a</sup> ad quem modum perfectum imperfectus reducatur; 2<sup>a</sup> quænam propositiones sint convertendæ aut transponendæ. — Circa primum est regula: Singuli modi imperfecti reducuntur ad modum perfectum qui incipit per eandem consonantem, v. gr. *Baralipton* ad *Barbara*, *Camestres* ad *Celarent*, *Felapton* ad *Ferio*, *Disamis* ad *Darii*. — Quoad secundum: Quæ sint propositiones convertendæ aut transponendæ, indicatur quibusdam consonantibus in medio vocabulorum inclusis, scilicet *S*, *P*, *M*. — *S* reperta post vocalem aliquam in modis imperfectis denotat propositionem illi vocali antecedenti correspondentem esse convertendam *simpliciter*: *Datisi* reducitur ad *Darii*, minore *i* simpliciter conversa, id est retinente eandem quantitatem quam habebat prius.

*P* denotat propositionem correspondentem vocali antecedenti convertendam esse per accidens: *Felapton* reducitur ad *Ferio*, minore *a* conversa per accidens in *i* seu non retinente eandem quantitatem.

*M* indicat propositiones esse transponendas, majorem in minorem et e converso; sic *Disamis* reducitur ad *Darii*, minore *Disamis* facta minore, et majore facta minore. *C* in medio dictionum *Baroco* et *Bocardo* denotat illos modos non posse reduci ostensive, sed indirecte seu per impossibile, de qua reductione inux loquimur. En versus:

*S* vult simpliciter verti, *P* vero per accid.  
*M* vult transponi, *C* per impossibile duci.

Exemplis res patebit.

<i>i</i> Dis-	Aliquod animal est rationale.
<i>a</i> a-	Omne animal est substantia.
<i>i</i> mis-	Aliqua substantia est rationalis.

Argumentum in *Disamis*, *D* indicat reducendum esse ad *Darii*, *m* indicat minorem *a* mutandam esse in majorem et e

converso, & nos monet majorem *Disamis* convertendam esse simpliciter.

a	Da-	Omne animal est substantia.
i	ri-	Aliquod rationale est animal.
i	i.	Aliquod rationale est substantia.

Habetur eadem quantitas quæ prius, sed ordo præmissarum est mutatus: *i a i*, *a i i*.

a	Pa-	Omne animal est vivens.
e	pes-	Nullus lapis est animal.
a	ma.	Aliquod vivens non est lapis.

*P* monet reducendum esse modum ad *Ferri*, *p* indicat majorem esse convertendam per accidens, juxta regulam *Ex per accid.*, *s* minorem *e* convertendam esse simpliciter, *m* transmutandam majorem in minorem et *e* converso.

e	Pe-	Nullum animal est lapis.
i	ri-	Aliquod vivens est animal.
a	o-	Aliquod vivens non est lapis.

In *Baralipon* est aliquid peculiare attendendum. Nec major nec minor mutatur, sed *p* indicat fieri conversionem per accidens circa conclusionem. Id autem fit non per transmutationem *Baralipon* in *Barbara*, sed per transmutationem ex *Barbara*, cujus conclusio generalis *a* convertitur in particularem *i*.

*Bocardo* et *Baroco* non possunt reduci directe. *A*, quæ est major in *Baroco* et minor in *Bocardo* convertitur per accidens, id est, non servat suam quantitatem, sed fit particularis. Facta autem conversione, habereamus *a o o* mutatum in *i o o* et *a o o* mutatum in *a i o*, contra regulam: *Nil sequitur geminis...* Possunt tamen probari secundo reductionis modo, qui est ad impossibile.

**IV. — De reductione ad impossibile.** Si quis eo protervitæ vel ignorantia devenierit ut, concessis præmissis, neget conclusionem, modus ipsum redarguendi est deducere ad duas contradictorias simul veras, quod est impossibile. Hæc reduction ad impossibile definitur: *Revocatio syllogismi imperfecti ad perfectum, inferendo contradictoriam conclusionis negatæ, et*

ex illa contradictoria et una præmissarum concessa deducendo contradictoriam alterius concessæ præmissæ. Aliis verbis: quando adversarius negat conclusionem, statim sume contradictoriam, et pone ipsam ut unam ex præmissis cum altera concessa, et inter contradictorium vel contrariam alterius præmissæ concessæ. Sic rursus adversarium admittere impossibile, nempe duas contradictorias vel duas contrarias simul veras.

**V. — Conditiones reductionis indirectæ.** Quod ut recte fiat duo sunt attendenda: primum, quatenam ex præmissis servanda sit, et quo loco, majoris scilicet an minoris, sit ponenda contradictoria conclusionis negatæ; secundum, ad quemnam ex modis perfectis singuli imperfecti hoc reductionis generis revocandi sint.

**VI. — Prima conditio.** Circa primum sequentes sunt regulæ.

Prima minorem adimit, facit *a* majore minorem.  
Excipe *Celantes* in quo convertitur ordo.  
Majorem servat, variatque secunda minorem.  
Tertia majorem variat, servatque minorem.

In prima figura contradictoria conclusionis negatæ ponitur ut major novi syllogismi, major prioris syllogismi sit minor, et ita eruitur conclusio reducens adversarium ad contradictionem.

Sit exemplum:

a	Da-	Omne animal est vivens.
i	bi-	Alqua substantia est animal.
i	ti.	Aliquod vivens est substantia.

Adversarius negat conclusionem. Repono:

e	Co-	Igitur nullum vivens est substantia.
a	la-	Sed tunc animal est vivens.
e	reut.	Ergo nullum animal est substantia.

Et tamen concesserat: *aliqua substantia est animal.*

Si argumentum est in *Celantes*, minor ejus sit major novi syllogismi, contradictoria conclusionis negatæ sit minor.

<i>a</i> <i>Ca-</i>	Nullum animal est planta.
<i>a</i> <i>ta-</i>	Omnis homo est animal.
<i>a</i> <i>ta-</i>	Nulla planta est homo.

Si negatur conclusio, statim replico :

<i>a</i> <i>Da-</i>	Omnis homo est animal.
<i>i</i> <i>ti-</i>	Aliqua planta est homo.
<i>i</i> <i>ti-</i>	Aliqua planta est animal.

Et tamen fuerat concessum : *nullum animal est planta.*

Si argumentum est in secunda figura, majus conservatur et fit major novi syllogismi, contradictoria vero conclusio-  
nis fit minor.

<i>e</i> <i>Ere-</i>	Nulla virtus est culpa.
<i>i</i> <i>te-</i>	Aliqua ira est culpa.
<i>a</i> <i>no-</i>	Aliqua ira non est virtus.

Si negatur conclusio, hoc modum probatur.

<i>e</i> <i>Eg-</i>	Nulla virtus est culpa.
<i>a</i> <i>tu-</i>	Omnis ira est virtus.
<i>e</i> <i>rat-</i>	Nulla ira est culpa.

Concessum fuerat : *aliqua ira est culpa.*

Si argumentum est in tertia figura, contradictoria conclu-  
sionis fit major novi syllogismi, minor prioris remanet mi-  
nor.

<i>a</i> <i>Bo-</i>	Aliquis amor non est malus.
<i>a</i> <i>car-</i>	Omnis amor est passio.
<i>a</i> <i>du-</i>	Aliqua passio non est mala.

Ita probatur :

<i>a</i> <i>Bar-</i>	Omnis passio est mala.
<i>a</i> <i>ba-</i>	Omnis amor est passio.
<i>a</i> <i>ra-</i>	Omnis amor est malus.

Concessum fuerat : *aliquis amor non est malus.*

**VII. — Secunda conditio.** Quoad secundum, sciendum est *Baroco* et *Bocardo* reduci semper ad *Barbara*. Ceteri autem modi imperfecti non reducuntur ad singulos modos perfectos neipientes per eandem consonantem. At, si servantur re-

gulæ prius trahitæ, ipso solo exercitio, modi imperfecti ad suum modum perfectum correspondentem reducuntur.

Si quis tamen velit purius nosse regulas, illas refert hic versus :

*Rebiferaxis edat terras spheramque quatumvis.*

Quinque vocales *Rebiferaxis*, *v*, *i*, *e*, *a*, *i*, correspondent quinque modis indirectis primæ figuræ. Indicant : primum modum, *Barulipton*, reduci ad modum perfectum ejus conclusio est *e*, scilicet *Celarent* ; secundum modum *Celantes* reduci ad modum perfectum ejus conclusio est *i*, *Darii* ; tertium modum, *Dubitis*, ad syllogismum perfectum, ejus conclusio est *e*, *Celarent* ; quartum, *Fapesmo*, ad modum perfectum ejus conclusio est *a*, *Barbara* ; quintum, *Frisesomorum*, ad modum perfectum ejus conclusio est *i*, *Darii*.

*Obit terras*, habet quatuor vocales correspondentes quatuor modis secundæ figuræ. Primus modus secundæ, scilicet *Cesare*, reducitur ad modum perfectum ejus conclusio est *o*, *Ferio* ; secundus modus, *Camestres*, ad modum perfectum ejus conclusio est *i*, *Darii* ; tertius, *Festino*, ad modum perfectum ejus conclusio est *e*, *Celarent* ; quartus *Baroco*, ad modum perfectum ejus conclusio est *a*, *Barbara*.

*Spheramque quatumvis*, habet sex vocales pro sex modis tertiæ figuræ. Unde primus modus tertiæ, *Darapti*, reducitur ad modum perfectum ejus conclusio est *e*, *Celarent* ; secundus, *Felapton*, ad modum perfectum ejus conclusio est *a*, *Barbara* ; tertius, *Disamis*, ad modum perfectum ejus conclusio est *e*, *Celarent* ; quartus, *Datisi*, ad modum perfectum ejus conclusio est *o*, *Ferio* ; quintus, *Bocardo*, ad modum perfectum ejus conclusio est *a*, *Barbara* ; sextus, *Ferison*, ad modum perfectum ejus conclusio est *i*, *Darii*.

## ARTICULUS SEPTIMUS

## DE INVENTIONE MEDII

**I. — Ratio artium.** Celeberrima olim fuit quaestio de modo inventiendi medium, quae difficillima reputabatur. Clare et perfecte collere regulas quae huc spectant acutissimi erant ingenii. Licet autem quaestio maximi non sit momenti, utile est recollere faciliores regulas quae a scholasticis traduntur.

**II. — Prima regula.** Ad inferendam universalem affirmativam, sumendus est pro medio aliquis terminus qui consequatur ad subjectum conclusionis, et contineatur sub ejus praedicatione. Potest autem sequi ad subjectum conclusionis, sive ut genus sive ut differentiam. *Omne animal est vivens. Omnis homo est animal. Omnis homo est vivens. Animal* consequitur ad *subjectum* conclusionis, ut genus, et contineatur sub *vivente*, praedicatione. Ergo est medium.

*Omne risibile est animal. Omnis homo est risibilis. Omnis homo est animal.* — *Risibile* consequitur ad *subjectum* conclusionis *homo* ut proprietas, et contineatur sub praedicatione *animal*. Ergo est medium.

**III. — Secunda regula.** Ad inferendam universalem negativam, sumendus est pro medio terminus qui sequatur ad subjectum et repugnet praedicationi. V. gr : *Nullum sensitivum est planta. Omne animal est sensitivum. Nullum animal est planta. Sensitivum* consequitur ad *animal*, subjectum conclusionis, et repugnat ejus praedicationi, *planta*. Ergo *sensitivum* est aedium.

**IV. — Tertia regula.** Ad inferendam particularem affirmativam in prima figura, sumitur pro medio terminus qui sequitur ab subjectum et antecedit praedicationem.

*Omne sensibile est animal. Aliqua substantia est sensibilis. Aliqua substantia est animal.*

*Sensibile* inferitur ex *animali* et inter *substantiam*.

**V. — Quarta regula.** Ad inferendam particularem affirmativam in tertia figura (nam in secunda non datur particularis affirmativa), medium est terminus qui est inferior ad subjectum et praedicationem. Ratio est quia medium subicitur in utraque praemissa. Subjici autem est inferioris.

**VI. — Quinta regula.** Ad inferendam particularem negativam, in prima figura, pro medio sumendus est terminus qui sequatur ad subjectum et repugnet praedicationi. Exemplum : *Nullum animal est lapis. Aliquis homo est animal. Aliquis homo non est lapis.* — *Animal* sequitur ad *hominem* et repugnat *lapidi*. — Eadem regula pro *Pestibus*.

**VII. — Sexta regula.** In *Baroco* medium est terminus qui repugnat subjecto et consequitur ad praedicationem. V. gr : *Omnis homo est animal. Aliquis lapis non est animal. Aliquis lapis non est homo.* — *Animal* repugnat subjecto, scilicet *lapidi*, et consequitur ad *hominem*, praedicationem.

**VIII. — Septima regula.** In tertia figura medium est terminus qui est inferior ad subjectum et repugnans praedicationi. V. gr : *Nullus lapis est rationalis. Aliquis lapis est substantia. Aliqua substantia non est rationalis.*

*Lapis*, medius terminus, est aliquid inferius ad substantiam, (nam substantia praedicatur de lapide sicut de inferiori) et repugnat praedicationi, *rationalis*.



## QUÆSTIO SECUNDA

## De partitionibus syllogismi.

## ARTICULUS PRIMUS

## DE DIVISIONE SYLLOGISMI EX PARTE FORMÆ

I. — **Syllogismus formatus et informis.** Divisio syllogismi attenditur ex parte formæ et ex parte materiæ. Ex parte quidem formæ dividitur primo per figuras et modos, de quibus fuse disserimus. Insuper dividitur in *formatum* et *informem*, sicut alii dicunt, in *scholasticum* et *aratorium*. *Formatus* est in quo servatur structura artificiosa, dispositioque terminorum et propositionum ad apices legum dialecticæ. Hoc uti convenit in disputationibus scholasticis. *Informis* est qui retinet quidem vim argumenti, sed structuram externam implicite tantum refert. Hoc homines quotidie utuntur, non solum oratores in concinendo, sed universaliter omnes quilibetque naturale est argumentari (1). Adhibetur in disputationibus que dicuntur *extra formam*.

II. — **Divisio syllogismi formati.** *Formatus* dividitur in *perfectum* et *imperfectum*. *Perfectus* dicitur in quo ponuntur

(1) « Nous ne nous astreignons guère à construire le raisonnement de cette sorte (en forme), parce que cela rendrait le discours trop long, et que d'ailleurs un raisonnement s'entend très bien sans cela. »

HUSSIER, *Connaissance de Dieu et de soi-même*, chap. 1<sup>er</sup>, XIII.

expresse et distincte singula que requiruntur ad completam syllogismi structuram : major, minor, conclusio. *Imperfecti* species sunt *Enthymema*, *Sorites*, *Epichorema*, *Dilemma* et *Polysyllogismus*.

III. — **Enthymema in sensu veterum.** Enthymema a veteribus dicebatur argumentatio quæ ex *revisuilibus*, *probabilibus* et *signis* conclusionem probabilem educit. V. g. : *Quorum vultus pallet timent, Sed Petri vultus pallet. Ergo timet Petrus.* Hoc pacto differt enthymema a syllogismo, non solum ratione formæ sed et ratione materiæ.

IV. — **In sensu recentiorum.** Alia prorsus significatione sumitur a recentioribus pro syllogismo decurtato in qua subauditur una ex præmissis. *Petrus est rationalis. Ergo Petrus est risibilis.* — Definiri potest : *argumentatio in qua inferatur consequens unicus duo extrema inter se ex antecedente uniente alterum duuntaxat cum medio.*

V. — **Quænam sit præmissa subaudita in enthymemate.** Duo extrema exprimuntur in conclusione, sed alterum duuntaxat illorum exprimitur in antecedente. Hinc habetur facilis regula ad inveniendam propositionem suppressam. Si majus extremum exprimitur in antecedente, præmissa suppressa est minor. Si autem minus extremum exprimitur in antecedente, præmissa suppressa est major. In præcedenti exemplo : *Petrus est rationalis, ergo risibilis*, majus extremum, *risibile*, non enunciat in antecedente. Ergo supplenda est major : *omne rationale est risibile*. In isto : *Omne spirituale est immortale, ergo anima humana est immortalis*, minus extremum non exprimitur in antecedente. Ergo supplenda est minor : *anima humana est spiritualis*.

VI. — **Epichorema.** Est syllogismus *abundans* in quo vel alterutri vel utriusque præmissæ adjicitur probatio, ideoque una vel utraque præmissa est propositio causalis : *Omnis facultas cognoscitur ex actu suo, quia facultates specificantur ex actibus. Atqui actus intellectus est spiritus, quia versatur circa objecta spiritualia. Ergo intellectus est facultas spiritualis.*

Quodlibet causalis resolvitur in alium syllogismum integrum. Major ita explicanda est : *facultas cognoscitur ex eo a quo specificentur. Sed facultas specificatur ab actibus. Ergo cognoscitur ex actibus.* Minor similiter : *actus qui versatur circa objectum spirituale est spirituale.* Atqui actus intellectus versatur circa objectum spirituale. Ergo. — Apud Aristotelem vero epicheirema opponitur syllogismo demonstrativo et designat argumentum quod mens conatur ad aliquid probabili dumtaxat probatione ostendendum.

VII. — **Dilemma**, seu *argumentum caruntum*, est syllogismus constans ex antecedente ita bifariam vel trifariam diviso ut quodcumque membrum accipitur, semper aliquid contra adversarium sequatur. Major dilemmatis est propositio disjunctiva habens duo saltem membra ; si tria, vel quatuor, argumentum dicitur *trilemma*, vel *quadrilemma*, et, modo generali *polylemma*. In maiore igitur enumerantur omnia membra vel omnes hypotheses. In minore vero ostenditur singula membra, singulasque hypotheses esse adversario contrarias, ac itemum eruitur conclusio generalis confutans totam adversarii sententiam.

Sequenti dilemmate probari potest repugnare materiam improductam : *Vel materia æterna esset ex natura sua in quiete, vel esset ex natura sua in motu. Si esset ex natura sua in quiete, nunquam posset sibi dare motum ; si esset ex natura sua in motu, vi legis inertie nunquam posset esse in quiete ; et tamen constat materiam esse aliquando in motu, aliquando in quiete. Ergo repugnat materiam improducta.*

VIII. — **Dilemmatis regulæ**. Prima. *Enumeratio membrorum in præmissa disjunctione debet esse completa*, alioquin erit melium, et effugium adversario relinquetur, ut in hoc exemplo : *Vel propheta prædixit possibile vel prædicit impossibile. Si prædicit impossibile, prædicit futurum ; si prædicit possibile, nihil eveniet. Ergo propheta nihil prædicere potest.* Respondetur facile : inter impossibile et merum possibile datur medium, scilicet futurum (1).

(1) « Le danger du dilemme, ainsi que des raisonnements disjonctifs

Secunda. *Cavendum est ne contra argumentum retorqueri possit dilemma.*

Tertia. *Conclusiones partium necessarium habere debent connexionem cum præmissis, et conclusio generalis necessarium connexionem cum singulis conclusionibus partium.* Hinc non concludit illud pervulgatum dilemma :

*Aut bene aut male rempublicam administrabimur. Si male placebo hominibus ; si bene, placebo Deo. Ergo regimini rempublicæ est suscipiendum.*

Primo quidem non est connexio necessaria inter male administrare et hominibus placere ; secundo non licet hominibus placere, offenso Deo.

IX. — **Sorites aristotelicus**, seu *acervalis oratio*, est argumentatio in qua plures propositiones ita connectuntur, ut prædictum primæ fiat subjectum secundæ, prædicatum vero secundæ subjectum tertiæ, et ita porro, donec eruaturs conclusio in qua subjectum primæ cum prædicato ultimæ conjungatur. *Dens est actus purus. Actus purus est actus infinitus. Actus infinitus est actus subsistens. Actus subsistens est unus. Ergo Deus est unus.*

Cum in longiori argumentatione facillime subrepere possit error, maxime curandum est : 1<sup>o</sup> ut omnes ac singule propositiones in se veræ sint, et inter se connexæ ; 2<sup>o</sup> ut retineantur eadem suppositio terminorum ; 3<sup>o</sup> ut serventur regulæ syllogismorum circa qualitatem et quantitatem propositionum.

Tandem modus probandi veritatem soritis est ipsum resolvere in plures syllogismos simplices. Tot vero erunt syllogismi simplices quot præmissæ, una dempta.

X. — **Sorites goclenius**. Præter hanc speciem soritis qui dicitur *aristotelicus*, distinguitur sorites *goclenius*, seu inversus. In isto subjectum prioris propositionis fit prædicatum secundæ, et ita porro quousque eruaturs conclusio que cons-

est que la disjonction posée ne soit pas complète. C'est ce qui fait que ce raisonnement est rarement probant. Il y a presque toujours un milieu que l'on a négligé. » P. JANET, II. 338.

tot ex *subjecto* ultimæ et *predicato* primæ. Hic legitimus est, diffinitur tamen sorte aristotelico.

**XI. — Sorites chrysippeus.** Reprobatus omnino est sorites *chrysippeus*, seu sophisticus, in quo quis per insidiosam interrogationem gradatim, aliquid addendo vel demendo, ex propositione vera adducit aliquem ad evidenter falsum. V. g. : Sumo 20 grana, et interrogo : Nonne 20 sunt pauci ? Si respondetur affirmative, prosequor : nonne 21 sunt pauci ? nonne 22 sunt pauci ? et ita minutatim, quousque cogatur interrogatus vocare pauci ea quæ evidenter multa sunt. Si respondetur : 20 sunt multa, prosequor : nonne 19 sunt multa ? nonne 18 sunt multa ? et ita minutatim, quousque cogatur interrogatus vocare multa ea quæ sunt evidenter pauci.

**XII. — Polysyllogismus.** Est syllogismus concatenatus, seu argumentatio plures syllogismus ita complectens ut conclusio prioris fiat premissa sequentis.

*Quod est independentes a corpore in esse et operari est spirituale. Sed anima nostra est independentes a corpore in esse et operari. Ergo anima nostra est spiritualis. Sed quod est spirituale est immortale. Ergo anima est immortalis.*

In hoc observanda sunt omnes regulæ syllogismorum, et insuper hoc notandum est : polysyllogismus qui incipit in prima vel secunda figura continuari in prima vel tertia : qui vero incipit in tertia continuari in tertia. In sola secunda figura non potest contineri polysyllogismus. Patest autem contingere ut incipiat syllogismus in secunda figura, continuetur in prima et terminetur in tertia, ut in sequenti exemplo : (2<sup>a</sup> fig.) *Omne rationale est spirituale. Sed nullus equus est rationalis. Ergo nullus equus est rationalis.* (1<sup>a</sup> fig.) *Sed omne rationale est immortale. Ergo nullus equus est immortalis.* (3<sup>a</sup> fig.) *Sed omnis equus est animal. Ergo aliquod animal non est immortale.*

## ARTICULUS SECUNDUS

### DE CETERIS SYLLOGISMI DIVISIONIBUS

#### I. — De divisione syllogismi ratione materiæ.

Ex parte materiæ *circa quam* versatur dividitur syllogismus in *demonstrativum, probabilem, sophisticum, erroneum*. De hac divisione postea erit sermo (1). Ex parte materiæ *ex qua* constat (scilicet ex parte propositionum) dividitur in *simplicem et compositum*.

**II. — Simplex.** Est ejus utraque præmissa est propositio simplex, v. gr. : *Spiritualis est incorruptibilis. Angelus est spiritualis. Ergo angelus est incorruptibilis.*

Quia propositio simplex potest esse complexa vel incomplexa, dividitur syllogismus simplex in *incomplexum et complexum*. Sit exemplum syllogismi simplicis complexi : *Doctrina quæ tenet B. Virginem fuisse immaculatam a primo suæ conceptionis instanti est ob Ecclesia definita. Atqui doctrina ob Ecclesia definita est ab omnibus fidelibus credenda. Ergo.*

**III. — Syllogismus compositus.** Est ille cujus vel alterutra vel utraque præmissa est propositio composita.

Apud veteres syllogismus simplex dicitur *absolutus, categoricus* ; compositus vero dicitur *hypotheticus*. Quia triplex est propositio hypothetica : *conditionalis, disjunctiva et conjunctiva* (2) triplex, etiam distinguitur syllogismus hypotheticus : *conditionalis, disjunctivus, conjunctivus*.

(1) Log. Maj. Tract. III, q. 1.

(2) Tract. II, q. II, art. 3, n. VIII.

**IV. — Conditionalis.** Est cujus major est propositio conditionalis. Recolendum est autem propositionis conditionalis duas esse leges (1): *posita conditione ponitur conditionata, sed non vice-versa*, et: *negato conditionato negatur conditio, sed non vice-versa*. Hinc sequitur duas esse figuras syllogismi conditionalis, quarum utraque habet duos modos.

In prima figura conditio ponitur in minori et conditionatum in conclusione; et, siquidem affirmatur conditio in minore et conditionatum in conclusione, est modus *ponens* et syllogismus legitimus; si vero negatur conditio in minore et conditionatum in conclusione, est modus *tollens* et syllogismus sophisticus.

Sint exempla utriusque;

<i>Si Deus creat, existit.</i>	}	<i>Modus ponens.</i>
<i>Atqui Deus creat.</i>		
<i>Ergo Deus existit.</i>		

<i>Si Deus creat, existit.</i>	}	<i>Modus tollens.</i>
<i>Atqui Deus non creat.</i>		
<i>Ergo non existit.</i>		

In primo exemplo servatur regula: *posita conditionato ponitur conditio*; in secundo vero exemplo peccatur contra regulam: *negato conditione, non necessario negatur conditionata*.

In secunda figura, conditionatum ponitur in minore et conditio in conclusione; et, siquidem negatur conditionatum in minore et conditio in conclusione, est modus *tollens* et legitima conclusio; si vero affirmatur conditionatum in minore et conditio in conclusione, est modus *ponens* et sophistica conclusio.

<i>Si aliquid est planta, vivit.</i>	}	<i>Modus tollens.</i>
<i>Atqui lapis non vivit.</i>		
<i>Ergo lapis non est planta.</i>		

<i>Si aliquid est planta, vivit.</i>	}	<i>Modus ponens.</i>
<i>Sed bos vivit.</i>		
<i>Ergo bos est planta.</i>		

In primo exemplo servatur regula: *negato conditionato, ne-*

(1) Tract. II, q. II, art 3, n. IX.

*gatur conditio*, in secundo vero exemplo peccatur contra regulam: *posita conditionato, non necessario ponitur conditio*.

— Itaque hae omnia resumuntur: In prima figura legitima, modus est ponens et conclusio affirmativa, vi regule: *affirmata conditione affirmatur conditionata*. In secunda figura legitima, modus est tollens et conclusio negativa, vi regule: *negato conditionato, negatur conditio*.

— In prima figura sophistica, modus est tollens et conclusio negativa; in secunda autem figura sophistica, modus est ponens et conclusio affirmativa.

— Prima figura conditionalis reduci potest ad syllogismum categoricum primæ figuræ, minore immutata et majore conversa in propositionem absolutam universalem.

*Omnis qui creat existit.*  
*Atqui Deus creat.*  
*Ergo Deus existit.*

Secunda figura conditionalis reducitur ad *Camestres*.

*a Omne quod est planta vivit.*  
*e Nullus lapis vivit.*  
*c Nullus lapis est planta.*

**V. — Syllogismus disjunctivus.** Dicitur ille cujus major est propositio disjunctiva. Minor est affirmatio vel negatio unius vel plurium membrorum; conclusio est negatio vel affirmatio membrorum quæ ex affirmatione vel negatione minoris suspernat.

Duplex in hoc syllogismo est modus: primus, quando unum membrum affirmatur in minori ut alterum negetur in conclusione, et sic dicitur modus *ponendo-tollens*. V. gr.: *Anima humana aut est materialis aut est spiritualis. Atqui est spiritualis. Ergo non est materialis.*

Secundus, qui dicitur *tollendo-ponens*, cum unum membrum negatur in minori ut aliud affirmetur in conclusione. V. gr.: *Anima humana aut est materialis aut est spiritualis. Atqui non est materialis. Ergo est spiritualis.*

Si membra sint duo tantum, ex affirmatione unius inferitur negatio alterius et e converso. Si sint plura quam duo, nega-

his omnibus præter unum, hoc affirmatur; vel affirmatis omnibus præter unum, hoc negatur.

Si vero, uno negato, de aliis non constet, tunc ista sunt in conclusione sub disjunctione affirmanda. — *Petrus est vel in Europa, vel in Asia, vel in Africa, vel in America, vel in Oceania. Atqui non est in Oceania. Ergo vel in Europa, vel in Asia, etc.* — Syllogismus disjunctivus concludendus non est cum dilemmate (1). In dilemmate quippe omnia membra assumuntur ad concludendum, in syllogismo vero disjunctivo, unum saltem membrum relinquitur.

Disjunctivus facile resolvitur in conditionalem; *Si nihil est spiritus, non est materialis. Atqui est spiritus, Ergo.*

Tandem resolvitur in syllogismum absolutum: *omne quod est spirituale non est materiale.*

**VI. — Syllogismus conjunctivus.** Est ille cujus major est propositio conjunctiva, quæ negat duas partessimul esse posse veras. Duos habet etiam modos: vel in minori affirmatur unum ut negetur alterum in conclusione: *Nemo amat simul peccatum et Deum. Atqui Indus amat peccatum. Ergo non amat Deum.* Hic est modus *ponendo-tollens* qui semper legitimus est: nam, cum duo contraria non possint esse simul vera, affirmato uno ut vero, negatur aliud ut falsum. Secundus modus *tollendo-ponens*, cum negatur unum in minori ut ponatur aliud in conclusione. Hic modus per se non valet, quia duo contraria possunt esse simul falsa; unde, negato uno ut falso, non ponitur necessario aliud ut verum. *Nemo simul amat et odio habet. Atqui Petrus odio non habet Puntum. Ergo ille non amat.* — Illegitima conclusio, potest enim contingere ut quis nec odio habeat nec amet aliquem. Per accidens tamen et ratione materiæ potest esse legitimus, si non datur medium. *Nemo est simul in statu gratiæ et in statu peccati. Atqui Petrus non est in statu peccati. Ergo est in statu gratiæ.*

Syllogismus conjunctivus resolvitur potest in conditionalem. *Si quis est in statu gratiæ non est in statu peccati. Atqui Petrus*

(1) Quæ confusio apud oratores præsertim invaluit. « Enfermer quelqu'un dans un dilemme » sæpius audit; aliquem syllogismo disjunctivo includere.

*est in statu gratiæ. Ergo non est in statu peccati.* Resolvitur etiam in absolutum. *Omnis qui est in statu gratiæ non est in statu peccati. Atqui Petrus... Ergo.*

**VII. — De syllogismo modali.** Syllogismus modalis est ille in quo vel utraque præmissa est modalis, vel una est modalis, altera de *in esse*. Præcipui syllogismi modales sunt syllogismi de *necessario*, ad quos reduci possunt syllogismi de *impossibili*, et syllogismi de *contingenti* ad quos reducuntur syllogismi de *possibili*.

Si utraque præmissa est de necessario, conclusio erit necessaria. Si utraque præmissa est de contingenti, conclusio erit contingens in prima et tertia figura, non autem in secunda. Hujus exceptionis ratio exemplo patebit. *Contingit nullum hominem esse album. Contingit omne visibile esse album. Ergo contingit omne visibile esse hominem.* Falsa conclusio.

**VIII. — Crux Logicorum.** Si vero una præmissa sit modalis, altera de *in esse*, vel si misceantur propositiones de necessario et propositiones de contingenti, quæ erit conclusio?

Regule adeo sunt intricatæ ut hic locus appellatus sit *crux Logicorum*. Ab illis evolvendis abstinemus; ignaviam tamen dicemus de prima figura, quæ est omnium perfectissima et ad quas cæteri reducuntur.

In prima figura si major est de necessario et minor de *in esse*, conclusio erit de necessario. V. gr.: *Necesse est omnem hominem esse animal. Sed omne visibile est homo. Ergo necesse est omne visibile esse animal.*

Si major est de *in esse* et minor necessaria, conclusio non erit necessaria. Si autem major est de contingenti et minor de *in esse*, conclusio est de contingenti; si demum major est de *in esse* et minor de contingente, non semper sequitur conclusio de contingenti. *Omne sanum est animal. Contingit omnem equum esse sanum.* Non sequitur: *Ergo contingit omnem equum esse animal.*

In prima figura, quantum ad modos affirmativos, si major est de contingenti et minor de necessario, sequitur conclusio contingens. *Contingit omne animal esse album. Ne-*

posse est *nummum hominem esse animal*. *Contingit annem hominem esse album*. Si major est de necessario et minor de contingenti, nullus licet syllogismus. In modis autem negativis. Si propositio affirmativa est de necessario et negativa de contingenti, sequitur conclusio de contingenti. *Contingit nullum hominem esse album*. *Necesse est omne visibile esse hominem*. *Contingit nullum visibile esse album*. Si negativa sit de necessario, affirmativa de contingenti, sequuntur duae conclusiones, scilicet aliquando de contingenti, aliquando de inesse.

**IX.** — Syllogismus expositivus. Est ille qui habet pro medio terminum singularem. *Petrus est Papa*. *Scilicet Petrus est filius Iovae*. *Ergo filius Iovae est Papa*. Dicitur expositivus juxta D. Thomam, quia est quaedam sensibilis resolutio quam quasi rem sensibus exponit.

Syllogismi expositivi convenientius sunt in tertia figura. In hac enim medium in utraque praemissa subicitur. Porro terminus singularis convenientius subicitur quam praedicatur: convenientius quippe est dicere: *Petrus est Papa*, quam: *Papa est Petrus*. Potest fieri etiam in aliis figuris. Notitur etiam principio: *dictum de omni, dictum de nullo*. Quidquid nempe affirmatur vel negatur de aliquo singulari affirmatur vel negatur de omni quod est ipsum.

**X.** — Syllogismus ex obliquis. Est ille cujus extrema vel medium praedicantur in obliquo (1). *Omnis entis est scientia*. *Accidens est ens*. *Ergo accidentis est scientia*. Sequentes sunt regulae. *Prima*. Si extremum est obliquum in praemissis, remanet obliquum in conclusione. *Omnis baptizatus est Christi*. *Petrus est baptizatus*. *Ergo Petrus est Christi*.

*Secunda*. Si praemissa negativa est de obliquo et affirmativa de recto, conclusio est de obliquo. *Nulli insensibili est dolor*. *Planta est insensibilis*. *Ergo plante non est dolor*.

*Tertia*. Si medium est in obliquo in altera praemissarum, extremum quod cum illo copulatur ponitur in recto in conclusione, alterum vero extremum ponitur in obliquo in con-

clusionem, licet fuerit rectum in praemissa. Exemplum jam attulimus: *Omnis entis est scientia*. *Accidens est ens*. *Ergo accidentis est scientia*. *Accidens erat rectum in praemissa, et est obliquum in conclusione*.

*Quarta*. Si medium est obliquum in utraque praemissa, utrumque extremum erit rectum in conclusione sicut in praemissis. *Non est pax impiis*. *Divitiae sunt impiis*. *Ergo divitiae non sunt pax*.

**XI.** — Utilitas omnium hucusque expositorum. Singula quae in Logica Formali circa conceptus, propositiones, syllogismos exponuntur, utilitatem suam praeseferunt. Ordinantur enim ad singulos erroris sinus detegendos, ad omnes possibili vias quibus ad veritatem pervenitur manifestandas, ad analysis mentis humanae perfecte instituendam, ad rationem nostram excolendam et roborandam. Logica disciplina et syllogistica arte formatur juvenum intellectus. « On leur fait remarquer, dit Rollin (1), comment quelquefois l'omission d'un mot, le changement d'un terme, un double sens, une équivoque rend un raisonnement vicieux. On leur demande à se tenir fermes sur leur principe, à y ramener tout, à ne s'en point laisser égarer, et à y trouver la solution des difficultés qu'on leur oppose. Par cet exercice journalier et cette application continuelle des règles, leur esprit s'ouvre et se forme peu à peu, se développe de plus en plus chaque jour, s'accoutume à sentir le faux, acquiert une facilité de s'exprimer et devient capable d'entrer dans les questions les plus difficiles et les plus abstruses. »

EXPLICIT LOGICA MINOR

(1) Traité des Études, liv. V, art. 2.

# LOGICA MAJOR, SEU CRITICA

## ORDO TRACTATIONIS

Dum Logica Minor in *exponendo* precipue consistit, Logica Major in *inquirendo et solvendo* maxime versatur; unde aggreitur difficiliora problemata quibus enodandis adeo insudavit humana ratio. Illa vero problemata reduci omnia possunt ad aliquam ex tribus mentis operationibus. Quapropter dividi potest Logica Major, atque ac Minor, in triplicem tractatum juxta triplicem mentis operationem.

In primo tractatu expenduntur ea quæ spectant simplicem apprehensionem, unde consideratio de universalium natura et existentia; in secundo, quæstiones quæ spectant judicium, igitur de veritatis et certitudinis natura, existentia, fundamentis, seu criteriis; in tertio denum quæstiones quæ spectant argumentationem, hinc de syllogismo demonstrativo, probabili, sophistico; de inductione, de scientia, de methodo in scientiis adhibenda.

---

## TRACTATUS PRIMUS

DE PROBLEMATIBUS QUÆ SPECTANT PRIMAM MENTIS  
OPERATIONEM

Simplex apprehensio est cognoscitiva quidditatum universalium, quæ sunt objectum intellectus humani. De Universalibus vero in Logica Minori ea expendimus quæ sunt magis necessaria et frequentioris usus.

Quædam remanent nunc enucleanda de natura et existentia universalium.

## QUÆSTIO UNICA

De Universalibus.

### ARTICULUS PRIMUS

DE NATURA UNIVERSALIUM

**I. — Multiplex acceptio universalis.** Universale opponitur singulari, quod est incommunicabile pluribus; universale igitur dici potest id omne quod habet respectum ad plura. Triplicem autem respectum aliquid potest habere ad plura, ut signum, ut causa, ut essentia pluribus communis. Hinc triplex universale: *in significando, in causando, in essendo.*

Universale *in significando* est aliquod signum quod potest pluribus universaliter applicari, sicut nomen commune plura significans. Huc refertur universale *in representando*, seu nomen in quo multa quasi in una imagine exprimuntur; sic idea artificis plura ædificia exhibens, essentia divina, quæ omnia exprimit, sunt universalia in representando. Universale *in causando* est unum quod virtute sua potest attingere plures effectus, vel quoad rationes universales, vel etiam quoad individuales rationes et differentias. Universale *in essendo* est unum aptum inesse pluribus, sicut *animal* invenitur in omnibus animalibus. At eo ipso quod aliquid sit in pluribus, potest de pluribus affirmari vel predicari; sub quo respectu dicitur universale *in predicando*. De universali in essendo et predicando hic agitur.



II. - Duo sunt de conceptu universalis in essendo. Cum universale hoc modo acceptum sit *unum in multis*, duo in ipsius conceptu includuntur: 1<sup>o</sup> unitas in se, 2<sup>o</sup> aptitudo essendi in multis. Requiritur unitas non in nomine solum, sed etiam in ratione significata. Quare equivoca et analogia dici non possunt universalis in essendo; equivoca enim habent solum unitatem nominis; in analogis vero, licet ratio significata non sit simpliciter diversa, quia tamen non est simpliciter eadem, dicitur unitas proprie dicta, et idecirco analogia inter universalis computari nequaquam possunt. Requiritur secundum aptitudinem essendi in multis per identitatem cum illis, ita nempe ut universale per suam communicationem ad inferiora fiat idem cum ipsis. Oportet ergo ut totum et integrum ratio nomine universalis significata ita sit in singulis, ut singula sub universali comprehensa multipliciter naturam et tamen unumquodque habeant totam naturam. Sic *homo, equus, mulus* ita naturam animalis multipliciter ut unumquodque sit vere animal et sint plura animalia realiter distincta.

III. — **Triplex status naturæ.** Recolenda est iterum differentia inter universale logicum et universale metaphysicum. Universale logicum designat intentionem, seu formam qua aliquid denominatur universale; est ipsa communicabilitas ad plura, ipsa essendi in pluribus, ipsa universalitas formaliter sumpta. Universale autem metaphysicum est ipsa natura. Jam vero triplex status in natura considerari potest. Primus est status naturæ secundum se, quoad prædicata essentialia considerata; ut si attendatur in homine animal rationale; secundus est status naturæ secundum esse quod habet in singularibus, seu status singularitatis. Tertius est status naturæ secundum esse immateriale quod habet in abstractione intellectus, prout nempe consideratur abstracta ab omnibus singularibus et ab omnibus conditionibus individuantibus.

Porro natura, prout est in singularibus, eo ipso quod subijciatur principiis individuantibus, dici nequit universalis proprie loquendo, sed solum fundamentaliter, potentialiter et remote. Natura vero secundum se, seu quoad rem concep-

tam, proprie loquendo non est universalis neque singularis. Quod enim convenit naturæ secundum se convenit universaliter et semper. Ergo si natura secundum se esset universalis, nunquam concipi posset singularis, cum tamen inveniat singularis in Petro; si secundum se esset singularis, nunquam concipi posset universalis. Insuper, quæ conveniunt naturæ secundum se sunt prædicata essentialia. Sed esse singulare vel universale, non est prædicatum essentialis quod ponatur in definitione naturæ; sic in definitione hominis ponitur solum animal rationale, non vero quod sit spiritus vel individuum. Ergo natura secundum se non est singularis, neque universalis, sed est capax utriusque; fieri potest singularis per receptionem in individuo, universalis vero per operationem intellectus. Dicit ergo potest universalis *fundamentaliter et potentialiter proxime*.

In tertio statu, natura eo ipso quod abstrahatur ab individuis et conditionibus individuantibus, desinit esse singularis et fit universalis præcisive.

Licet ergo triplex distingui possit universale metaphysicum, universale nempe metaphysicum prout est *in singularibus*, universale metaphysicum *quoad rem conceptam*, seu natura secundum se, et universale metaphysicum *in sensu præcisivo*, proprie tamen et simpliciter loquendo, universale quoad modum concipiendi, seu in sensu præcisivo, dicitur universale metaphysicum. Hinc plures auctores definiunt universale metaphysicum: *Unum abstractum a multis*.

IV. — **Comparatur universale metaphysicum in sensu præcisivo cum universali logico.** Universale præcisivum et universale logicum aliquid commune habent, nempe quod actu non existant nisi in mente, sed aliunde maxime inter se differunt. Metaphysicum respicit naturam ut denudatam a singularibus, non considerando ordinem universalis ad inferiora; logicum contra ordinem universalis ad inferiora proprie attendit; metaphysicum est unum abstractum a multis; logicum est unum relatum ad multa.

V. — **Ad efformandum universale metaphysicum sufficit abstractio; ad efformandum vero universale logicum requiritur insuper comparatio.**

Abstractio est actio qua intellectus separat naturam a suis individuis. Sed natura separata a suis individuis est universale metaphysicum, ut constat ex prænotatis. Ergo ad efformandum universale metaphysicum sufficit abstractio. Confirmatur. Universale duo importat: unitatem in se, et aptitudinem essendi in multis. Atqui per abstractionem habentur hæc duo. Ergo. Proh. min. 1º Per abstractionem natura redditur una unitate præcisionis, 2º natura sic considerata habet convenientiam cum illis a quibus fuit abstracta; licet enim actu non ordinetur ad illa, tamen, quia sit extracta ab illis, non potest habere repugnantiam ad essendum in illis multis, et consequenter dicit aptitudinem radicalem essendi in pluribus. Ergo per abstractionem habentur elementa constitutiva universalis metaphysici. — Universale autem logicum requirit actum comparativum quo cognoscitur natura cum ordine et respectu ad inferiora.

Prædatur, Universale logicum est relatio essendi in multis et prædicandi de multis. Atqui relatio nature ad multa requirit actum quo comparatur natura cum ordine et respectu ad plura. Ergo. Declaratur major, scilicet, universale logicum consistere in relatione. Universale metaphysicum importat quidem aptitudinem, seu non repugnantiam essendi in multis, at respicit illa multa non ut terminum ad quem tendit, sed ut terminum a quo separatur; e contra universale logicum respicit multa inferiora ut terminum ad quem tendit; siquidem dicit naturam reduplicative ut communibilem inferioribus. Porro id quod constituit relationem non est terminus a quo, sed est terminus ad quem. Ergo universale metaphysicum, quod respicit inferiora ut terminum a quo separatur, non accipitur relative, sed præcisive; at vero universale logicum, quod respicit inferiora ut terminum ad quem, accipiendum est relative, seu debet esse aliqua relatio nature ad sua inferiora. Hinc est quod universale logicum vocetur etiam universale relativum.

Minor constat. Ut enim cognoscatur hæc relatio et hic respectus, requiritur actus comparativus referens naturam ad inferiora. Illa autem comparatio non est iudicium, sed simplex apprehensio qua natura cognoscitur cum suo ordine ad individua.

Universale logicum supponit igitur abstractionem et ei addit novum actum comparativum. Quapropter universale metaphysicum est fundamentum proximum universalis logici; universale autem ut est in singularibus est fundamentum remotum.

Hic est igitur processus mentis: intellectus per abstractionem spoliatur naturam a conditionibus individuandis, et ita habetur universale metaphysicum, seu directum, cum sit directum mentis objectum; deinde abstractioni additur actus comparativus, quo habito, constituitur universale logicum, seu indirectum, reflexum, relativum. Universale metaphysicum potest *concrete* vel *abstracte* sumi; concrete, si exprimitur forma cum subjecto: *homo*; abstracte, si exprimitur forma absque subjecto, *humanitas*. Universale logicum sumitur semper *relative*.

**VI. — Quæ sit autem ista relatio quæ constituit universale logicum.** Jam compertum est universale logicum consistere in relatione, seu respectu, ad inferiora. Triplex autem recipitur respectus ad inferiora: 1º relatio aptitudinis ad essendum in inferioribus; 2º relatio aptitudinis ad prædicandum de illis, seu prædicabilitas; 3º relatio predicationis actualis, qua fit ut universale non solum sit prædicabile, sed etiam prædicatum. Et secundum tres istos respectus tres reperiuntur sententiæ.

Porro veriorem sententiam existimamus quæ tenet universale logicum consistere in secunda relatione, nempe in aptitudine ad prædicandum de inferioribus, seu in prædicabilitate.

Primo quidem, aptitudo ad essendum in multis est patius conditio fundamentalis ad rationem universalis prærequisita, sed non est proprie relatio constituens formaliter rem universalem, quia non dicit rem ut positive comparatam cum inferioribus.

Aliunde predicationis actualis non est de essentia universalis. Nam predicari actu de singularibus est includi actu in illis. Sed universale secundum se non includitur actu in singularibus.

Restat ergo ut universale logicum sit prædicabilitas, seu

aptitudo ad prædicandum de multis, ut respiciens positive inferiora.

Hinc est quod universale dicatur prædicabile et delinuiatur : *Unum aptum prædicari de pluribus minore.*

**VII. — Quid sit prædicari.** In definitione igitur universalis ponitur aptitudo ad prædicandum de pluribus. Quid ergo ad prædicationem requiritur? Prædicationem est attributio minus ad alterum, affirmanda vel negando. Prædicationem itaque est quædam relatio, siquidem est conjunctio plurimum ad invicem. Fundamentum hujus relationis est convenientia extremorum, si prædicationem sit affirmativa; vel inconvenientia, si prædicationem sit negativa.

Hæc autem convenientia attenditur non solum ex parte rei significati, sed etiam ex parte modi significandi. Quocirca tria notanda sunt. Primum: concretum bene prædicatur de concreto tam in substantiis quam in accidentibus: *Homo est animal, homo est coloratus.* Quando enim utrumque est concretum, utrumque significatur ut totum, et ita identificari possunt per prædicationem: hinc valet hæc prædicationem: *Petrus est homo.*

Secundum: vi modi significandi abstracta non prædicantur de concretis, nec concreta de abstractis. Ratio est quia abstractum se habet ad concretum sicut pars. Quare non potest fieri prædicationem inter utrumque; hinc dici nequit: *Petrus est humanitas.*

Tertium: in accidentibus prædicata superiora prædicantur de inferioribus in abstracto. Cum enim tota essentia accidentis sit forma, accidentia in abstracto dicunt totam essentiam et totam rationem quæ in accidentibus reperitur, et ita prædicari possunt per modum totius; hinc valet prædicationem: *Albedo est qualitas; scientia est cognitio; virtus est habitus.*

**VIII. — Quid requiritur ut aliquid sit prædicabile de multis.**

Ut aliquid sit prædicabile de multis non requiritur ut habeat multa individua actu existentia; imo nec requiritur ut habeat multa individua possibilis. Sufficit ut juxta nostrum modum intelligendi concipiatur ut pluribus commune et exprimatur

termino communi. Quapropter in Logica Minor (1) diximus naturam angelicam, quamvis habere non possit plura individua, esse universalem et prædicationem de pluribus, quia quantum est de se contrahitur ut pluribus communicabilis.

**IX. — Universalium proprietates.** Universalis sunt *perpetua, immutabilia, æternæ veritatis, priora singularibus, prædicabilia.* De prædicabilitate modo actum est.

Ad *perpetuitatem* quod attinet, animalvertatur universalis nullatenus esse æterna quoad existentiam, ut max probabimus contra Platonem. Quoad essentiam vero sunt *perpetua negative*, at non *positive*. Perpetuum positive dicitur quod exigit realem entitatem et durationem æternam vi cujus vere et positive ambit omne tempus, præteritum, præsens et futurum, et est mensura omnis alterius durationis; perpetuum autem *negative*, quod non exigit realem durationem, sed abstrahit a determinato tempore. Atqui essentia universalium, quocumque non exigant realem durationem ab æterno, abstrahunt ab omni determinato tempore. Ergo universalis quoad essentiam sunt *perpetua negative*, non autem *positive*. Eadem ratione dicuntur esse *ubique*, *negative*, quatenus abstrahunt a determinato loco.

Sunt *immutabilia*, duplici sensu: 1º quia non potest ab ipsis demi aliquod prædicatum quidditativum nisi pereat essentia; 2º quia sunt ingenerabilia et incorruptibilia secundum se; causæ enim generationis et corruptionis sunt dispositiones materiales, quæ non conveniunt universali secundum se, sed solum individuis.

Sunt *æternæ veritatis*, quatenus in propositionibus quæ de universalibus efformantur connexio inter subjectum et prædicatum, v.g.: *animal est sensibile*, abstrahit ab omni tempore. Non tamen sunt æternæ veritatis *positive*, quia, cum subjectum et prædicatum non existant realiter ab æterno, connexio inter utrumque non potest esse positive æterna.

Hinc colligitur differentia inter propositiones de universalibus et propositiones de contingentibus. Propositiones contingentes, v.g. *Antichristus nascetur*, sunt æternæ veritatis

(1) Tract. I, q. I, art. 4, n. 10.

per accidens, quatenus ab æterno Deus libere decrevit rem ita fore, non autem per se, quia necessaria non est connexio inter subjectum et prædicatum; propositiones autem de universalibus sunt æternæ veritatis etiam per se, nam independentes a libero Dei decreto, infallibilis et necessaria est connexio inter subjectum et prædicatum, v.g. inter *animal* et *sensibile*. Demum universalis sunt *priora singularibus*, non tamen sub omni respectu. Sunt priora dupliciter: 1<sup>o</sup> quia universale est exemplar cui conformatur singulare, et quod a singulari participatur, et indecirca est singulari prius, sicut exemplar prius est exemplatum. 2<sup>o</sup> Quia intellectus prius attingit universale quam singulare: cognoscit enim universale directe, singulare autem indirecte et per quandam reflexionem, ut explicabitur in Psychologia.

At sub alio duplici respectu universalis sunt posteriora singularibus: 1<sup>o</sup> quia universalis non existunt nisi in singularibus et ratione singularium, sicut homo existit ratione huiusmodi, quod infra ostendemus; 2<sup>o</sup> quia universalis non abstrahuntur nisi ex singularibus. Licet enim objectum intellectus directum et proprium sit universale, præsupponuntur tamen singularia tamquam materia ex qua intellectus agens universale colligit et abstrahit.

## ARTICULUS SECUNDUS

### SYSTEMATA QUE OMNEM REALITATEM DENEGANT UNIVERSALIBUS

I. — **Referuntur sententiæ.** Tradita notione universalium, movetur insignis questio utrum universalis habeant valorem aliquem obiectivum, id est utrum vocibus et conceptibus universalium aliqua respondeat entitas, seu natura. Quatuor hac de re extiterunt systemata: *Nominalismus*, *Conceptualismus*, *Realismus absolutus* et *Realismus temperatus*. Nominalismus tenet universalis existere tantum in nominibus, seu esse meros vocis flatus; Conceptualismus vult existere solum in mente, seu esse meros conceptus; Realismus absolutus contendit universalis existere formaliter in rebus; Realismus demum temperatus docet universale logicum et etiam universale metaphysicum quoad modum concipiendi existere solum in mente, universale autem metaphysicum quoad rem conceptam, seu universale significans naturam quoad prædicata essentialia, existere a parte rei, sed in singularibus tantum. Singula expendemus systemata.

II. — **Nominalismus.** Fuit antiquissima opinio Materialistarum Heracliti, Democriti, qui nihil supra sensum admittentes, dixerunt nullam posse dari scientiam de sensibilibus, quia sunt in perpetuo fluxu; imo Cratylus « in tantum devenit dementiam, » ait Aristoteles (1), ut opinatus sit oportere nihil verbo dicere, cui quod veritas rei transibat priusquam fini-  
retur oratio ». Illi minime implicite addebant universalis

(1) Cf. *Metaphysic.* lib. IV, text. 22.

1880 mera nomina. Quam opinionem novo apparatu instaurarunt Nominales sæculi XII, Roscelinus et alii, postea Guillelmus Okam. His adherent plus minusve Hobbes, Hume. Sensistæ recentiores, Condillæ et cæteri, Taine et Positivistæ.

### III. — Conclusio: Falsus et absurdus est Nominalismus absolutus.

Arg. I<sup>a</sup>. Non datur verbum orale sine verbo mentali. Atqui datur verbum orale universalium. Ergo datur verbum mentale universalium, ideoque universalia existunt saltem in mente, ut verba seu conceptus mentis.

Major haud agere intelligitur. Verbum orale dicitur quod aliquem sensum exhibet, idemque exprimit aliquem conceptum. Quod si nullum conceptum refert, potest esse vox, sed non verbum. Ubi igitur verbo orali præsupponi aliquem conceptum, seu aliquod verbum mentale. Minor est manifesta. Nominales de universalibus disputando intendunt scire aliquid significare. Ergo agnoscunt dari nomen orale universalium, Ex quo sic arguimus :

In nominibus universalium agnoscitis aliquam significationem. At nisi universalia sint saltem conceptus mentales, nihil omnino significant. Ergo si universalia sunt mera nomina, absurdum inducitis.

Probatior minor : Si nomina universalium non exhibent rem universalem, restat ut significant vel aliquod singulare vel singularium collectionem. Atqui non significant aliquod singulare, siquidem applicantur pluribus ; non significant singularium collectionem. Etenim nomina universalium singulis individuis applicantur. Sed nomina collectiva non possunt singulis applicari, non enim quilibet miles dicitur exercitus. Cæterum, si nomina universalium designant collectionem individuorum, cum dicitur : *Petrus est homo*, sensus erit : *Petrus est collectio hominum*, quod absurdum est. Ergo, si nomina universalium non significant aliquam rem universalem, seu aliquem conceptum mentalem, nihil omnino menti exhibent (1).

(1) « Le nominalisme absolu se contredit lui-même en admettant des signes qui ne signifient rien. » JAXET, *Traité de Philos.*, n. 160.

Insuper, nominales de universalibus disputant non solum voce, non solum imaginatione, sed præsertim mente. Sed mens disputare nequit de his que penitus ipsam latent. Ergo ipso actu quo existentiam universalium indicantur ponunt universalia a mente cognosci. Quidquid autem a mente cognoscitur, in mente existit. Ergo negando universalia esse in mente, eo ipso ponunt universalia in mente existere, quod est contradictio in actu exercito.

Arg. II<sup>a</sup>. Cum universalia sint objecta scientiæ, si sunt mera nomina, tota nostra scientia intra pura sensibilia vacuula inanesque vocis illatus concluditur. Sed non potest dari vera et firma scientia de sensibilibus, quæ in perpetuo sunt fluxu. Ergo nominalismus omnem veram scientiam pessumdat (1).

IV. — **Conceptualismus.** Nominalismus absolutus paulatim cum Roscelino evanuit, et ei successit nominalismus temperatus quem *Conceptualismum* vocarunt. Concedit iste universalia non esse mera nomina, sed veros mentis conceptus ; at aliunde contendit nihil aliud esse quam figmenta seu subjectivas intellectus formas quibus nulli propria realitas respondeat. Hæc opinio Abailardo communiter attribuitur, ut forte absque fundamento, non enim clare robat de vera Abailardi sententia (2). Hinc adstipulati sunt Buridanus, Petrus Alliacensis, Gabriel Biel, Gregorius Ariminensis, cæterique Nominales moderatores. Generatim Conceptualismo adherent illi Philosophi qui admittunt ideas innatas, sicut Cartesius ejusque discipuli omnesque idealistæ : Kantius qui duodecim formas universales ponit esse in intellectu a priori (3).

### V. — Conclusio : Etiam Nominalismus temperatus, seu Conceptualismus, est omnino rejiciendus.

(1) « Le nominalisme absolu est incompréhensible. S'il était vrai, nos idées ne seraient que des mots. Le nominalisme ainsi entendu ne serait qu'un *postulisme* (expression de Leibnitz pour exprimer la parole vide, semblable à celle du perroquet), et réduirait l'esprit à un rôle purement automatique. » P. JAXET, *Traité de Philosophie*, n. 160.

(2) Consenti possunt Card. GUSMART, *Hist. de la Philosophie* ; COUSIN, *Œuvres inédites d'Abélard*, introduction.

(3) Cf. *Met. Psych. Tract. I*, q. II, a. 2.

Conceptualistis ultro concedimus universale formale aut in sensu præcisivo non existere actu a parte rei; at negamus alterius assertum, scilicet universalia non existere in rebus fundamentaliter et quoad rem conceptam.

Arg. I<sup>ma</sup>. Universalia sunt veri conceptus exprimentes unum aptum inesse pluribus. Atqui falsi et absurdi erunt isti conceptus, nisi illis respondeat tanquam fundamentum aliqua entitas, seu natura a parte rei. Ergo universalia non sunt solum figmenta intellectus, sed illis respondet ut fundamentum aliqua entitas a parte rei. Prode. min. Sicut nomina sunt signa conceptuum, ita conceptus sunt signa rerum. Porro nihil est in signo nisi sit aliquatenus in re significata. Ergo, sicut nomina non sunt vera nomina nisi illis respondeat aliquis conceptus, ita conceptus non sunt veri conceptus nisi illis respondeat aliqua res, seu aliquid a parte rei.

Arg. II<sup>ma</sup>. Quod aliqua ratione convenit individuis independenter a mentis conceptu non est purus conceptus. Atqui universale aliqua ratione convenit individuis independenter a mentis conceptu. Ergo non est purus conceptus. Prode. min. In hac prædicatione : *Socrates est homo, Plato est homo, homo* convenit individuis *Socrati* et *Platoni* independenter a meo conceptu. Sed *homo* est universale. Ergo universale convenit individuis independenter a mente. Declaratur ultima min. : *Homo* in hac prædicatione non est nomen singulare, ut patet; non est nomen collectivum, quia tunc sensus esset : *Socrates est collectio hominum*; sed designat naturam definitione expressam. Porro natura definitione expressa est universale metaphysicum quoad rem conceptam. Ergo.

Arg. III<sup>ma</sup>. Universalia, ut sæpe dictum est, sunt objecta scientiæ. Atqui scientia non est de puris conceptibus, sed proprie de rebus; nam sciens non proprie appetit cognoscere quæ sint formæ subjectivæ nostri intellectus, sed quæ sit intrinseca ratio rerum. Ergo universalia non debent esse puri conceptus, sed realia in natura habere fundamenta.

#### VI. — Solvuntur difficultates.

1<sup>o</sup> Universale est collectio individuorum, sicut species humana designat collectionem hominum. Sed huic collectioni non

respondent a parte rei nisi individua. Ergo universale est conceptus cui nihil respondet a parte rei, nisi individua.

Omissis cæteris, respondeo negando maiorem. Nominalistæ et Conceptualistæ nomina et conceptus universalium confundunt cum nominibus et conceptibus collectivis, quæ confusio cavenda est quam maxime. Quantum vero a collectivis differant distributivi conceptus plura scirel ostendimus, et evidentissime liquet. Cum enim dicimus : *Petrus est homo, Paulus est homo*, nullatenus illo vocabulo significamus hominum collectionem, sed naturam ipsam humanam. Porro hæc natura existit realiter in Petro et Paulo, et cæteris hominibus, nec solum in mente.

2<sup>o</sup> Omnis natura quæ existit realiter est singularis et individua. Sed, si omnis natura quæ existit realiter est singularis, jam liquet universale non nisi in mente existere. Ergo.

Resp. Dist. maj. Omnis natura quæ realiter existit est singularis secundum se et essentialiter, nego; per accidens et ratione adjuncti, concedo. Contralist. min. : Si omnis natura quæ realiter existit est singularis essentialiter et secundum se, universale non existit nisi in intellectu, concedo; si natura est singularis ratione adjuncti solum, universalia sunt solum in intellectu, nego.

Explicio. Nulla natura existit nisi recipiatur in aliquo subjecto individuo et singulari. At, quamvis subsistat in singulari, non inde sequitur ipsam esse singularem secundum se. Natura enim quatenus est de se dicit solum prædicata essentialia, esse autem singulare est prædicatum accidentale. Quare, si natura existit in statu singularitatis, id sit ratione adjuncti, seu ratione subjecti in quo recipitur: ut secundum se ipsam singularitate non contrahitur. Age vero. Si natura secundum se et essentialiter esset singularis, universalia forent solum in intellectu, ut liquet; at, si natura secundum se a statu singularitatis abstrahit, præbere potest universalitatis fundamentum; et hac ratione dicimus universalia existere fundamentaliter in rebus.

3<sup>o</sup> Universale dicit communicabilitatem ad plura, vel abstractionem a pluribus. Atqui status communicabilitatis vel

abstractionis non est in rebus, sed in intellectu. Ergo universalia non sunt in rebus, sed in intellectu.

Resp., Disting. maj. : Universale *logicum* dicit communicabilitatem, et universale metaphysicum *quoad modum concipiendi* dicit abstractionem a multis, concedo : universale metaphysicum *quoad rem conceptam* dicit communicabilitatem vel abstractionem, nego. Concedo minorem et distinguo conclusionem : Ergo universale *logicum* et metaphysicum *quoad modum concipiendi* non sunt nisi in intellectu, concedo ; universale *quoad rem conceptam* non est nisi in intellectu, nego.

Responsio patet ex dictis de nomine universalium. Tria possunt in universalibus considerari : 1<sup>a</sup> natura rei secundum se ; 2<sup>a</sup> abstractio hujus naturæ ab individuis ; 3<sup>a</sup> universalitas, seu communicabilitas ad plura. Abstractio et intentio universalitatis opus sunt intellectus, ad naturam cui accedit abstractio vel intentio universalitatis, existit a parte rei. Quæ quidem natura est universale quoad rem conceptam.

4<sup>o</sup> Instabis. Atqui natura secundum se non est universalis. Ergo concedi nequit aliquid universale existere a parte rei.

Resp. Natura secundum se non est universalis proprie, actu, formaliter, concedo ; non præbet fundamentum universalitatis, nego. Natura secundum se exhibet prædicata essentialia, quæ sunt uniformia et similia in omnibus individuis ejusdem speciei ; ex quo habetur fundamentum ut intellectus concipiat aliquid omnibus individuis commune, et universalitatis intentionem ipsi nature attribuat.

Distinguo consequens : Universalia non existunt proprie, actu, formaliter, concedo ; non existunt fundamentaliter extra intellectum, nego.

Quo plenius intelligatur responsio, expendendum est systema Realistarum.

## ARTICULUS TERTIUS

### DE FALSO REALISMO

I. — **Diversæ formæ realismi.** Qui tenuerunt universalia actu existere in rerum natura in diversas ahierunt sententias. Plato (1), cum argueret posse dari veram scientiam de singularibus, quæ sunt in perpetuo fluxu, et tamen vellet errorem vitare sensistarum, finxit dari quasdam naturas universales a singularibus separatas, quas ideas nominavit, et de quibus est scientia. Universalia igitur sunt aliquæ formæ separatae a singularibus, in se et per se subsistentes, quarum participatione constituuntur singularia. Nonnulli tenent Platonem per suas formas subsistentes intellexisse ideas divinas ; ex quo Ontologιστα occasionem sumpserunt concipiendi universalia eæ ideas divinas quæ a mente nostra intuitivè videntur. Igitur universalia essent maximæ realitates, non quidem in rebus, sed in mente divina existentes.

Alii, concedentes non posse existere universalia separata ab individuis, asserunt in ipsis individuis reperiri universalia, formaliter, actu ante mentis conceptum. Hæc opinio defensorem habuit Gilbertum Porretanum (2) ; tribuitur etiam Guiljelmo Campellensi, licet forte is auctor potius in modo loquendi quam in ipsa re excesserit.

Secutus affinem huic propugnat opinionem, dicens naturam extra intellectum et in singularibus habere quamdam communitatam negativam ratione cujus dici potest universalis ante mentis considerationem.

(1) Cf. HENRI MARTIN, *Études sur le Timée* ; COUSIN, t. II, lpc. 7 et 8.

(2) De Gilberto Porretano consulti potest ABRIË BERTHAUD, *Gilbert de la Porrée*, Lib. Ondin.

Realismum tandem plures ad ipsum pantheismum usque deduxerunt, sicut David de Dinando in medio aëvo, et nostris diebus Critici transcendentes, de quibus L. P. Phil. Nat. disseritur.

**II. — Prima conclusio: Realismus platonicus omnino repugnat.** Arg. I<sup>um</sup>. Universale platonice simul esset in singularibus et extra singularia. Id autem est manifesta contradictio. Ergo licitum et impossibile est universale platonice. Esset extra singularia, ut supponitur a Platone, et tamen esset intra singularia, quod sic ostenditur: Constitutivum rei est intra rem. Sed universalia sunt constitutiva singularium; *humanitas* enim est constitutivum essentielle *Socratis*, cum Socrates dicatur et sit essentialiter homo. Ergo debent esse intra singularia.

Arg. II<sup>um</sup>. Iden admittit Plato ideas separatas, ut salvet perpetuitatem scientiæ. Atqui admissio universali platónico, destruitur vera scientia. Ergo contradictoria Plato inducit. Prob. min. Vera scientia perficitur per cognitionem propriæ substantiæ, non vero per cognitionem substantiæ separate et extrinsecæ. Sed universale platonice supponitur substantia separata et extrinseca rebus quæ nos circumstant. Ergo non posset haberi vera scientia de rebus quæ nos circumstant. Sed deficiente scientia de rebus quæ nos circumstant, evanescit omnis alia scientia, quia non possumus spiritalia et immaterialia cognoscere, nisi per materialia et sensibilia manducamus. Ergo admissa Platonis opinione destruitur omnis vera scientia.

Arg. III<sup>um</sup>. Si Plato est sibi consentiens, debet admittere non solum species subsistentes, sed etiam genera et accidentia subsistentia, cum de generibus et de accidentibus v. g. de virtute, sapientia, delectatione scientiæ. Atqui absurdum est concipere accidentia per se subsistentia, absurdum est concipere genus subsistens et separatum, v. g. aliquod animal in genere quod nec rationale nec irrationale esset et tamen existeret realiter. Ergo absurdum et impossibile est universale platonice.

**III. — Secunda conclusio. Realismus ontologicus aut**

**punctum difficultatis non attingit, aut incidit in pantheismum.** Probatur. Dicendo: Universalia sunt ideæ divinæ, Ontologistæ vel loquuntur de universali in representando et cansando, vel de universali in essendo. Si primum, verum quidem dicunt, nam ideæ divinæ representant omnia, et insuper sunt exemplaria et causæ rerum; sed hoc est quæstionem eludere, cum hic agatur de universalibus in essendo.

Si vero secundum eligunt, pantheismum inducunt. Universalia enim in essendo constituent intrinsece essentiam singularium. Ergo si ideæ divinæ sunt universalia in essendo, constituent intrinsece singularium naturam. Sed idcirco divinæ sunt ipsum esse divinum. Ergo esse divinum intrinsece constituit essentiam singularium. Porro quod constituit essentiam alicujus, prædicatur essentialiter de ipso. Ergo esse divinum poterit prædicari essentialiter de singularibus, et verum erit dicere: *singularia sunt essentialiter esse divinum*, quod est parum minusque pantheismus.

**IV. — Objectiones.** Universe est necessarium, immutabile, æternum. Atqui ens hujusmodi non est nisi Deus. Ergo universalia non sunt nisi in Deo. Ita Joannes Sans-Piel (1).

Resp. Disting. Universale est necessarium etc., quoad existentiam, nego; quoad essentiam, subdist: necessitate et immutabilitate participata, et æternitate negativa, concedo; immutabilitate et necessitate imparticipata et æternitate positiva, nego. Contradist. min. et nego rursum. Solutio constat ex dictis art. I, de universalium proprietatibus.

Universalia, seu rerum essentiæ, sunt necessaria et immutabilia hoc sensu quod non possit denique aliquid prædicatum essenziale, nisi tollatur essentia; perit natura hominis si demitur animalitas vel rationalitas; sed hæc est necessitas secundum quid. Dicuntur æterna quia abstrahunt ab hoc vel illo tempore. Non autem sunt æterna positive, siquidem existentia ipsa contingenter et accidentaliter tantum convenit. Manifestum est igitur essentias hujusmodi non esse Deum, qui est ens necessarium absolute, et æternum positive.

(1) Cf. etiam Renaud, *Défense du sentiment du P. Malebranche*, lec. 6.



V. — Tertia conclusio: Natura non est actu universalis ante operationem intellectus. ideoque repugnat realismus empiricus Gilberti et ejus scholæ. Quidquid convenit naturæ vel convenit ipsi secundum se, vel secundum quod est in singularibus, vel secundum quod est in intellectu. Atqui universale actu non convenit naturæ secundum se neque secundum quod est in singularibus. Ergo convenit illi tantum secundum operationem intellectus, ideoque ante operationem intellectus natura non est universalis actu. Proh. min. Universale actu vel est communicabilitas ad plura vel abstractio a multis. Atqui communicabilitas ad multa vel abstractio a multis non conveniunt naturæ nec secundum se nec secundum quod est in singularibus. Ergo. Non secundum se, ut jam saepe ostensum est. Nam quod convenit naturæ secundum se ponitur in ejus definitione, sed in definitione naturæ non ponitur hæc abstractio, vel hæc communicabilitas; definitur quippe homo: *Animal rationale*, non vero: *unum communicabile multis* vel: *unum abstractum a multis*. Insuper, si natura secundum se esset communis, nunquam inveniri posset singularis: si secundum se importaret præcisionem et exclusionem ab individuis, nunquam posset inveniri in individuis: nam quod convenit alicui secundum se, semper et invariabiliter ei convenit.

A fortiori communicabilitas vel abstractio a multis non conveniunt naturæ secundum quod est in singularibus. Natura in singularibus est divisa et distincta a cæteris, et talia habet principia individuantia ut sit omnino sui juris. Sed natura distincta ab aliis, natura quæ est sui juris, non est communis cæteris, nec cæteris communicabilis. Ergo repugnat ut communicabilitas conveniat naturæ secundum quod est in singularibus. Natura vero abstracta est indivisa et indeterminata. Sed omnis natura singularis eo ipso quod ponatur a parte rei, fit determinata, concreta, distincta a cæteris. Ergo repugnat ut universale abstractum conveniat naturæ secundum quod est in singularibus. Ergo natura non dicitur universalis actu nisi secundum quod est in intellectu. Hinc axioma aristotelicum: *Universale (actu) aut nihil est aut posterius est*, scilicet in intellectu.

VI. — Quarta conclusio: Licet natura secundum se dici

possit communis negative, tamen ut est in re et extra intellectum, nullatenus dici potest communis, nec positive nec negative; ideoque repugnat realismus Scottistarum (1).

Id dicitur commune negative quod secundum se non est singulare. Natura vero secundum se non est universalis, et propter hoc dici nequit communis positive; aliunde non est secundum se singularis, et propter hoc dici potest communis negative. Sed statim ac natura ponitur a parte rei amittit hanc communem negativam. Quod breviter ostenditur:

Esse commune negative est non esse divisum et multiplicatum in pluribus. Atqui natura statim ac ponitur a parte rei in singularibus, dividitur in multis, vere et positive multiplicatur in pluribus; sic natura humana multiplicatur in Petro et Paulo. Ergo non amplius remanet communis negative. Sicut aer, ait Joannes a S. Thoma, posita luce non manet negative tenebrosus, quia ipsa illuminatio expellit negationem lucis; ita singularisatio naturæ a parte rei expellit negationem singularitatis quam natura habebat secundum se.

VII. — Solvuntur difficultates. 1<sup>a</sup> Natura quæ est in Petro et Paulo existit realiter. Atqui natura quæ est in Petro et Paulo est una et communis. Ergo existit a parte rei aliqua natura una et communis pluribus, ideoque universalis.

Resp. Disting. min. Natura in Petro et Paulo est una et communis, unitate et communitate *similitudinis*, concedo; unitate et communitate *reali*, nego. Et nego conclus.

Natura Petri et natura Pauli habent prædicata conformia et similia, et hoc est sufficiens ut intellectus ex illis efformet speciem unam. Nihilominus natura Petri est realiter divisa et distincta a natura Pauli, ideoque duæ istæ naturæ non habent unitatem realem.

— Instabis. Atqui ad universale sufficit unitas similitudinis. Ergo remanet difficultas.

Resp. Nego antecedens: Sicut ad universale in causando requiritur una realiter causa respiciens multos effectus, ita ad universale in essendo requiritur una realiter essentia respi-

(1) Cf. SCOTUS *Metaph.*, vii, q. 48; et II *Sent.* dist. 3, q. 1; FRASSEN, *De universalibus*, q. 2.

riens multa individua. Ergo non sufficit unitas similitudinis, sed requiritur unitas realis.

2<sup>a</sup> Objecta scientiarum sunt universalia. A qui objecta scientiarum existunt a parte rei. Ergo universalia existunt realiter.

Resp. Disting. maj. Objecta scientiarum sunt universalia fundamentaliter et quoad rem conceptam, concedo; sunt universalia formaliter et quoad statum abstractionis et universalitatis, nego. Distinguo minorem. Objecta scientiarum dantur a parte rei, secundum realitatem suae entitatis, concedo; secundum statum universalitatis, nego; et nego conseq.

VIII. — *Quaestio*; Et tandem plene solvatur haec difficultas de existentia universalis a parte rei, quaeritur an aptitudo et indifferencia ad multa conveniat rebus ante operationem intellectus. Haec aptitudo, ut notat Joannes a S. Thoma, potest considerari formaliter et positive in quantum respicit inferiora, vel fundamentaliter pro ipsa capacitate seu non repugnantia ad respiciendum inferiora et ad descendendum ad illa. Si consideratur primo modo, liquet non convenire ante operationem intellectus, siquidem est ipsa universalitas in actu. Difficultas est de secundo modo. Jam dictum est naturam secundum se communem esse negative. Quaeritur itaque an ratione hujus communis negativae inveniatur in natura secundum se sumpta aliqua non repugnantia seu capacitas ut sit in pluribus et predicetur de illis.

IX. — *Quinta conclusio*: Ista aptitudo seu non repugnantia, quae est fundamentum proximum universalitatis, nullo modo invenitur in natura secundum se, neque ut contracta in individuis, sed solum in natura praecisa per intellectum.

Itaque illa non repugnantia ad essendum in multis sequitur naturam rationis status, non ratione quidditatis. Haec conclusio est S. Thomae et communis Thomistarum. Ita Joan. a S. Thoma (1).

Probatur. Aptitudo ad essendum in pluribus est capacitas ut natura una existens multiplicetur in plura, seu aliis verbis, supponit aliquid unum multiplicabile in plura. Atqui nec natura

(1) *Loy. II, P. Q. III, art. III.*

secundum se, nec natura ut contracta in singularibus est unum multiplicabile in plura. Ergo aptitudo ad essendum in pluribus non competit naturae ante operationem intellectus.

Prob. min. Natura contracta in singularibus velum sit unum multiplicabile in plura, immo habet repugnantiam ad istam multiplicationem, individuum quippe est aliquid indivisibile et immultiplicabile. Natura vero secundum se nec unitatem nec multiplicabilitatem importat, sed solum dicit praedicata quidditativa, inter quae non ponitur unitas multiplicabilis in plura.

Igitur aptitudo essendi in pluribus convenit naturae abstractae. Per abstractionem quippe natura fit una unitate praecisionis, et, quia supponitur abstracta a pluribus, concipi potest ut multiplicabilis in illa plura.

X. *Quae unitas competat naturae a parte rei in singularibus existenti*. Natura in singularibus existens duplicem habet unitatem, formalem scilicet et numericam. Probatur. Unitas formalis est illa quae sequitur principia formalia et essentialia quibus res in sua specie constituitur; unitas autem numerica est illa quae sequitur principia materialia et individuantia quibus res constituitur singularis. Atqui natura a parte rei, in Petro existens, habet sua principia formalia quibus in sua specie constituitur, et principia individuantia quibus constituitur singularis. Ergo habet unitatem formalem et numericam.

Porro haec unitas non est quid pluribus commune, sed tot sunt unitates formales a parte rei quot sunt individua. Unitas quippe sequitur ad naturam; ergo, si in quolibet individuo natura est realiter distincta a natura quae est in alio, etiam unitas secunda erit realiter distincta. Atqui in quolibet individuo natura est realiter distincta a natura quae est in alio, sicut natura in Socrate realiter distinguitur a natura in Platone. Ergo unitas formalis quae est in uno realiter distinguitur ab unitate formali quae est in alio; ergo tot sunt unitates formales quot sunt individua.

Hinc confutatio brevis et efficax totius realismi. Non existit aliquid unum commune pluribus. Porro universale formaliter

dictum est unum commune pluribus; duo quippe sunt in conceptu universaliter: unitas et communitas, unitas nempe in se et communitas in pluribus. Ergo nullum universale formaliter dictum existit in singularibus.

**XI. — Quænam prædicata convenient naturæ a parte rei existenti.** Obijciunt realistæ, Omnia prædicata realia convenient naturæ a parte rei existenti. Atqui aptitudo essendi in multis est prædicatum reale. Ergo aptitudo essendi in multis convenit naturæ a parte rei existenti.

Resp. Nego min. Ad cuius intelligentiam notandum est prædicata quæ alieni naturæ tribui possunt triplicis esse generis. Alia sunt *quidditativa*, sive positiva sive negativa, quæ in essentia fundantur; alia sunt *accidentaliter realia*, ut homini convenit esse doctum; alia demum sunt *logica* seu ficta, ut homini competit esse spreum. Primi quidem generis prædicata debent naturæ adscribi in quocunque statu: secundum se, in singularibus et in intellectu. Secundi autem generis prædicata competunt naturæ etiam in singularibus existenti; sic homini a parte rei convenit esse doctum vel virtuosum, etc. Tertii demum generis prædicata non nisi naturæ in intellectu existenti convenient, siquidem sunt entia rationis. Porro aptitudo essendi in multis est huiusmodi: non est prædicatum reale quidditativum, quia quidditas secundum se neque universalis neque singularis est; nec etiam est prædicatum accidentale reale, nam accidentia realia subiectum individuant, ne dum rediunt aptam inesse pluribus. Itaque aptitudo essendi in multis est prædicatum logicum, seu fictum, quod naturæ competit solum per operationem intellectus.

Prædicata igitur quæ naturæ a parte rei existenti convenient duplicis tantum sunt generis: prædicata scilicet quidditativa, sive positiva sive negativa, ut homini in rerum natura existenti tribuitur esse rationale et non esse hinnibile; et prædicata accidentaliter realia, ut homini existenti convenit esse sapientem, doctum, virtuosum, etc.

## ARTICULUS QUARTUS

### SYSTEMA ASSERENS UNIVERSALIA ESSR PARTIM IN REBUS PARTIM IN INTELLECTU, SEU REALISMUS TEMPERATUS

**I. — Tria asserta realismi temperati.** Quid sit realismus temperatus clare colligitur ex opinionibus jam refutatis. Est doctrina asserens universalia esse partim in intellectu, partim in rebus.

Hæc est Aristotelis, D. Thomæ et generatim Scholasticorum sententia. Tria sunt ejus asserta: 1° universale reflexum esse actu in mente tantum, habere tamen fundamentum in natura; 2° universale directum esse in rebus *quoad rem quæ intelligitur*; 3° universale directum esse in mente tantum *quoad modum quo res intelligitur*. Porro hæc tria asserta verissima esse facile ostenditur.

**II. — Ostenditur primum assertum.** Primum assertum in præcedenti articulo probavimus. Universale logicum est communicabilitas naturæ ad plura, vel natura reduplicative ut communicabilis. Atqui communicabilitas non convenit naturæ, nec secundum se, nec ut est in singularibus, sed solum ut est in intellectu. Ergo universale est solum in intellectu. Habet tamen fundamentum in natura. Nam in individuis existentibus a parte rei adsunt prædicata similia et conformia inter se, et independentes a mentis conceptu. Sic ante mentis operationem animalitas et rationalitas in Socrate sunt omnino similes animalitati et rationalitati in Platone. Igitur duo sunt in rebus: similitudo inter prædicata essentialia et distinctio inter ea quæ assimilantur. Potest autem intellectus considerare solam conformitatem inter plura,

non considerata eorum distinctione, et ita sibi efformat conceptum alicujus naturæ uniformis in pluribus, communis pluribus et apte prædicari de pluribus. Igitur universale logicum non est pura mentis fictio, sed habet suum fundamentum in rebus, licet actu non existat extra animam. Ad rem id. Th. (1). « Eorum quæ significantur nominibus invenitur triplex diversitas : quedam enim sunt quæ secundum esse completum sunt extra animam, et hujusmodi sunt entia completa, sicut *homo, lapis*. Quedam autem sunt quæ nihil habent extra animam, sicut somnia et imaginatio chimæra. Quedam autem sunt quæ habent fundamentum extra animam, sed complementum rationis eorum, quantum ad id quod est formale, est per operationem animæ, et patet in universali. *Humanitas* enim est aliquid in re, non tamen illi habet rationem universalitatis, cum non sit extra animam aliqua humanitas multis communis, sed secundum quod accipitur in intellectu, adiungitur ei per operationem intellectus intentio secundum quam dicitur species. »

III. — **Ostenditur secundum assertum.** Secundum assertum, licet aliquatenus constet, iterum probatur. Universale directum quod rei conceptam est natura secundum se considerata. Atqui natura secundum se considerata existit a parte rei in singularibus. Ergo universale directum existit in rebus quod rei quæ intelligitur. Prob. min. Id existit realiter in singularibus quod prædicatur de ipsis ante mentis conceptum, et est constitutivum ipsorum. Atqui natura secundum se prædicatur de singularibus ante mentis conceptum, et est constitutivum singularium. Ergo. Prode ultima minor, quoad 1<sup>am</sup> partem. Natura quæ tribuitur individuis non est natura secundum quod est in singularibus, vel in intellectu, sed natura secundum se. Etenim dicendo : *Plato est homo*, Platoni assigno id quod convenit homini, ut *homo* est, nec plus, nec minus tribuo. Atqui homini, ut *homo* est, convenit solum esse animal rationale (quod est natura secundum se) non vero convenit esse in singularibus vel in intellectu. Ergo natura quæ tribuitur

(1) I *Dist.*, 13, q. 13, art. 1.

individuis est natura secundum se, non vero secundum quod est in singularibus vel in intellectu. Hæc autem natura convenit individuis ante mentis operationem, non enim pendet ab intellectu nostro quod Plato sit unicus rationalis. Igitur natura secundum se prædicatur de singularibus ante mentis conceptum. — Quoad 2<sup>am</sup> partem : Natura secundum se considerata est constitutivum singularium. Facile ostenditur. Plato constituitur *essentialiter* homo, non ex eo quod habeat principia individuantia, sed ex eo quod habet naturam humanam definitione expressam. Sed natura per definitionem expressa est natura secundum se, natura absolute considerata, seu universale quoad rem conceptam. Ergo natura secundum se est singularium constitutiva.

IV. — **De tertio asserto.** Tertium assertum etiam constat, nempe rem quæ intelligitur non existere secundum modum quo intelligitur. Res enim quæ existit est aliquid concretum et determinatum. Sed intelligitur abstracte, indeterminate. Ergo non existit secundum modum quo intelligitur, seu habet diversum essendi modum in intellectu et in rebus.

V. — **Solvuntur difficultates.** 1<sup>o</sup> Vel naturam invenitur tota in quolibet individuo, vel una pars in uno, et alia in alio invenitur. Si hoc ultimum dicitur, Plato non erit integre homo, sed pars hominis ; si primum, habetur mysterium SS. Trinitatis in creaturis, quod natura una existens tota communicetur uni et tota alteri. Ergo absurdus est Scholasticorum realismus.

Respondet Joannes a S. Thoma : « Communicatio nature universalis ad singularia non est sicut communicatio totius integralis ad partes integrantes, sed sicut totius prædicabilis ad partes subjectivas, in quo non fit divisio per partes, sed diversa multiplicatio nature in diversis individuis. Unde in divisione integrali quolibet pars non aequat totum, in communicatione vero universalis ad particularia, quolibet pars subjectiva aequat totum, quantum ad naturam communicatam, sed non quantum ad extensionem et multiplicationem illius. Quod longe distat a mysterio Trinitatis, in quo non fit communicatio rei universalis per multiplicationem nature,

sed per identitatem naturæ singularis cum tribus personis realiter distinctis (1). »

2<sup>o</sup> Objectum præcedit actum, quia specificat actum et actus tendit ad objectum. Atqui objectum intellectus est universale. Ergo universale præcedit actum intellectus, seu existit a parte rei independentem ab intellectu. Ergo falsus est realismus temperatus qui ponit universalia esse partim in rebus, partim in intellectu.

Resp. Dist. min : Objectum intellectus est universale, materiale et potentiale, concedo ; formale et actuale, nego. Dist. conclus. Ergo universale existit in rebus, independentem ab intellectu, potentialiter et materialiter, concedo ; actu et formaliter, nego, et nego ultimam sequelam. Objectum quod præcedit operationem intellectus est natura quoad rem conceptam, quæ quidem non est intelligibilis nisi in potentia ; sit autem intelligibilis actu post et per operationem intellectus agentis. Quod vero non est intelligibile actu nec etiam est universale actu. Igitur universale quod præcedit actum intellectus est universale in potentia. Unde hæc obiectio non impetit, sed potius corroborat realismum temperatum. Ex una quidem parte ostendit aliquid præcedere actum intellectus, scilicet naturam quoad rem conceptam ; aliunde vero evincit statum abstractionis et præcisionis et intentionem universalitatis esse operatione intellectus posteriores. Hæc autem tria sunt ipsissima realismi temperati asserta : natura quoad rem conceptam est a parte rei independentem ab intellectu ; status præcisionis, seu universale quoad modum concipiendi, est solum in intellectu ; intentio universalitatis, seu universale formale et logicum, est per operationem intellectus.

**VI. — Præcedentium recapitulatio.** Restat ut totam hanc quæestionem paucis resumamus.

Triplex est universale : in representando aut significando, in causando, in essendo. Universale in essendo est unum aptum inesse pluribus et prædicari de illis univoce. Universale logicum, seu reflexum, est forma qua aliquid denomina-

(1) *Log. II. P. Q. III. art. 2, in fine.* Vide etiam dicenda, *infra*, art. 3, n<sup>o</sup> 8.

tur universale, seu ipsa communicabilitas ad plura. Universale autem metaphysicum, seu directum, est ipsa natura, quæ potest considerari in triplici statu : secundum seipsam absolute, secundum quod est in singularibus, secundum quod est in intellectu per abstractionem ab individuis. Universalia porro non sunt pura nomina nec puri conceptus ; aliunde non sunt formaliter et actu in rebus, sed existunt partim in rebus, partim in intellectu. Vera doctrina de existentia universalium ad sequentia capita reducitur :

1<sup>o</sup> Natura secundum quod est in singularibus nullatenus dici potest universalis. 2<sup>o</sup> Natura secundum se non est universalis nec singularis ; dici tamen potest communis negative. 3<sup>o</sup> Natura secundum se non habet aptitudinem ut communice-tur, sed sit apta inesse pluribus per operationem intellectus. 4<sup>o</sup> Natura per definitionem expressa existit in singularibus. Itaque universale logicum existit actu in mente tantum, fundamentaliter tamen in rebus ; universale vero directum existit in rebus quoad rem quæ intelligitur, non vero quoad modum intelligendi. 5<sup>o</sup> Ad efformandum universale quoad modum concipiendi sufficit abstractio ; ad efformandum autem universale logicum requiritur insuper comparatio.

## ARTICULUS QUINTUS

## DE UTILITATE TRACTATUS UNIVERSALIIUM

**I. — Ratio articuli.** Num desunt qui putent questionem de Universalibus esse penitus antiquatam atque inter vana ac futilia disputationes amandandam. Operæ ergo pretium erit paucis exponere quo pacto hujus questionis solutio maximæ sit utilitatis ad illa solvenda problemata quæ nostris etiam diebus inter philosophos versantur.

**II. — Præcipua hodierna systemata ad questionem Universalium reducuntur.** Omnia præsentis temporis systemata ad ista revocari commode possunt: subjectivismum et criticismum, materialismum, ontologismum, pantheismum, ac intellectualismum. Porro singula ab Universalium questione logice pendunt aut derivantur, ut per singula discurrenti liquido constabit.

**III. — Subjectivismus et criticismus cum doctrina Universalium comparantur.** Juxta subjectivismi placita cognitio attingit immediate solas affectiones et impressiones subjecti cognoscentis, non autem objectivam et externam realitatem. Criticismus autem Transcendentalium Germanorum totam cognitionem revocat ad formas a priori mere subjectivas, quibus utrum respondent objectiva realitas nescimus. Porro utrumque systema verum erit, si Universalia nonnisi subjectivi sunt mentis conceptus. Etenim Universalia sunt objecta et terminus cognitionis humanæ. Ergo, si universalia sunt subjectivi mentis conceptus, verissimum est cognitionem pro immediato objecto habere subjecti affectiones et ad sub-

jectum ipsum immediate terminari. Quod si ostenditur econtra universalia objectiva quadam realitate gaudere, illico ruit subjectivismus et criticismus.

Aliquid tamen veri in subjectivismo latet, quatenus asserit dari elementum subjectivum in omni cognitione. Requidem vera non sit cognitio nisi cognitum sit in cognoscente et cognoscenti applicetur et proportionetur; hinc sequitur duplex esse cognitionis elementum: vim nempe objectivam veritatis cognoscibilis vimque subjectivam intellectus cognoscentis. Quod quidem optime salvatur in doctrina realismi temperati, quæ statuit universale esse partim objectivum partim subjectivum, partim in rebus et partim in intellectu. Quæ ad præsens sufficiant, nam de subjectivismo alibi disseritur (1).

**IV. — Materialismus comparatur cum doctrina Universalium.** Statuit materialismus omnem cognitionem humanam intra ordinem sensibilem concludi nec ullum dari objectum ordinis spiritualis. Quæ assertio est ipsissimus nominalismus. Objecta quippe scientiarum sunt universalia; quare, si universalia sunt mera ordinis sensibilis vocabula, tota scientia intra ordinem sensibilem necessario coarctatur. Hinc est quod omnes materialistæ nominalismum adhaereant. At, si absurdus deprehenditur nominalismus, eò ipso cadunt materialismi asserta.

**V. — Ontologismus et doctrina Universalium.**

Est ontologismus systema asserens Deum, qui est primum ontologicum, id est primum in ordine entis, esse quoque primum logicum, seu in ordine cognitionis, nempe esse primum objectum quod mens nostra intuetur.

Qui error ex falso realismo derivatur. Universalia enim, ut plus semel dictum est, sunt immediata cognitionis nostræ objecta. Porro, si universalia sunt prima realitas, nempe ideas divinæ antesse divinum, liquet ideas divinas et esse divinum,

(1) Log. Major. Tract. II, q. III, art. 2, nn. v. et seqq; et II. P. Phil. Nat. Tract. III, q. III, art. 2, n. viii, — de criticismo vero Metaphys. Psychol. Tract. I, q. II, art. 2, et Metaphys. Ontol. Tract. III, in promissio.

esse primum et immediatum objectum quod intuemur. Statuta autem vera doctrina circa universalium existentiam, impossibilis evincitur ontologismus. — Confutatio ontologismi habetur in Metaphys. Psychol. (Tract. I, q. II, art. 3).

**VI. — Pantheismus et doctrina Universalium.** Asserit pantheismus omnia in mundo, corpus et spiritum, subjectum et objectum, reale et ideale, idem prorsus esse cum Deo. Qui error quoque est forma falsi realismi. Ex realismo quippe absoluta sequitur universale esse in mundo propriam et maximam realitatem; aliunde universale est in intellectu sicut objectum cognitum, ac proinde habet rationem idealis. Hinc inferunt ideales seu universale esse propriam et maximam realitatem, et ideam reale et ideale, omnia quæ sunt in mundo, confundi in aliquo universali quod est unum et omnia. Ita in Germania Schelling ponit singulare et universale, finitum et infinitum identificari in aliquo uno, quod est *absolutum*; Hegel vero vult omnia in mundo, singulare et universale, reale et ideale, finitum et infinitum identificari in ipsa Idea. Hinc Deus non aliud est nisi ens universale, seu indefinitum, quod sese determinando constituit rem universitatem, in genera, species et individua distinctam.

Præcaveat autem omne pantheismi periculum realismus temperatus, statuendo omnia quæ existunt esse individua, concreta, determinata, ipsaque universale non secundum se existens, sed in singularibus tantum et quod rem conceptam (1).

**VII. Intellectualismus et doctrina Universalium.** Intellectualismus est systema illorum philosophorum qui salvare student simul et idearum spiritualitatem et consensum, seu cooperationem sensuum ad cognitionem, ideoque ponunt cognitionem incipere in sensu et perfici in intellectu, seu ideas provenire ex sensibilibus materialiter et ministerialiter, effective autem et principaliter ab ipso intellectu. Quæ duo puncta in doctrina realismi temperati optime salvantur. Ex

una parte objecta idearum, nempe universalia, existunt in sensibilibus fundamentaliter, et materialiter; ergo sensibilia concurrunt materialiter ad idearum efformationem. Aliunde universalia, idearum objecta, non existunt proprie et formaliter nisi in intellectu et per intellectus operationem. Ergo causa quæ ideas proprie efformat est virtus intellectus. De his redibit sermo Metaphys. Psychol. Tract. I, q. II, art. 3. et seqq.

**VIII. — Utilitas quæstionis Universalium in Theologia.** Accurata requiritur universalium notio ne error admittatur circa SS. Trinitatis mysterium. Docet fides dari in divinis unam naturam tribus personis communem. Estne igitur natura divina universalis? Minime. Universale quippe est natura una in pluribus unitate solum similitudinis, et specifica vel generica; in divinis autem est una numero natura realiter eadem in tribus personis. Universale, dum communicatur suis inferioribus, *multiplicatur*, sicut multiplicatur natura humana in Platone et Socrate; natura autem divina nullimode multiplicatur sed est *una et identica* in tribus personis (1).

(1) Auctores consulendus de Universalibus citavi in Logica Minori, et in tractationis decursu. Videantur insuper CASSERANUS, Comment. in op. De ente et essentia; CARD. ZUGLIARA, De la lumière intellectuelle, livr. I, c. vii et seqq.

(1) De Pantheismo disseritur I. P. Phil. Nat. Tract. II, q. 1, art. 3.

## TRACTATUS SECUNDUS

### QUESTIONES QUÆ SPECTANT SECUNDAM MENTIS OPERATIONEM

Secunda operatio dicitur cognoscitiva veri (vel falsi), et ejus signum est propositio, quæ definitur: *Oratio significans verum vel falsum*. Hinc necessitas disserendi de iis quæ ad veritatem vel falsitatem referuntur. De veritate autem tria præcipue sunt querenda: ejus natura, ejus existentia, ejus fundamenta seu criteria. Præsens ergo Tractatus triplici quæstione absolvitur: de veritatis natura, existentia, criteriis.

## QUÆSTIO PRIMA

### De veritatis natura (1).

Ut plene innotescat quid sit veritas, inquirendum erit qui sint status mentis in ordine ad veritatem, et quibus actibus veritas attingatur.

## ARTICULUS PRIMUS

### DE STATIBUS MENTIS IN ORDINE AD VERITATEM

I. — **Notio veritatis.** Veritas designat quamdam conformitatem inter intellectum et rem. Triplex distinguitur: 1<sup>o</sup> Veritas cognitionis, seu formalis, logica; 2<sup>o</sup> veritas rei, seu transcendentalis; 3<sup>o</sup> veritas locutionis, seu moralis.

Veritas logica est adequatio, seu conformitas, intellectus cum re cognita, adeo ut cognitio vera sit, cum est conformis suo objecto, id est, cum percipit esse id quod est, et non esse

(1) Consuli possunt D. THOMAS, I, P. q. XVI et q. XVII; QQ. *Dispp. de Veritate*. Comment. GAJETANI et BANNER in 1<sup>ma</sup> Partem; JOHANNES A. S. THOMA, *Logica*; SCAREZ, *Disputationes metaphysicæ*, disp. 8; ALAMANNUS, *Logica*; BALMES, *Philosophie fondamentale*, et *Art d'arriver au vrai*; BROCHART, *De l'erreur*; ROBERT, *De la certitude*; MERCIER, *Crétiologie*; FOLGHERA, *Revue Thomiste* t. VII, p. 693, t. VIII, p. 414; et Scholastici hodierni in suis institutionibus logicalibus.



id quod revera non est; et e contra, dicatur falsa, cum vel percipit esse id quod non est, vel percipit non esse id quod revera est. (Vid. dicenda art. seq. n. IX et XI).

Veritas rei est ipsum ens ut innuit ordinem ad intellectum, seu, est conformitas rei cum intellectu a quo pendet. Quomodo enim cognitio vera est quia est rei conformis, ita res ipsa vera dicitur quia est conformis intellectui a quo originatur. Omnes porro res naturales causantur ab intellectu divino; res autem artificiales etiam ab intellectu creato pendent, nam idea artificialis induit in esse causati, sicut exemplar domus est causa domus in fieri. Hinc omnes res naturales dicuntur vere quia habent conformitatem cum ideis divinis; res autem artificiales vere sunt quia conformantur ideis sui artificis (1).

Veritas moralis est conformitas sermonis vel signorum cum interno mentis conceptu. Tunc enim dicitur locutio vera, seu verax, cum est concors cum animi sententia. Veritas moralis alii magis congruo vocabulo dicitur veracitas.

Ultimus autem nexus tres illas veritatis species coniungit. Veritas quippe moralis est conformitas cum animi conceptibus, veritas autem conceptuum est conformitas eorum rebus, veritas idemum rerum est conformitas eorum ideis divinis. Hinc veritas rerum ab intellectu divino, veritas logica seu conceptuum a veritate rerum, et veritas moralis a veritate conceptuum, causatur.

Omnes id commune exhibent quod sint adaequatio seu conformitas ad aliquam regulam, principium vel causam: in veritate cognitionis regula et principium sunt res, in veritate rerum regula, seu principium, est intellectus divinus vel intellectus artificialis; in veritate morali regula, seu principium, est animi sententia. Intellectus divinus regulat et causal res, res ipsae regulant et causant cognitionem; cognitio vera regulat et causal sermonem verum.

**II. — Quatuor status mentis respectu veritatis.** Vel mens est in pura potentia respectu veritatis, carens objecti cognitione, et sic est status *ignorantiae*; vel est in actu perfecto firmiter adherens objecto absque ulla errandi formidine, et est

status *certitudinis*; vel est in actu imperfecto, in quo distingui potest triplex gradus. Vel enim mens, comparatis duobus conceptibus, remanet anreps, in neutram partem declinans, et sic est *dubium*; vel ad unam magis vergit, sed indeo leve est motivum ut nondum assentiat, et est *suspicio*; vel tandem reapse adheret, sed cum errandi formidine, et sic est *opinio*.

*Suspicio* itaque concipitur ut quid medium inter simplex dubium et opinionem; mens quippe nondum assentit, nec tamen pure est ad utrumlibet indifferens, sed in unam partem magis propendit. Non videtur tamen suspicio esse actus essentialiter ab opinione et dubio distinctus. Vel enim mens simpliciter adheret, vel simpliciter ab adhaesione abstinet, licet forte ad assentiendum inclinetur: si adheret, fit opinio; quamdiu vero mens non assentit, remanet dubium. Igitar suspicio est dubium, sed peculiaris omnino rationis, dubium nempe tendens ad opinionem, nondum tamen ad ipsam usque pertingens. Aliquando vero suspicio designat inclinationem in unam partem ex aliquo levi motivo, et tunc reducitur ad opinionem sicut imperfectum ad perfectum: est quoddam iudicii temerarii genus.

Quadruplex itaque est status mentis respectu veritatis, nempe *ignorantiae*, *dubii*, *opinionis*, *certitudinis*.

**III. — Ignorantia.** Definitor: *Carentia cognitionis in subiecto cognitionis capaci*. Carentia autem potest importare vel solam cognitionis absentiam, vel etiam scientiae privationem. In prima acceptione est *nescientia*, in altera vero *ignorantia* proprie dicta. Itaque nescientia simplicem scientiae negationem, ignorantia vero scientiae privationem seu defectum involvit. Tunc vero homo dicitur scientia privari, cum cognitione caret rerum quae aptus natus est scire, seu ad quae scienda vi naturae suae ordinatur.

Ignorantia dicitur proprie respectu intellectus. Nam est privatio scientiae, seu cognitionis perfectae. At scientia et cognitio perfecta intellectui, non vero facultati sensitivae, ascribitur. Ergo ignorantia non dicitur proprie respectu sensuum.

(1) Cf. *Ont.* Tract. II, q. I, a. IV.

**IV. — Ignorantiæ causa.** Duplex est : naturalis una, voluntaria altera. Causa naturalis est vel defectus qui est in rebus vel defectus qui est in intellectu nostro. *Defectus qui est in rebus*, nempe quia objectum est obscurum, nimis ab intellectu nostro distans, vel sua luce mentem nostram offuscans, nam respectu eorum quæ sunt maxime intelligibilia mens nostra se habet sicut oculus nocturne ad solem.

*Defectus qui est in intellectu nostro.* Mens quippe est imbecillis et limitata. In principio est sicut tabula in qua nihil scriptum est ; et etiam per studium exalta, ad ea tantum se porrigere potest ad quæ per sensibilia manulucitur. Ad defectum autem naturalem intellectus pertinent *stupor* et *hebetudo*. « Stupens finet et in presenti judicare et in futuro inquirere... Stupor est philosophiæ considerationis impedimentum (1). Hebetudo autem veritati opponitur, per quam mens ad intimam penetrare non sufficit (2) ».

Causa voluntaria est voluntatis aversio et mentis præoccupatio. A voluntate pendet applicatio aliarum facultatum ad actum. At potest voluntas applicationem intellectus ad veritatis cognitionem impedire, sive quia ipsa voluntas veritatem odit ; sive quia laboris difficultatem refugit ; sive quia passionibus irretitur. Hinc oritur ignorantia illa affectata, de qua dicitur in psalmo xxxv. *Noluit intelligere ut bene ageret*.

Sub influxu autem voluntatis mens distrahitur et præoccupatur, ad ea maxime fertur quæ voluntati placent, cetera vero negligit aut respuit ; vel, si ad omnia vult attendere, delibitatur ipsa applicatione, juxta illud :

Pluribus intentus, minor est ad singula sensus.

**V. — Error.** — Ex ignorantia causatur error ; non enim homo decipitur judicando rem aliter ac est, nisi quia illam non intelligit : rem vero non intelligere est ignorare. Confundenda tamen non est ignorantia cum errore. « Error, ait S. Thomas (3), est approbare falsa pro veris, unde addit

(1) 1<sup>a</sup> II<sup>a</sup>, q. 41, art. 4 ad 3.

(2) 1<sup>a</sup> II<sup>a</sup> Q. 8, art. 6, ad 1.

(3) QQ. *Dispp. De Malo*. Qu. 3, art. 7.

actum quemdam super ignorantiam. Potest enim esse ignorantia sine hoc quod aliquis de ignotis sententiam ferat, et tunc est ignorans et non errans ». In duobus præcipue differunt error et ignorantia : 1<sup>o</sup> in statu ignorantie mens nullum judicium, in errore autem judicium falsum præbet ; 2<sup>o</sup> ignorantia veritati opponitur *negative* tantum ; error autem *positive*. Ignorantia enim nec conformitatem nec difformitalem intellectus cum re dicit, error autem positivam importat discrepantiam intellectus cum objecto. Unde veritas et error ex opposito definiuntur : Veritas est *adæquatio intellectus cum re* ; Error, *difformitas intellectus cum re* (1).

**VI. — Erroris causæ.** Homo natura sua fallibilis est ; cum enim ignorantia sit nobis innata, et error ex ignorantia originetur, naturale est homini ut possit errare ; hinc effatum : *Errare humanum est*. Nulla tamen datur causa naturalis hominem ad judicium erroneum necessitans. Nam intellectus movetur solum ad evidentiam. At falsum necessariam evidentiam parere nequit. Ergo nunquam intellectus ad judicium falsum natura necessitatur. Omni ergo errori præsupponitur quidam voluntatis influxus.

Causæ igitur erroris præcipue sunt : 1<sup>o</sup> ignorantia plus minusve voluntaria scientiarum quæ cæterarum sunt basis ac fundamentum, ut Logiæ et Metaphysiæ ; 2<sup>o</sup> vehemens hominis propensio ad judicandum secundum sensum et ad respondendum quæ experientia sensibili non comprobantur ; 3<sup>o</sup> phantasmatum deceptio. Phantasmata necessaria quidem sunt intellectioni, sed interdum homo phantasmata huius realitatum accipit, dum phantasie ductum sequitur et Insum suæ imaginationis tanquam objectivam realitatem approbat. 1<sup>o</sup> Ininsensiusque temperamentum, passiones ; facile quippe homo iudicat bona esse quæ sibi placent et suo temperamento convenient aut empeniscentiam demercent. 3<sup>o</sup> Præjudicia, multæ enim vigent opiniones tanquam principia vel dogmata habitæ, quæ tamen rimosis et falsis nituntur fundamentis.

(1) « Errer, c'est croire ce qui n'est pas ; ignorer, c'est simplement ne le savoir pas. » BOSSUET, *Conçois, de Dieu et de soi-même*, c. 1, XIII.

Ratio falsa iudicia, quæ *idola* vocat, ex quadruplici causa repetit.

Imprimis sunt *idola tribus*, quæ fundantur in *tribus*, seu natura humana, et oriuntur sive ex cordis affectu, passionibus nempe, superbia, etc., sive ex sensibus et imaginatione, sive ex intellectus præcipitatione et irreflexione.

Secundo, *idola specus*, quæ ex individuorum natura vel conditione ortam habent; natura enim individuorum cum propriis vitiis vel passionibus est quasi *specus* abscondita quo lux non ingreditur.

Tertio, *idola fori*, quæ ex mutua hominum societate proveniunt; alia quidem ex verborum ambiguitate et fallacia, alia vero ex præiudiciis oriuntur.

Denique *idola theatri*, quæ ex falsis theoriis falsive dogmatibus aut methodis originem ducunt: ut sunt theoriæ Pyrrhonicarum circa dubium universale, vel Stoicorum circa dolorem et passiones, etc. Hæc omnia sunt quasi simulacra in theatro quæ loco realitatis accipiuntur.

**VII. — Dubium.** Est status mentis in quo, proposito objecto, suspenditur iudicium propter errandi formidinem. Intellectus utramque videt contradictionis partem, in neutram tamen adheerit, propter motivorum insufficientiam. Distinguitur communiter dubium *positivum* et dubium *negativum*. *Positivum* est, cum militant æque validæ rationes pro utraque parte, quo fit ut mens non possit uni potius quam alteri adherere. Dubium est *negativum*, cum ex neutra parte occurrunt motiva quæ possint mentem movere. In dubio positivo adest cognitio motivorum pro et contra, in dubio autem negativo abest quorumcumque motivorum notitia. Distinguitur etiam dubium *scepticum*, quo quis ideo dubitat ut in dubitatione remaneat, et dubium *methodicum* quod ideo admittitur, ut scientia comparari possit.

**VIII. — An dubitatio supponat iudicium.** Dubitatio formaliter consistit in suspensione iudicii; præsuppositivè tamen, si sit deliberata, includit iudicium saltem tacitum. Nemo quippe deliberato dubitat nisi mente statuatur aut nullas aut insufficientes

esse rationes ad assentiendum. Alqui mente statuere aliquid ita esse, est iudicare. Ergo dubio deliberato, tacite saltem, prævium est iudicium.

Pariter dubium, licet formaliter non contineat veritatem aut falsitatem, præsuppositivè veritatem vel falsitatem involvit: veritatem, quidem, si revera desint motiva digna quæ assensum trahant; falsitatem, vero si mens statuatur esse insufficientia motiva quæ revera sufficiunt ad assensum prudenter præstandum.

**IX. — Opinio.** Est assensus alieni objecto propter motivum probabile, cum formidine oppositi, præstitus. Opinio procedit ex aliquo principio ex quo due possunt erui conclusiones: neutra est necessario admittenda aut necessario rejicienda, mens unam quidem amplectitur et alteram rejicit, non tamen cum plena pace et quiete, sed cum formidine ne id quod rejicitur verum sit. Tria ergo, ut monet Angelicus (1), sunt in opinione: principium et due conclusiones, et una conclusa et alia formidata. Formido formaliter quidem pertinet ad appetitum, at causaliter etiam ad intellectum refertur, in quantum intellectus cognitio inducit formidinem seu timorem in voluntate.

Opinio intrinsece et formaliter est incerta, sed gaudere potest quadam certitudine extrinseca. Dico: *Probabile est existere talem legem*: incertus quidem sum de existentia legis, at certus sum veram adesse probabilitatem. Duo igitur sunt distinguenda iudicia: alterum circa objectum cui mens adhaeret propter motivum probabile, et hoc semper est cum errandi formidine; alterum vero circa probabilitatem, seu motiva probabilitatis, et illud potest esse certum; liquido enim constare potest motiva quæ adducuntur omnino sufficere ad veram probabilitatem gignendam. Intellectus itaque in hac opinionis statu caret formidine *extrinseca*, sed circa ipsam veritatem opinatam remanet *intrinsece* incertus et cum formidine oppositi. De compassibilitate autem opinionis cum scientia, Vid. *Ontol.*

(1) 1 De anima, lect. iv.

**X. — Opinio requirit aliquem voluntatis influxum, non tamen procedit ex perfecta voluntate.**

Prob. 1<sup>a</sup> pars., Quotiescumque intellectus non sufficienter a proprio objecto determinatur, intervenire debet aliqua voluntatis electio quæ intellectum ad unam partem præ alia accipiendam cogat; secus intellectus perpetuo remanebit suspensus. Sed in opinione objectum, cum sit mere probabile, non necessario movet intellectum. Ergo intervenire debet electio voluntatis, quæ intellectum efficaciter determinet illique assensum imperet.

Ostenditur. H<sup>a</sup> pars. Intellectus videt partem quam rejicit sua gaudere probabilitate, nec voluntas potest hanc probabilitatem uligere. Sed stante probabilitate oppositi, remanet semper formido ne id quod amplectitur falsum sit; nec voluntas videt hanc formidinem excludere. Jam vero voluntas nequit cum plena et perfecta electione velle id cuius oppositum reformidatur. Unde opinio, ait D. Thomas (1), non videtur procedere ex perfecta voluntate.

**XI. — Certitudo.** In genere certitudo est determinatio intellectus ad unum. Motiva nempe menti proposita intellectum adeo movent ut uni parti contradictionis firmiter et immobiliter adhereat absque ulla formidine partis oppositæ. Communiter definitur: *Firma mentis adhesio alicui cognoscibili propter motiva quæ excludant omnem errantem formidinem.* Trium ad certitudinem requiruntur: 1<sup>o</sup> objectum debet esse res ita necessaria ut aliter esse non possit, secus mutaret assensus ipsi innixus; 2<sup>o</sup> intellectus debet cognoscere hanc objecti necessitatem. Porro, si intellectus perspicit rem aliter esse non posse, eo ipso deprehendit veritatis defectum contingere non posse. At, si impossibile est accipere veritatis defectum, mens debet veritati absque ulla erroris formidine adherere, et in ipsa quiescere. Hinc sequitur tertium certitudinis elementum, omnimoda formidinis exclusio. Quæ omnia tria simul concurrant oportet. Non sufficit ut intellectus formidine careat, sed formidinis exclusio debet provenire ab objecto. Hinc qui adheret errori absque ulla sui erroris formidine aut suspitione, pro-

(1) 1<sup>a</sup> a 11<sup>to</sup> qu. 1, art. IV.

prie certitudinis non potitur. Nam ille assensus non habet immobile fundamentum, sed fallax. Porro adhesio cuius fundamentum est mobile, per se mutare potest. Ergo assensus erroneus est per se mutabilis, et de facto mutatur. Quocirca non participat rationem assensus certi, qui est firmus et immobilis; quapropter prope discernenda est certitudo a persuasionem. Potest quis, propter præjudicia vel ignorantiam, de falso persuaderi, at nunquam fiet de falsitate certus. Persuasio mutari potest, nunquam certitudo.

Aliunde non sufficit ut res cui assentitur aliter se habere non possit, sed hæc necessitas debet esse intellectui manifesta. Quando mens adheret alicui objecto probabili quod de facto verum est et necessarium, res aliter esse non potest; sed, quia hujus necessitas intellectum latet, remanet in mente formido, atque ideo status opinionis.

Geminus ergo certitudinis conceptus prope est discernendus a cæteris acceptimibus impropriis. Tripliciter enim, ut notat Bannez, sumitur certitudo. 1<sup>a</sup> Quedam est ipsius objecti secundum esse reale quod habet in se vel in ordine ad divinum intellectum. Et hujus modi certitudo bene esse potest cum opinione nostra de tali objecto, ut si v. g., Papa revera mortuus est, sed ego tantum opinor esse mortuum. Et ratio est, quia talis certitudo objecti nihil prestat intellectui. Nam quod attinet ad modum judicandi, etiam si Papa viveret, opinarer esse mortuum. Altera certitudo potest considerari solum ex parte cognoscentis, qui pro suo cerebro absque aliqua probabili ratione proterve adheret alicui affirmationi aut negationi. Et hujusmodi potius est inhæsiō proterva assentientis quam vera certitudo, quamvis assentiens dicat se certissimum esse; atque hoc pacto aliqui hæretici firmiter adhærent suis erroribus, imo et interdum patiuntur mortem pro illorum testimonio, quam aliis veritatibus. Est tertia certitudo assensus quæ efficitur ex certitudine objecti quod ut certum cognoscitur sub ratione formali per lumen et habitum certe et infallibiliter inclinatum ad assensum rei quæ ita se habet » (1). Et hujus modi acceptio est genuina, cæteræ vero sunt vel abusive vel improprie.

(1) BANNEZ, COMM. in I. P. Q. I, a. 5.

**XII. — Certitudinis gradus.** In certitudine duplex consideratur respectus : alter negativus, seu exclusio formidinis, positivus alter, seu firmitas et intensio assensus. Primus respectus est graduum incapax : si vel minima admiscetur formido, actum est ille certitudine. Ex hac parte certitudo consistit in indivisibili. Hinc falsa deprehenditur opinio quæ vult certitudinem ex variis probabilitatis gradibus conflare, nam omnes gradus probabilitatis simul sumpti semper retinent errandi formidinem.

Ex parte vero ipsius assensus possunt esse gradus. Causa enim certitudinis est verum. Sed nimis effectus proportionatur causæ. Ergo certum proportionatur vero. Quanto igitur magis aliquid erit verum, tanto magis certum erit ; seu, aliis verbis, si dantur gradus in vero erunt gradus in certitudine. Atqui in vero dantur gradus. Ergo et in certitudine. Minor subsumpta ostenditur. Verum, si consideratur formaliter, ut est conformitas intellectus cum re, graduum non est capax : omne quippe verum difformitatem excludit ; sed ex parte ejus in quo fundatur ratio veritatis adsunt gradus. Verum si quidem in esse rei fundatur, et ratio dicitur vera ex eo quod res est, non ex eo quod vera est. Sed sunt gradus in esse. Ergo sunt gradus in vero. Sic Deus est magis ens, illeoque magis verum, quam quodlibet creatum ; unde generare valet in nobis majorem certitudinem quam aliud quodvis objectum.

Insuper, certitudo, seu adhesio veritati, Deo firmiter est quo veritas magis est menti intima magisque menti applicatur. Sed quædam veritates sunt menti intimiores, sicut veritates omnium necessarie quæ vi sua menti applicantur. Ergo inter certitudines alie aliis sunt firmiteres.

Itaque gradus certitudinis, seu major et firmiter certitudo, ex triplici capite attenditur : 1<sup>o</sup> ex objecto *formali quod* tamquam causa, quæ potius generare valet certitudinem ; 2<sup>o</sup> ex objecto *formali quo*, tanquam lumine sub quo veritas melius innotescit et fortius intellectum movet ; 3<sup>o</sup> ex natura intelligentis tanquam perfectione radicali ratione cujus veritas facilius menti applicatur. Ex primo et secundo capite assensus est firmiter *simpliciter*, quia specificatio actus ex hoc duplici objecto provenit ; ex tertio capite firmiter *secundum quid*. Hinc divina

fides *simpliciter* firmiter est scientia humana ; quia objecta formale *quod* et formale *quo* vehementius movent ; metaphysica est *simpliciter* certior physica, quia objectum metaphysicæ nobilior et abstractius est ; at physica *secundum quid* certior est, quia facilius menti applicatur. Vide dicenda infra de magisterio divino, et de ordinatione scientiarum (1). Pariter virtus et natura sunt certiores arte, quia infallibilius operantur ; spes divina est certior omni alia virtute ; visus est certior simpliciter auditu, etc.

Ex tertio capite provenit etiam ut plures homines de eodem objecto certiores alii aliis existant, quatenus intellectus unius vividior est vividiusque ac perfectius sibi applicat objectum.

**XIII. — Certitudinis divisio.** Distinguitur imprimis certitudo *subjectiva* et *objectiva*. *Objectiva* se tenet ex parte objecti quod causat determinationem intellectus ad verum ; vulgo definitur : *Vis infallibilis quam habet objectum extorquendi assensum certum*. *Subjectiva* oritur ex parte subjecti cognoscentis, seu est ipsa firmitas assensus absque ulla errandi formidine. Certitudo porro est essentialiter subjectiva, objectiva autem analogice. Ibi enim est proprie certitudo ubi fit assensus, siquidem certitudo est modus ipsius assensus. Atqui assensus reperitur in intellectu cognoscentis. Ergo certitudo in intellectu proprie reponitur. Objectum autem dicitur certum analogice quatenus gignit certitudinem, sicut medicina dicitur sana, quia est sanitatis causa.

Vox tamen *subjectiva* alio sensu rectius usurpatur pro aliqua certitudine quæ causatur a voluntate. Objectum quancunque est secundum se incapax intellectum determinandi, ut contingit in rebus fidei ; hinc intervenit voluntas quæ applicat et cogit intellectum ad assensum firmum præstandum : quo casu habetur certitudo cujus causa est ex parte subjecti et quæ ideo dicenda est *subjectiva* ; alia vero quæ se tenet ex parte intellectus rectius diceretur *formalis*. Sic possumus, cum Joanne a S. Thoma, triplicem distinguere certitudinem : *formalem*, quæ reperitur in ipso actu intellectus adherentis firmiter ; ob-

(1) Tract. II, q. III, art. VI, et Tract. III, q. III, art. VI, n. II, n. VI.

*virtutum*, ex parte objecti convincentis; *subjectivam*, ex parte voluntatis adherentis et laeientis adherere intellectum. Et inde est, subdit prædictus auctor, quod quando Deus movet ad idem, prius tangit voluntatem, et, mediante ipsa, intellectum (1).

**XIV. — Certitudo immediata, mediata.** *Immediata* est certitudo principiorum quæ ex seipsis absque ullo discursu menti innotescent. *Mediata* est conclusionum certitudo quæ per rationem comparatur. Immediata est causa mediata sicut præmissæ sunt causa conclusionis. Quæ omnia ex dicendis infra de scientia patebunt.

**XV. — Certitudo metaphysica, physica, moralis.** Est *metaphysica* quoniam firmitas assensus fundatur in ipsa rei essentia, adeo ut intrinsece repugnet rem aliter esse: *Homo est rationalis*. *Physica* est in qua firmitas assensus nititur constantia legum naturæ: *Ignis comburit*. *Moralis* est, in qua firmitas assensus fundatur in constantia legum quibus subjacent mores humani: *Filii diligunt parentes*. Certitudo moralis sumi potest stricto et lato sensu. Stricto sumpta est assensus qui, licet nitatur legibus quibus temperantur hominum mores, excludit tamen omnem errandi latitudinem. Sensu autem lato est maxima probabilitas, non excludens quidem omne errandi periculum, sed sufficiens ad prudenter agendum. Impossibile superius est in vita humana veram comparare certitudinem, sed iudicamus ex communiter contingentibus, et pro certo habemus quod maxime est probabile. Hoc modo certissimus merces quæ in foro videntur non esse veneno infectas.

**XVI. — Certitudo absoluta, hypothetica.** *Absoluta* est cum res independenter a quacunque hypothesei revera est sicut enunciatur, nec potest, lacta quacunque hypothesei, aliter se habere: *Deus est justus*. *Hypothetica* vero, cum res non potest aliter se habere, attenta aliqua hypothesei, sed potuisset aliter esse non facta illa hypothesei. Certitudo metaphysica est semper absoluta, quia essentia rerum est necessaria nec ab

aliqua hypothesei pendet; sic absolute certum est duo et duo esse quatuor, Deum esse infinitum. Physica verum et moralis sunt hypotheticæ, quia nec naturæ nec morum leges sunt absolute necessariae; potuisset enim Deus mundum non creare et potest, mundo creato, ejus leges suspendere.

**XVII. — Certitudo metaphysica, physica, moralis, sunt tres certitudines specie diversæ.** Specie sunt diversæ certitudines quarum motivum formale est specificè diversum. Atqui tres illæ certitudines motivum formale habent specificè diversum; nam in metaphysica certitudine motivum est connexio inter subjectum et prædicatum fundata in necessaria et absoluta immutabilitate essentialium; in certitudine physica motivum est connexio inter subjectum et prædicatum fundata in necessitate hypotheticæ legum naturæ; in certitudine morali motivum est connexio inter subjectum et prædicatum fundata in constantia aliæ magis hypotheticæ legum quæ mores humanos temperant. Ergo.

**XVIII. — Certitudo vulgaris et philosophica.** *Vulgaris* est illa qua quis adheret firmiter veritati, non tamen sibi explicite assignat sui assensus motiva. *Philosophica* verum, *scientificæ*, *reflexa*, est illa qua quis criteria, seu motiva sui assensus explicite sibi determinat. *Vulgaris* versatur circa ea quæ vitæ humane necessaria sunt. Quamplures negant certitudinem vulgarem esse veri nominis certitudinem, quin potius contentuntur cæcæ esse credulitatem; at vero ipsam gaudere omnibus veræ certitudinis dotibus, facile evincitur. Tres esse veræ certitudinis dotes, ostensum est, n. xi. Prima autem conditio, nempe, quod res ita esse debeat ut non possit aliter se habere, æque verificatur in certitudine vulgari ac in scientifica. Secundo, hæc necessitas percipitur ab intellectu, cum enim vulgus asserit: *duo et duo sunt quatuor, sol lucet*, omnibus li- quido constat rem aliter esse non posse. Ac tandem adest exclusio formidinis, ut experientia constat; nam usque ulla errandi formidine omnes trahunt *duo et duo esse quatuor*. Ergo adsunt omnes veræ certitudinis dotes. De certitudinis existentia valent quæ trademus de veritatis existentia.

**XIX. — De certitudine analogice sumpta.** Proprie et essentialiter certitudo est tantum in intellectu, quippe quæ est qualitas assensus intellectualis. Analogice autem, seu participative et secundum similitudinem, invenitur in omni eo quod a vi cognoscitiva movetur infallibiliter ad finem suum. Sic motus appetitivæ virtutis ut a cognitione dirigatur, aliquid de ejus certitudine participat; sic etiam spes certitudinaliter tendit in finem suum, quasi participans certitudinem a fide, quæ est in vi cognoscitiva. Pariter, certitudo dicitur esse in appetitu naturali, in quantum infallibiliter inclinatur ab intellectu divino nunquamque dirigente in finem (1). Denique certitudo attribuitur operibus nature vel operibus artis in quantum a cognitione Creatoris vel a cognitione artificis infallibiliter diriguntur. In tantum de certitudine participant in quantum a vi cognoscitiva regulantur. In ipsa ergo vi cognoscitiva reperitur certitudo essentialiter, seu tanquam in summo analogato.

**XX. — Certitudo cognitionis et certitudo causalitatis.**

Primum est infallibilitas assensus prout jam expositum est, altera est infallibilitas ordinis causæ ad effectum, ita ut causa infallibiliter effectum producat. Sic in Deo præscientia ut sic, est certitudo cognitionis, prædestinatio vero addit certitudinem causalitatis. Ad rem Angelicus: « Duplex est certitudo, scilicet cognitionis et ordinis. Cognitionis quidem certitudo est quando cognitio non declinat in aliquo ab eo quod in re invenitur, sed hoc modo existimat de re sicut est. Et, quia certa existimatio habetur de re præcipue per causam rei, ideo tractum est nomen certitudinis ab ordine causæ ad effectum, ut dicatur *ordo causæ esse ad effectum certus quando causa infallibiliter effectum producit*. Præscientia ergo Dei, quia non importat universaliter habitudinem causæ respectu horum quorum est, non consideratur in ea nisi certitudo cognitionis tantum; sed prædestinatio, quia præscientiam includit, et habitudinem causæ ad ea quorum est addit, in quantum est directio sive preparatio quædam, et sic potest in ea considerari supra certitudinem cognitionis certitudo ordinis. » (2)

(1) Cf. IIa. Ilae. q. 18, a. 4.

(2) Q. VI, De veritate, a. III.

**XXI. — Quomodo differant certitudo et veritas.** Habitu certitudinis ad veritatem ex dictis plane colligitur. Certitudo est status mentis, veritas est illius status objectum et terminus; certitudo est perfectio assensus intellectivi, veritas est illius assensus motivum et causa. Certitudo est essentialiter subiectiva, veritas est proprie objectiva.

Analogice tamen certitudo dici potest objectiva, quatenus objectum progignit in mente assensum certum, et tunc certitudo non differt realiter a veritate, sed logice distant. Non realiter quidem, nam sola veritas valet gignere assensum certum; logice tamen, quia certitudo innuit specialem modum vi ejus veritas valet convincere intellectum. Utrum vero omnis veritas sit certa objective, sicut omnis certitudo generatur a veritate? Quoad se omnis veritas est certa, nam verum de se vim habet abigendi formidinem falsi; at quoad nos non omnis veritas est certa, quia quædam objecta, licet vera, non sufficienter applicantur intellectui ut omnem errandi formidinem propellant. Recolantur quæ disseruimus n° XI.

Quia ergo certitudo non potest comparari nisi a vero cognito ut vero, per eundem actum, scilicet iudicium, habetur veritas perfecta et certitudo. Quæ igitur veritatis existentiam probant certitudinis pariter existentiam statuunt. Criterium etiam veritatis et criterium certitudinis promiscue usurpari posunt. De his iterum infra, q. III, a. IX, n° III.

Itaque, licet differant veritas et certitudo, nexu mutuo colligantur, adeo ut certitudo nonnisi a veritate gigni possit et veritas nonnisi per certitudinem perfecte possideatur.

## ARTICULUS SECUNDUS

## QUIBUS ACTIBUS VERITAS ATTINGATUR

**I. — Quæstio solvenda.** Triplicem sæpe reolvimus esse operationem cognoscitivam: apprehensionem nempe, iudicium et ratiocinium. Cum autem ratiocinium sit plurimum iudiciorum complexus, sat est inquirere utrum veritas habeatur in apprehensione, an in iudicio, an in apprehensione simul et iudicio.

**II. — Duplex apprehensio.** Simplex apprehensio duplex potest distingui: una quæ dicitur *incomplexa*, altera vero *complexa*. *Incomplexa* est in qua representatur vel solum subiectum, vel solum prædicatum omnino simplex, ut *leo, homo*. *Complexa* autem est qua percipimus prædicatum et subiectum per modum compositionis: *homo visibilis, leo rugiens*; vel etiam definitionem seu propositionem jam ab alio formatam, quin tamen de illa iudicium proferatur, ut cum legendo percipio hominis definitionem: *Homo est animal rationale*.

**III. — Prima conclusio:** Simplici apprehensioni inest veritas formalis, licet imperfecto modo. Probatur 1<sup>a</sup> pars.

Veritas formalis, seu logica, est conformitas intellectus cum objecto. Atqui in simplici apprehensione adest conformitas intellectus cum objecto, Ergo. Probatur minor. Cognoscere objectum est habere propriam speciem objecti, cum omnis cognitio per similitudinem, seu speciem, objecti pariat. Sed propria species objecti est conformis objecto, quippe quæ est ipsum objectum intentionaliter. Ergo cognoscere objectum est habere conformitatem cum objecto. Liqueat autem apprehensionem esse cognitionem objecti, siquidem manifestat quid sit res. Ergo apprehendere est habere conformitatem cum objecto, seu veritate logica habere.

Probatur 2<sup>a</sup> pars. Arg. 1<sup>æ</sup>. Ibi est perfecta veritas ubi est perfecta cognitio, agitur enim de veritate cognitionis. Sed simplex apprehensio est cognitio imperfecta. Ergo. Declaratur minor. Ad cognitionem perfectam non sufficit ut facultas sit conformis objecto, sed requiritur ut illam conformitatem percipiat. At in simplici apprehensione intellectus, licet objecto sit conformis, non cognoscit suam conformitatem; id enim importat comparisonem quamdam quæ propria est iudicii. Ergo.

Arg. 2<sup>æ</sup>. Res cognoscitur imperfecte quamdiu mens apprehendit tantum ejus quidditatem, nihil vero de ejus esse actuali. Sed apprehensio attingit tantum rei quidditatem, non esse actuale; non enim asserit utrum res sit an non sit, eo quod affirmatione et negatione careat. Ergo in simplici apprehensione habetur cognitio et veritas imperfecta.

**IV. — Secunda conclusio.** Apprehensioni incomplexæ nunquam admiscetur falsitas, complexæ vero falsitas per accidens subesse potest. Ostenditur 1<sup>a</sup> pars.

Falsitas est difformitas intellectus cum objecto. Sed repugnat adesse difformitatem in apprehensione incomplexa. Ergo. Probatur minor. In apprehensione incomplexa reperitur solum species, seu representatio objecti, absque ulla compositione. At repugnat ut species objecti sit objecto difformis, quippe quæ est ipsum objectum intentionaliter: vel ergo nullatenus cognoscitur objectum, vel species est necessario ipsi adæquata. Implicat ergo ut falsitas apprehensioni incomplexæ subsit. Eadem ratio evincit falsitatem non inveniri *per se* in apprehensione etiam complexa, quia non est proprie compositio aut divisio.

Quod vero falsitas apprehensioni complexæ subesse per accidens possit breviter probatur. Actus qui est via ad iudicium falsum continet falsitatem saltem inchoative et per accidens. Atqui apprehensio complexa potest esse via ad iudicium falsum. Ergo apprehensio complexa potest continere falsitatem inchoative et per accidens.

Actus qui est via ad iudicium falsum continet falsitatem saltem inchoative et per accidens. Atqui apprehensio complexa potest esse via ad iudicium falsum. Ergo apprehensio complexa potest continere falsitatem inchoative et per accidens.



dens. Declaratur minor. Apprehensio complexa potest esse via ad iudicium falsum dupliciter: uno modo secundum quod intellectus definitionem unius attribuit alteri, ut definitionem circuli homini; alio modo secundum quod partes definitionis componit ad invicem quæ simul sociari non possunt, ut animal rationale quadrupes (1).

**V. — Tertia conclusio. In sensibus non est proprie et formaliter veritas; bene tamen veritas quædam materialis.**

Prima pars conclusionis ex dictis liquet. Veritas proprie et formaliter habetur in facultate cognoscente verum, seu conformitatem cum objecto. Sed, « quamvis sensus proprii objecti sit verus, non tamen cognoscit verum; non enim cognoscere potest habitudinem conformitatis suæ ad rem, sed solum rem apprehendit (2). »

Insuper, ad veritatem perfectam et formalem habendam oportet cognoscere et quidditatem et esse rei. Atqui sensus nec esse nec quidditatem percipiunt, sed tantum accidentia. Ergo veritas formalis sensibus adscribi nequit.

Ostenditur 2<sup>a</sup> pars. Cognitio sensuum fit per speciem propriam, quæ necessario est conformis objecto. Ergo sensus est verus respectu proprii objecti. Præterea, sensus percipiunt accidentia externa et ea renuntiant intellectui. At ipso quod intellectum de accidentibus moneant et certificent, sensus mentem movent ad iudicandum accidentia in aliquo subjecto sustentari. Ergo sub illo respectu iudicium aliquanquam preparant, et ita inclinative et participative veritate quadam gaudere possunt.

**VI. — Quarta conclusio. Veritas aut falsitas perfecta habetur in intellectu componente et dividente, seu in iudicio.**

Probat, evolvendo argumenta jam allata. Arg. 1<sup>um</sup>. Veritas perfecta illa dicitur quæ est perfectio intellectus. Sed perfectio intellectus est verum cognitum. Ergo veritas perfecta est veritas cognita. Sed veritas cognita est in intellectu componente et dividente. Ergo.

Major ex se liquet; declaratur minor. Illud est perfectio in-

tellectus ad quod intellectus tendit tanquam ad terminum et quo habito quiescit. Sed intellectus habet pro intento verum vel cognitum: quamdiu enim verum non cognoscit, quiete non gaudet; et e contra, cum videt se cognoscere verum, plane satietur et delectatur ut in sui perfectiva.

Probat, ultima minor. Cuius veritas sit conformitas intellectus cum objecto, cognoscere veritatem est cognoscere hanc conformitatem, saltem in actu exercito. Sed in iudicio cognoscitur conformitas cum objecto, saltem in actu exercito. Ergo veritas cognita reperitur in iudicio.

Explicatur. Cognosci potest veritas in actu *signato* et in actu *exercito*. In *actu signato*, cum intellectio ordinatur ad percipiendam ipsam conformitatem directe et explicite, ita ut cognitio conformitatis sit terminus intellectionis, quasi diceret intellectus: *Cognosco explicite me esse conformem objecto*. In actu vero *exercito*, cum intellectio directe fertur ad aliud objectum quam ipsam conformitatem, sed ipso exercitio istius actus implicate percipit se esse objecto conformem. Cum dico: *Duo et duo sunt quatuor*, intellectus directe fertur ad affirmandum *illam veritatem*, at ipso exercitio illius affirmationis, implicate deprehendit se esse objecto conformem et æquatum.

Porro, ut omnes movent auctores, sufficit cognoscere conformitatem in actu exercito. Ut enim mens plene quietetur, non necessario debet supra se reflectere, sed sufficit ut rem ipsam esse vel non esse affirmet, et hoc ipso actu cognoscat se esse ipsi rei adæquatam. Hæc autem cognitio conformitatis implicate habetur in omni iudicio. In omni namque propositione intellectus cognoscit conformitatem prædicati cum subiecto. Sed subiectum tenet locum rei, prædicatum vero est forma quam intellectus rei tribuit. Ergo in omni iudicio intellectus percipit formam quam habet de re, ideoque suam cognitionem quæ illi respondet, esse rei conformem. Ergo implicate cognoscit conformitatem suæ cognitionis cum objecto.

Ad plenam huius argumenti intelligentiam, notandum est intellectum quatuor modis posse perlici et rebus conformari: Primo, per speciem intelligibilem, qua recipit in se rei similitudinem, sed nondum rem intelligit. Secundo, per simplicem conceptum quo rei quidditatem apprehendit. Tertio, per pro-

(1) I. P. q. 17, art. III.

(2) Cf. I *Sent.* dist. 19.

positionem apprehensivam quam intellectus format non asserendo nec iudicando, ut contingit in dubitantibus. Quarto, per propositionem iudicativam quam format intellectus asserendo et iudicando, seu iudicando, ut cum assertive pronuntiat: Homo est risibilis. Et tunc primo intellectus est verus formaliter. Nam verum est perfectio intellectus. Porro non censetur intellectus absolute perfectus per solam propositionem apprehensivam, quia per istam rebus non conformatur, sed per iudicium, quia tunc rei conformatur cognoscendo ipsam sicuti est.

Confirmatur. Omnis alia operatio nostri intellectus ad hoc ordinatur ut iudicet de rebus quales sint, quibusdam quaedam tribuenda, quaedam removenda. Ergo tunc solum suam perfectionem assequitur et tunc primo cognoscit et dicit verum, quia per tale iudicium rebus ipsis conformatur (1).

Arg. II<sup>ma</sup>. Veritas magis proprie et principaliter fundatur in esse rei quam in eius quidditate. Atqui iudicium versatur circa esse rei. Ergo iudicium proprie et principaliter habet veritatem. Probatur maior. Veritas fundatur in ente, et in eo quidem principaliter quod est principalis ens. Porro unumquodque dicitur principalis ens ab actu essendi. Ergo veritas principaliter fundatur in actu essendi. Sed quidditas est ens potentiale, ipsum vero esse est ens actuale, seu actus essendi. Ergo veritas magis fundatur in esse rei quam in essentia, seu quidditate. Minor declaratur. Dum apprehensio quidditatem tantum refert, iudicium affirmat rem esse vel non esse. Affirmare autem rem esse vel non esse, est versari circa ipsum esse rei. Ergo iudicium ipsum rei esse attingit.

Hoc argumentum, quoad substantiam, deprompsimus ex D. Thomas (2). « Esse dicitur dupliciter. Uno modo, esse est ipsa quidditas vel natura rei, sicut dicitur quod definitio est oratio significans quid est esse; definitio enim quidditatem rei significat. Alio modo, dicitur esse ipse actus essentiae, sicut vivere quod est esse viventibus est animæ actus... non actus secundus qui est operatio, sed actus primus. Tertio modo dicitur esse quod significat veritatem compositionis in propositionibus, secundum quod est dicitur copula; et secun-

dum hoc est in intellectu componente et dividente quantum ad sui complementum, *sed fundatur in esse rei quod est actus essendi.* »

Falsitas autem, cum opponatur contrarie veritati, invenitur perfecte ubi salvatur perfecte veritas; contrarium enim est eadem ratio. Ergo in operatione in qua inveniri potest plena conformitas, contingere etiam potest plena dissimilitudo cum objecto, seu falsitas perfecta. Hæc autem operatio est iudicium.

**VII. — Veritas est in iudicio tanquam in summo analogato.** Veritas et falsitas dicuntur analogice de sensibus, de apprehensione, de vocibus, de rebus et de iudicio; iudicium quidem est summum analogatum, cætera vero secundaria analogata. Illud quippe est summum analogatum in quo ratio nomine significata invenitur proprie et principaliter; secundaria autem analogata dicuntur quæ rationem nomine significatam habent secundariam et per respectum ad primum. Sed ratio veritatis vel falsitatis salvatur proprie et principaliter in iudicio; in simplici autem apprehensione et in sensu reponitur secundario, in quantum ordinantur ad iudicium; in vocibus vero in quantum sunt signa iudicii veri vel falsi; in rebus demum in quantum possunt progignere iudicium verum vel falsum. Ergo.

#### VIII. — Solvuntur difficultates.

1<sup>o</sup> In Deo est perfecta veritas. Atqui in Deo non est compositio et divisio. Ergo perfecta veritas non invenitur solum in compositione et divisione.

Resp. Dist. min. In Deo non est compositio et divisio, quia ejus simplex intelligentia est altioris ordinis ac nostra apprehensio, et eminenter complectitur omnem perfectionem quæ est in iudicio, concedo; quia est ejusdem ordinis cum nostra apprehensione, nego. Et nego consequ.

Deo adscribi nequit compositio et divisio, quia uno simplicissimo intuitu omnia videt quæ sunt in re; nec indiget diversos conceptus comparare, cum omnia unico conceptu et unica specie comprehendat. Unde ejus simplex apprehensio eminenter complectitur quicquid est in iudicio. At in nobis

(1) Cf. DALLÉZ, in 1<sup>am</sup> P. q. XVI, a. II.

(2) I Sent. Dist. 33, q. 1, act. 1, ad. 1.

ideo apprehensio compositione vel divisione caret, quia mens nondum plene perspicit conformitatem prædicatum subjecto; quapropter in nobis apprehensio est cognitio imperfecta, ideoque inchoate et imperfecte tantum rationem veritatis sustinet.

2<sup>o</sup> Veritas plenius invenitur in actu qui magis excludit falsitatem. Atqui apprehensio magis excludit falsitatem quam iudicium. Ergo veritas magis in apprehensione quam in iudicio reponenda est.

Resp. Dist. maj. Ille actus plenius continet veritatem si magis propellit falsitatem, ratione sue perfectionis, concedo; si excludit falsitatem solum ratione imperfectiōis suæ, quia nempe est incapax veritatis et falsitatis completæ, nego. Contradist. min. et nego consequ.

Ratio cur apprehensio non admittat falsitatem, ex perfectione cognitionis non provenit, sed ex hoc quod apprehensio nihil possit asserere de convenientia prædicati cum subjecto. At nihil posse exprimere de tali convenientia arguit sane imperfectiōem. Ergo, licet iudicium possit facilius privari sua veritate perfecta quam apprehensio sua veritate imperfecta, non inde evincitur veritatem magis proprie in apprehensione reperiri.

3<sup>o</sup> Veritas perfecta est in qua intellectus invenit quietem. Sed intellectus non adipiscitur quietem in iudicio, nam facto iudicio, ulterius inquit. Ergo veritas perfecta non est in iudicio.

Resp. Dist. maj. Veritas perfecta est in qua intellectus adipiscitur quietem vel absolutam vel relativam, concedo; semper absolutam, nego; contradistingui minorem, et nego consequ.

Sufficit ad veritatem perfectam intellectus inveniat quietem respectu rei quam hic et nunc querit. Id autem plene nanciscitur dum elicit iudicium. Postea quidem poterit ad nova iudicia assurgere, nec quiete absoluta gaudebit nisi cum nulla veritas remanebit ulterius addiscenda. Sed hæc quies non requiritur, imo nec possibilis est in presenti statu.

**IX. — De ratione formali veritatis logicæ constitutiva.**  
Ex hucusque explanatis genuina colligitur notio veritatis lo-

gicæ. Nonnulla tamen addenda sunt de formali ratione illius constitutiva. Durandus opinatus est veritatem logicam formaliter consistere in conformitate rei ut cognitæ secum ipsa; Subjectivisti autem in conformitate ipsius cognitionis secum ipsa; Scholastici vero in conformitate seu adæquatione cognitionis cum re, seu conceptus formalis cum objecto.

Prima opinio stare non potest. Veritas quippe logica est veritas imaginis respectu rei representatæ: nam est veritas cognitionis, quæ est assimilatio cum re. Atqui imaginis veritas non in eo reponitur quod res sit secum ipsa conformis, v. g. quod Socrates representatus sit secum ipso conformis; sed in eo quod imago sit conformis cum re, seu quod rem ipsam exacte referat v. g. quod imago Socratem reapse representet. Ergo veritas logica in conformitate rei cognitæ secum ipsa non reponitur.

Errarem autem subjectivistarum passim proligamus. Sufficiat in presenti hæc pauca advertere. Si veritas est conformitas cognitionis secum ipsa, cognitio erit veritatis lons et norma: hinc homo erit dives, sapiens, eo ipso quod percipiat se esse divitem, sapientem: quod tamen non contingere ingemiscunt omnes. Restat ultima sententia. Quæ breviter probatur. Veritas logica, ut diximus, est veritas imaginis cum objecto representato. Atqui veritas imaginis consistit in assimilatione, seu in adæquatione et convenientia intentionali cum objecto. Ergo veritas logica est assimilatio seu convenientia intentionalis, seu adæquatio actus cognoscitivi cum objecto cognito. « Veritas intellectus (seu veritas logica), ait Angelicus, est adæquatio intellectus et rei, secundum quod intellectus dicit esse quod est, vel non esse quod non est (1) ».

Veritas igitur logica est ipsa cognitio ut rei adæquata. Non addit cognitioni novam entitatem, nam cognitione eadem realiter permanente, si res mutetur, sit affirmatio falsa quæ prius erat vera. Attamen addit connotationem conformitatis ad objectum: non importat solum cognitionem, sed omni cognitioni conveniret veritas, sed cognitionem reduplicative ut rei conformem et adæquatam. Quo pacto veritas logica est realis

et positiva cognitionis perfectio, non quidem tanquam nova entitas cognitioni adlita, sed in quantum dicit cognitionem positive conformem suo perfectivo, quod est objectum.

Porro hæc conformitas quæ veritatem proprie et formaliter constituit est conformitas intellectus componentis et dividendis cum objecto, ut supra ostensum est. Quare forma veritatis logicæ proprie, perfecte et ultimate constitutiva est conformitas iudicii cum re. De veritate rerum alibi disseritur (1).

**X. — De ipsa adæquatione.** Adæquatio intentionalis in qua consistit veritas formalis non est inter ipsum intellectum etiam specie impressa informatum et rem, nam hoc modo intellectus non est actu cognoscens; neque etiam inter ipsam operationem, aut verbum intellectus, et rem, cum res interduum sit materialis, intelligere vero et verbum sint immaterialia. Restat igitur ut adæquatio sit inter actum quo intellectus iudicat rem illa se habere sicut est forma quam de re apprehendit, et ipsam rem prout in se est (2).

Quamvis adæquatio illa non sit physice aut mathematice, sed intentionaliter tantum, æstimanda, semper tamen intellectus et res debent æquari in ordine representativo. Fac velim cognitionem non esse rei omnino adæquatam in representanda, jam habes rem ex parte tantum cognosci. Ergo intellectus non attingit perfectam illius veritatem, sicut imago quæ non adæquat exemplar non est perfecte vera. Sicut igitur in tantum est imago vera in quantum objecto representando adæquatur, ita cognitio in tantum reputabitur vera in quantum rebus assimilatur et adæquabitur, illas referendo sicut revera sunt. Semel admissa veritatem cognitionis esse veritatem imaginis, illico innotescit thomisticæ definitionis legitimitas. Veritas est adæquatio intentionalis inter intellectum et rem, quemadmodum imago est adæquatio in representando inter ipsam imaginem et rem representatam.

**XI. — Quid sit res cui intellectus dicitur adæquari.** Nominis rei hic intelligimus vel objectum *actuale* vel objectum

*ideale*. Respectu quidem existentium veritas est adæquatio intellectus cum re actuali, in natura existenti; respectu vero idealium veritas est adæquatio intellectus cum re secundum essentiam considerata, abstrahendo ab existentia. Sic, quum dico: Triangulus habet tres angulos, veritas cognitionis non exposcit ut de facto existat triangulus, sed ut cognitio mea sit conformis essentiæ illius rei, quatenus ego asseram triangulo competere tres angulos et de facto essentia trianguli sit tres habere angulos. Semper ergo veritas est adæquatio cum re; sed quandoque est adæquatio cum re actuali, quum dico rem existere et de facto existit: *Christus resurrexit, Pius X est Papa*; quandoque est adæquatio cum re ideali, quum dico hanc esse rei essentiam et de facto hæc est rei essentia: *Linea recta est inter duo puncta brevissimum iter*. Licet nullam realitatem in natura haberet linea recta, verum esset illius essentiam importare quod sit omnium brevissima. Intellectus ergo erit rei adæquatus, si ita esse affirmat illius essentiam.

(1) Ont. Tract. II, q. I. art. iv.

(2) Cf. I. P. q. 16. a. 2.

## QUÆSTIO SECUNDA

## De veritatis existentia.

Circa veritatis existentiam tria sunt expendenda: Primo, quid sit sentiendum de scepticismo universali absoluto; secundo, an in veritatis existentia inquirenda uti liceat scepticismo universali hypothetico; tertio, an uti liceat saltem scepticismo partiali hypothetico seu dubio methodico.

## ARTICULUS PRIMUS

## DE SCEPTICISMO UNIVERSALI ABSOLUTO

I. — Dogmatismus et scepticismus. Innatum est nobis veritatis et certitudinis desiderium; certitudo enim generi humano ad vitam cum privatam tum sociale[m] necessaria omnino est. Natura porro in necessariis non deficit; quare in animo nostro quasi inserta est firma et invincibilis persuasio quarundam veritatum de quibus dubium movere non possumus, nisi naturæ nostræ violentiam inferamus. Philosophus hanc primitivam certitudinem supponere debet, nunusque habet illius fundamenta inserustari, et rimari. Qui ergo tenent dari veræ certitudinis fundamenta, certitudinemque nullis posse destrui argumentis, dicuntur *Dogmatici*, (δογματιζῶν). Juxta ipsos certitudinis existentia est factum naturale quod

non debet demonstrari, quia est evidentissimum et supponitur seu fundamentum omnis demonstrationis: quod nec potest impugnari, quia eo ipso quod impugnatur, affirmatur. Nam qui serio impetit certitudinem, implicite ponit se vera et certa proferre.

Dogmatismo opponitur *Scepticismus*. In principio, sceptici, (græce, σκεπτικῶν, a radice σκεπτομαι) id est, *observatores*, *inquisitores*, non erant illi qui certitudinem impetebant, sed qui existimabant veritatem aut ipsam non fuisse adinventam et comprehensam, et ideo totum studium impendebant ad veritatem et certitudinem, querendam, observandam. Unde gloriabantur se esse *observatores*, *consideratores*, (σκεπτικῶν). Postea, translatum est nomen ad eos designandos qui statuunt philosophi quidem esse veritatem et certitudinem inquirere, sed nunquam posse ab ipso certitudinem obtineri. Sceptici itaque dicuntur qui certitudinem scientificam inveniuntur.

II. — Scepticismi brevis historia. Scepticismi viam paravit schola *Naturalistica*. Cum enim primi philosophi causas materiales tantum agnoscerent, et cum res materiales in perpetuo sint fluxu, sequelatur non dari cognitionem firmam, necessariam, certam. Hujus erroris patroni fuerunt Heraclitus, Cratylus, Empedocles, Democritus.

Scepticismo locum dederunt Sophistæ, Protagoras et Gorgias, qui tenebant cognitioni nostræ nihil objectivi respondere, sed solum representationes mere subjektivæ.

At scepticismi proprie dicti propugnatores fuerunt Pyrrhonistæ et Academici. Scepticismus *pyrrhonicus*, seu *absolutus*, statuit nihil cognosci aut percipi posse. Pyrrho ejusque sequaces concelebant quidem cognosci rerum apparentias, phænomena, sed asseriebant naturam rerum esse menti nostræ inaccessam et inaccessibilem. Et hoc Pyrrho probare conatus est decem argumentis, desumptis ex parte subjecti cognoscentis, ex parte objecti cogniti, et ex relatione inter utrumque. Cum ergo nihil de objectivitate reali constet, mens debet suum assensum cohibere vel saltem suspendere. Pyrrhonicum autem scepticismum defendendum susceperunt

Timo, Anesidemus; postea Sextus Empiricus, qui scepticismi placita in systema redegit, et insignis habetur inter Scepticos.

Scepticismus *academicus* est aliquantulum *temperatus*. Triplex, ut nolum est, fuit Academia. Prima sub Platone; secundae parens est Arcesilaus, tertiae vero fundator est Carneades (A. C. 215-125). Arcesilaus opinatus est nihil esse quod a nobis sciri possit. Quae quum ita sint, in eligendo bono et reprobando malo sufficit majorem sequi probabilitatem; in ceteris vero debemus assensum exhibere. Carneades vero adhuc doctrinam istam temperavit, admittens verisimile et probabile a nobis posse haberi, quae probabilitas sufficit ut vita philosophi scite regatur.

Ab hac luctuosissima peste Christianismus humanam mentem liberavit, et, diffusa Ecclesia per orbem, scepticismus in oblivione fuit fere sepultus. Sed, facta separatione inter Philosophiam et Theologiam, perturbatis verae Philosophiae notionibus, peracta etiam protestantica rebellione, iterum redi-vivus apparuit scepticismus. Celebriores patronos ab hoc tempore habuit Montaigne, Charron, Sanchez; postea Bayle. Hume; nec tali delirio aetas nostra immunis fuit. Transcendentales etiam Germani aliam speciem scepticismi inluxerunt, qui *Criticismus* est appellatus. Negant certitudinem naturalem et contendunt per criticam rationis purae effici et creari certitudinem.

Scepticismo ansam plus minusve praebent illi omnes qui insiciuntur doctrinam scholasticam de unione animae cum corpore. Num qui tenent solam animam esse de hominis essentia ad subjectivismum idealisticum facile confugiunt, docentes cognitione nostra directe attingi solum modificationes subjecti cogitantis; qui vero animam negant, vel intellectum cum sensu confundunt, ut Empiristae, Sensistae, Materialistae, autumant a nobis cognosci directe nostras sensationes tantum, seu modificationes sensuum. At, si directe attingimus solum nostras modificationes sive intellectivas sive sensitivas, qua ratione constabit de objectiva rerum existentia? Hinc via et lapsus in dubium universale.

**III. — Scepticismi causae.** Aristoteles duplicem assignat scepticismi causam: primam debilitatem et ignorantiam intellectus, qui non potest sophistarum cavillationes solvere, et indecirco anceps haeret; alteram vero proturviam mentis; multi quippe vel superbiae et ostentationis, vel etiam, quod frequenter accidit, quæstus causa, subvertere conati sunt quae inconcussa apud omnes habentur.

Addi potest tertia causa respectu moderni scepticismi: videlicet, insensum divinæ revelationis odium. Cum enim christiana fides certitudine veritatum aeternarum hominem a materialibus et corporeis voluptatibus deterreat, et mentem ad spiritualia attollat, impii homines, ut secum pace vitiis indulgerent, lidem convellere convellendo fundamenta certitudinis totis viribus aggressi sunt.

**IV. — Scepticismi divisio.** Scepticismus definitur: *Systema negans aliquod legitimum certitudinis motivum, vel omnia simul*. Duplex ergo est: *universalis*, qui in dubium vertit omnia certitudinis principia, *particularis*, qui unum vel alterum tantum motivum rejicit. Iste vero iterum subdividitur secundum diversa motiva quae in dubium vertuntur. Dicitur *subjectivus*, si respuit certitudinem subjectivam; *objectivus*, si negat realitatem nostrorum conceptuum objectivam; *empirismus*, si, non rationis principia, sed tantum experientiam admittit; *idealismus*, si veracitatem sensuum insiciatur; *rationalismus*, si revelationis auctoritatem rejicit; *fideismus*, si rationis vim non agnoscit; *historicus*, si humani testimonii in rebus facti auctoritatem contemnit. De universali scepticismo in praesenti est sermo, de ceteris agetur cum vim singulorum criteriorum stabiliemus.

Scepticismus universalis dicitur *absolutus*, si quis ideo dubitat ut in dubio remaneat; *hypotheticus* vero, si dubium ad hoc solum inducitur ut inde rectior et facilius habeatur ratio ad philosophandum et ad certitudinem firmiter adstruendum.

**V. — Principia scepticismi absoluti.** Praesens disputatio est de scepticismo universali absoluto. Hic duplici principio

nilitur. Primum est : ratio non potest suam probare veracitatem ; hinc omnis affirmatio rationis est gratuita. Quod non possit probare, constat. Ut enim ratio suam probet veracitatem, seipsa utitur. At non potest recte seipsa uti, nisi supponat seipsam veracem. Ergo non probat, sed supponit suam veracitatem. Est igitur petitio principii, seu ἀλλολεξία, in hoc consistens quod unum per alterum, seu idem per idem probetur. Quam objectionem ita expressit Montaigne: « Pour juger des apparences que nous recevons des objets, il faudroit un instrument judiciaire. Pour vérifier cet instrument, il nous faut de nouveau un instrument : nous voilà au rouet ». Secundum principium : ratio ex sua natura insolubiliter subjacet contradictionibus seu antinomis, quod clarissime constat ex Philosophiæ historia in qua videmus sapientes contradictoria docuisse.

Ad confutationem hujus pestiferæ doctrinæ sit :

**VI. — Prima conclusio.** Scepticismus ita absurdus est ut propugnari non possit quin eo ipso impugnetur. Vel scepticus agnoscit aliquem sensum in verbis quæ adhibet, vel nullum. Si nullum, jam actum est de defensione sui systematis ; nec quidquam in favorem suæ sententiæ probare, nec quidquam contra nos objicere valet. Est igitur omnino impotens tam ad se defendendum tam ad alios impugnandos. Nec gloriari potest scepticus se esse irrefutabilem. Nam qui nihil affirmat nihil habet quod sit refutandum. Sed scepticus, si nullum agnoscit in vocibus sensum, nihil affirmat. Ergo nihil profert quod refutandum sit.

Si vero determinatum sensum prolitetur in verbis quæ adhibet, sic contra ipsum arguimus : Qui agnoscit in determinato verbo determinatum sensum, eo ipso confitetur hoc verbum et hunc sensum a suo contradictorio distingui. Sed hoc admittere est asserte principium contradictionis. Ergo scepticus non potest serio veritatem principii contradictionis impugnare quin ipso facto illam proliteatur.

Verum pressius adhuc urgemus scepticum. Ut agnoscat determinatum sensum in vocabulo, debet fidere suæ rationi quæ sensum intelligit, suæ loquelæ quæ vocabulum profert,

his auribus quæ vocabulum audiant. Ergo, eo ipso quod scepticus serio propugnet suum assertum, admittit veracitatem suæ rationis, veracitatemque sensuum, ideoque impugnat suum principium : *De omnibus est dubitandum*.

Iterum potest scepticus ad silentium cogi hoc modo : Vel conscius est sui dubii vel non. Si dubii conscientiam non habet, non potest dicere : *Dubito*, et tunc evanescit scepticismus. Si autem conscius est sui dubii, ergo admittit se existere, se habere conscientiam et conscientiam esse veracem ; pariter, agnoscit dubitare et non dubitare non esse idem, quod est profiteri principium contradictionis. Sicque actum est de principio scepticorum : *De omnibus est dubitandum*.

Si dicat scepticus : Nescio num habeam conscientiam mei dubii, reponimus : Quid est nescire ? Habesne conscientiam te nescire ? Habesne conscientiam te dicere : Nescio ? Si intelligas quid sit nescire, jam aliquid agnoscis. Ad rem Augustinus : « Omnis qui se dubitantem intelligit, verum intelligit, et de hac re quam intelligit, certus est ; de vero igitur veritas est. Omnis igitur qui utrum sit veritas dubitat, in seipso habet verum unde non dubitet, nec ullum verum nisi veritate verum est. Non itaque oportet eum de veritate dubitare qui potuit undecumque dubitare » (1).

Ex quo eruitur :

**VII. — Secunda conclusio :** Scepticismus, ut factum et ut doctrina, est impossibilis (2). Scepticismus ut factum est status mentis in quo quis vere et serio propugnaret de omnibus esse dubitandum, nullo omnino excepto. Atqui, ut constat ex dictis, hic status mentis est impossibilis ; non enim potest scepticus serio propugnare suum assertum nisi admittat sensum in vocibus, ideoque suam existentiam, suam rationem, principium contradictionis, etc... Ergo scepticismus ut factum est impossibilis.

Eadem ratio evincit scepticismum ut doctrinam esse impossibilem. Illa enim doctrina implicat quæ eodem actu

(1) *De Vera Relig.* Cap. xxxvi.

(2) Cf. Pesch, *Instit. Logic.*, n<sup>o</sup> 576 et seqq.

punit in ipsum quod intendit tollere. Atqui scepticus eo actu qui intendit tollere omnem certitudinem ponit certitudinem, saltem circa suam existentiam, suam conscientiam, sensum verborum quæ adhibet, etc... Ergo scepticismus ut doctrina omnino est impossibilis.

**VIII. — Tertia conclusio :** Scepticismus naturæ adversatur, reddit vitam impossibilem, moralitatem evertit. Hæc conclusio ponenda non est primo loco contra scepticos, qui nec naturam nec moralitatem admittunt ; sed incipiendum est ab argumentis quasi ad hominem, quæ adversarium ad silentium cogunt ; postea vero si rationalis efficitur, additur hoc ultimum argumentum ; si autem in sua protervia remanent, hæc thesis erit ad eos instruendos qui sanæ sunt mentis.

Probatur I<sup>a</sup> pars conclusionis. Natura toto suo impulsu tendit ad scientiam ; quod implicite fatentur sceptici, dum se ad philosophandum convertunt. Atqui de omnibus dubitare est sibi præcludere viam ad scientiam. Ergo de omnibus dubitare est naturæ impulsui adversari. Probatur minor. Dubitatio est sicut vinculum corporale ad corpus et eundem effectum demonstrat... Sicut enim ille qui habet pedes ligatos non potest in anteriora procedere secundum viam corporalem, ita ille qui dubitat non potest ad anteriora procedere secundum viam speculationis. Imo, qui dubitat de omnibus peioris est conditionis quam qui habet vinculum corporale. Vinculum enim corporale potest removeri ; sed dubium universale est vinculum quod nullatenus removeri potest ; quidquid enim removeret ipsum esset aliquod principium expellens dubitationem. Sed in dubio absoluto nullum superest principium (1). Ergo.

Ostenditur II<sup>a</sup> pars. Ut vita possibilis sit, homo debet admittere ipsam vitam, suasque facultates, ipsis subire, ipsis uti ; ut vitam socialem agat, debet cum cæteris conversari, ideoque sensum agnoscere in suo sermone, etc. Sed scepticismus absolutus nec vitam, nec facultates, nec sensum in vocibus profitetur. Ergo scepticismus vitam reddit impossibilem.

(1) Cf. S. THOMAS, III *Metaphys.*, lect. I.

III<sup>a</sup> pars etiam liquet. Scepticus non excludit a suo dubio conscientiam, libertatem, hominum et multum, Dei existentiam, etc... Sed sine conscientia et libertate, sine boni et mali notionem nulla concipitur moralitas. Ergo.

**IX. — Solvuntur difficultates.** 1<sup>o</sup> Optimum est systema quod est irrefutabile. Atqui scepticismus est irrefutabilis. Ergo est optimum philosophandi systema.

Resp. Disting. maj. Optimum est systema quod est irrefutabile propter motiva quæ affert, concedo ; quia nihil profert quod sit refutandum, nego. Contradist. min. Scepticismus est irrefutabilis propter motiva quæ affert, nego ; quia nihil asserit quod sit refutandum, concedo ; et nego consequ.

Hæc objectio præoccupata est. Vel scepticus sensum admittit in vocibus, et jam conlutationi subijcitur ; vel nullum sensum agnoscit, et tunc nihil affirmat, nihil revera objicit nihilque profert quod sit refutandum.

2<sup>o</sup> Nihil admitti potest ut certum nisi sit probatum. Sed prima principia non sunt probata. Ergo admitti non possunt ut certa ; et consequenter omnis affirmatio rationis quæ ipsis nititur gratuita omnino est.

Resp. Dist. maj. Nihil admitti potest ut certum nisi sit demonstratum, si indigeat demonstratione, concedo ; si non indigeat, nego ; contradistincta minore, nego conclusionem. Quemadmodum ut cognoscatur lucem distingui a tenebris, non requiritur aliud nisi lux ipsa, ita, ut certificemur prima principia esse certa, non aliud postulatur nisi ipsa lux quæ ipsis inest. Sicut homo, apertis oculis, non potest non videre esse diem, ita intellectus non potest non percipere prima principia esse certa.

Quare argumentum *ἐκ αὐτῆς* nihil cogit, nam ratio alio principio non indiget, sed ipsa seipsam manifeste probat, sicut lux seipsa ponitur.

*Instabis.* Ratio dum se probat, se supponit. Ergo omnis affirmatio rationis est gratuita.

Resp. Distinguo antecedens. Se supponit gratuito et cæco modo, nego ; se supponit, quia liquido videt seipsam poni, eo ipso quod agat, concedo ; et nego consequentiam. Ratio



clum videt se agere, videt seipsam poni. Id autem non est supponere se gratuito, sed aliquatenus se probare suo ipso actu : potius ergo se ponit et se probat quam se supponit.

3<sup>o</sup> Esto ratio videat se poni suo actu, non tamen potest sibi fidere. Nam nulla fallibili debetur fides. Atqui ratio est fallibilis. Ergo.

Resp. Dist. maj. Fallibili per se nulla debetur fides, concedo ; fallibili per accidens, nulla debetur fides subdist ; circa ea in quibus fallitur, concedo ; circa omnia, negn. Contradist. min. : Ratio est fallibilis per se et circa omnia, nego ; per accidens et quoad aliqua tantum, concedo. Ergo rationi nulla debetur fides circa quorundam in quibus apparet ipsam errasse, concedo ; circa omnia, nego.

Instabis : Atqui ratio est per se fallibilis, quod sic ostenditur. Illud est per se fallibile quod est fallibile natura sua. Atqui ratio est fallibilis natura sua. Ergo.

Resp. Ad probationem subsumpti, dist. maj. Illud est fallibile per se quod est fallibile natura sua, hoc sensu quod natura sua ordinetur necessarii ad errorem, concedo ; quod est fallibile natura sua, hoc sensu quod a natura sua habeat solum ut possit falli, nego. Contradist. min. Ratio a natura sua habet ut possit falli, concedo ; natura sua ordinatur ad errorem, nego ; et nego consequ.

Ratio humana est natura sua fallibilis in potentia, quatenus natura permittit ut ratio possit deficere a vero, quo sensu dicitur : *Errare humanum est*. At natura sua ratio non ordinatur ad errorem, alioquin error in ipsam naturam Anchoram refunderetur ; sed natura sua ratio tendit ad suam perfectionem quæ est veritas. Ergo ratio per se ad veritatem fertur. Tendentia autem nature non potest universaliter deficere. Ergo necesse est ut circa quorundam ratio veritatem adipiscatur.

4<sup>o</sup> Saltem ratio fallitur per accidens. Atqui timendum est ne fallatur per accidens circa omnia. Ergo debemus semper rationi diffidere. Prohatur minor. Quando ratio fallitur non videt se falli. Ergo potest falli semper quin hoc deprehendat. Ergo timendum est ne semper fallatur, licet per accidens.

Resp. Nego min. Repugnat ut id quod est per accidens et præter naturam semper accadat, et id quod est secundum na-

turam nunquam contingat, quia tunc natura foret destructa. Ergo repugnat ut ratio, quæ natura sua ordinatur ad veritatem semper in errorem delabatur. Ad probationem vero minoris, distinguo antecedens : Cum ratio fallitur non agnoscat se falli, directe et explicitè, concedo ; non potest cognoscere aut suspicari fallaciam sui discursus vi cuius in errorem inducitur, nego.

Cum enim ratio fallitur, id evenit vel quia falsis principiis nititur, vel quia illegitima est illatio ex veris principiis. Potest autem ratio videre, aut saltem suspicari, falsitatem principiorum vel illegitimitatem illationis. Unde, cum fallitur, potest suspicari se falli. At, cum evidenter perspicit se nullam posse suspicari in suo actu deceptionem, certa omnino est se non falli. Quamvis igitur non videat se falli cum fallitur, videt tamen perspicere in multis casibus se non falli, imò nec falli posse, si agitur de principiis per se notis.

5<sup>o</sup> Historici testatur sapientes diversa et contraria docuisse. Ergo ratio nature sua antinomias et contradictionibus subiacet ; hinc nullam meretur fidem.

Resp. Distinguo antecedens. Sapientes contradictoria docuerunt circa conclusiones non per se notas, concedo ; circa principia per se evidentia, nego ; et negn. consequ. Philosophi et quique sapientes nunquam divisi fuerunt circa veritates per se evidentes ; si qui forte hæc principia in dubium vertuerunt, id non fuit ex intima persuasione, sed ostentationis vel questus causa (1).

6<sup>o</sup> Optimum est systema quo omnis error cavetur. Atqui scepticismo, quo assensum cohibemus circa omnia, omnis error cavetur. Ergo.

Resp. 1<sup>o</sup> Potest negari minor. Quamvis enim dubium in se non sit error aut veritas, includere tamen potest errorem, si mens admittat cum motiva dubitandi quæ revera non sunt motiva. Ostensum est autem nullum esse motivum de omnibus dubitandi ; quare huiusmodi dubium approbare est maximum profiteri errorem.

(1) « Je mets en fait qu'il n'y a jamais eu de Pyrrhonien effectif parfait. La nature soutient la raison impuissante et l'empêche d'extravaguer jusqu'à ce point ». PASCAL, *Pensées*, n. 32.

Resp. 1<sup>o</sup>: Distinguo majorem: Optimum est systema quo omnis error cavetur, per assecutionem veritatis, concedo; praecludendo viam ad veritatem, nego. Contradistinguo minorem et nego conclusionem. Suspendere assensum ne error admittatur est agere sicut medicus qui timens ne ægrotum lædat, ipsum mori sineret; aut sicut stultus qui, ut venenum vitaret, ab omni cibo et potu abstineret (1).

(1) Consuli possunt PLATO, *Gorgias*, *Sophista*; D. THOMAS, in. III *Metaph.*, loc. 1; PASCAL, *Pensées*, n. 32, et opusc.: *Qu'il y a des certitudes d'un autre ordre et aussi complètes que celles de la géométrie*; SAISSET, *Le Scepticisme*; PAUL JANET, *Traité de Philosophie, Métaphysique*, c. II; ROBERT, *La certitude et les formes récentes du scepticisme*; OLLÉ-LAFRONT, *La certitude morale*; ANCELON, *Essai sur le Scepticisme*; VALLET, *Kantisme et Positivisme*, etc.

## ARTICULUS SECUNDUS

### DE SCEPTICISMO HYPOTHETICO

1. — **Exponitur dubium cartesianum.** Dubitare de omnibus absolute constat esse absurdissimum; sed dubitare de omnibus hypothetice et ad tempus, ut inilo, positis novis principiis, veritas evidenti et inconcussa certitudine polleat, estne philosophia indignum? Putavit Cartesius talem dubitationem esse methodi initium omnisque veræ Philosophiæ fundamentum. Fingens se ab aliquo genio maligno illusum, statuit omnia esse in dubium revocanda, ne exceptis quidem primis principiis per se notis. De his quidem quæ sensuum testimonio nituntur dubitetur oportet, quia constat sensus quandoque falli; de veritatibus etiam rationalibus et mathematicis dubium moveri debet, quia in his plures errant; omnibus tandem cogitationibus debemus diffidere, quia in somniis similia experimur. Omnes ergo nostræ cognitiones in dubium revocandæ sunt, perinde ac si magis veræ non sint quam somniorum illusiones. Sed, dum de omnibus dubitare conatur, animadvertit fieri non posse ut ipse, qui dubitat et cogitat, non sit. Unde hæc veritas: *Cogito, ergo sum*, ita est inconcussa, et ab omnibus scepticorum impugnationibus secunda, ut possit tanquam primum Philosophiæ principium accipi. Quo admissio extrui poterit totum scientiæ ædificium. En Cartesii verba: « Je rejetai comme fausses toutes les raisons que j'avais prises auparavant pour démonstrations; et enfin considérant que toutes les mêmes pensées que nous avons, étant éveillés, nous peuvent aussi venir quand nous dormons, je résolus de feindre que toutes les choses qui m'étaient jamais entrées en l'esprit n'étaient non plus vraies que les illusions

de mes songes. Mais aussitôt après je pris garde que pendant que je voulais ainsi penser que tout était faux, il fallait nécessairement que moi qui le pensais fusse quelque chose; et remarquant que cette vérité : « Je pense, donc je suis », était si ferme et si assurée que toutes les plus extravagantes suppositions des sceptiques n'étaient pas capables de l'ébranler, je jugeai que je pouvais la recevoir sans scrupule pour le premier principe de la Philosophie que je cherchais (1) ».

Quarant auctores utrum dubitatio cartesiana fuerit realis an fictitia. Præcitata verba immutasse reulem. Idem prius asseruerat Cartesius : « Commencant à ne compter pour rien mes propres idées, à cause que je les voulais remettre à l'examen, j'ai jugé qu'il falloit entreprendre sérieusement une fois en ma vie de me débarrasser de toutes mes opinions (2) ».

Quibquid sit, non licet insinuare Cartesium impietatis et scepticismi, cum ipse a suo dubio expresse excludat veritates fidei, et solum instituat dubitationem ut facilius scepticis refellere possit. Non intentionem Auctoris, sed solum doctrinam impugnamus. Cæterum, licet putaverit Cartesius se realiter de omnibus dubitare, non potuit tamen, cum dubitatio universalis sit omnino impossibilis. Vide infra n° V.

II. — Prima conclusio. Methodus cartesiana præcludit omnem viam ad philosophandum.

Probatur. Dubitare hypotheticæ de omnibus est admittere ad tempus scepticismum universalem. Atqui admissio vel ad momentum scepticismi universali, præcluditur omnis ad philosophandum via. Ergo. Argumentum liquet ex refutatione scepticismi absoluti. Qui enim dubitat de omnibus, in instanti quo dubitat nescit se habere conceptus, se adhibere verba, aut sua verba et suos conceptus aliqua gaudere significatione; nescit quid sit cogitare, existere, etc.; non ergo intelligit principium : *Cogito, ergo sum*. At nisi intelligantur verba, conceptus, principia, impossibile omnino est progredi in inquisitione veritatis, dubitatio enim est vinculum intellectus. Ergo semel admissio scepticismi hypothetico cartesiano,

(1) *Discours de la Méthode*, quatrième partie.

(2) *Ibid.*, troisième partie.

etiam ad momentum, impossibile est ab illo exire, et præcluditur omnis ad veritatem calles.

III. — Secunda conclusio : Methodus cartesiana contradictionibus implicatur. Cartesius eodem instanti quo admittit ut certum principium : *Cogito, ergo sum*, in dubium revocat ipsam rationem et principium contradictionis. Atqui principium *Cogito, ergo sum* exposcit veritatem rationis et veritatem principii contradictionis. Ergo Cartesius contradictionem inducit admittendo suum assertum et dubitandi de ratione et de principio contradictionis. Prob. min. Ut Cartesius admittat suum assertum, supponere debet suos conceptus sensu quodam gaudere, seque hunc sensum assequi. Porro facultas quæ conceptus efformat et verborum significationem intelligit est ipsa ratio. Ergo non potest proliteri suum principium quin eo ipso rationem admittat. Pariter, ex facto *Cogito* non potest inferri : *ergo sum* nisi concedatur impossibile esse ut aliquid cogitet et non sit, ut aliquid sit et non sit. Sed hoc est ipsum principium contradictionis. Ergo asserto cartesiano præsupponitur contradictionis principium. Unde, si dubium est principium : *Impossibile est idem esse et non esse*, dubium evadit : *Impossibile est cogitare et non cogitare; impossibile est cogitare et non esse*.

Ergo repugnantia profert Cartesius suum assertum admittendo, et rationem ac principium contradictionis in dubium revocando.

Arg. alterum. Quum idem motivum pro multis valet, non potest philosophus absque inconsequentia unum assumere, altero rejecto. Sed motivum quo assentimur conscientiæ, idem æque valet pro cæteris facultatibus: omnes enim sunt a Deo nobis inditæ ut proprium objectum attingant. Si una accipitur ut verax, quidni cæteræ? Ergo inconsequenter procedit Cartesius testimonium conscientiæ circa factum *Cogito* admittendo, cæterarum autem facultatum testimonium rejiciendo.

Certus quippe nemo est se cogitare nisi inconcensam teneat hanc veritatem : Conscientia mea est verax. Sed conscientia quæ lactum intellectivum ut cogitationem refert est

conscientia intellectiva, seu ratio. Ergo nisi velit Cartesius in manifestum prolabi contradictionem, debet vel rationis admittere testimonium, vel nullatenus conscientiae fidere, quo casu nescit se cogitare.

**IV. — Tertia conclusio. Principium : Cogito, ergo sum per se solum nihil probat.**

Vel assumitur per modum enthymematis, vel tanquam propositio immediata qua affirmatur existentia ut manifestata per presentem cogitationem ; vel tanquam luctum experimentale subjectivum. Sed in nulla casu principium illud per se solum probat. Ergo.

Si primo modo accipitur, petitio inarritur principii. Petitio enim est principii ponere in antecedente ipsa existentia de qua periclitari queritur, seu affirmare id quod est probandum. Sed in antecedente *cogito* ponitur ipsa existentia quae est probanda. Qui enim enunciat : *cogito* directe asserit : *sum cogitans*. Est igitur petitio principii concludere : *ergo sum*.

Unde ipse Cartesius in responsionibus ad obiecta fassus est suum principium non esse per modum enthymematis accipiendum.

Si autem assumitur ut propositio immediata, nihil valet sine principio contradictionis. Nam, si dubium est principium : *Impossibile est idem esse et non esse* ; dubium erit : *Impossibile est cogitare et non esse*.

Si demum assumitur ut factum internum experimentale, assignari nequit ut fundamentum totius certitudinis. Hoc enim modo est aliquid ordinis subjectivi. Sed ex ordine pure subjectivo ad obiectivum non fit gradus, nisi aliquid aliud addatur. Sicut namque nihil extra genus suum agit, ita nihil per se solum potest suum proprium ordinem transire. Ergo, si habetur solum principium *Cogito ergo sum*, perpetuo in ordine subjectivo versabimur, nec ulla comparabitur certitudo obiectiva.

Ex illa etiam methodo resultare possunt pericula in fide, quatenus vult Cartesius nullam haberi traditionum rationem, nihilque esse admittendum nisi in idea clara contineatur, quod affine est principio liberi examinis a Protestantibus inducto

**Quarta conclusio : Dubitatio cartesiana sive ut doctrina sive ut factum est prorsus impossibilis.**

Dubitare hypothetice de omnibus est admittere ad tempus scepticismum universalem. Atqui scepticismus universalis, sive ut doctrina sive ut factum, impossibilis omnino est, ut ostendimus art. praeced. Ergo dubitatio cartesiana impossibilis est. « Descartes a mal lu dans sa conscience, lorsqu'il s'est imaginé qu'il pouvait douter que deux et deux pussent faire autre chose que quatre, qu'un carré pût avoir plus ou moins que quatre côtés... Le doute est possible en présence de toute proposition dont l'évidence n'apparaît pas immédiatement à l'esprit ; mais l'évidence immédiate, soit d'ordre idéal, soit d'ordre réel, rend le doute physiquement impossible et nécessaire l'assentiment de l'esprit » (1).

**Quinta conclusio : Absurda est hypothesis genii maligni, qui perpetuo nos illuderet.** Deluisset Cartesius, qui Dei existentiam noluit in dubium revocare, animadvertere imprimis non posse a Deo permitti ut genus humanum a malo ingenio universaliter decipiatur. Admissa igitur interim facultatum veracitate, oportebat deinde facultates ex actibus propriis dignoscere, inquirere nempe utrum in operationibus cognoscitivis deprehendatur ille pravus genius cujusvis intervenus. Comperisset autem ex actuum analysi facultates aptas esse quae proprium obiectum percipiant et exacte referant nec ullatenus a genio illo decipi. Eo ipso enim quod facultas agit, ponit et probat se esse aptam quae cognoscat (2).

(1) D. MERCIER, *Critériologie*, n° 44.

(2) CONSILI POSSUNT CARTESIUS, *Discours de la Méthode* ; ROYER-COLLARD, *Critique de Descartes* ; BALMÈS, *Philos. fondament.*, lib. I, et *Le Protestantisme et le Catholicisme*, tome I, c. III ; MERCIER, *Critériologie*, lib. II, c. I, n. IV.

## ARTICULUS TERTIUS

## DE DUBIO METHODICO

I. — **Quid dubium methodicum.** Ex dictis constat dubitationem scepticam, sive absolute sive hypotheticæ, repugnare. Sed utiliter queri potest an repugnet omnis dubitatio methodica. Dicitur verò dubium methodicum : *Suspensio iudicii circa ea quæ dubitabilia sunt, donec veritas menti innotescat.* Differt multipliciter a dubio sceptico. 1° Dubium scepticum est universale ; methodicum autem est circa ea solum quæ sunt dubitabilia. 2° Scepticum præcludit viam ad veritatem ; methodicum vero instituitur quæ rationabilior præretur ad veritatem viam. 3° Scepticum est incurabile et definitivum, methodicum autem est transitorium, quod expellitur facta veritatis luce.

Dubium methodicum dividitur in *reale* et *factitium*. *Reale*, est quum de facto suspenditur iudicium ; *factitium* vero, quum mens retinet assensum firmum veritati, ipsam tamen in questionem adducit et probare instituit, haud secus ac si de illa dubitaret.

II. — **Conclusio.** Dubitatio methodica philosopho utilis est et necessaria, modo intra debitos limites contineatur.

Prohatur. 1° *Dubitatio excitat mentem ad investigandum.* Mens quæ de nullo scit dubitare quasi in somno torpet ; nihil investigandum aggreditur, cum nihil sit de cuius solutione anxia sit. Econtra, statim ac dubitat, deprehendit difficultatem esse cuius solutionem non habet ; porro hæc est natura intellectus ut quamdiu plenam difficultatis enodationem non attingit, angore quodam prematur et crucietur et hinc ad so-

lutionem inveniendam assurgat. Quo pacto excitatur ingenium, et progreditur scientia.

2° *Investigationem dirigit dubitatio.* Investigatio in id tendere debet de quo est difficultas. Sed id de quo est difficultas est id præcise de quo dubitatur. Ergo investigatio ipso dubio dirigenda est ; unde qui volunt inquirere veritatem non considerando prius dubitationem, assimilantur illis qui nesciunt quo vadant (1).

Ut autem limites dubitationis methodicæ definiantur diversæ statuuntur conclusiones. Sit ergo :

III. — **Prima conclusio : De veritatibus primariis non potest etiam fide dubitari.**

Repugnat dubitare etiam fide de veritatibus quæ sunt per se evidentes, indubitabiles, indemonstrabiles, quibus sublatis omnis demonstratio evadit impossibilis. Atqui sublatis primariis veritatibus omnis demonstrationis fundamentum corruit ; quod jam ex refutatione systematis cartesiani plene liquet. Recalatur insuper id quod pluries dictum est, nempe si principium demonstrationis sit demonstrandum, erit processus in infinitum ; quocirca omnis demonstratio initio carebit. Ergo hæc principia non possunt in dubium, etiam fectum, revocari.

IV. — **De tribus primariis veritatibus.** Quot vero sint veritates quæ non possunt demonstrari ? Multæ sunt numero, sed inter illas citantur tres insigniores quæ omni certitudini præsupponuntur et in omni iudicio certo implicite continentur. Hoc modo illas proponit Cl. P. Pesch : « 1° Factum primum, quod est propria existentia ; 2° principium primum, quod est contradictionis principium ; 3° conditio prima, quæ est aptitudo facultatum cognoscitivarum ad assequendum cognitione id quod revera est » (2).

Existentia subjecti cogitantis non potest demonstrari etiam per modum enthymematis, dicendo : *Cogito, ergo sum*, nam, ut dictum est, in ipso antecedente affirmatur ipsa existentia

(1) D. THOMAS, in III, *Metaphys.* lect. 3.

(2) Cf. P. PESCH, *Institut. Logic.* Pars II, p. 79.

quæ esset probanda. *Cogito* enim sonat : *sum cogitans*.

Principium contradictionis non demonstratur quia ipso nititur omnis demonstratio ; imo ipsa affirmatio propriæ existentiae non tenet nisi supponatur hoc principium, ut art. præc. contra Cartesium ostensum est.

Vis et efficacia facultatis cognoscitivæ non demonstratur ; non enim valet demonstratio nisi admittamus rationem quæ demonstratio sit aptum esse ad verum cognoscendum. Potest tamen indirecte et reflexe aliquo modo probari, ut infra ostendetur.

Tres illæ veritates ceteris aliqua ratione presupponuntur. Nam in ordine subjectivo nihil prius est existentia subjecti cogitantis ; in ordine vero objective, nihil est prius principio contradictionis ; primum autem requisitum pro connexionione ordinis subjectivi cum objective est vis et efficacia facultatis cognoscitivæ. Fac velim semel facultatem subjectivam aptam non esse ad res objectivas percipiendas, impossibilis erit transitus omnis subjectivum inter et objectivum ordinem. Ergo in omni certitudine, seu in omni iudicio certo, tres illæ veritates involvantur.

Exemplo declaratur : Qui certus est de hoc iudicio : *Deus est justus* eo ipso affirmat : *Deum non esse justum est impossibile*, quod est contritum contradictionis principium. Secundo, cum iudicat, videt suam conformitatem cum objecto, et implicite asserit se videre rem ita esse sicut affirmat. Sed, cum videat per rationem, non potest tenere se videre, nisi in actu exercito profiteatur suam rationem aptam esse ad videndum seu cognoscendum ; hinc admittit conditionem primam. Tandem, si affirmat se videre, ponit se esse, nam qui est videns est existens ; factum primum. Igitur tres illæ veritates in omni iudicio certo includuntur ; quare illas in dubium revocare est impossibilem rehellere omnem demonstrationem et inane omne scientiæ tentamen. Ita recentiores Scholastici cum Tongiorgi, Pesch, etc.

V. — An tres illæ veritates sint revera fundamentum certitudinis ? Disputant Neo-Scholastici (1) an tres illæ veri-

tales fundamentum sint certitudinis necne. Duæ sententiæ videntur posse conciliari. Si minime fundamenti intelligitur *fons* certitudinis, seu origo unde omnes aliæ certitudines derivantur, vel *motivum* quo de omni certitudine iudicatur, concedendum est tres illas veritates non esse certitudinis fundamentum, quippe quæ nec motivum formale sunt omnis iudicii nec fons et origo. Si nomine fundamenti intelligitur aliqua veritas quæ assumatur formaliter ut præmissa demonstrationis, vel quæ in actu signato et reflexe prius cognoscatur, etiam liquet præfatas veritates non esse fundamentum. Nam principium contradictionis non semper assumitur formaliter et secundum se in omni demonstratione, sed virtualiter dumtaxat, quatenus salvatur ejus vis in omni demonstratione. Pariter existentia subjecti et aptitudo facultatis non semper concurrunt formaliter ut præmissæ ; nec in actu signato et reflexe prius cognoscuntur, sed actu ipso iudicii ponuntur. Igitur sententia quæ negat tres prædictas veritates esse certitudinis fundamentum legitimo sensu defendi potest.

At, si nomine fundamenti intelligitur conditio quæ omni iudicio certo ponitur, vel veritas quæ in omni iudicio cognoscitur in actu exercito, tres illæ veritates dici possunt et debent certitudinis fundamentum, propter rationes jam allatas. Quæ quidem hoc argumento perstringuntur. Id est fundamentum, seu conditio *sine qua non* certitudinis, quod in omni iudicio certo imbibitur, vel ipso iudicio ponitur, quodque in omni iudicio exercite saltem cognoscitur. Atqui prædictæ veritates omni iudicio certo ponuntur atque in omni iudicio cognoscuntur in actu exercito. Ergo sunt certitudinis fundamentum. Prob. min. Si certus sum de hoc *meo* iudicio : *Deus existit*, pono et exercite video Deum existere et non existere, non esse idem : principium primum. At certus non ero de hoc *meo* iudicio, nisi agnoscam iudicium ut *meum*, et hinc deprehendo me existere qui certus sum : factum primum. Denique, si *certus* sum de *meo* iudicio, profiteor et actu ipso probo me esse aptum qui iudicem cum certitudine : conditionem primam. Ergo tres illæ veritates sunt in aliquo ordine fundamentum et exercite in omni iudicio cognoscuntur.

*Obijcies* : Existentia subjecti est veritas quidem prima in

(1) Affirmant TONGIORGI, PESCH, etc., negat D. MERCIER.

ordine reali et subjectivo, non autem in ordine ideali. Ergo non concurrenit in omni iudicio.

Resp. Existencia subjecti est conditio necessario requisita ut subjectum cognoscens eliciat iudicium certum etiam circa veritatem idealem. Veritas idealis in se, objective inspecta, est utique a mea existencia independens; at, si admitto *me iudicare* cum certitudine de veritate illa, profiteor *me existere* qui iudico. Ergo iudicium de veritate ideali ponit existentiam subjecti.

Nam *iudico* cum certitudine de veritate ideali = *existo iudicans* cum certitudine de veritate ideali.

Diximus: in aliquo ordine, siquidem secundum alium ordinem et in actu signato prius actu quam facultatem aut facultatis infallibilitatem deprehendimus. Illæ ergo veritates non sunt fundamentales quasi essent prius cognitæ in actu signato, sed quatenus non potest reddi ratio iudicii certi nisi ad ipsas fiat recursus, et quatenus, sicut in omni iudicio intellectus suam cum objecto conformitatem cognoscit in actu exercito, ita in omni iudicio certo exercite tres illas veritates profiteatur. Si videt se esse conformem, deprehendit se esse existentem et aptum qui cognoscat.

Tametsi præsens questio non fuerit ab Angelico et a veteribus Thomistis versata, solutio nostra ex illorum principiis deducitur. Nam, juxta ipsos, in omni iudicio, etiam circa veritates ideales, intellectus videt *exercite* se esse objecto conformem. At non potest cognoscere se esse conformem nisi exercite ponat se esse. Ergo juxta Thomistas in omni iudicio certum, etiam circa veritates ideales, ponitur exercite subjecti existencia.

Pariter, dum intellectus deprehendit se esse objecto conformem, exercite ponit et probat se aptum esse qui objecto conformetur et objectum rite attingat. Ergo, ex Thomistarum placitis, in omni iudicio cognoscitur in actu exercito aptitudo facultatis respectu proprii objecti.

Quare illa aptitudo non ex eo modo supponitur, sed potius ipso facultatis actu ponitur et probatur. Sicut nempe intellectus cognoscit se esse objecto conformem quia suo ipso actu ponit et probat se conformem, ita cognoscit se esse aptum,

quia suo ipso actu ponit et probat se esse aptum qui cognoscat, sicut nec gratuito supponit se existere, sed ponit suo actu et probat se existere.

Tres ergo illæ veritates potius ponuntur exercitio ipsius iudicii, quam iudicii anteceduntur.

Controversia inter Scholasticos ex equivocatione quadam originatur. Nam qui volunt tres illas veritates esse certitudinis fundamentum videntur ponere illas ut *signate* præcognitas, quod merito negant alii. Nos vero statuimus illas *exercite* tantum in iudicio cognosci, neque supponi prius ut certas, sed ipso iudicii exercitio poni et probari. Qua distinctione adhibita, evanescere debet dissensio.

**VI. — De cæteris veritatibus primis.** Cætera vero principia prima, licet minus necessaria et fundamentalia, non possunt in dubium revocari, quippe quæ non sunt demonstrabilia. Demonstratione enim non indigent quæ in seipsis absque termino medio innutescunt. Sed omnia principia prima atque terminum medium, in seipsis, ex sola notione terminorum cognoscuntur. Ergo illa demonstrare superfluum esset. Inficiandum tamen non est prædicta principia posse aliquatenus in quæstionem adduci, non quidem ut demonstrarentur, sed ut clarior magisque scientifica apparent illorum certitudo ex quadam philosophica terminorum enucleatione.

**VII. — Secunda conclusio: De aliis veritatibus certis, ut sunt conclusiones quæ necessario et evidenter fluunt ex primis principiis non licet dubitare realiter; fictive autem dubitare, licet et expedit.**

1<sup>a</sup> pars manifesta est. Dubitare realiter de his quæ ratio nobis testatur esse certa, est agere contra rationis dictamen et injuriam veritati irrogare. Sed ratio nobis testatur conclusiones quæ evidenter eruntur ex primis principiis certas et incommensuras esse. Ergo ipsas in dubium reale revocare esset contra dictamen rationis agere, quod nunquam fas est.

Idem valet pro veritatibus quæ experientia evidenti vel inductione infallibili admittuntur. Idem pariter pro veritatibus fidei. Ratio quippe dicit repugnare ut id quod a Deo propo-

nihil ut verum falsum deprehendatur. Ergo realiter de illo dubitare quasi possit esse falsum est contra rationis dictamen agere.

Probatur II<sup>a</sup> pars. Licet, et etiam expedit, ut certitudo quæ prius erat vulgaris fiat scientifica, ut veritates quæ demonstratione quia tantum innutrescunt, iterum demonstratione propter quid probentur; ut illæ quæ simplici fide tenebantur, novorum argumentorum vi elatiores et rationabiliores appareant. Sed per dubium fictitium ideo præcise veritates certe in quæstionem adducuntur ut certitudo vulgaris per novam inquisitionem scientifica evadat; ut ea quæ cognoscebantur in effectibus tantum, cognoscantur nunc, ipse inquisitionis methodicæ, in causis et a priori; ut veritates fidei ex ratiociniis theologicis et difficultatum solutione maximum emolumentum accipiant; quo modo methodus scholastica validissima fidei subsidia præbuit. Ita processerunt D. Thomas, et cæteri Doctores, quaerendo, v. g. : *Utrum Deus sit*, vel, *utrum anima sit incorruptibilis*. — Ergo utilis est dubitatio fictitia.

VIII. — Tertia conclusio : Licitum est dubium reale circa ea omnia quæ non necessario et evidenter deducuntur ex primis principiis, vel quæ experientia et inductione sufficienti explorata non sunt, imo etiam in veritatibus certis et evidentibus circa quosdam respectus qui non sunt in ipsis evidentes et necessarii.

Quia aliqua conclusio non evidenter et necessario ex primis principiis profluit, contradictoria illius potest probabiliter ex iisdem principiis erui; mens itaque versatur inter duas propositiones, quarum neutra est necessario vera. At nullatenus cogitur mens adhærere propositioni non necessario veræ. Potest ergo, si libet, suspendere summum assensum et dubitare, donec nova motiva flucescant.

Pariter, quando experientia et inductio non sunt sufficientes et cogentes, non datur cogens nec sufficiens motivum eruendi conclusionem certam. Ergo mens jus habet, propter motivorum insufficientiam, assensum suspendendi vel cohibendi.

Tandem, in rebus certissimis, etiam in veritatibus fidei, multi sunt respectus non evidentes, v. g. : quid sit primum es-

sentire divinæ constitutum, quis sit aptior modus explicandi libertatem Dei in creatulo, quæ sit melior probatio humane libertatis, etc., etc. Ergo mens circa huiusmodi per se jus habet suspendendi iudicium, donec lux veritatis fiat.

IX. — Quarta conclusio : In quacumque materia cessare debet dubium facta evidentia vel veritatis vel credibilitatis. Evidentia veritatis est evidentia intrinseca qua objectum lit in seipso perspicuum; evidentia autem credibilitatis est evidentia extrinseca, circa motiva externa quæ apta sunt ad prudentem assensum determinandum. Porro utraque removet dubium. Evidentia quidem veritatis, seu intrinseca, cum dubio componi nullatenus potest, siquidem vi sua rapit et cogit intellectum ad assensum firmum, ut infra ostendetur. Evidentia autem credibilitatis non necessario dubium propellit, quia objectum non habet in seipso perspicuitatem quæ possit assensum firmum extorquere; sollicit tamen ut voluntas cogere possit intellectum ad deponendum dubium. Quando enim liquet testem, seu revelantem, nec falli nec fallere, sufficiens est motivum illius dictis adhærendi et omne dubium deponendi. Atqui, quum adest evidentia credibilitatis, liquet testem nec falli nec fallere. Ergo sufficiens est motivum illius dictis adhærendi dubiumque removendi; ergo tunc potest voluntas cogere intellectum ut omne dubium deponat. Quare si mens dubium adhuc retinet, non jam prudenter procedit.



## QUÆSTIO TERTIA

## De veritatis criteriis.

Solutis questionibus de veritatis natura et existentia, debet philosophus veritatis fundamentum rimari, quæ quidem dicuntur a recentioribus *criteriis*.

Paucis prælibatis de notione et divisione criterii, singula criteriis expendemus, ne tandem quid non sit et quid sit ultimum criterium definiamus.

## ARTICULUS PRIMUS

## DE NOTIONE ET DIVISIONE CRITERII

**I. — Duplex acceptio criterii.** *Criterium* ex etymologia, *κρίτης*, *κρίνω*, idem est ac *judicatorium* seu instrumentum judicandi (1). Hæc generali acceptione potest designare tum facultatem judicatricem qua infallibiliter de vero discernimus, tum id unde intellectus in judicando proxime dirigitur. Hoc ultimo sensu usurpatur in præsentî disputatione. Jamvero aliquid potest mentem dirigere dupliciter: vel ut *causa* determinans efficienter intellectum ad assensum certum, vel ut

(1) « Pour juger des apparences que nous recevons des objets, il faudrait un instrument judiciaire ». MONTAIGNE.

*norma* qua discernimus verum a falso. Hinc duplex criterii definitio. Sub primo respectu definitur: *Motivum quod determinat assensum firmum, ut causa et mensura cognitionis nostræ*. Sub altero respectu definitur: *Norma determinans id de quo habemus assensum firmum, vel: Norma qua discernimus verum a falso et dijudicamus an enunciatio aliqua sit vera necne*. Non enim de omnibus certi sumus, sed de iis tantum quæ determinatos exhibent characteres. Debet itaque esse quædam regula determinans ea de quibus esse certi possumus vel debemus. Quæ regula seu norma criterium audit.

**II. — In utraque acceptione criterium distinguitur formaliter tum a facultate cognoscente, tum ab objecto cognito.**

Criterium est id quod dirigit et determinat; facultas id quod dirigitur et determinatur: unde se habent criterium et facultas sicut activum et passivum, quæ formaliter distinguuntur. Objectum vero est id quod determinat cognitionem, dum criterium est id quod cognitionem causat; unde se habent criterium et objectum sicut principium et finis, quæ formaliter differunt.

At vero, si considerantur facultas et objectum non reduplicative in ratione facultatis et objecti, sed formaliter ut motiva quæ determinant assensum certum, jam nomen criterii merentur (1).

**III. — Criterii divisio.** Præcipua est in criterium *internum* et criterium *externum*. Criterium est *externum*, quum norma vel motivum veritatis judicandæ ponitur in aliquo quod est extrinsecum ipsi veritati. Hujusmodi est auctoritas vel magisterium externum.

Criterium vero est *internum*, quum norma vel motivum veritatis judicandæ desumitur ex iis quæ sunt ipsi cognitioni intrinseca. Porro ad omnem cognitionem duo intrinseca concurrunt: facultas nempe cognoscens et objectum cognitum, juxta effatum: *Ex objecto et potentia pariter utilitas*. Hinc in omni criterio interno certitudinis motivum partim ex objecto partim ex intellectu desumitur.

(1) Cf. ZIGLIARA, *Critic.* lib. II, c. 3, n. 4.

Ex parte quidem objecti id quod movet est immediata terminorum ad invicem, subjecti nempe et prædicati, connexio, si agitur de judiciis immediatis; vel in judiciis quæ mediante discurso efformantur, logica et necessaria connexio consequentis cum antecedente.

Ex parte autem intellectus id quod movet est lumen intelligibile quo mens adeo illustratur et habilitatur ut objectum proprium possit ipsi presentari et applicari. Igitur lux et vis obiectiva veritatis cognoscibilis luxque et vis subjectiva intellectus cognoscentis, duo sunt elementa ex quibus conflatur motivum certitudinis internum.

**IV. — Criterium internum adæquate sumptum dividitur in subjectivum et objectivum.** *Subjectiva* criteria nuncupamus facultates nostras cognoscitivas, criteria vero *objectiva* veritates seu principia quibus mens in ratiocinando nititur.

Criteria subjectiva iterum subdividuntur. Nam, ut alibi, in Psychologia nempe, explanabitur, facultates nostræ cognoscitivæ ad triplicem classem reducuntur: *sensus externos*, qui corpora externa et corporum affectiones cognoscunt; *sensus internos*, qui subjectum et affectiones subjecti, sed nullatenus res spirituales, attingunt; *intellectum*, qui et subjectum et spiritualia et universalia percipit.

Criteria objectiva præcipua sunt evidentia et prima principia.

Tamen criteria externa sunt *magisterium divinum* et *humanum*.

## ARTICULUS SECUNDUS

### DE CRITERIO SENSUUM EXTERNORUM (1)

**I. — Notio sensus.** *Sensus externus est facultas cognoscitiva et organica quæ corpora externa eorumque affectiones percipit.*

1° Est facultas *cognoscitiva*, et idcirco aliquid vitale, aliqua vis ali ipsa anima profluens, quæ potest vitaliter assimilaresibi objecta. 2° *Organica*, quippe quæ non immediate in ipsa anima, sed in organismo animato subjectatur operationemque elicit ope cuiusdam organi speciali structura donati, quod dicitur *sensorium*. 3° Illa facultas percipit non aliquid internum, sed *res materiales, externas*, concretas, quatenus materiales sunt, vel etiam mutationes quæ in ipsis fiunt. Sensus itaque attingit solum accidentia externa; nam substantia, quæ externe non apparet, ab aliqua facultate interna apprehenditur.

Operatio sensuum est *sensatio*, seu affectio quæ ex impressione objecti presentis oritur et qua anima sibi assimilat objectum. Sensus quippe immutatur ab objecto, sed postea reagit, in illud vitaliter tendit illudque sibi vitaliter assimilat. Hinc sensatio dupliciter consideratur: 1° ut est affectio subjectiva sentientis; 2° ut est objectiva, nimirum activa quædam objecti externi reproductio; seu, aliis verbis, in sensatione adest *phenomenon subjectivum* et *phenomenon repræsentativum*.

(1) Consenti possunt: FANCES, *Objectivité de la perception des sens externes*; PESCH, *Institut. Logiq.*; DE VONGES, *La perception et la psychologie thomiste*, *Les certitudes de l'expérience*; P. DE MUNYNER, *Revue Thomiste*, t. VI, p. 620; JANET, *Psychol.*, c. III, *Métaphysique*, c. III; FONSEGRIVE, *Éléments de Philosophie, Métaphysique*; GARNIER, *Corps et Âme*, etc.

*timma*. — Quæ omnia fusius explanantur in II P. *Phil. Nat.* Tract. III, q. II, et q. III.

II. — **Sensibile.** Sensuum objecta dicuntur sensibilia. Jam vero ut aliquod sit sensuum objectum, quatuor requiruntur : 1<sup>o</sup> Debet esse ens reale et positivum, entia quippe rationis et negationes a sola intellectu apprehendi possunt. 2<sup>o</sup> Debet esse res singularis, nam sensus organo concreto et singulari affixus ad universalis se porrigere non valet. 3<sup>o</sup> Debet esse res corporea et extensa, quippe organum extensum non nisi ab aliquo consimili seu extenso moveri potest. 4<sup>o</sup> Debet esse sufficienter præsens, ut possit in sensum agere.

III. — **Triplex distinguitur sensibile : proprium, commune et per accidens.**

*Proprium* est qualitas sensibilis irreductibilis, seu objectum quod ita apprehenditur ab uno sensu externo ut non possit a quocunque alio attingi. Insignitur alio vocabulo, *objectum formale quod sensus*. Sensibile proprium quintuplex est juxta numerum sensuum : *color*, objectum formale visus specificativum ; *sonus*, objectum specificativum auditus ; *odor*, objectum specificativum odoratus ; *sapor*, objectum specificativum gustus ; *resistentia*, objectum specificativum tactus.

Sensibile *commune* est illud quod a pluribus sensibus externis percipi potest, etsi non ab omnibus. Sic *extensio*, *figura*, quatenus colorata attingitur a visu ; quatenus resistens, a tactu ; *motus*, *quies* tum a visu, tum a tactu, tum etiam quandoque ab auditu percipiuntur ; *numerus* etiam deprehendere possumus tum tangerulo tum videndo.

Quinque igitur sunt sensibilia communia : *motus*, *quies*, *numerus*, *figura*, *magnitudo*.

Sensibile commune non habet speciem propriam. Nam species propria facultatem propriam specificat. Ergo, si sensibile commune propriam sibi vindicaret speciem, pertineret ad aliquem sensum propriè et immediate, nec jam dici posset sensibile commune.

Restat ergo ut cognoscatur per speciem sensibilis proprii a sensibili communi modificatam, quatenus species illa primario

sensibile proprium, secundario sensibile commune repræsentet. Hoc pacto magnitudo videtur per speciem coloris a magnitudine modificatam, quia aliter movet et afficit sensum res colorata, dum est magna, et aliter, dum est alio modo constituta.

Utrumque autem sensibile, proprium nempe et commune, est sensibile *per se*, quia utrumque *per se* a sensu externo attingitur.

*Sensibile per accidens* est substratum sensibilium propriorum et communium, quod apprehenditur a facultate interna, dum sensus externi percipiunt sensibile per se.

IV. — **Conditiones sensibilis per accidens.** Ut aliquod sit *sensibile per accidens*, requiritur 1<sup>o</sup> ut accidat ei quod est per se sensibile. sicut accidit albo esse hominem et accidit ei esse dulce ; 2<sup>o</sup> ut sit apprehensum a sentiente, alioquin non posset dici sentiri ; 3<sup>o</sup> ut sit apprehensum non a sensibus externis, sed ab aliqua facultate interna. Si enim apprehenderetur a sensibus externis, esset sensibile per se. Facultas parva quæ versatur circa sensibile per accidens est *æstimativa*, id est sensus quidam internus cujus munus est percipere intentiones insensibiles, ut sunt *noëivitas*, *convenientia*, et subjectum quod accidentibus substat. Notandum est autem æstimativam in homine dici *cogitativam*. Sensibile per accidens potest etiam ab intellectu attingi.

4<sup>o</sup> Requiritur ut sit intime connexum cum sensibili per se, ita ut, dum sensus externi apprehendunt sensibile per se, facultas interna sensibile per accidens simul attingat. Sic, dum auditus loquelam percipit, cogitativa vel intellectus agnoscit hominem ; dum oculus videt vultum irati, facultas interna percipit iram ; dum oculus ovis videt colorem et figuram lupi, æstimativa lupum ipsum cognoscit.

Sensibilia per accidens igitur dici possunt 1<sup>o</sup> substantia singularis, 2<sup>o</sup> qualitates insensibiles, ut noëivitas, convenientia, etc. ; 3<sup>o</sup> generatim omnia quæ habent conjunctionem et propinquitatem ad sensibile per se.

Animalvertatur tamen substantiam dupliciter considerari posse : abstracte et concrete. Abstracte quidem sumpta et sub

conceptu substantiæ in genere nonnisi ab intellectu percipitur; concrete vero sumpta, ut est concretum subjectum accidentium, unum quid cum ipsis efformat et ita a sensu attingi potest.

**V. — Opiniones circa veracitatem sensuum.** Quæstio acriter agitur an sensus in referendo corpora externa sint criteria veritatis, ita ut mens possit absque ullo errandi formidine affirmare esse id quod sensus externi testantur. Quinque distinguuntur sententiæ:

Prima est *idealistarum*, qui inficiantur objectivam rerum extra nos positarum existentiam, ideoque tenent sensus non esse veraces in referendo corpora.

Secunda est *Malebranchii*, qui negans activitatem corporum vult mundi existentiam per divinam revelationem nobis innotescere.

Tertia est *subjectivistarum*, qui admittunt quidem existere corpora, sed docent a sensibus immediate percipi proprias affectiones, non autem res externas, mundum autem ope principii causalitatis a nobis cognosci.

Quarta admittit veracitatem sensuum et objectivitatem sensibilibus, excipit tamen visum et auditum, in dubiumque revocat colorum et sonorum objectivitatem.

Quinta et veracitatem *omnium sensuum* et objectivitatem *omnium sensibilibus* prolitetur.

Primum docent omnes sceptici sive antiqui sive moderni, Democritus, Hume, Critici transcendentes, Kant, Fichte, Schelling, Hegel et etiam ex dogmaticis non pauci. In Anglia idealismum celebrem fecit Berkeley (1684-1753), asserens totum esse rerum nihil aliud esse quam *percipi*, seu vanum phenomenon in organis nostris a Deo productum. Hanc objectivitatem negant pariter Paine, Fouillée et alii quamplures. Licet autem Idealistæ omnes in communi asserto conveniant, in duas tamen classes scinduntur: alii volunt omnes rerum sensibilibus perceptiones ab animæ activitate effici, ut veteres sceptici et recentiores critici, quorum idealismus est præsertim *subjectivus*; alii autem asseverant perceptiones illas ab aliqua causa externa, Deo nempe, in nobis produci, ut Berke-

leyam, quorum idealismus est aliqua ratione *objectivus*.

Tertiam opinionem tenentur Cartesiani, et multi Recentiores, Reid, Maine de Biran, Cousin, etc.

Quarta docetur a pluribus modernis, imo a quibusdam Neo-Scholasticis.

Quinta est Peripateticorum, Scholasticorum, et merito vocari potest sensus communis doctrina.

**VI. — Prima conclusio:** Veracitas sensuum est veritas tam obvia et primaria ut demonstrari nec debeat nec possit.

Prob. 1<sup>a</sup> pars. Id demonstratione non indiget quod affirmatur, dum negatur. Atqui veracitas sensuum affirmatur, dum negatur. Ergo. Prob. min. Qui serio sensuum veracitatem inficiatur ponit saltem facultatem quæ suum dubium renuntiat veracem esse circa objectum ad quod natura sua tendit, ideoque supponit hanc propositionem: Facultates sunt veraces circa objectum ad quod natura sua ordinantur. Sed sensus sunt facultates quæ natura sua ordinantur ad externa; quod patet ex sensoriis externis tam mira structura ab ipsa natura præditis, quæ quidem frustranea essent nisi sensus ad objecta externa natura sua tenderent. Ergo nemo potest negare veracitatem sensuum nisi logice admittat: *Sensus sunt veraces*.

Pariter veracitas sensuum non potest demonstrari, quia omni demonstrationi præsupponitur. Unde prob. 2<sup>a</sup> pars. Omnis demonstratio experientiæ veracitate nititur. Atqui experientia versatur tum circa interna tum circa externa facta. Ergo omnis demonstratio supponit veracitatem tum circa interna tum circa externa facta. Sed huiusmodi facta referuntur a sensibus. Ergo demonstratio præsupponit sensuum veracitatem. Declaratur major. Ut demonstrationem conficiat quis, debet cognoscere se præmissas adhibere. At cognitio illa non fit nisi experientiæ testimonio. Ergo omnis demonstratio veracitate experientiæ nititur.

Jam vero si quis experientiam admittit, non potest absque contradictione in dubium vertere veracitatem sensuum, quæ est ipsamet experientiæ veracitas.

Idem probatur indirecte, ex eo quod adversarii perpetuo principii petitione utantur.

Cartesius admittit existentiam mundi propter Dei veracitatem. At Dei existentia ex visibilibus et sensibilibus hujusce mundi probatur: *A creatura mundi per ea quæ facta sunt* (1). Quod est in circulo vitioso se vertere. Insuper, si Deus quotidie permittit universalem deceptionem circa sensuum et experientiae testimonium, quo pacto possumus Deo fidere?

Malebranchius repetit existentiam corporum ex Revelatione et Scriptura. Sed qua ratione Scriptura et Revelatio nobis innotescunt sine experientiae et sensuum testimonio? Si enim falluntur sensus, fallax est Revelationis auditus et Scripturae lectio.

Thomas Reid vult existentiam mundi credi ex instinctu quodam naturae necessario et infallibili. At rursus qua ratione constabit de existentia nostra illiusque naturae existentia absque experientia et sensuum testimonio?

**VII. — Secunda conclusio: Corpora externa veram habent objectivitatem et causæ sunt sensationum.**

Nisi corpora objectivitate gaudeant, admittendum est corporum phaenomenon vel a sola anima, vel a Deo, vel a aliquo genio qui nos illuderet, effici. Sed nullum ex his suppositis est admittendum. Ergo causa sensationum sunt ipsa corpora objectiva et realia.

Prohi. min per partes. 1<sup>o</sup> Anima sola non est horum phaenomenorum causa. Recipere quippe et efficere e regione opponuntur. At, experientia teste, nos illa recipimus phaenomena. Ergo illa non efficiuntur.

Cæterum, anima non potest esse causa illorum, nec necessaria nec libera. Si esset causa horum phaenomenorum necessaria, positis omnibus quæ se tenent ex parte subjecti, semper sequeretur sensatio; causa quippe naturalis, positis omnibus prærequisitis, necessario agit; si vero esset causa libera, posset ad libitum illa experiri, vel declinare. Atqui in bene multis casibus, positis omnibus quæ se tenent ex parte animæ, non sequuntur phaenomena externa, non sequitur gaudium aut sanitas, non sequuntur divitiarum commoda. Aliunde sæpius phaenomena quæ vellemus experiri, nullatenus

non consequuntur, et ea quæ declinare tentamus, experiri cogimur. Ergo anima non est illorum causa, nec necessaria nec libera.

2<sup>a</sup> Deus non est causa, nam sic induceretur occasionalismi error, qui sapientiæ divinæ injuriam irrogat. Insuper, Deus non potest ad errorem invincibilem movere creaturam rationalem, quæ veritate perficitur et ad veritatem lacta est; id sane ipsius bonitati et veracitati repugnat. At, si Deus est unica illorum phaenomenorum causa, non existentibus corporibus, inducit creaturam rationalem ad errorem invincibilem. Ergo. Ostenditur min. Deus producendo in nobis eadem phaenomena, perinde ac si res ipsæ essent, invincibiliter nos movet ad judicandum res ita esse, fugiendasque vel appetendas non secus ac si realiter extitissent. Nec possibile est errorem corrigere aut suspicari, quia, si de facto res essent, non posset earum existentia evidentius manifestari. Ergo in Deum auctorem refunderetur error invincibilis.

Tertia hypothesis a nemine serio defenditur. Cæterum Deus permittere nequit ut pravus genius perpetuo et universaliter humanum genus decipiat. Ita communiter philosophi scholastici.

**VIII. — Tertia conclusio: Sensus externi attingunt immediate objecta externa, non vero proprias affectiones.**

Hæc propositio iterum probabitur in Psychologia; quare breviter hic ostenditur.

Arg. 1<sup>um</sup>. *Ex experientia communi.* Omnes conscii sunt se oculis videre, se auribus audire, se tactu tangere, non subjectivas impressiones, sed res ipsas. Nec serio quisquam asseret se osculari proprias affectiones, non vero patrem aut matrem.

Arg. 2<sup>um</sup>. *Ex natura sensationis.* Ut fiat sensatio, oportet ut sensus determinetur ad unum objectum præ alio percipiendum; nam ex indeterminato nihil sequitur. At determinatio illa non oritur ab ipso sensu, cum ex natura sua sit essentialiter passivus et indeterminatus, et æqualiter ad diversa sensibilia se habeat. Ergo illa determinatio immediate ab objecto provenit. At vero, si objectum immédiale determinat et af-

(1) Rom. 1, 20.

ficit sensum, id quod immediate attingit sensus est ipsum obiectum. Ergo sensus immediate ipsa objecta percipit. Est tamen in sensatione respectus quidam subjectivus maxime attendendus, quem in Psychologia speculabimur.

Quibus statutis probata remanet Scholasticorum sententia. Si enim sensuum veracitas omni demonstrationi presupponitur, si corpora realitate gaudent objectiva; si sensus immediate ipsa objecta apprehendunt, liquet omnino sensus esse criteria veritatis in renuntiando corporum existentiam. Ut tamen plena veritatis lux comparetur, plures adduntur conclusiones.

**IX. — Quarta conclusio :** *Sensus circa sensibile commune veraces per se quidem sunt, non tamen absolute, nisi conjunctionum sumantur.*

Prob. 1<sup>a</sup> pars. Nulla potentia cognoscitiva potest per se differre ab eo quod est suum objectum per se. Eo ipso enim quod supponatur objectum per se, facultas ad illud per se et naturaliter tendit; si ergo circa ipsum per se deliceret, defectus Creatori ipsi adscriberetur. Atqui sensibile commune est objectum per se sensuum, licet non primum. Ergo sensus circa sensibile commune per se non falluntur.

Prob. 2<sup>a</sup> pars, scilicet non esse veraces absolute, sed falli posse per accidens, nisi conjunctionum sumantur.

Sensibile commune, cum pertineat ad plures sensus, excedit quemlibet seorsum sumptum. Ergo, si unus adhibeatur solus, non plene et adæquate poterit objectum apprehendere. Hinc planum est contingere posse aliquem errorem.

Insuper, ut sensus, v. g. visus, sensibile commune rite attingat, indiget quodam exercitio seu educatione prævia, quæ fit per alios sensus, specialiter per tactum (1). Ergo si visus solus,

(1) « La plupart des erreurs des sens étant des erreurs de la vue, on peut encore, avec Ad. Garnier, en rapporter la cause principale à la confusion de la *figure visible* et de la *figure tangible*. Comme nous percevons l'étendue et la figure au moins par deux sens, la vue et le toucher, nous voulons toujours faire cadrer les données de l'une avec les données de l'autre, et faire coïncider la figure visible avec la figure tangible. Ce n'est que l'expérience qui nous apprend peu à peu à séparer l'une de l'autre, à ne pas appliquer à l'une les lois de l'autre ». JANNET, *Philosophie*, n° 129.

independenter ab aliis sensibus, adhibetur, non erit absolute infallibilis, ut contingit, quum laculus in aqua apparet fractus. Factum refert Helmholtz ejusmodi pueri qui, sullusione oculorum aldata, nesciebat distantias discernere. « Dans les premiers temps de sa guérison, cet enfant, étant loin d'apprécier les distances, il s'imaginait que tous les objets qu'il voyait touchaient ses yeux, de même que les objets sentis sont au contact de la peau. Il ne se faisait pas idée de la forme, du relief, de la grandeur des objets, mais il palpaît très attentivement ces divers objets qu'on lui désignait pour s'en faire une idée et les reconnaître » (1). Ratio hujus est quia visus pueri nondum fuerat sufficienti cultura educatus.

Postmodum experientia excultus aptus fit sensibili communi rite percipiendo.

**X. — Quinta conclusio :** *Circa sensibile per accidens sensus infallibiles sunt in renuntiando existentiam alicujus subjecti in genere; minime autem in referendo quodnam sit hoc subjectum in speciali.*

Prob. 1<sup>a</sup> pars. Sensus referunt enim certitudine accidentia externa. Sed accidentia non sunt sine subjecto a quo sustententur. Ergo sensus referunt enim certitudine dari aliquod subjectum in genere, seu inducunt intellectum ad asserendum eum certitudine : *Datur aliquod subjectum, nisi Deus patrare velit miraculum*. Si vero lites docet fieri miraculum in casu speciali, ut contingit in Eucharistia, tunc intellectus ab errore per revelationem præservatur immunis.

Prob. 2<sup>a</sup> pars. Accidentia externa quæ refert sensus possunt esse communia multis subjectis, quæ in apparentiis conveniunt, differunt vero in realitate. Ergo, si ex illa similitudine concludatur dari tale subjectum in speciali, poterit subesse error. Hinc animalia bruta non raro ex externis circa substantiam decipiuntur, sed homo intellectus judicio et comparatione deceptionem præcavere valet.

**XI. — Sexta conclusio :** *Circa sensibile proprium, positis conditionibus requisitis, sensus omnes infallibiles sunt, ne exceptis quidem visu et auditu.*

(1) Cf. HELMHOLTZ, *Optique*, III<sup>e</sup> partie.

Conditiones requisitæ se tenent ex parte organorum, ex parte objecti, ex parte rerum externarum, seu medii.

Unde oportet: 1<sup>o</sup> ut sensus sint sani, ad naturale suum exercitium et finem apte dispositi; 2<sup>o</sup> ut objectum proprium sit in debita distantia, non vero positum extra ambitum sensuum naturalem. Hinc mirum non est oculus circa solem et sidera errare; 3<sup>o</sup> ut non sit obstaculum ex parte medii, sed ut perceptio juxta consuetas et ordinarias leges peragatur.

Ostenditur thesis. Sensibile proprium est objectum sensus specificativum. Atqui repugnat ut potentia sana sit circa suum objectum specificativum naturaliter defectibilis. Ergo repugnat ut sensus sit naturaliter defectibilis circa sensibile proprium.

Prole, minime, facultas ordinem transcendentalem importat ad objectum specificativum tanquam ad suam perfectionem et suum finem. Sed implicat ut facultas sana sit naturaliter incapax suum finem obtinendi; Deus enim, qui facultatem propter finem creavit et ad finem ordinavit, si ipsi contradiceret, si facultatem sineret naturaliter et universaliter a proprio fine deficere. Ergo repugnat ut facultas sana sit naturaliter defectibilis circa objectum suum specificativum.

Ab aliis argumentis evolvendis supersedemus; quæ enim in præcedentibus attulimus, etiam respectu rei præsentis evidentiam præstant.

Dicendum est: *non exceptis visu et auditu*. Argumenta quippe metaphysica, pro sensibus omnibus æque valida, nullum excipiunt. Pariter sensus communis hominum nullam invehit distinctionem, visum et auditum, æque ac ceteros sensus, infallibiles testes admittit. Si qua ergo esset ratio in dubium revocandi veracitatem visus et auditus, et colorum ac sonorum objectivitatem negandi, ex scientificis experientiis desumeretur. Sed scimus *a priori* factis scientificis non posse destrui argumenta metaphysice certa. At etiam *a posteriori* ostendi potest argumenta ex scientiis desumpta convincentia et evidentia non esse.

**XII. — Objectiones ex scientiis depromptæ.** 1<sup>o</sup> Afferunt hoc assertum: Colores et soni non sunt nisi motus et vibrationes.

Ergo non habent illud esse objectivum quod sensus illis tribuit.

Resp. Admittimus hypothesein et consequentiam inficiamus. Juxta scientificorum placita sonus generatur vibrationibus quæ per aerem transmittuntur; lux autem et colores vibrationibus seu undulationibus ejusdem fluidi subtilissimi quod omnes corporum moleculas intus pervadit et vocatur *æther intermolecularis*. Doctrina hæc non contrariatur Peripateticorum principiis. Aliquid simile jam docuerant, «Sic autem contingit de immutatione aeris, ait D. Thomas (1) apud generationem soni sicut de immutatione aquæ, cum aliquid in aquam projicitur» Docet pariter Angelicus lumen esse *actum diaphani* (2). Diaphanum autem veterum ætheri recentiorum assimilari potest. Libenter ergo concederet Angelicus sonum undulationibus et lumen vel colorem vibrationibus generari. Inde vero nihil sequitur contra sonorum et colorum objectivitatem. Nam, ut recte observat Farges (3), motus est effectus alienius substantiæ extensæ, activæ. Sed effectus substantiæ realis, activæ, extensæ, aliquid reale, extensum et objectivum sit oportet. Ergo motus quo generantur soni et colores, ideoque ipsi colores et soni, objectiva quadam realitate gaudent.

2<sup>o</sup> Auris fallitur circa sonum, ut patet in iis qui notas et intervalla musicæ non exacte percipiunt. Ergo sonus objectivitate caret.

Resp. Ut perfecta sit omnium intervallorum perceptio, oportet ut omnes libæ quibus auris instructa est aptæ et dispositæ sint. Tria porro millia fibrarum in qualibet auro extant. Si contingat plures ex illis suo naturali exercitio careere, soni quidem fibræ sanis respondentes percipientur, at vero liquet sonos correspondentes fibræ læsis aut obliterated non posse audiri. Hinc auditio potius imperfecta erit quam lusa. Soni nempe qui audiuntur revera sunt; sed, quin deest conditio ex parte auris, quia nempe non omnes libæ sua

(1) II. *De Anima*, cap. VIII, lect. 46.

(2) *Ibidem*, lect. 14.

(3) *Objectivité de la perception des sens externes*, III<sup>e</sup> partie.

gaudent activitate, possibile non est omnes sonos omnesve notas exakte percipi.

3<sup>o</sup> Obijciant *phenomena daltonismi*. Daltonismus, sic dictus, quia Dalton, physicus anglus, hæc facta in seipso expertus fuerat, est visus infirmitas quæ vel impedit ne colores ullatenus percipiantur vel efficit ut subjectum videns, colores inter se, v. g. viride cum rubeo, confundat. Quæ infirmitas late jam serpit.

Sic ergo obijciunt: Visus interdum colores inter se, v. g. viride cum rubro, confundit. Ergo colores sunt quid mere subjectivi.

Resp. Primo, hæc facta casus ægritudinis respiciunt, non ergo conclusionem nostram impetant, quæ est de sensibus sanis suaque naturali activitate præditis. Secundo, imo in his casibus colores veri sunt objectivi, et perceptio potius est imperfecta quam falsa. Res ita explicari potest. Lumen solis, ut omnes vident, septem rationum speciebus constat; imo radius qui ex corporibus emittitur constituitur et ipse ex diversorum colorum radiis: sic cæruleum ex violaceo, viridi et rubeo conflatur, qui dicuntur *colores fundamentales*. Unde ut exakte percipiatur cæruleum, concurrere debent omnes libri: quæ violaceo, viridi et rubeo respondent.

Quare, si una aut plures ex oculi libris quæ coloribus fundamentalibus percipiendis inserviunt, paralyti impediuntur, necessario sit ut visus non possit attingere tria cærulei elementa; sed aut unum aut alterutra dumtaxat percipiet, scilicet viride aut rubrum. Quod autem apprehenditur vere objectivum est, nam rubrum quod percipitur revera existit, et viride etiam datur; unde perceptum est potius partialis et incompleta quam falsa.

Simile quid evenit, quum visus ex nimia organi defatigatione, tamquam viride-cæruleum apprehendit quod prius erat rubrum. Oculi quippe defatigati sit insensibilis respectu rubri, solumque percipit violaceum et viride, ex quibus resultat viride-cæruleum. Incomplete ergo percipit, sed id quod percipit reapse est.

4<sup>o</sup> Saltem *phenomena auditionis coloratæ* nostram impediunt thesim. In quibusdam personis, auditioni alicujus soni

conjungitur visio alienius coloris: v. g. auditioni soni *a* conjungitur visio coloris *rubri*, vel auditioni *e* visio nigri, etc. Ergo soni et colores sunt unum et idem phenomenon subjectivum, non autem duæ realitates objective distinctæ.

Resp. Factum non ostendit sonum fieri colorem, nec aures videre colores aut visum audire sonos, sed res aliter potest commode explicari.

Propter conjunctionem et propinquitatem nervi auditivi ad nervum opticum evenire potest ut sonorum vibrationes nervum opticum attingant, commoveant et in eo lucis vibrationes excitent, quo fit ut eodem tempore aures sonum audiat et oculus colores videat. Hinc auditio erit colorata, quia simul uterque sensus proprium actum eliciet, at nihilominus uterque erit verax respectu proprii objecti.

Quoad cætera vide *PAUCES* (I).

### XIII. — Solvuntur generales difficultates contra sensuum veracitatem.

1<sup>o</sup> Sensatio ex natura sua est modificatio subjecti sentientis. Atqui modificatio subjecti est quod mere subjectivum. Ergo sensatio est subjectiva, nihil objectivi referens.

Resp. Dist. maj. Sensatio *quoad entitatem* et esse physicum est modificatio subjecti, concedo; *quoad esse representativum*, nego. Concedo min., et neg. conclus.

Sensatio duplicem habet respectum: 1<sup>o</sup> est affectio et impressio subjecti, et sub hoc respectu essentialiter subjectiva est; 2<sup>o</sup> est *phenomenon* representativum, quia est actio vitalis quæ sibi vitaliter assimilat objectum.

At eo ipso quod objectum sibi assimilet sit essentialiter objectiva et aliquid objectivi refert.

2<sup>o</sup> Ut objecta externa immediate nobis uniantur, debet esse quidam transitus, seu *pons*, subjectum inter et objectum. Atqui non datur hujusmodi transitus. Ergo.

Resp. Dist. maj. Debet esse pons seu transitus qui sit ipsa sensatio, concedo; distinctus a sensatione, nego.

Contradist. min. Non datur transitus ab ipsa sensatione dis-



finelus, concedo, non datur transitus in ipsa sensatione, nego, et nego conseq.

Chimæram fingunt adversarii suum pontem adstruendo. Sicut enim inter agens et patiens non requiritur aliud præter actionem et passionem, sic nec intereognoscibile et cognoscens aliud expostulatur nisi ipsa cognitio. Natura quippe sua cognitio est utriusque vinculum, nec aliter concipitur quam objecti et facultatis conjunctio, sicut nec passio aliter concipi potest quam agentis et patientis unio. Hinc effatum: *Cognitum et cognoscens sunt unum intentionaliter*. Pons ergo seu transitus per cognitionem et in ipsa cognitione præstatur (1).

3<sup>o</sup> Sensus referunt qualitates sensibiles, ut sapores, calidum, frigidum, ipsis corporibus inesse. At sapores, calidum, frigidum, etc., non ipsis corporibus, sed potius subjecto sentienti insunt. Ergo decipiuntur et decipiunt sensus.

Resp. Falsa nituntur suppositione adversarii, dum existimant sensibiles qualitates non esse nisi subjecti affectiones. Parro subjectivæ impressiones, neque sint ipsæ qualitates, imo sunt qualitatum effectus, non enim frigus experiremur nisi daretur causa. Qualitates ergo sensibiles sunt objectiva corporum accidentia quæ sensus nostros afficiunt. Sic sapor non est mere sensatio, sed vera corporis sapidi qualitas vim habens immutandi gustum, quæ nisi reapse existeret, nunquam fieret gustus sensatio.

(1) De his iterum in II P. *Phil. Nat.* Tract. III, q. III, a. 2.

## ARTICULUS TERTIUS

### DE CRITERIO CÆTERARUM FACULTATUM COGNOSCITIVARUM, SENSUM NEMPE INTERNORUM ET INTELLECTUS.

I. — **Sensus interni.** Quatuor recensentur sensus interni: *sensus intimus*, qui alio etiam nomine insignitur, *conscientia* nempe *sensitiva*; *imaginatio* seu phantasia, quæ sensibilibus species in rerum absentia conservat; *memoria*, quæ est præteritorum, et est veluti quidam specierum et intentionum insensatarum thesaurus; *æstimatoria*, quæ apprehendit insensata ex sensatis, ut nocivitatem, utilitatem, etc. De illis disseritur II. P. *Phil. Nat.* Tract. III, q. II, art. 2, et art. 3. Hic autem de illorum veracitate queritur.

II. — **Conclusio:** Omnes sensus interni per se sunt veraces; speciatim autem conscientia intra limites proprii objecti est criterium omnino infallibile.

1<sup>o</sup> partis ratio pluries jam adducta est. Nulla potentia cognoscitiva per se deficere potest a proprio objecto ad quod essentialiter ordinatur. Sensus interni sunt potentiæ cognoscitivæ quæ essentialiter ordinantur ad proprium objectum. Ergo sunt per se veraces (1).

*Per accidens* autem possunt esse deceptionis occasio; sic nimio imaginationis impetu interdum fallitur ratio. Memoria etiam fallibilis per accidens esse potest, non quod mendax sit, nam ea quæ refert reapse sunt, sed quia, deficientibus pluribus conditionibus, non potest omnia clare et dis-

(1) De facultatum aberrationibus quædam in Psychologia delibamus. II. P. *Phil. Nat.*, Tract. III, q. VI, a. 3.

linet, revocare. At error, si forte accidit, non est memoriæ adscribendus, sed potius rationi quæ imprudenter judicat.

Memoriæ et sensibus internis applicari possunt quæ tradit Bossuetius de sensu in genere : « A proprement parler, il n'y a pas d'erreur dans le sens, qui fait tout ce qu'il doit, puisqu'il est fait pour opérer selon les dispositions non seulement des objets, mais des organes. C'est à l'entendement, qui doit juger des organes mêmes, à tirer des sensations les conséquences nécessaires, et, s'il se laisse surprendre, c'est lui qui se trompe (1). »

Memoria etiam quicquid debet præstat. Præterita enim quæ recognoscit vel repræsentat reapse sunt. At ex infirmitate vel defectu quædam contingit ut quandoque objecta quædam vel ex parte tantum vel etiam nullatenus revocare possit. Quicquid in se habet refert, et in hoc verax est ; si verò de quibusdam silet, non inde mendax, sed solum imperfecta arguitur. Temerarium ergo erit intellectus iudicium si plus infert quam sinit memoriæ testimonium. « Si l'entendement se laisse surprendre, c'est lui qui se trompe. » Unde culpandum esset iudicium potius quam memoria, licet contrarium communiter fiat, juxta illud : « Tout le monde se plaint de sa mémoire, et personne de son jugement. »

— Quædam de conscientia specialiter adjunguntur.

A veteribus conscientia in sensu morali dumtaxat usurpatur, prout designat prædictæ rationis dictamen quo judicamus aliquid esse faciendum quia præceptum, aut vitandum quia malum. De hac nonnulla in Psychologia adduntur.

At nostra ætate conscientia designat etiam facultatem quæ percipit subjecti affectiones et facta interna, ea scilicet quæ in nobis sunt aut fiunt. Quia autem duplex est factorum internorum ordo, duplex etiam distingui solet conscientia : *sensitiva* nempe, quæ affectiones *sensibiles*, seu ordinem factorum internorum sensibilium percipit et renuntiat ; et *intellectiva*, quæ simul et ordinem factorum internorum spirituales, et affectiones sensitivas, et ipsam substantiam attingit. Conscientia intellectiva non realiter differt a ratione.

(1) *Connaissance de Dieu et de soi-même*, c. I, vii.

Distinguitur etiam conscientia *reflexa* et conscientia *concomitans*.

Conscientia *concomitans* illa dicitur quæ subjectum primo et principaliter attingit objectum, secundario autem et in actu exercito summa actum et seipsum percipit, quin tamen ad hunc ordinem subjectivum directe et in actu signato attendat. Conscientia autem *reflexa* ad illum ordinem subjectivum specialiter et directe attendit. Conscientia concomitans omnium facultatum cognoscitivarum actum comitatur, nec sine ipsa potest ulla dari certitudo. Nam requirit certitudo ut subjectum cognoscens in actu saltem exercito percipiat se cognoscere, quod importat conscientiam quamdam.

Conscientia autem reflexa essentialis non est cognitioni, nec in omni actu reperitur.

Conscientia porro proprie dicta est conscientia reflexa. Nam conscientia designat redhibitionem quamdam facultatis supra suos actus et supra seipsam, quæ reditio sit quatenus facultas ad suos actus et ad seipsam directe attendit. Sed hæc reditio et attentio est reflexio. Ergo conscientia proprie dicta importat reflexionem quamdam.

Conscientiæ objectum per se sunt omnes et solæ affectiones subjecti, ut facta interna actu existentia. Non ergo versatur conscientia circa objecta externa, neque circa præterita aut futura, sed solum circa præsentia quæ subjectum actu afficiunt.

Hæc verò facta non apprehenduntur in seipsis quasi abstracta, sed in concreto cum omnibus particularibus adjunctis ; ideoque renuntiat conscientia *indirecte* existentiam subjecti a quo illa facta interna sustentantur. Hinc illa subjecti existentia sit objectum conscientiæ indirectum.

Probatur nunc conscientiam esse inallihilē circa utrumque objectum, directum nempe et indirectum.

Prima pars contra Scepticos militat ; unde jam constat ex Scepticismi confutatione. Qui dubitat de conscientia, vel admittit se dubitare, vel non. Si non agnoscit se de conscientia dubitare, illam non impetit ; si vero admittit se dubitare, veracitatem confitetur conscientiæ, quæ dubium renuntiat.

II<sup>a</sup> pars est contra Criticos Transcendentales, qui contem-

dunt conscientia referri solum phænomenales affectiones, non vero ipsam subjecti existentiam.

Illæ affectiones, utpote accidentia, non possunt sine subjecto existere. Ergo conscientia, si reapse infallibilis est in renuntianda affectionum existentia, infallibiliter quoque existentiam refert subjecti quod affectiones producit et sustentat. Si sentio, sum; imo « si fallor sum. Nam qui non est, utique nec falli potest, ac per hoc sum, si fallor » ait Augustinus (1).

Dices: Multi conscientiam habent se esse doctos, ingenioque præstare, quod tamen non est. Ergo fallit ipsos sua conscientia.

Resp. Nego eumq. Nam verum est ipsos ita subjective affici sicut refert conscientia; revera *putant* se esse doctos, ingenio præstantes, etc.

**III. — Facultas intellectiva.** Pars hominis intellectiva diversis nominibus insignitur: *intelligentia, ratio inferior, ratio superior, etc.*, de quarum distinctione sermo erit in Psychologia. Quæ diversa nomina non significant potentias specifice diversas, sed varia ejusdem facultatis munia. Intelligentia quidem est facultas intellectiva prout versatur circa simplicem apprehensionem, et judicia immediata per se nota; ratio vero est facultas intellectiva prout ex primis principiis per se notis progreditur ad notitiam conclusionum, quæ in principiis virtualiter continentur.

« Intellectus, ait Angelicus, simplicem et absolutam cognitionem designare videtur: ex hoc enim aliquis intelligere dicitur quod interius in ipsa rei essentia veritatem quodammodo legit. Ratio vero discursum quemdam designat quo ex uno in aliud cognoscendum anima humana pertingit vel pervenit (2). »

Intellectus perficitur habitu primorum principiorum, qui est cognitio habitualis veritatum per se notarum; ratio vero perficitur habitu scientiæ, qui est cognitio certa et evidens per demonstrationem comparata.

(1) *De Civit. Dei*, lib. XI, cap. xxvi.

(2) *Q. Q. Dispp. de Verit.*, q. XV, a. 1.

**IV. — Prima conclusio.** Veracitas intelligentiæ proprie demonstrari nec debet nec potest; iis tamen qui aliquam certitudinem admittunt certo et evidenter probari potest.

1<sup>a</sup> pars jam constat. Inter primitivas veritates quæ demonstrari nec possunt nec debent recensetur aptitudo facultatis cognoscitivæ ad summi objectum rite attingendum. Liquet enim intellectum non posse probare suam veracitatem, nisi ponat se jam esse veracem (1).

Iis vero qui admittunt certitudinem potest intellectus per reflexionem invicte ostendere se infallibilitate gaudere. Sic autem concilietur hæc demonstratio.

Prob. 1<sup>a</sup> pars. Intelligentia circa simplices conceptus, rei nempe quidditatem, vel circa principia per se nota, versatur. Atqui intellectus simplices conceptus et rei quidditatem apprehendens est necessario verus, cum error simplici apprehensioni subesse nequeat.

Circa principia vero prima infallibilitate etiam gaudet. Etenim ad certitudinem infallibilem pariendam requiritur et sufficit ut res vera sit et ut intellectus cognoscat rem ita esse. Atqui « proprium est horum principiorum, ait D. Thomas, quod non solum necesse sit ea per se vera esse, sed etiam necesse est videri quod sint per se vera (2). » Ergo quantum ad ista principia intellectus infallibili gaudet certitudine.

Confirmatur. Ideo in judiciis miscetur error quia convenientia prædicati cum subjecto non apparet ex sola terminorum notitia, sed comparisonem cum medio termino exigit. Atqui in intelligentiæ judiciis convenientia prædicati cum subjecto innotescit primo intuitu, in sola terminorum notione, absque termini medii adminiculo. Ergo in his judiciis nequit misceri error.

**V. — Secunda conclusio.** Ratio humana in inferendis per ratiocinium conclusionibus per se infallibilis est, licet falli possit per accidens. Prob. 1<sup>a</sup> pars. 1<sup>o</sup> Ex aptitudine facultatis cognoscitivæ. Hæc quippe conditio est veritas primitiva, quæ

(1) Cf. q. II, art. 3, n. 4 et seq.

(2) *Post. Analyt.*, lect. 19.

minni demonstrationi præsupponitur, et in omni iudicio certo invenitur (1).

2<sup>a</sup> Perfectio naturalis hominis est scientia, quæ est de conclusionibus, et definitur : *Cognitio per demonstrationem acquisita*. Ergo si ratio esset per se fallibilis in suis ratiociniis, nunquam valeret homo suam perfectionem naturalem consequi.

3<sup>a</sup> Ut ratio infallibilis sit in ratiocinando tria sufficiant : 1<sup>o</sup> ut præmissæ veræ sint ; 2<sup>o</sup> ut forma legitima sit ; 3<sup>o</sup> ut ratio hæc cognoscat. Atqui tria hæc habentur. Ergo infallibilis est ratio in suis ratiociniis.

Majus liquet. Nam, si præmissæ veræ sunt, et recta illatio, et cognoscitur illationis legitimitas, infallibilis adeo est conclusio, ut intellectus ad ejus assensum necessitetur, tum necessitate specificationis, tum necessitate exercitii, ut infra ostendetur (2).

Declaratur minus : 1<sup>o</sup> Præmissæ sunt veræ, cum sint iudicia prima, necessaria, evidentia ; 2<sup>o</sup> cognosci potest præmissas esse veras ex iisdem fontibus quibus innotescit prima principia vera esse ; 3<sup>o</sup> ut legitima sit forma, sufficit argumentationis præcepta servare ; ut vero cognoscatur legitimitas illationis, sufficit perspicere nexum inter antecedens et consequens. Porro si mens plene cognoscit antecedens et consequens, facile nexum inter utrumque deprehendet, cum consequens logice et necessario in antecedente continetur.

Hæc pars probatione vix indiget. Falli per accidens est a recto tramite propter extrinseca obstacula deflectere. At multa sunt impedimenta quibus irretita ratio a vero elicere potest : passionum impetus, phantasmatumque perturbatio, mentis præcipitatio, levitas aut hebetudo. Qui tamen defectus circa primas conclusiones non accidunt, sed circa remotiores, in quibus non liquido perspicitur illationis legitimitas.

Merito ergo concludit Bossuetius : « Il demeure pour certain que l'entendement purgé de ses vices et vraiment attentif à son objet ne se trompera jamais, parce qu'alors, ou il verra

clair, et ce qu'il verra sera certain, ou il ne verra pas clair, et il tiendra pour certain qu'il doit douter, jusqu'à ce que la lumière paraisse (1). »

VI. — De valore idearum objectivo. Statuta omnium facultatum cognoscitivarum veracitate, in ipsa demonstratur ideas nostras valore objectivo gaudere. Ideæ quippe sunt representationes intelligibiles quæ ex sensibilibus ope intellectus et rationis efformantur. Veraces ergo sunt ideæ objectivoque gaudent valore, si sensibilia ex quibus eruantur revera existunt sicut a sensibus referuntur ; et si intellectus et ratio quæ ideas intelligunt veraces et infallibiles sunt circa propriam operationem. Atqui sensibilia revera existere sicut renuntiantur, constat ex dictis supra de criterio sensuum ; intellectum et rationem infallibiles esse in ideis intelligendis, modo ostensum est. Ergo ideæ valore gaudent objectivo.

Insuper, ideæ sunt representationes universalium. Atqui universalia non carent objectiva realitate, ut constat ex tract. I *De Universalibus*. Ergo ideæ valore gaudent objectivo.

Criticismus transcendentalis, qui objectivam idearum realitatem negat, alibi expenditur (*Metaphys. Psychol.* Tract. I, q. II, art. II). Objectiones porro contra rationis valorem fieri solitas, jam præoccupavimus, ubi de scepticismo (2).

(1) De la connaissance de Dieu et de soi-même, c. I, xvi.

(2) De objectivitate ordinis idealis consuli potest D. MARGIER, *Critériologie*, liv. III et liv. IV.

(1) Q. II, art. 3, n. 4.

(2) Tract. III, q. I, a. 3, n. 6 et n. 7.

## ARTICULUS QUARTUS

### DE CRITERIO OBJECTIVO QUOD EST EVIDENTIA (1).

**I. — Ratio articuli.** Criterium intrinsecum, sicut et ipsa cognitio, elementum duplex includit, subjectivum nempe et objectivum. Desubjectivo, seu facultate cognoscitiva, sermo fusior habitus est. Id porro quod inter objectiva criteria præstat et quod unum cognitionem certam rousat et dirigit, est evidentia. Cætera autem criteria objectiva sunt prima principia. Præsens igitur articulus erit de evidentia, sequens vero de primis principiis.

**II. — Evidentiæ notio.** Evidentia est veritatis perspicuitas animens non potest denegare assensum. Veritas rei et capacitas intellectus ita proportionantur et commensurantur ut intuitus mentis in veritate necessario ligatur illique necessario adhæreat. Se habet evidentia respectu intellectus sicut lux corporum respectu oculi. « Dicitur enim lux in spiritualibus illud quod ita se habet ad manifestationem intellectivam sicut se habet lux corporalis ad manifestationem sensitivam (2) ». Sicut fulgor objecti corporalis oculum ad visionem necessitat, ita veritatis fulgor intellectus assensum rapit. Ille porro veritatis fulgor est proprie et formaliter evidentia.

**III. — Explicatur quid sit fulgor objecti.** Id quod illuminat, seu manifestat intrinsece objectum, est forma vel essentia

rei; unumquodque enim cognoscitur per suam formam. Omnis autem essentia est participata quardam similitudine essentiæ divinæ, et immediate a divino intellectu paret. Porro divina essentia et divinus intellectus sunt lux et claritas infinita. Igitur essentia rei recipit quemdam fulgorem et intelligibilitatem quia res tota collustratur. Essentia itaque secundum seipsam est maxime resplendens; at vero, prout in singularibus concretis et materialibus existit, non est intelligibilis actu, sed debet abstrahi per virtutem intellectus agentis, ut explicabitur in Psychologia; et hac abstractione activa producitur idea, seu species intelligibilis. Species autem intelligibilis illuminatur ab intellectu agente, et, mediante lumine specierum intelligibilium, illustrantur principia prima et ea omnia quæ per principia cognoscuntur. Igitur fulgor objecti est ille quem habet objectum in specie intelligibili, prout hæc illuminatur ab intellectu agente et illuminat prima principia.

**IV. — Differentia inter certitudinem et evidentiam.** Evidentia se habet ad certitudinem sicut causa ad effectum; evidentia enim est perspicuitas objecti quod infallibiliter determinat mentem et facit adhærere absque ulla errandi formidine; certitudo vero est ille assensus firmus et infallibilis. Certitudo est proprietas actus intellectus, evidentia potius se tenet ex parte objecti. Quod clarius constabit ex dicendis de evidentia objectiva et subjectiva.

**V. — Evidentia objectiva et subjectiva.** Objectiva est ipse fulgor quo illustratur et irradiatur objectum; subjectiva est perspicuitas prout ab objecto ad intellectus perceptionem derivatur, seu, est clara intuitio objecti menti affulgentis, quæ removet omnem errandi formidinem. Evidentia objectiva est prior et causa evidentie subjectivæ; imo proprie loquendo evidentia est solum objectiva. Diximus certitudinem esse subjectivam essentialiter, objectivam autem analogice tantum (1); evidentia e contra est subjectiva solum analogice: actus nempe mentis dicitur evidens, quia est effectus eviden-

(1) Consuli possunt JOANNES A. S. THOMA, *Logic.*, q. XXVI, a. 4; SANSEVERINO, *Dynamis*; BALMÈS, *Philos. fondament.*, lib. I; PESCH, *Logic*; RABIER, *Logique*, etc.

(2) II *Dist.*, 13, q. I, ad. 2.

(1) Q. I, art. 1, n. 13.

tin, sicut color vultus dicitur sanus quia est sanitatis effectus ; sed id quod est proprie evidens est objectum, sicut id quod est proprie sanum est animal.

**VI. — Evidentia materialiter sumpta, evidentia formalis.** Evidentia materialiter sumpta est ipsa res quæ sit evidens ; quare semper est objectiva ; evidentia autem formalis est forma, seu lux, qua res illustratur et sit evidens. Hæc vero lux, ut dictum est, provenit ab intellectu agente. Lumen autem intellectus est aliquid inherens et subjectivum, et sub hoc respectu evidentia formalis dici potest aliquid subjectivi. Sub alio tamen respectu dividi potest in objectivam et subjectivam. Lumen enim subjectivum intellectus ipso præstat ; præmurim et immediate illustrat objectum, et hinc habetur evidentia objectiva ; secundario et mediate ex objecto derivatur ad intellectus perceptionem, et ita sit evidentia subjectiva.

**VII. — Evidentia immediata et mediata.** Evidentia immediata est in qua objectum per se patet menti absque termino medio, sive per simplicem mentis intuitum sive per sensuum experientiam comparetur : *Totum est majus sua parte ; dies est ; ego existo.* Mediata est quæ habetur ope nexus cum alia veritate prius cognita : *anima est immortalis.* Evidentia ejusvis conclusionis est mediata.

**VIII. — Evidentia intrinseca et extrinseca.** Evidentia intrinseca est evidentia objecti in seipso, quando nempe videtur convenientia prædicatorum essentialium : quo casu intellectus ab ipso objecto necessitatur. Evidentia vero extrinseca est qua objectum non sit evidens in se, sed tantum in motivis externis ; quo casu intellectus ab objecto non determinatur, sed indiget motione voluntatis ut ad assentiendum inclinetur. Dico : *Anima est spiritualis.* Mens connexionem videt terminorum in seipsis ; perspecta autem hac habitudine necessitatur assensus, nec requiritur voluntatis impulsus. At dico : *Deus est unus et trinus.* Non vitio quomodo unitas in essentia et trinitas in personis inter se convenient, et idcirco intellectus ab

objecto non cogitur. Sed scio Deum esse veracem, Deumque illud cognoscibile revelasse ; est ergo motivum adhærendi huic objecto, ac tuto potest voluntas intellectum cogere ut illi objecto assentiat.

Quandoque motivum adhærendi excludit omnem errandi formidinem, et ita habetur evidentia *credibilitatis* ; quandoque vero formidinem admittit, et est evidentia *probabilitatis*.

Itaque in casu evidentie intrinsece mens assentit propter *auctoritatem evidentie* ; in casu vero evidentie extrinsece assentit propter *evidentiam auctoritatis*, vel *evidentiam probabilitatis*. Omnis porro assensus, ut sit prudens, aliquam evidentiam, saltem extrinsecam, requirit. Veritates etiam fidei, etsi non evidentes intrinsece, vera tamen gaudent extrinseca evidentia : liquilo enim constat dari motiva credendi firmiter absque ulla errandi formidine. His in luce positis, statuitur

**IX. Conclusio : Evidentia est criterium quod vi sua cogit intellectus assensum, et cui subesse nequit falsum.** Proh. I<sup>a</sup> pars. Facultas naturalis necessitatur ab objecto suo formali sufficienter proposito : sicut oculus apertis palpebris necessario videt. Atqui intellectus est potentia naturalis, et ejus objectum formale est verum. Ergo intellectus necessitatur quantum verum est ipsi sufficienter propositum. Sed, cum verum apparet menti evidens, est sufficientissime propositum, siquidem est menti præsens in sua luce et perspicuitate. Ergo intellectus necessitatur a vero evidenti.

Proh. II<sup>a</sup> pars. Constat intellectum natura sua necessitari ab evidentia. Sed si evidentie veræ posset subesse falsum, intellectus natura sua cogeretur ad errorem, et sic falleretur per se, quod jam confutavimus. Ergo evidentie veræ subesse nequit falsum.

Diximus : evidentie veræ, quia, ut optime notat P. Schiffrini (1), aliquid quod est evidens, ex inconsideratione mentis ratione alicujus similitudinis confundi potest cum eo quod reipsa non est evidens, cui proinde falsum subesse potest. Hoc autem accidit cum quis confundit evidentiam consequen-

(1) Log., pag. 249.

tur cum evidentia consequentis, aut evidentiam moralem et physicam cum evidentia metaphysica.

*Dices* : Ut evidentia sit criterium debet esse evidens hæc propositio : *Evidens est verum*. Atqui hæc propositio non est evidens. Ergo evidentia non est criterium. Resp. Neg. min. Nam, ut ex terminis liquet, evidens est verum ut perspicuum. Porro hæc propositio : *verum perspicuum est verum*, evidentissima est. Ergo hæc propositio : *evidens est verum*, evidentia gaudet.

**X. — An evidentia distinguatur a veritate.** Evidentia non distinguitur realiter a veritate tanquam nova entitas ipsi addita, sed logice duntaxat. Evidens quippe designat ipsum verum perspicuum; ergo veritas et evidentia sunt materialiter idem, nec possibile est ut perspicuitas competat falso; nam falsum est quædam privatio et difformitas in cognitione. Evidentia tamen a veritate logice differt, siquidem importat speciem perspicuitatem respectu intellectus, seu dicit veritatem reduplicative ut menti affulgentem.

**XI. — An omnis veritas sit evidens.** Res fuit aliquatenus controversa. Cartesiani, necnon plures ex recentioribus, præsertim Ontologistæ, imo Balnes et Sanseverino, existimant evidentiam non competere omnibus veritatibus, sed solum veritatibus necessariis et universalibus. Altera autem sententia vult omnem veritatem evidentia gaudere. Difficultas vero distinctione solvitur. Materialiter quidem et *quoad se* omnis veritas est evidens; non autem formaliter et *quoad nos*.

Prima pars jam constat, nam veritas et evidentia sunt materialiter idem. Insuper, evidentia est claritas, perspicuitas, seu intelligibilitas objecti. Atqui omnis essentia, cum sit participatio quædam intelligibilitatis divinæ, habet claritatem et intelligibilitatem. Ergo omnis essentia quoad se evidentiam suscipit. — Non autem quoad nos. Evidentia quoad nos est veritas ut manifesta et perspicua, sive propter objecti defectum, sive propter objecti eminentiam et intellectus infirmitatem, qui se habet ad maxime intelligibilia sicut oculus

nuctuæ ad solem. Ergo non omnes veritates evidentia gaudent respectu nostri.

Ipsæ autem veritates evidentes quoad nos diverso titulo evidentia potiuntur: aliæ quippe evidentia immediata gaudent, sicut prima principia, quæ cognitio terminis illien intelliguntur; aliæ vero evidentia mediata, ut conclusiones quæ ope mediæ termini eruantur; aliæ evidentia intrinseca, ut principia intellectus vel conclusiones scientiarum; aliæ denique evidentia extrinseca tantum, ut illæ quæ fide tenentur.

**XII. — Quid dicendum de evidentiis illusoriis.** Contendit Bahier dari evidentiis *illusorias* quamvis absolutas. Quæ assertio in terminis ipsis implicat.

Repugnat enim verum ut sic esse illusorium. Atqui evidentia est verum ut perspicuum. Ergo repugnat evidentiam esse illusoriam, seu evidentie subesse falsum, ut modo ostensum est.

Si qua ergo illusio interdum subrepat, non ipsi evidentie est ascribenda, sed intellectui, qui inconsiderate confundit evidentiam consequentiam cum evidentia consequentis, vel cum aliquo alio quod reapse non est evidens.

**XIII. — De triplici evidentie modo.** Cum evidentia sit veritas ut visa, tot sunt evidentie modi quot sunt modi visionis. Triplex autem est visionis modus. Ergo tres evidentie modi (I). Primus quidem visionis, seu evidentie, modus est in simplici apprehensione. Visio enim primordialiter sensui tribuitur, et per translationem intellectui, quando ipsa forma intellectualis fit in mente sive per lumen naturale, ut quum intelligimus hominis quidditatem, sive per lumen supernaturale, ut quum intellectus divinitus illustratur ad aliquid apprehendendum. Secundus modus est in iudiciis immediatis et intuitivis, sicut quum per lumen naturale principia prima intelligimus, quæ statim, notis terminis, luce propria menti applicantur.

Tertius modus est in iudiciis mediatis quæ per demonstrationem et scientiam manifeste resolvuntur in principia per

sæ nota. Eo ipso enim quod per necessariam connexionem veritatibus per se notis conjungantur, illuminantur ab istis principijs, perinde ac si essent visa, et sic fiunt evidentia.

**XIV. — Inevidentia.** Ex quibus intelligitur quid sit inevidentia. Est visionis privatio, qua fit ut objectum menti propositum sufficiens non sit ad potentiam convincendam et determinandam. Quare ut intellectus adhæreat, requiritur imperium et influxus voluntatis. Non superaddit autem voluntas lumen novum quo tollatur inevidentia, id quippe non est facultatis appetitivæ minus; sed intellectus voluntate inclinatus vidensque affectum voluntatis ad objectum, non renuit adhærere objecto quum voluntati placet. Convenit porro inevidentia tum opinionis, quæ est assensus simul incertus et inevidens, tum fidei, qui est assensus inevidens, sed certus. Quare, ut fiat ætus opinionis vel fidei, requiritur motio voluntatis facientis adhærere objecto quod voluntati ipsi convenit et placet.

## ARTICULUS QUINTUS

### DE CRITERIO PRIMORUM PRINCIPIORUM

**I. — Notio primorum principiorum (1).** Prima principia sunt propositiones inemonstrabiles quæ, statim, notis terminis, cognoscuntur. « Hujusmodi sunt communia, ait Angelicus, eo quod nostra cognitio a communibus ad propria pervenit. Et ideo istæ propositiones sunt prima demonstrationum principia, quæ componuntur ex terminis communibus, sicut *totum et pars*, ut: *omne totum est majus sua parte*; *æquale et inæquale*, ut: *quæ uni et eidem sunt æqualia sibi sunt æqualia*. Et eadem ratio est de similibus (2). » Hæc prima judicis, prout sunt communia omnibus, dicuntur *axiomata*, seu *dignitates*, quia digna sunt quæ statim ab omnibus absque prohibitione admittantur.

**II. — Quæ sit differentia inter axiomata, maximas, effata, principia facti.** *Axiomata*, licet in sensu lato designare pos-

(1) Principia sub ratione motivorum et criteriorum ad Logicam referuntur; prout vero sunt rerum constitutiva, considerantur a Metaphysica. Quædam tamen sunt principia quæ ordinem realem præcipue spectant, ut principia *causalitatis*, *rationis sufficientis*, *finalitatis*, et istorum consideratio est ontologica. Quare de iis in Metaphysica Ontologica disserimus. Hic ergo sermo est de principiis quæ ad ordinem pertinent cognitionis. — De principiis vero consuli possunt ARISTOTELES in I *Post. Analyt.*, et in IV *Metaphys.*; D. THOMAS, *Lectiones* in præfatos Aristotelis libros; SUAREZ, *Disputationes Metaphysicæ*, disp. III; BALMIS, *Philosophie fondamentale*, lib. I, c. xx; ZIGLIARA, *Critic.* lib. II, cap. II; PESCH, *Logic.*; P. GEORGIUS A VILLAFRANCA, *Critic.* lib. III; ELIE BLANC, *Logique*, c. XVI.

(2) I *Metaph.*, lib. IV, lect. 3, II.



sint omnes veritates indemonstrabiles, stricte tamen loquendo, sunt principia prima omni scientiæ communia; dicuntur etiam *dignitates*, *Maximæ* designant prima principia ordinis practici, vel etiam omnem propositionem quæ communiter inter homines ut veritas admitti solet.

*Effata* vero non rari cum axiomatibus vel maximis confunduntur; speciatim tamen designant iudicia quedam quæ se habent ut principia scientiæ propria, et in quibus scientia ut in quidam compendii resumitur; sic tota cognitionis theoria hæc effata continetur: *Cognitio fit secundum quod cognitum est in cognoscente*. Hæc iudicia, licet universalis, non sunt necessario immediata; sed ab axiomatibus dependent, et per axiomata probari possunt.

Denique *principia facti* sunt iudicia a posteriori, seu synthetica, quæ experientia immediate vel mediate cognoscuntur.

— Inter axiomata recensentur: Totum est majus sua parte. — Eadem uni tertio sunt eadem inter se. — Causa causæ est causa causati. — Ex nihilo nihil fit. — Nihil dat quod non habet.

— Inter maximas: Declina a malo et fac bonum. — Peritis in arte credendum est. — Potior tempore potior jure. — Affirmanti incumbit probandi onus. — Qui tacet consentire videtur.

— Inter effata: Actus et potentia sunt in eodem genere. — Nihil agit nisi in quantum est actu. — Cognitio fit in quantum cognitum est in cognoscente. — Omne agens agit propter finem. — Omnis effectus assimilatur suæ causæ. — Nihil agit ultra suam speciem. — Operari sequitur esse, modus operandi sequitur modum essendi. — Ars supponit naturam.

— Inter principia facti: Cogito, sum; mundus existit.

### III. — An prima principia criteria sint veritatis.

Non pauci ex Cartesianis, ut Arnauldus, contendunt principia experimentalia non esse veritatis criteria, quia de illis non certitudinem, sed probabilitatem dumtaxat comparare possumus. Subjectivistæ e converso, qui objectivitatem conceptuum inficiantur, consequenter tenent principia analytica criteria non esse certitudinis.

### IV. — Prima conclusio: Principia prima analytica firmissima sunt veritatis criteria.

Arg. 1<sup>um</sup>. Cum evidentia sit infallibile veritatis criterium, id firmissimum dicendum est criterium quod habet in se evidentiam, et a quo cætera evidentiam mutuatur. Sed principia prima habent in seipsis evidentiam, et e contra cætera ab ipsis evidentiam mutuatur: nonis quippe evidentia iudiciorum meliorum, seu conclusionum, est participatio quedam derivata ab evidentia primorum principiorum. Ergo prima principia sunt firmissima criteria.

Arg. 2<sup>um</sup>. Id sane criterium est certitudinis quod est semen omnis scientiæ et certitudinis. Sed prima principia sunt scientiæ semina; tota namque scientia est evolutio principiorum, ipsaque certitudo scientifica nihil aliud est quam certitudo principiorum. Tunc enim conclusiones per certitudinem sciuntur quum resolvuntur in principia: hinc est quod perfecta sapientia sit resolvere conclusiones non solum in proximas causas, sed in prima principia, seu primas causas. Ergo.

V. — Secunda conclusio: Etiam principia facti, seu experimentalia, criteria sunt veritatis. Ideo negant adversarii hujusmodi principia esse veritatis criteria, quia contendunt inductione, cujus usus acquiritur, non posse comparari veram certitudinem, cum impossibilis sit completa omnium singularium enumeratio. Atqui hæc ratio nulla est. Ergo. Declaratur minor. Licet enumerari non possint omnia singularia, colligi tamen possunt tot observationes ut ad essentiam singularium concludi possit. Atqui, cognita essentia singularium, habetur medium statuendi principium generale omnino verum et infallibile, quia natura una est in omnibus. Res patebit ex dicendis infra de inductione (Tract. III, q. II).

VI. — Quodnam sit principium omnium primum. Alii aliud assignant. Ontologistæ volunt esse aliquam veritatem quæ sit origo et fons omnis cognitionis nostræ et ratio representativa omnium quæ cognoscimus. Cartesiani tenent esse: *Cogito, ergo sum*; Leibnitz ponit esse simul principium contradictionis et principium: *Nihil est sine ratione sufficienti*. Scho-

lastici vero docent in demonstratione perfecta, directa, ostensiva, esse hoc principium: *Omne ens est sua natura*; abstrahendo autem ab omni specie demonstrationis, principium omnium simpliciter primum esse: *Impossibile est idem secundum idem simul esse et non esse.*

**VII. — Conditiones primi principii.** Assignantur ab Aristotele et D. Thoma (1). « Prima est quod circa hoc non possit aliquis mentiri sive errare. Et hoc patet, quia homines non decipiuntur nisi circa ea quæ ignorant; ideoque circa quod non potest aliquis decipi, oportet esse notissimum. — Secunda est ut non sit conditionale, scilicet ut veritas ejus non pendeat ex suppositione, quia jam aliud supponeret, nec esset primum; sed oportet per se esse notum. — Tertia conditio est ut non acquiratur per demonstrationem, sed adveniat quasi per naturam habenti ipsum. Nam quod demonstratur est conclusio, non principium. » His præsuppositis, statuitur

**VIII. — Prima conclusio:** Primum principium humanæ certitudinis non est aliqua veritas prima quæ sit fons et ratio repræsentativa omnium quæ a nobis cognoscuntur.

Probat. Scientia nostra acquiritur per demonstrationem. Sed, si omnia cognoscimus in aliqua veritate omnium repræsentativa, superfluit demonstratio, jamque efficiamur sicut Deus, omnia uno intuitu capientes.

— Caterum veritas illa perfectissima omnium repræsentativa cognosceretur vel simplici apprehensione vel judicio. Sed utrumque repugnat. Ergo.

Proh. min. Non posset cognosci per simplicem apprehensionem, quæ est cognitio inchoata et in qua veritas imperfectissime invenitur. Nec per judicium, nam judicare est componere vel dividere. Sed veritas omnium repræsentativa est aliquid simplex et uniforme quod cujusvis compositionis et divisionis expers existit. Ergo.

**IX. — Secunda conclusio:** Principium simpliciter primum est principium demonstrationis directæ, ostensivæ, positivæ.

(1) In 4. *Metaphysicorum*.

Demonstratio ostensiva rem probat ex ipsis rei intrinsicis, indirecta vero ex extrinsecis, quia nempe alias sequeretur absurdum. Atqui perfectius et nobilius est rem ex intrinsicis quam ex extrinsecis agnoscere et demonstrare.

Ergo principium omnium perfectissimum et nobilissimum debet esse principium demonstrationis ostensivæ. — Imo et positivæ. Nam demonstratio negativa indicat solum quid res non sit; positiva autem quid res sit, quod certe perfectius est. — Insuper, conclusio negativa pendet ab aliqua propositione affirmativa, quia utraque si præmissa neget, nil inde sequitur.

Sed principium primum a nullo pendere debet.

Ergo principium primum debet esse propositio affirmativa et positiva.

**X. — Tertia conclusio:** Primum principium in demonstratione ostensiva, positiva, est: *Omne ens est id quod est, seu est sua propria natura.*

Probat. Primum principium in syllogismo ostensivo, affirmativo, debet esse definitio quæ omnes alias definitiones complectatur. Atqui definitio quæ omnes alias complectitur est ista: *Omne ens est sua propria natura.* Ergo in syllogismo affirmativo, seu in demonstratione directa, primum principium est: *Omne ens est sua propria natura.* Probat. major. Primum principium in syllogismo affirmativo ita est exprimendum ut prædicatum deprehendatur convenire subjecto ex sola rei natura. Atqui natura rei per definitionem manifestatur, cum sit conversio inter definitionem et naturam definiti. Ergo primum principium exprimendum est per definitionem, et, cum hic agatur de principio generalissimo exprimendum est per definitionem generalissimam quæ omnes complectatur definitiones.

Probat. maj. ultimi argumenti. Principium syllogismi affirmativi est dictum de omni vi cujus prædicatum quod asseritur de subjecto universali debet convenire subjecto particulari sub universali contento. Atqui istud prædicatum cognoscitur convenire subjecto universali vel per aliam demonstrationem, quo casu non habetur principium primum, quod est indemonstrabile, vel inferitur ex alio prædicato conveniente eidem

subjecto, nec tunc habetur primum principium quod est omnino independens. Ergo, cum non sit procedendum in infinitum, deveniendum est ad aliquod principium in quo prædicatum cognoscatur convenire subjecto ex natura rei. Igitur primum principium taliter exprimendum est ut convenientia prædicati cum subjecto ex sola natura subjecti deprehendatur.

Prob. min. scilicet : definitio quæ alias complectitur hæc est : *Omne ens est sua propria natura*.

Nam, dicendo : *ens* ponitur subjectum generalissimum quod complectitur omnia ; dicendo : *est sua natura* designantur cætera quæ omni enti invariabiliter conveniunt, nempe essentialitas, indivisibilitas, distinctio. Natura enim quæ est sua et indivisa in se est divisa ac distincta a quolibet alio (1).

Confirmatur exemplo. Definitio hominis est : *Homo est animal rationale*. Sed animal rationale est natura hominis. Ergo definire hominem est dicere implicite : *Homo est sua natura*. Igitur definitio hominis, et idem valet pro cæteris, continetur in ista : *Omne ens est sua natura*.

**XI. — Quarta conclusio :** Primum principium in demonstratione indirecta est principium contradictionis : *Impossibile est idem secundum idem simul esse et non esse*.

Probatur. Demonstratio indirecta probat rem ita esse debere quia seens absurdum sequeretur. Atqui absurdum est impossibilitas duorum conceptuum in eodem secundum idem, simul (2). Ergo principium primum in demonstrationibus indirectis est illud in quo exprimitur impossibilitas duorum conceptuum in eodem secundum idem, simul. Sed hæc impossibilitas nonnisi hoc modo exprimi potest : *Impossibile est idem secundum idem simul esse et non esse*. Ergo

(1) Cf. Card. ZIGLIARA, *Critic.*, lib. II, cap. II, a. 2.

(2) « Voce *simul* non solum tempus significatur, sed generatim exprimitur contradictoria ambo una accepta et vera et falsa esse non posse » (PESCH, *Loy*, n. 1231). Additur itaque *simul* ut appareat præfatum iudicium ad omne ens universalissime se extendere, et ad necessaria, quæ sunt independentes a tempore, et ad contingentia quæ in tempore significantur. Graviter ergo erravit Kantius illam particulam omittendo (Vide infra, n. xv).

primum principium in demonstratione indirecta est principium contradictionis : *Impossibile est idem secundum idem simul esse et non esse*.

Ad principium contradictionis reducit principium *medii cretasi* : *quodlibet aut est aut non est*. Est igitur contradictionis principium eo modo expressum ut appareat inter dua contradictoria non dari medium.

**XII. — Quinta conclusio :** Abstractione facta a speciebus demonstrationum, primum principium est principium contradictionis.

Illud principium est simpliciter primum a quo cætera probantur, ipsum autem non potest ab alio probari ; quod non potest in dubium verti quodque in omni alio iudicio implicite continetur. Atqui huiusmodi est principium contradictionis. Ergo, Prob. min. Cætera principia per principium contradictionis demonstrantur, non quidem demonstratione proprie dicta, cum supponantur indemonstrabilia, sed per quamdam explanationem et analysin terminorum. Sic principium : *Totum est majus sua parte*, ideo probatur, quia alioquin sequeretur totum non esse totum. Principium primum positivum : *Omne ens est sua natura* hoc etiam modo ostenditur. Si enim ens non est sua natura, seu non est id quod est, sequitur aliquid esse et non esse.

Igitur cætera principia in principium contradictionis resolvuntur. Sed nullum est aliud in quod ipsum principium contradictionis resolvi queat et a quo probetur. Qui enim intendit hoc principium probare supponit probatum et non probatum non esse idem : quod est profiteri ipsum contradictionis principium. — Pariter, qui in dubium verteret hoc principium supponeret illud esse falsum. Sed non potest supponere illud falsum nisi teneat falsum non esse verum.

Ergo nemo potest illud principium negare, nisi illud probetur.

Tandem, hoc principium in omni iudicio continetur. Principium contradictionis versatur circa notionem entis, nam exprimit pugnam quæ est inter ens et non ens. Sed notio entis in omni conceptu et in omni iudicio inhibetur, siquidem om-

nis conceptus exprimit quamdam entis determinationem.

Ergo axioma contradictionis implicite continetur in omni iudicio.

Res exemplo manifestatur : Qui dicit : *Deus est justus*, ipso suo asserto profitetur Deum non esse injustum et supponit justum et injustum non esse idem (1).

**XIII. — Corollarium.** Hinc relictæ manent sententiæ Cartesii et Leibnitzii. — Primum quippe factum : *Cogito*, ex quo inferitur : *ergo sum*, non tenet nisi quia repugnat simul cogitare et non cogitare, quod est principium contradictionis. Principium etiam rationis sufficientis supponit esse sine ratione sufficienti et esse cum ratione sufficienti non esse idem, quod est supponere contradictionis principium. Ergo principium rationis sufficientis non est primum (2).

**XIV. — Quo sensu concedi possit contradictionis principium non esse primum.**

Quadruplici titulo dicitur primum : 1<sup>o</sup> Quia omnia alia ipso probantur, ipsum autem a nullo ; 2<sup>o</sup> necessitate, quia omnia alia ipsum supponunt ; 3<sup>o</sup> universalitate, quia se extendit universaliter ad omne ens, cum exprimat pugnam quæ est inter ens et non-ens ; 4<sup>o</sup> quia omnia cætera reducuntur ad ipsum. Versatur enim circa notionem entis ; quare, sicut omnes ideæ ad entis conceptum reducuntur, ita omnia principia ad contradictionis principium revocari possunt.

Secundum alium tamen respectum non est primum ; quod quidem triplici sensu intelligi potest : 1<sup>o</sup> Quia principium absolute primum est principium demonstrationis directæ, posi-

(1) « Ce principe est celui qui soutient tout raisonnement, et qui nierrait une conséquence d'un argument bien fait, en accordant la majeure et la mineure, serait forcé d'avouer qu'une chose serait et ne serait pas en même temps.

Ce principe est tellement le premier, que les autres s'y réduisent ; en sorte qu'on peut tenir pour premiers principes tous ceux où, en les niant, il paraîtrait d'abord à tout le monde qu'une même chose serait et ne serait pas en même temps. » BOSSUET, *Logique*, liv. II, ch. XII.

(2) De principio rationis sufficientis ejusque distinctione a principio causalitatis vide *Metaphys. Ont.* Tract. IV, q. I, a. 4.

tivæ, ostensivæ, ut modo probatum est (n. IX) ; 2<sup>o</sup> quia non est principium actu continens cætera principia. Sicut enim idea entis exhibet aliquid potentiale in cujus analysi cæteri conceptus non includuntur actu et determinate, ita contradictionis principium est veritas quasi potentialis in cujus analysi cæteræ veritates non continentur actu. 3<sup>o</sup> Quia non assumitur universaliter ut premissa omnis demonstrationis.

In omni quidem demonstratione virtualiter concurrebat contradictionis principium, quia nulla est vis probandi si nuda vis illius principii, attamen contradictionis principium non assumitur proprie et formaliter ut præcognita omnis demonstrationis præmissa.

**XV. — De vera formula principii contradictionis.**

Cum principium contradictionis versetur circa pugnam quæ est inter ens et non-ens, enuncians est aliqua formula quæ illam pugnam clare et nervose exprimat. Atqui formula pugnam inter ens et non-ens clare et nervose enuncians est ipsa propositio modalis de impossibili quæ necessitatem insuperabilem importat. Ergo formula principii contradictionis debet esse propositio modalis de *impossibili* : *Impossibile est*.

At verò, ut realis sit pugna inter ens et non ens, accipiendum est idem ens secundum eundem entis respectum ; nam, si adsit diversum ens vel idem sub diverso respectu pugna illa evanescit. Ergo scite additur : *Idem secundum idem*.

Denique, quia principium contradictionis est lex universalissima entis se extendens universalissime ad omne ens, taliter exprimendum est ut appareat nunquam contingere posse exceptionem, neque in necessariis quæ sunt independentes a tempore, neque in contingentibus quæ in tempore significantur ; ad quod indicandum congruentissime additur particula *quando*, quæ « non solum tempus significatur, sed generatim exprimitur contradictoria animo una accepta et vera et falsa esse non posse », ut dicit cl. P. Pesch.

Ergo verò principii contradictionis formula illa est quam perinde tradunt Peripatetici et Scholastici : *Impossibile est quando secundum idem simul esse et non esse*.

Kantius tamen in pluribus formulam reprehendit. Imprimis

vix *impossibile* superfluit, quia certitudo propositionis a priori ex sola propositionis natura innotescere debet; aliunde vox *simul* inepta est, quia veritas iudicii a priori independens est a tempore.

Quare communi formulæ alia congruentior substituenda est, nimirum: *Prædicatum quod rei, seu subjecto, repugnat, ei non convenit.*

Quantum autem hæc asserta a vero aberrant haud ægre deprehenditur. Jam enim ostensum est vocem *impossibile* adhiberi ut clarius et nervosius exprimat pugnā inter ens et non-ens; vocem autem *simul* significare contradictoria ambo una accepta et vera et falsa esse non posse, et insuper, prout significat tempus, extendere principium universalissime ad omne ens, etiam ad contingentia.

Formula vero kantiana multiplex laborat vitiis.

Inquiris destruit vim objectivam illius principii. Nam dicendum: *Prædicatum quod subjecto repugnat, ei non convenit*, innuit Kantius illud principium pertinere ad propositionem prout habet esse in anima, ideoque esse legem cogitationis et intra subjectivum cogitationis ordinem conerari.

Secundo, destruit illius universalitatem. Nam rejiciendo partem *simul*, nunc Criticus germanus principium illud solum ad formas abstractas se extendere, non autem ad res contingentes, concretas realiterque existentes, quæ in tempore sunt et in tempore significantur.

**XVI. — De principio primo in ordine experimentalī.** Jam monuimus (nº v) necessariam non esse omnium singularium enumerationem ut vera sint principia experimentalia, sed sufficere ut expertis quibusdam concludi possit ad essentiam singularium, quia jam habetur principium universale quo niti possit demonstratio. Illud autem principium experimentale a quibusdam philosophis, post Humium, sic exprimitur: *Futurum præterito erit simile.*

Animadvertatur porro istud effatum considerari posse in ordine rerum concreto: expertus sum hodie, heri, nullius tertius ignem calefacere, solem oriri; comperi igitur eodem modo agere ignem vel solem heri et hodie; hinc percipio futu-

rum præterito esse consimile. Quæ ratio principium illud experientiam supponit et ipsa comprobatur.

At rursus considerari potest ut *universale*, et jam illius certitudo, licet experientiam supponat quæ acquiritur ipsum principium, non tamen in experientia sola fundatur, ut contendit Galluppi, sed ex aliquo principio rationali inferenda est. Experientia particularis est. Atqui certitudo illius principii est generalis et universalissima. Ergo certitudo illius principii in sola experientia non fundatur, nisi velimus conclusionem latius esse præmissis.

Quo pacto ergo stabilietur illa certitudo? Non instinctu cæco, ut vult Reid, nam scientiæ experimentales non possunt instinctu cæco niti. Sed hac ratione comparatur: Ideo futurum erit præterito simile, quia constat dari effectus uniformes, invariabiles. Sed effectus uniformes, invariabiles requirunt causam uniformem, invariabilem, quæ est natura semper eadem et eodem modo operans.

Ergo ideo futurum erit præterito simile, quia natura est semper eadem eodemque modo operatur.

Licet igitur principium: *Futurum erit præterito simile* verissimum sit, non tamen est simpliciter primum, nec in sola experientia fundatur, sed ex alio universaliori infertur et probatur, hoc modo: Natura est semper eadem et eodem modo operatur. At si natura semper eodem modo est et agit, necesse est ut futurum sit præterito simile. Ergo futurum præterito erit consimile.

Quocirca principium istud est solum quoddam particulare iudicium contentum sub hoc generali: Natura semper eodem modo est et operatur. Vide dicenda infra de Inductione, Tract. III, q. II.

## ARTICULUS SEXTUS

## ¶ DE CRITERIO EXTRINSECO QUOD EST AUCTORITAS DIVINA

I. — **Notio magisterii.** Criteriâ extrinseca ad magisterium externum omnia reduci possunt. Quædam ergo de magisterio in genere prænotare opportunum erit ex illis quæ disserit Angelicus in *Quest. Disput. de Magistro*.

Magisterium definiri potest : *Medium seu principium extrinsecum quo discipulus ducitur in cognitionem veritatis.* Dicitur principium externum, quia principium scientiæ intrinsecum est vis naturalis intellectus, in quo præexistunt quædam scientiarum semina, scilicet prima principia. Magisterium se habet ad causandam scientiam sicut medicina ad causandam sanitatem. Medicina porro sanitatem non causaret nisi essent in natura principia sanitatis activa; quocirca medicus in sanatione est minister naturæ, quæ principaliter operatur, minister quidem naturam confortando, et medicinas apponendo quibus velut instrumentis natura ad sanationem utitur. Similiter, magister non causaret scientiam nisi præxisterent in mente discipuli quædam principia activa quæ sunt cognitionis semina. In principijs enim universalibus omnia principia includuntur sicut in quibusdam rationibus seminalibus.

Magister igitur est quasi minister naturæ, confortat intellectum proponendo veritatem per signa, et voces; et per hujusmodi sibi proposita sicut per quædam instrumenta discipulus pervenit in cognitionem ignotorum.

Quando quis sanatur per operationem naturæ tantum, sanitas dicitur esse a principio intrinseco; quando vero quis

sanatur cum medicinæ adminiculo, dicitur sanitas esse a principio extrinseco, supponente et adiuvante principium intrinsecum quod est natura. Ita, cum quis per seipsum devenit ad cognitionem ignotorum, dicitur scientia esse a principio intrinseco, et hic modus vocatur *inventio*; cum vero utitur adminiculo magisterii, dicitur scientia esse a principio extrinseco supponente et adiuvante naturam. Magisterium ergo est principium scientiæ extrinsecum, cui præsupponitur principium intrinsecum, scilicet naturalis ratio discipuli. Operatur itaque magister mediante operatione intellectus discipuli et lumine primorum principiorum. Hinc, si aliquis alicui proponat ea quæ in principijs per se notis non includuntur, vel includi non manifestantur, non faciet in eo scientiam, sed forte opinionem vel fidem.

II. — **An aliquis possit esse suipsius magister.** Cum magisterium sit principium extrinsecum, aliquis non potest dici suipsius magister, licet possit esse sibi ipsi causa sciendi.

Ad perfectam enim rationem actionis oportet ut agens habeat actum in se totum quod in effectu per ipsum causatur; si enim effectum inducendum non continet nisi in parte, erit imperfecte agens. Atqui doctrina importat perfectam actionem scientiæ in magistro. Ergo « oportet quod ille qui docet vel magister est, habeat scientiam quam in alio causat, explicite et perfecte, sicut in addiscente per doctrinam. Quando autem alicui acquiritur scientia per principium intrinsecum, illud quod est causa agens scientiæ non habet scientiam acquirendam nisi in parte, scilicet quantum ad rationes seminales scientiæ, quæ sunt principia communia. Et ideo ex tali causalitate non potest trahi nomen doctoris vel magistri proprie loquendo » (1).

III. — **Magisterium et testimonium.** Magisterium in genere est manifestatio veritatis ignotæ facta ab alio cui innotescit illa veritas. Porro veritas potest esse scientifica, necessaria, universalis; vel contingens, sicut factum. Manifestatio qui-

(1) Q. de Magistro, a. 2.

dem veritatis scientiæ est *magisterium* proprie dictum, seu *doctrina*, et persona manifestans est proprie *magister*, *doctor*. Manifestatio autem veritatis facti est proprie *testificatio*, seu *testimonium*, et persona manifestans dicitur *testis*, qui etiam aliis nominibus appellatur *narrator*, *scriptor*, *historicus*.

IV. — **Conditiones magisterii.** Porro in rebus scientificis magisterium est quidem medium, seu causa, cognoscendi veritatem, ratio tamen cur discipulus veritati assentiatur, *non est præcise quia magister dixit, sed quia discipulus veritatem videt, seu videt magistrum verum dixisse.* Unde magisterium hoc sensu acceptum visionem causat et scientiam generat.

In rebus vero testimonii, discipulus factum admittit, non quia veritatem ipse videt, sed *quia magister, seu testis, dixit*; unde hoc casu magisterium parit proprio fidem. Age vero, Magistro, seu testi, credere nulla ratione cogimur nisi quatenus in ipso reperitur vis quædam nos movendi ad suis dictis assentiendum. Que vis moralis intellectum et voluntatem determinans ad assentiendum dictis alterius vocatur auctoritas. Dicitur itaque magister auctoritatem habere quatenus dignus est eni fides adhibeatur. Ad hoc autem duo requiruntur: 1º ut non fallat, et idecirco gaudere debet *veracitate*, sinceramque præ se ferre voluntatem ceteros non decipiendi. Sæpe vero contingit ut quis cum sincero veritatis amore, alios inconscius decipiat: unde requiritur 2º ut non fallatur, ad quod necessaria est *scientia*; nullus enim fallitur nisi circa que ignorat. Duæ itaque sunt auctoritatis conditiones: *scientia* et *veracitas*; scientia vi ejus magister non fallitur, veracitas vi ejus non vult fallere.

V. — **Dividitur magisterium in divinum et humanum.** Deus in ordine naturali est magister duplici ratione: 1º quia dat formam sine qua non potest fieri intellectio; 2º quia movet et applicat illam formam ad intellectionis actum. Forma porro qua intelligimus est duplex: lumen intellectus et species intelligibilis: utrumque vero a Deo provenit. Intellectus quidem immediate a Deo creatur, species vero intelligibilis causatur immediate a rebus; sed, quia res ab ideis divinis

pendent, hinc mediate ab ideis divinis originari dicitur scientia.

Deus alia etiam ratione fit hominis magister, quatenus vim intellectivam applicat ad actum. Intellectus quippe est facultas in potentia; nihil vero transit de potentia ad actum nisi divine motionis efficacia.

Solus ergo Deus est qui principaliter et interius docet, sicut etiam natura interius et principaliter sanat. Homo vero docet exterius et tanquam minister nature, ut prius dictum est.

Dupliciter etiam unus homo alium docet: 1º causando formam qua discipulus intelligit; 2º movendo intellectum. Magister non producit quidem formam principalem quæ est lumen intelligibile, sed est quodammodo causa speciei intelligibilis, in quantum nobis proponit quædam signa intelligibilia intentionum quas intellectus noster ab illis signis accipit.

Magister est quasi medium inter res et intellectum; intellectus enim accipit scientiam tum a rebus tum a magistro, sed verba doctoris propinquius se habent ad causandum scientiam quam sensibilia. Nam sensibilia sunt intelligibilia in potentia, verba autem magistri sunt signa conceptuum qui actu sunt intelligibiles.

Insuper, homo movet alterius intellectum excitando, adjuvando, confortando.

Deus præter magisterium naturale et internum quod in singulis exercet hominibus, aliud sibi vindicat magisterium externum, quo veritatem supernaturaliter nobis manifestat, et quo in mente generat fidem. De hoc magisterio supernaturali nunc inquirendum est.

VI. — **Notio fidei in genere.** Fides in genere importat mentis assensum aliquo testimonio innixum, et, quia omnis assensus aliquo testimonio, intellectus saltem testimonio, nititur, hinc assensus omnis lato sensu dici potest *fides*. Sed proprie fides importat assensum innixum testimonio *alterius*, et ideo invidenti, qui tamen (si agatur de fide perfecta) excludit omnem errandi formidinem. Ille assensus fidei sub

influxu voluntatis elicitur. Intellectus enim cogitur ad adhaerendum vel ab objecto vel a voluntate. Sed non ab objecto, quod supponitur inevidens. Ergo requirit fides voluntatis motionem.

Notetur tamen hic de factis agi in quibus suscoriri possunt dubia imprudentia. Sunt enim quaedam facta quae necessario ab intellectu admittuntur quia interveniat voluntas, ut existentia alicujus nobis, vel existentia Ludovici XVI, etc. At illa non fide creduntur, sed inductione quadam colliguntur, nam adsunt effectus manifesti ex quibus mens necessario eruit causam. Liqueat tamen multos dari casus in quibus dubia imprudentia testimonio committuntur. Quia ergo objectum est inevidens et suboriuntur dubia, intervenire debet voluntas, quae intellectus assensum determinet; ut potest totum eugere intellectum illique assensum certissimum imperare, quia constat dubium esse imprudens. Quod si dubium reputari possit fundatum, jam non esset fides, sed opinio. Quocirca requirit fides motiva credibilitatis evidentia, quae omne dubium temerarium propellant.

Definiri potest fides in genere: *Assensus intellectus, quo credimus verum esse quae accipimus a testimonio externo, propter testantis auctoritatem, qui nec fallit, nec fallitur.* Dicitur: *actus intellectus* quia, licet imperetur a voluntate, ab intellectu tamen elicitur. — *Quo credimus vera esse quae accipimus a testimonio*: hic indicatur objectum fidei: — *propter auctoritatem testis*, assignatur motivum assensus formale.

Fides distinguitur tum a scientia tum ab opinione. A scientia, nam motivum assensus scientifici est auctoritas evidentiae, motivum autem assensus fidei est evidentia auctoritatis; assensus scientificus ab objecto ex necessitate progignitur, fidei vero assensus requirit liberum voluntatis influxum. Ab opinione etiam differt, quia fides est assensus certus, opinio incertus; fides videtur auctoritate extrinseca, opinio vero nisi potest tum intrinsicis rationibus tum externo motivo. Haec de fide in communi.

#### VII. — De fide divina (1). Fides autem divina est assensus

(1) De fide divina in Philosophia loquimur, non quod fides sit a

*supernaturalis quo revelata a Deo verum esse credimus propter auctoritatem ipsius Dei revelantis, qui nec falli nec fallere potest.*

Distinguitur triplex objectum fidei: materiale, formale *quod*, formale *sub quo*. Materiale est omne revelatum a Deo, primario quidem Deus, caetera secundario; formale *quod* est prima veritas in essendo. In Deo enim triplex distinguitur veritas: 1<sup>o</sup> Veritas in essendo, seu transcendentalis, est ipsa essentia divina qua verus Deus est; 2<sup>o</sup> veritas in cognoscendo est summa Dei sapientia quae omnia cognoscit prout sunt, et falli non potest; 3<sup>o</sup> veritas in dicendo est divina veracitas, seu summa Dei propensio ad dicendum verum; quod sit ut neminem fallere queat. Jam vero objectum formale *quod* principaliter et directe attingitur a fide est Deus ut verus Deus, caetera vero attinguntur ut ordinem important ad Deum verum. Ergo Deus ut verus Deus, seu prima veritas in essendo, est objectum formale *quod* fidei. Objectum autem formale *sub quo*, seu motivum fidei, requirit ut testans nec fallere nec falli possit; ideoque importat directe primam veritatem in dicendo, seu veracitatem qua Deus fallere non potest, et includit primam veritatem in cognoscendo, seu summam Dei sapientiam qua Deus falli non potest.

Quaeritur nunc an supernaturale illud magisterium sit criterium veritatis.

**VIII. — Conclusio:** Revelatio divina est firmissimum veritatis criterium generare valens certitudinem metaphysicam quavis alia metaphysica certitudine praestantior.

Prob. I pars. Testimonium cui subesse nequit falsum est veritatis criterium. Sed divina revelatio est testimonium cui falsum subesse nequit. Ergo. Prob. min. Testimonium infallibile est, cum testis talem habet scientiam ut falli non possit et talem veracitatem ut fallere nequeat. Atqui testis divinae revelationis est prima veritas in cognoscendo, quae falli nequit, et prima veritas in dicendo, quae fallere non potest. Ergo revelatio est testimonium cui falsum subesse nequit.

principio naturali, sed solum sub ratione criterii, quae consideratio non est peregrina, sed ad Logicam refertur.



Prob. II<sup>a</sup> pars. scil. a revelatione generari certitudinem metaphysicam. Certitudo est metaphysica, cum causa assensus illa necessaria est ut intrinsece repugnet aliter esse. Atqui in revelatione divina causa assensus nostri ita necessaria est ut intrinsece et absolute repugnet aliter esse. Ergo certitudo generata a revelatione est metaphysica.

Prob. min. Causa assensus fidei est scientia et veracitas Dei revelantis. Atqui scientia et veracitas ita necessario Deo revelanti competunt ut intrinsece et absolute repugnet aliter esse: absolute quippe implicat Deum non esse primam veritatem in cognoscendo et primam veritatem in dicendo. Ergo.

Prob. III<sup>a</sup> pars. Ea potior est certitudo quo ejus causa est magis verum, magisque ens; certitudo enim in veritate et in esse laudatur. Atqui prima veritas in dicendo, in cognoscendo, in essendo, quae est causa assensus fidei, est magis verum quam aliud quidpiam quod est causa certitudinis metaphysicae; cetera quippe non sunt vera nisi quatenus participant primam veritatem. Ergo certitudo fidei potior est qualibet alia metaphysica certitudine.

**IX. — Objectio.** Ille assensus firmitior est qui magis excludit dubitationem. Atqui assensus scientiae magis excludit dubitationem quam assensus fidei. Ergo firmitior est assensus scientificus assensu fidei.

Resp. Dist. maj. Ille assensus firmitior est qui magis excludit dubitationem *deliberatam*, concedo, qui magis excludit solum dubitationem indeliberatam, nego. Contradist. min et nego conclusionem. In assensu fidei facilius suboriri potest motus dubitationis indeliberatus ex eo quod intellectus ipsum objectum non perspicit, qui motus in scientia et visione propter nimiam evidentiam exurgere nequit. Sed fides, quantum ad immobilitatem et firmitatem assensus, magis excludit dubium deliberatum, quia mens videt causam certitudinis fidei majorem esse causa certitudinis scientificae.

Itaque certitudo fidei est fortior *objective*, quia objectum secundum se majorem valet generare certitudinem. Imo dici potest fortior *subjective*, quia motio gratiae supernaturalis quae fit assensus fidei magis determinat et firmat intellectum quam

naturalis evidentia; motio enim quae a Deo immediate procedit fortius imprimit quam sola natura.

**X. — Scholion I. De fide analogico sumpta.** Fides proprie accepta est assensus certus veritati inevidenti propter evidentem revelantis auctoritatem. Intrinsece quidem assensus fidei est inevidens, at extrinsece gaudet evidentia, respectu nempe motivorum credibilitatis. Aliquando tamen sumitur fides pro opinione vehementissima, qui sensu dicit Angelicus: « *Credere dicimur quod vehementer opinamur, scilicet vel testimonio alienjus hominis* (1) ».

Iste assensus non est absolute certus, sed quasi certus, quia adeo fortia sunt motiva ut oppositum sit omnino improbabile, et indecirca oppositi formido sit penitus contemnenda. Sicut ergo in fide proprie dicta, voluntas tuto potest imperare intellectus assensum, nonobstante inevidentia, ita in hac fide analogice sumpta tuto potest voluntas intellectum cogere ad assentiendum non obstante, sed potius, contempta oppositi formidine.

Melius tamen ille assensus diceretur opinio quam fides, opinio quidem vehementissima, superiorisque nullius, ad moralem certitudinem fere pertingens; nomen autem fidei assensui absolute certo reservaretur.

In duobus porro differunt fides et opinio. Primo quidem, opinio est assensus *intrinsece* incertus et inevidens, licet extrinsece certus et evidens respectu motivorum probabilitatis; fides autem est assensus intrinsece et extrinsece certus, licet intrinsece inevidens. Secundo, fides motivis extrinsecis dumtaxat nititur, opinio vero niti potest tum intrinsecis rationibus quae errandi formidinem non penitus remonent, tum extrinseca auctoritate. Quocirca motiva extrinseca et fidem et opinionem generare possunt: fidem quidem, si omnem errandi formidinem propellant, opinionem vero si, formidine errandi non exclusa, suadent tamen viri prudentis assensum.

**XI. — Scholion II. Brevis analysis actus fidei.** Actui fidei

(1) *De Verit.* q. XXIV, art. 2.

proprie dictæ multi præsent actus. Fiunt imprimis multiplices operationes quibus mens credibilitatis motiva explorat. Ostensum igitur testem scientia et veracitate gaudere testemque de facto aliquid revelasse, *speculative* concluditur æquum et rationabile esse illius dictis assentire et irrationabile dissentire. Illud quidem iudicium circa credibilitatis motiva est intrinsece evidens, adeo ut intellectus ab objecto determinetur. At vero ipsum objectum credendum remanet intrinsece obscurum, nec sufficiens est ad intellectum movendum. Quare aliud expectatur iudicium *practicum*, quo decernatur intellectum esse a voluntate determinandum. Hinc elicitur voluntatis actus quo intellectus efficaciter applicatur ad assentiendum objecto credendo absque ulla errandi formidine, qui assensus est ipso fidei actus.

Itaque tria sunt iudicia distinguenda : 1° iudicium speculative quod dicitur : *Video esse credendum* ; 2° iudicium practicum quod dicitur : *Intellectus est a voluntate determinandus* ; 3° iudicium seu assensus, quo dicit intellectus : *Credo*. Istud porro iudicium : *Credo* non est conclusio syllogistica primi iudicii : *Video esse credendum*, sed aliud quidpiam expostulatur, voluntatis ope interveniens.

Minus porro voluntatis non est nova addere argumenta vel consequentias afflicare quæ non essent in præmissis contentæ, sed dubia imprudentia excludere. Possunt autem suboriri dubia sive propter historicas sive propter scientificas difficultates, sive etiam quia veritas credenda passionibus contrariatur ; aliunde tamen constat dubia illa non esse fundata, sed imprudentia et temeraria.

Quocirca, ex una quidem parte necessarius est voluntatis interventus ut excludat dubia et intellectum cogat ad assentiendum ; ex altera vero parte legitimus est interventus ille et tuto potest movere intellectum illique firmissimum et omnis formidinis expertem imperare assensum, quia constat dubia illa esse imprudentia.

Hinc apparet quomodo in fide concurrant evidentia et inevidentia, necessitas et libertas. Evidentia et necessitas in iudicio quo percipiuntur motiva credibilitatis : intellectus quippe necessario assentit isti iudicio : Evidens est esse credendum,

quia evidentia sunt credendi motiva. Inevidentia autem et libertas respectu actus quod dicitur : *Credo*. Licet enim credibilitatis motiva sint intrinsece evidentia, objectum credendum remanet intrinsece inevidens, et intellectus indifferens se habet ad illud. Reperitur quoque libertas in iudicio practico quo decernitur : *Intellectus est a voluntate cogendus ad credendum*, nam hic expostulatur imperium quod liberam presupponit voluntatis determinationem. Requiritur denique gratia, illuminatio nempe qua iudicium practicum dirigitur et inspiratio qua efficaciter movetur voluntas. Sed de his theologi.

Totus ergo fidei processus sic compendiosa colligi potest : Non video quidem id quo credo, attamen non credo nisi postquam vidi esse credendum. Video autem esse credendum quia comperi testem esse locutum. Comperi vero testem esse locutum propter hæc et illa motiva, quæ quidem inductione vel deductione mihi innotescunt. Rectissime asserere possum : Credo quia video esse credendum, dummodo *quia* conditionem præambulam, non rationem unice formatam assensus, designet : motivum enim formale est auctoritas revelantis. Licet igitur credam quia video esse credendum, proprie tamen creda propter revelantis auctoritatem. Fusior et profundior explanatio ad theologos spectat. Vile, si lubet, quæ in periodico *Revue Thomiste* disseruimus (1).

(1) Tom. X, p. 139. Eadem reperiantur in opere nostro : *La Lumière et la Foi*. Paris, Lethielleux.

## ARTICULUS SEPTIMUS

### DE CRITERIO EXTERNO QUOD EST AUCTORITAS HUMANA

I. — **Sensus communis.** Humana auctoritas vim habet movendi sive ut communis naturæ sensus sive ut magisterium et testimonium.

Communis autem naturæ sensus definitur: *Naturalis quædam inclinatio rationis ad admittenda aliqua judicia universalis et constantis apud omnes, circa quasdam veritates obvias, ad vitam humanam necessarias.* Dicitur: 1<sup>o</sup> *inclinatio naturalis*, quia non provenit a studio, reflexione, experientia, sed a spontaneitate; 2<sup>o</sup> *rationis*, judicia enim communia non procedunt ab aliquo cæco instinctu a ratione distincto, ut vult Reid, cum in nobis unica sit potentia intellectiva quæ omnia judicia profert; 3<sup>o</sup> *circa necessaria ad vitam*, ut assignentur objectum et limites sensus communis.

II. — **Conditiones judiciorum quæ pertinent ad sensum communem.** Judicia sensus communis debent esse: 1<sup>o</sup> universalis, constantia, et communia apud omnes tum politiores tum incultas gentes. Designant enim pronuntiata quædam naturæ rationalis, non prout in uno est individuo, sed prout in universo humano genere reperitur; 2<sup>o</sup> debent esse circa necessaria ad vitam sive animalem sive rationalem saltem inchoandam. Ratio est quia sensus communis, proportionem servata, se habet in homine sicut instinctus in animalibus; instinctus autem proxime circa necessaria ad vitam versatur. Ergo in homine rationali sensus communis vitam spectat humanam et rationalem saltem inchoandam. 3<sup>o</sup> Oportet ut hæc judicia non possint ab aliqua erroris causa repeli, neque ignorantia,

ne passionum illecebris, nec sensuum illusionibus; sed ut, exclusis cæteris, remaneat natura rationalis ut sola causa. Sic concors multarum gentium sententia circa pluralitatem deorum non est sensus communis judicium, quia ejus causæ assignari possunt pravus cordis affectus, passionem, etc.

III. — **Duplex respectus considerandus in judiciali sensu communis.** Judicia sensus communis considerari possunt ut eliciuntur a singulis individuis sub necessario evidentiam influxu, abstractione facta ab auctoritate cæterorum, sub quo respectu vera erunt physice vel metaphysice si objecta sint talia. Dico: *Homo est liber*, est judicium sensus communis, quippe quod ab universali consensu admittitur, ut ego illi assentior propter evidentiam rei intrinsecam, abstrahendo ab aliorum hominum auctoritate. Quæro autem a rustico. *Estne homo liber?* — Sane — Cur hoc tenes? — Quia est omnium consensus. Quo rasu, ut liquet, sensus naturæ est proprium assentiendi motivum.

Illic duplex respectus subito distinguendus est; pro quibusdam enim sensus communis est quidem *medium* veritatem cognoscendi, sed non *motivum* assentiendi, ut diximus de magisterio scientifico (art. 6, n. 1). Sed tunc non est sensus communis in acceptione formali. Proprie ergo et formaliter sensus naturæ sumitur ut *motivum* assentiendi, et ut *auctoritas*. Querimus autem an hoc modo acceptus sit certitudinis criterium.

IV. — **Conclusio: Sensus naturæ communis, circa proprium objectum, est criterium veritatis, criterium quidem ordinis moralis quod tamen resolvitur in aliquod judicium metaphysice certum.** Prob. 1<sup>a</sup> pars. Arg. 1<sup>o</sup>. Natura non deficit in necessariis. Sed si judicia sensus communis essent falsa, natura deliceret in necessariis, cum hæc judicia versentur circa necessaria ad vitam humanam. Ergo.

Arg. 2<sup>o</sup>. Origo horum judiciorum, ut constat ex prænotatis, est sola natura rationalis. Atqui natura rationalis per se et intrinsece tendit ad veritatem et veritatis amore trahitur. Ergo judicia illa, quæ non habent aliam originem nisi solam naturam, pro verissimis habenda sunt.

Arg. III<sup>ma</sup>. Iudicia sensus communis naturaliter dictantur intellectui. Sed quod naturaliter dictatur intellectui est verum perspicuum; nam intellectus a sola evidentia naturaliter necessitatur. Ergo iudicia sensus communis sunt evidentia. Jam vero evidentia est criterium infallibile. Ergo (1).

Prob. II<sup>a</sup> pars. Sensus communis formaliter sumptus ut auctoritas, est criterium quidem morale, sicut ipsa auctoritas, atque resolvitur in aliquod iudicium metaphysice certum.

Est factum omnes homines de quibusdam iudiciis consentire. Ergo hoc factum habet causam. Sed effectum habere causam est principium metaphysice certum. Ergo existentia alicujus cause a qua fluunt ista iudicia est metaphysice certa. Porro hæc causa est ipsa veritas evidens, quæ omnium assensum extorquet. Igitur certitudo sensus communis resolvitur tandem in aliquod principium metaphysice certum.

V. — De testimonio humano. Postquam de sensu nature communis actum est, subsequitur consideratio de magisteria humano prout est testimonium. Testimonium porro est medium quo quis aliquid a se cognitum aliis manifestat. Testis dicitur *immediatus* qui quod testatur non ab alio accepit, sed ipse, vel per experientiam sensuum, vel per rationem, cognoscit. *Mediatus* est qui quod testimonio suo refert ab alterius testificatione accepit. Cum autem non sit procedendum in infinitum, nunc testimonium primitus derivatur a teste immediato, sicut omnis motus incipit ab immobili. Testimonium ad longinquas vel posteros triplici instrumento transmitti potest: *traditione, documento, monumento*. *Traditio* est facti transmissio non scripto sed ore, per continuatam

(1) « Le sentiment du genre humain est considéré comme la voix de toute la nature, et par conséquent, en quelque façon, comme celle de Dieu; c'est pourquoi la preuve est invincible; par exemple, parmi tant de mœurs et de sentiments contraires qui partagent le genre humain, on n'a point encore trouvé de nation si barbare qui n'ait quelque idée de la divinité: ainsi, nier la divinité, c'est combattre la nature même. On voit aussi toutes les nations, du moins celles qui ne sont pas tout à fait sauvages, convenir d'un gouvernement: on doit donc croire, sans hésiter, que rien n'est plus convenable au genre humain. » BOSSUET *Logique*, liv. III, c. xxii.

testium successionem. *Documentum* est testimonium scripto consignatum. *Monumentum* est opus artis durabile ad memoriam facti conservandum. Assensus autem præstitus testimonio humano est fides humana, vis autem numerus ad assentiendum est auctoritas. Quæritur itaque an testimonium aliorum sit veritatis criterium.

VI. — Prima conclusio: In rebus scientificis testimonium humanum infimum locum tenet inter criteria; sæpe tamen est omnino necessarium, et est norma certa quam tuto sequi licet.

Prob. I<sup>a</sup> pars. Fides et scientia opponuntur. Ergo testimonium humanum quod fidem generat non potest scientiam parere. At si non generat scientiam non habet rationem criterii in rebus scientificis.

Insuper, de ratione assensus scientifici est ut sit intrinsece evidens, quia scientia est cognitio certa et evidens per principia intrinseca. Atqui assensus qui fundatur in testimonio est evidens solum extrinsece. Ergo assensus scientificus uti non debet testimonio; ne proinde testimonium vim criterii non habet in rebus scientificis. Hinc, si discipulus assentit propter magistrum non vero propter veritatem perspectam, scientia proprie dicta non potitur.

Prob. II<sup>a</sup> pars. Intellectus noster, qui primo est sicut tabula rasa, scientiam acquirit paulatim, post longum tempus et multo labore; et tamen interim uti debemus multis rebus quarum scientia nondum potitur. Ergo illas res cognoscere debemus auctoritate sapientium, saltem donec illarum scientiam proprio Marte comparemus.

Cum enim ratio nostra sit finita et tempus vitæ breve sit, et varie occupationes activitatem nostram coarctent, impossibile est nisi homini etiam ingenio excellenti, per se solum annos adinvenire veritates scientificas quæ ad vitam rationalem necessarie sunt aut utiles. Sic qui philosophiæ incumbit, medicinæ vacare non potest; aut qui medicinæ multum intendit, astronomiæ leges scrutari nequit; imo non raro periti alicujus scientiæ, quasi rudes respectu cæterarum existunt. Ergo testimonium humanum est sæpius medium necessarium et unicum veritates scientificas comparandi.

Prob. III<sup>a</sup> pars, scilicet testimonium humanum esse normam tutam quam sequi debemus. Ad hoc sufficit ut sapientes veritatem plene cognoscant et ut aliis celare non velint. Quae duo sæpissime constant. Sapientes enim qui alicui scientiam quasi ex officio et per totam vitam incurrunt, præsertim si sint multi et in diversis temporibus extiterint, recte supponuntur rationes sufficienter investigasse et rimatos esse. Aliunde eorum honestas et probitas invictè ostendit ipsos nolle scientiam celare, aliosve decipere. Ergo testimonium aliorum sæpius tanquam normam certam sequi tuto possumus. Hinc dictum : *Peritis in arte credendum est*. Generationum sententia communis auctorum in rebus scientificis et philosophicis est veri criterium. Nam fieri non potest ut omnes sapientes, vel maxima sapientum pars, semper et ubique errant. Non datur enim effectus sine causa : hujus ergo universalis consensus debet esse causa, quæ alia assignari nequit nisi ipsa veritas perspicua, seu evidentia.

Hinc colligitur dari posse philosophiam *traditionalem*. Cum enim sapientium auctoritas sit norma et necessaria et tuta, debet philosophus illos magistros sequi quos comperit scientia et veracitate gaudere. Quare scholastica, et in speciali thomistica philosophia, legitime proficitur imo et gloriatur se traditionalem esse, quia illis fidei sapientibus quos apprime novit et scientia præstantes et probitate claros.

Hinc etiam merito carpendus est Cartesius, qui voluit totum instruere Philosophiæ ædificium nulla adhibita ratione sapientium, imo nec generis humani, quasi ipse solus par esset omnibus veritatibus inveniendis et exponendis.

Pariter carpendi sunt illi qui, scholastica penitus contempta, nullum in philosophando magistrum agnoscunt.

Recolatur hominem, sicut est naturaliter socialis indigens aliorum ministerio ad vitam sociale, ita est ens naturaliter docibile, externo indigens magisterio ad vitam intellectualem ; seu, ut aiebat ille, « l'homme est un être enseigné. »

Aliunde tamen quoniam auctoritas sit infirmum, licet necessarium, in scientiis criterium, cavendum est ne philosophia sit mere historica, ut contingit apud Eclecticis. Meminerint igitur omnes veram philosophiam esse posse traditionalem,

dummodo sit *scientia* et doctrina, non autem *historia* dumtaxat.

VII. — *Secunda conclusio* : In rebus facti testimonium humanum est criterium necessarium, quod veram gignere potest certitudinem.

Prob. I<sup>a</sup> pars, scilicet esse necessarium. Qui sint nostri parentes, igne sit nrbs natalis, et alia sexcenta quæ scire necesse est ad vitam humanam, cognoscere non possumus nisi per humanum testimonium. Ergo nisi aliorum testimonio fidamus, impossibilis evadit vita humana. Insuper, maxime expedit, et etiam necesse est, plurima cognoscere quæ pertinent ad præterita tempora, aut ad distantia loca. Sed unicuique medium naturale hæc omnia addiscendi est testimonium humanum.

Prob. II<sup>a</sup> pars. Ut testimonium humanum in rebus historicis certitudinem gignere queat, duo requiruntur : 1<sup>o</sup> ut testis scientia et veracitate gaudeat ; 2<sup>o</sup> ut ejus testimonium ad nos usque integre et incorrupte pervenerit. Hæc autem duo sæpe habentur. Ergo. Probatur inior. Scientia testis constare potest :

1<sup>o</sup> Ex parte facti. Si factum est perspicuum, illustre, coram multis patratum, testis non potuit decipi. Item, si factum est grave et effectus magni momenti habuit, sive in suo tempore, sive in posteriori ætate, adeo ut suppresso illo facto ingens pateat hiatus historiens inter præcedens et subsequens ævum. Quod si res narrata repugnans deprehendatur, vel omnino incredibilis, aut nullius momenti, facile fides testi denegabitur.

2<sup>o</sup> Ex parte ipsius testis. Si ipse facto præsens astitit, si sensus habuit rite dispositos, si est perspicax in investigando et prudens in critico adhibendo. Qui autem critices regulas negligit, frequentius decipitur.

Veracitas testis apparere potest ex multis. Si nullius commodi spe, aut nullius nocimenti metu adhibetur ad testandum ; si non præjudiciis sed veritatis amore movetur. Veraces contra non creduntur testes qui propter commodum aut nocimentum, aut præjudicia et passiones loquuntur.

— Incorruptio libri etiam constare potest. *Authenticus* porro dicitur liber qui est revera auctoris cui attribuitur, aut saltem ad ejus ætatem refertur, secus dicitur *spurius*. *Integer* est qui

ad nos usque pervenit absque mutatione. Mutatio autem fieri potest dupliciter : vel aliquid demendo et tunc liber dicitur *mutilus* vel aliquid addendo et tunc est *interpolatus*. Librum autem esse authenticum probare possunt tum argumenta extrinseca, traditio nempe testium ininterrupta, vetusti codices, etc.; tum argumenta intrinseca : si nempe doctrina, stylus, mores, opiniones, sunt revera doctrina, stylus, mores illius auctoris et illiusævi. Integritas eodem modo probari potest. Insuper, sæpe apparet impossibilem fuisse mutationem sive viventibus auctoribus, qui tunc obstitissent, sive mortuis, quia tunc obstabant diffusio librorum et gravitas ac celebritas factorum quæ narrantur.

Quæ ad propositum nostrum sufficiant; nam philosophi non est diversas critices leges singillatim expendere. Hinc qui hermeneuticæ et critices præcepta in Logica fuscè tradunt videntur extra proprium Logicæ objectum vagari (I).

(1) De magisterio divino vel humano consili possunt S. AUGUSTINUS, *De utilitate credendi*; S. THOMAS, *QQ. Dispp. De Magistro*, et II. II. *De fide*; MELCHIOR CANUS, *De Locis Theologicis*, lib. X et XI; TH. REID, *Recherches sur l'entendement humain*, BALMÈS, *Philos. fondament.* lib. I; P. JANET, *Le témoignage des hommes, Logique*, section II, c. IV; BAURETIÈRE, *Le besoin de croire*; OLLÉ-LAPRUNE, *La certitude morale*; P. LACORNAIRE, *Discours sur la loi de l'histoire*, etc.

## ARTICULUS OCTAVUS

### QUID NON POSSIT ESSE CRITERIUM SUPREMUM

#### I. — Quæstiones de supremo criterio.

Ostensum est dari vera certitudinis criteria in triplici ordine, subjectivo nempe, objectivo et extrinseco, et in qualibet ordine multa et varia esse criteria. Quæstio nunc movetur an sit aliquid omnibus istis criteriis commune, seu an detur inter illa aliquod criterium primum quod cætera regat et a quo cætera vim suam derivent. Et hoc dato, queritur in quo consistat hoc supremum certitudinis criterium. Dux igitur quæstiones suscipiunt nobis solvendæ. In præsentī articulo falsas rejicimus solutiones, in sequenti veram assignavimus criterium. Imprimis ergo queritur an sit aliquod supremum criterium.

II. — Conclusio : Quamvis non sit unicum criterium, admittendum tamen est aliquod criterium commune et supremum, quod cætera dirigat.

Prob. I<sup>a</sup> pars. Ea unicum criterium non sunt in quibus motiva sunt specificè diversa. Atqui in diversis criteriis hucusque assignatis motiva sunt specificè diversa : sic motivum certitudinis in criteriis subjectivis est generatim natura facultatis et indoles cognitionis; motivum autem in judiciis immediatis est percepta convenientia prædicati cum subjecto; in judiciis vero mediatis seu ratiociniis est percepta connexio consequentis cum antecedente; in criteriis demum extrinsecis est auctoritas testimonii, scientia nempe et veracitas testis. Ergo non est unicum criterium.

Prob. II<sup>a</sup> pars. Licet diversa criteria distincta sint, omnia communem quemdam effectum habent, quod est excludere

munem errandi formidinem. Atqui ubi est communis effectus, debet esse commune principium a quo effectus dimanat. Ergo admittendum est aliquod principium commune a quo effectus omnium criteriorum derivetur. Sed principium commune a quo cætera derivantur recte dicitur primum et supremum. Ergo datur supremum veritatis criterium.

Insuper, ad omnem certitudinem requiritur ut objectum sit verum, immobile, et ut intellectus videat se cognoscere verum. Ergo debet esse aliquod signum, aliquando lumen quo in omni certitudine intellectus videat se cognoscere verum. Sed lumen quod relucet in omni certitudine, in omni criterio, est lumen seu criterium commune, quod cætera dirigit, illeque primum. Ergo datur aliquod commune et primum certitudinis criterium.

III. — **Conditiones supremi criterii.** Cum hoc criterium sit id quo nititur omnis certitudo, debet esse 1° ita primum ut ipsi aliud non supponatur, 2° ita necessarium ut ipso corrente cætera corruant; 3° ita notum ut non sit aliud ipso notius; 4° ita infallibile ut nunquam possit cum errore componi. Aliunde, cum debeat esse immutabile et invariabile pro omnibus et pro omni tempore et loco, non debet pendere ex affectionibus subjecti, quæ sunt contingentes et mutabiles, sed 5° debet se tenere ex parte ipsius veritatis immutabilis. Tandem 6° debet esse menti internum. Si enim esset aliquid extra mentem positum alia cognitione interveniente ejus existentia et certitudo cognosci deberet (1). »

IV. — **Referuntur sententiæ generales circa supremum criterium.**

Omnes sententiæ ad tres classes revocantur: aliæ illud reponunt in criteriis subjectivis; aliæ in criteriis extrinsecis; aliæ denum in criteriis objectivis; et in singulis mira est opinionum diversitas. Præcipua systemata breviter expendimus. Quæ autem spectant Transcendentalismum et Ontologismum ad Psychologiam remittimus.

(1) PESCH. *Log.* vol. II, p. 283.

V. — **Sententiæ quæ reponunt supremum criterium in subjecto cognoscente.**

In subjecto cognoscente duo concurrent: facultates cognoscitivæ ut principium proximum, et natura ut principium radicale. In hoc ergo primo systemate reponendum est supremum criterium aut in ipsis facultatibus externis vel internis; aut in ipsa natura, id est in aliqua necessitate naturali, seu instinctiva quidam propensione, vel fide cæca, etc.

Prima opinio, quæ est Democriti, Epicureorum et Empiristarum, agnoscit solum sensus ut omnis cognitionis principium et normam. Huc accedunt Positivistæ, qui nihil admittunt nisi sit per positivam et experimentalem cognitionem comperitum. Alia opinio, quæ tribuitur Galuppi, forte immerito, collocat supremum criterium in conscientia. Reid et Schola Scotica in instinctu naturali de quo dubitare non possumus: natura quippe necessitate admittimus principia quædam quorum rationem nullam reddere possumus, sed est in nobis facultas quædam inspirationis et suggestionis cui debemus primitiva principia quæ sensum communem constituent.

Jouffroy in quadam fide cæca et irresistibili prestita naturali veracitati facultatum cognoscitivarum; quia fide non admissa, scepticismus est ultimum pronuntiatum humane rationis. Jacobi, pater scholæ *sentimentalis*, admittit cum primum criterium affectum, seu fidem quandam affectivam quæ in nobis persuasionem firmam et invincibilem gignit.

P. Graty agnoscit in nobis triplicem sensum: sensum *externum*, quo mundum attingimus, sensum *intimam* quo animam sentimus, sensum *divinum* quo Deum et divina percipimus. Porro sensus divinus omnes cæteros dirigit et est unica norma certitudinis. « Quiconque en est privé perd tout. »

VI. — **Prima conclusio:** Neque sensus externi, seu cognitio experimentalis, neque conscientia sunt supremum veritatis criterium.

Prob. 1<sup>a</sup> pars. Arg. 1<sup>a</sup>. Criterium supremum est universale, omnem certitudinem regit omnemque cognitionis ordinem complectitur. Sed sensus et cognitio experimentalis non omnem certitudinem regunt, quia solum ordinem sensitivum attingunt.

gunt, nullatenus autem veritates universales et immutabiles. Ergo.

Arg. II<sup>um</sup>. Id non est criterium supremum quod non habet vim infallibilem nisi per aliud. Sed sensuum cognitio et inductio quæ per sensus acquiritur vim infallibilem probandi non habent nisi accipiant ab intellectu aliquod principium universale. Ergo sensus et cognitio sensus non sunt supremum criterium (1).

Arg. III<sup>um</sup>. Ex falsis et ruinosis principiis quibus fulcitur Positivismus. A. Comte, ut suum stabiliat systema, statuit legem de triplici statu. Mens nempe humana per triplicem phasim transit. Imprimis est status *theologicus*, in quo mens phenomena explicat per voluntates transcendentes, quæ divinæ appetuntur; secundo est status *metaphysicus*, in quo mens phenomena repetit a quibusdam virtutibus seu causis occultis; ac demum status *positivus*, in quo mens phenomena attribuit legibus positivis, experientia sensibili notis, qui status est ultimus humanæ evolutionis terminus. Alqui hæc perperam proferuntur. Verum quidem est superstitionum vulgus, ad idololatriam proclive, sæpius per divinam virtutem phenomena naturalia explicasse, verum est etiam nostra ætate, novis suppetentibus investigationis mediis, leges positivas per facta experimentalia finisse facilius adinventas. At facta, legesve positivæ, non eliminant causas metaphysicas nec causam primam, Deum. Sicut non valet inductio absque principii universali, sic nec tenet lex aliqua absque causis, quas inter sunt causæ metaphysicæ et causa omnium causa, Deus. Quare status *positivus*, ut certitudine potitur, supponit statum metaphysicum et statum theologicum; nedum ipsos superet, imo ab ipsis tantum exceditur quantum singularia ab universalibus et contingentia a necessariis, et causæ secundariæ a causa prima, superantur.

Arg. IV. Ex Positivismi consecrariis. Si sensus criterium et regula sunt omnis cognitionis, confugiendum est vel ad purum materialismum, vel ad phænomenismum idealisticum. In Gallia quidem Positivistæ, omnia præter sensibilia experientia respuentes, materialismo præsertim adhærent; in Au-

(1) Cf. Tract. III, q. II. De inductione.

glia vero specialim phænomenismum. Experientia enim est quid contingens; si ergo omnia præter ipsam vana sunt, nulla est lex universalis et permanens, sed omnia ad subjectiva conscientie phænomena reducuntur.

Cæterum, abs re est Positivismus in specialiter refutare, nam hic faciunt omnia quibus passim demonstramus rationis valorem, universalium realitatem, animæ immortalitatem, ordinis spiritualis existentiam, etc. (1).

Proh. II<sup>a</sup> pars. Criterium supremum est id quod cognoscimus conformitatem intellectus cum objecto, convenientiam prædicati cum subjecto, et quo de omnibus veritatibus ultimo decernimus. Sed conscientia refert solum facta interna ut actu præsentia in subjecto, penitus autem silet de conformitate facultatis cum objecto, vel de convenientia prædicatum inter et subjectum; nihil iudicare valet de ordine objectivo, veritatibus æternis, ultimis causis, sed tota intra ordinem subjectivum coarctatur. Ergo.

VII. — **Secunda conclusio:** Fides cæca aut instinctus cæcus minime possunt esse supremum criterium.

Arg. I<sup>um</sup>. Criterium supremum dirigit omnes cognitiones certas nec præviam cognitionem præsupponit. Alqui fides cæca et instinctus cæcus non possunt dirigere ceteras cognitiones, quia eo ipso quod ponantur esse facultates cæcæ, important cognitionis cujusvis carentiam; nec talis fides et talis instinctus dici possunt rationales, nisi supponant aliquam cognitionem præviam a qua dirigantur: mens quippe irrationaliter agit, si cæca necessitate in suis primis actibus ducitur. Ergo.

Arg. II<sup>um</sup>. Qui volunt fidem cæcam aut instinctum cæcum esse supremum criterium consequenter tenent nullam assignari posse rationem primorum iudiciorum. Atqui hæc est ipsa assertio scepticorum, qui nihil aliud contendunt nisi certitudinem esse irrationalem; seu nullam naturalis certitudinis rationem posse assignari. Ergo admittere instinctum cæcum

(1) Cf. VALLET, *Le Kantisme et le Positivisme*; DE BODOLIE, *Le Positivisme et la Science expérimentale*; CARO, *M. Litté et le Positivisme*.



vel fidem eam ut supremum criterium est in scepticismum dilabi.

**VIII. — Tertia conclusio:** Nec interior animi affectus nec sensus divinus possunt esse criterium supremum.

Criterium supremum debet spectare ad ordinem cognoscitivum, cum dirigat cognitionem, et aliunde esse debet immutabile et invariabile. Atqui interior animi affectus pertinet ad vim appetitivam, et insuper est aliquid contingens et mutabile; experientia enim constat non esse in diversis hominibus eundem, imo in eodem homine saepe secundum diversas affectiones subjectivas frequenter variari. Ergo.

Sensus vero divinus vel pertinet ad ordinem affectivum et appetitivum, et tunc incurruntur incommoda sententiæ Jacobi; vel pertinet ad ordinem cognoscitivum, et tunc assignandum est quid sit. In anima quippe non sunt aliæ facultates præter sensus et rationem. Ceterum perceptio rationis non potest esse supremum criterium. Unde ponitur (contra Cartesium)

**VIII. — Quarta conclusio:** Perceptio, seu idea clara et distincta rationis, non potest esse supremum criterium.

Cartesius animadvertit se non posse dubitare de hoc principio: *Cogito, ergo sum*, eo quod principium illud sit clare et distincte cognitum, unde statuit hanc regulam: *Ideam claram et distinctam, seu quod continetur in idea clara et distincta, esse omnino certum et supremam certitudinis normam.*

Si hæc idea clara et distincta esset ipsa evidentia objectiva, seu objectum in sua luce et perspicuitate, Cartesio assentiremur; at Cartesiani namque idem clare et distincte intelligunt subjectivam intellectus perceptionem. Quo sensu principium Cartesianum rejiciamus.

Admittimus quidem requiri ad certitudinem perceptionem objecti claram et distinctam tanquam *conditionem* ut vis objectiva menti applicetur; sed inficiamur perceptionem illam esse supremam veri normam.

Supremum criterium debet esse universale, immutabile, non dependere ab ulteriori regula. Sed 1<sup>o</sup> idea clara et distincta non est criterium universale, non enim se extendit ad

omnes cognitiones, sed ad illas solum in quibus prædicatum videtur in idea clara subjecti; 2<sup>o</sup> non est aliquid immutabile, nam perceptio subjectiva ab affectionibus et dispositionibus actualibus subjecti dependet; 3<sup>o</sup> indiget ulteriori regula. Certitudo quippe non tenet nisi ostendatur rem aliter esse non posse. Ergo idea clara et distincta non gaudet certitudine nisi supponat aliquid ex parte objecti quo ostendatur rem aliter esse non posse. Ergo idea clara et distincta non est criterium supremum.

**IX. — Sententiæ quæ reponunt criterium supremum in aliquo extrinseco.**

Secundum systema reponit primum principium certitudinis in criteriis extrinsecis; et, quia tria sunt hujusmodi criteria, revelatio nempe divina, consensus humani generis, et auctoritas humana, triplex exorta est sententia.

Prima est Fideistarum, qui asserunt nullam a nobis obtineri posse veritatem et certitudinem absque divina revelatione. Fideismi primus patronus fuit Huëtius, qui in opere *De imbecillitate rationis humane*, prohiere conatus est nullam nobis possibilem esse veri nominis certitudinem nisi ad revelationem et fidem divinam confugiamus. Quam opinionem in ultivione fere sepultam renovarunt traditionalistæ. De Bunsæ existimat omnem cognitionem supponere loquendum, loquelam vero a Deo nobis communicatam fuisse, et hoc pacto divinam revelationem ad nos per sermonem fuisse traditam. De sermonis origine nonnulla trademus in Psychologia.

D. Bantain propugnavit unicum certitudinis motivum esse fidem divinam.

Lamennais vult hoc motivum esse generis humani auctoritatem, quæ nobis per consensum communem manifestatur. Uniformitas perceptionum et concordia iudiciorum, inquit, sunt character veritatis; hujus autem uniformitatis et concordie duplex est causa: *proxima* est ratio generalis humana, ratio socialis; *suprema* autem et ultima est testimonium primitivum datum ab ipso Deo, qui est ratio universalis, immutabilis, infinita.

Pater Ventura, qui primo Lamennaisianæ sententiæ adhæ-

serat, postea doctrinam temperavit: docuit auctoritatem humanam esse criterium, non quidem certitudinis immediate, ut est certitudo nostræ existentiae, primorum principiorum; sed certitudinis mediatæ, seu demonstrationis, quatenus nulla est vera conclusionum certitudo nisi per auctoritatem sapientium comprobetur.

**X. — Conclusio:** Neque auctoritas, seu revelatio divina, neque auctoritas, seu consensus generis humani, sunt criterium supremum omnis certitudinis; nec auctoritas sapientium dici potest supremum criterium certitudinis mediatæ.

**Prob. 1<sup>a</sup> Pars.** Id cui aliud criterium præsupponitur et quod vi sui mediatam immediate parit certitudinem, non est criterium supremum. Atqui auctoritas, seu revelatio divina, aliud criterium subaudit, et vi sui generat tantum certitudinem mediatam. Ergo.

**Prob. min.** Ut aliquis credat Deo revelanti debet esse certus se existere, seque intelligere, se percipere testimonium; nec non Deum existere, Deum esse veracem, Deum revelasse et tales veritates revelasse: imprudenter quippe, imo et irratiounabiliter quis admitteret revelationem nesciens an existat revelatio et ad quæ se extendat. Ergo revelatio et fides supponunt aliud criterium quo homo cognoscat se existere, Deum existere, Deumque revelasse et tales veritates revelasse.

Itaque fides est cognitio quæ aliam supponit et ex alia consequitur. Sed cognitio quæ ex alia oritur est cognitio mediata. Ergo revelatio quæ fidem generat, parit solum cognitionem mediatam.

Nec reponatur fidei certitudinem esse omnium primam.

Est quidem potior omni alia certitudine, seu est prima dignitate; sed non est prima universalitate, nam fides non se extendit ad omnia; nec prima tempore, ut ostendit nostrum argumentum.

Confirmatur declarationibus S. Congregationis Indicis 12 jul. 1853: « Rationis usus fidem præcedit et ad eam operationis et gratiæ conducit. »

**Prob. II<sup>a</sup> Pars,** iisdem fere argumentis.

**Arg. 1<sup>um</sup>.** Non valet auctoritas, seu consensus generis hu-

mani, nisi prius constet existere huiusmodi consensum et requisitis conditionibus esse præditum. Atqui id constare nequit nisi per aliud criterium quod sit consensu communi prius. Ergo consensus communis aliud criterium subaudit nec ullo pacto dici potest omnium primum.

**Arg. II<sup>um</sup>.** Supremum criterium debet esse fons generalis omnis certitudinis, etiam metaphysicæ. Atqui auctoritas generis humani, cum sit ordinis moralis tantum, fons certitudinis metaphysicæ esse nequit. Ergo non est supremum criterium.

**Arg. III<sup>um</sup>.** Criterium primum debet se extendere ad omnes veritates et esse possibile respectu omnium hominum. Atqui consensus seu auctoritas humana 1<sup>o</sup> non se extendit ad omnes veritates, sed solum vel ad principia communia vitæ necessaria, vel ad veritates facti et res historicas; 2<sup>o</sup> non omnes homines, sed soli sapientes possunt testimonium universale consulere. Quocirca, rusticus, qui traditiones generis humani non exploravit, omni certitudine carebit: nec certus quidem erit se agros possidere, se caput dolere, etc. Ergo absonum est ponere consensum generis humani cum omnis certitudinis normam.

**Prob. III<sup>a</sup> Pars.** De ratione demonstrationis est parere visionem, seu scientiam. Sed conclusio quæ tenetur auctoritate sapientium non scitur, non videtur, sed creditur. Ergo, si auctoritas sapientium est criterium demonstrationis, si nempe conclusio non potest admitti cum certa, nisi accedente sapientium consensu, demonstratio non jam retinet demonstrationis naturam, sed est fides.

Insuper, ratio potest se sola, fatente Ventura, assentiri præmissis. Atqui posito assensu præmissis necessario intellectus assentit conclusioni, etiam necessitate exercitii (1). Ergo superfluit auctoritas sapientium.

Tandem, principium P. Ventura, cum non sit primum et immediatum, tenetur per demonstrationem. At huius demonstrationis vis vel per ipsam valet, vel solum propter aliorum auctoritatem. Si per seipsam valet, habemus intentum; si

(1) Tract. III, q. 1, art. 3, n. 6 et 7.

vero aliorum consensum et auctoritatem expostulat, principii petitio incurritur, idem per idem probatur.

Ergo auctoritas sapientium non est criterium supremum, licet firmum et necessarium criterium sit in suo ordine, ut probatum est articulo precedenti (1).

#### XI. — Sententiæ A. Balfour et F. Brunetière.

Animadvertit Balfour determinismum et agnosticisimum esse systemata ruinosæ et societati nociva. Ut ergo homo societatis provideatur et certitudo aliqualis statuatur oportet auctoritati fidere; magis enim auctoritate quam ratione vivimus. Sed enimam auctoritati fidere? Non civili, quæ nulla vi gaudet in præsentia materia; non religiosæ, quæ in dubium vertitur; nec auctoritati rationis, quæ impar est difficultatibus solvendis. Ergo admittenda est fides. Ergo credamus oportet morali, libero arbitrio, Providentiæ, præsentiae Dei inter homines, etc. Fides ista non est quidem absolute certa, sed incertiores sunt hypotheses, quibus nituntur determinismus et agnosticisimus; quinimo admissa ista fide moralitas explicatur, mens quiescit, extruitur ordinis socialis fundamentum.

Brunetière statuit fundamenta ordinis moralis et socialis non posse scientia extrui nec scientia niti; quare ad fidem recurratur oportet. Rationes igitur credendi sunt ordinis moralis, ex necessitate cujusdam regulæ quæ a sola fide præstat. Hinc credimus quia volumus credere.

XII. — Critica. Legitime quidem propugnant illi philosophi fidem esse in multis necessariam, quod jam asseruimus. art. præced. n° 6 et seqq. At fides non est motus cæcens, nec judicium incertum. Recolantur quæ disseruimus art. 6. Animadvertatur insuper fidei præsupponi aliud criterium, et cognitionem quæ fide generatur esse mediatam duntaxat.

(1) Consuli possunt LAMENNAIS, *Essai sur l'indifférence*; LACORDAIRE, *Considérations sur le système philosophique de M. de Lamennais*; VENTURA, *Essai sur l'origine des idées et sur le fondement de la certitude*, *Cours de philosophie chrétienne*; BALMÈS, *Philos. fondament.* liv. I; MERCIER, *Critériologie*, liv. III, etc.

Ergo non est ad fidem recurrendum tanquam ad primam et universalem normam, n° x.

Cæterum, in sententia Balfour fides non est nisi major probabilitas. Si autem omnis cognitio probabilitate nititur, nulla erit cognitio certa, seu nulla assignabitur judicium naturalium ratio, quod est alia via in scepticisimum dilabi. Vid. sup. n° vii.

Quod autem addit Brunetière nos *voluntate* credere, verum esse potest, dummodo concedatur ad fidem concurrere etiam multiplex intellectus judicium. Art. VI, n° xi. Non est ergo fides humana vel divina supremum criterium, licet sit in suo ordine verum et necessarium criterium.

## ARTICULUS NONUS

## ASSIGNATUR SUPREMUM CRITERIUM

I. — **Quid restat probandum.** Constat ex precedentium sententiarum expositione et confutatione criterium supremum ex ordine objectivo esse repetendum. Cæterum id liquet: criterium supremum debet esse aliquid immutabile, se tenere debet ex parte objecti, seu veritatis immutabilis. Sed inter criteria objectiva recensentur principia prima et evidētia. Restat ergo inquirendum utrum criterium supremum in primis principiis an in evidētia reponendum sit.

II. — **Conclusio: Supremum certitudinis criterium non in principiis primis sed in evidētia objective spectata reponendum est.**

Prob. 1<sup>a</sup> pars. Quod fundatur in alia cognitione non est primum criterium. Atqui prima principia fundantur in alia cognitione, scilicet in cognitione entis et transcendentalium: sic principium contradictionis: *Impossibile est idem esse et non esse*, fundatur immediate in cognitione entis, nam versatur circa pugnam que est inter ens et non ens. Ergo prima principia non sunt criterium supremum.

Prob. II<sup>a</sup> pars. Diximus: *in evidētia objectiva*, non tamen excludimus evidētiā subjectivā; certitudo quippe ex duobus adintegratur: ex evidētia subjectiva ut conditione, et evidētia objectiva ut causa et motiva formali. Sensus ergo est: criterium supremum, licet requirat evidētiā subjectivā, non in ea tamen proprie consistit, sed formaliter in evidētia objectiva menti manifestata (1).

Arg. 1<sup>um</sup> Cum in cognitione duo concurrant: subjectum cognoscens et objectum cognitum, criterium supremum est ex alterutro desumendum. At non ex subjecto ut ex prædictis amplissime constat, quæ probatio ad id huc reducitur: Criterium est immutabile, quæ vero se tenent ex parte subjecti mutabilia sunt. Ergo ex objecto cognitō desumendum est criterium. Sed objectum cognitum movet et determinat mentem prout est menti præsens in sua luce et perspicuitate. Ergo criterium supremum desumitur ex objecto ut est menti præsens in sua luce et perspicuitate. Jam vero objectum menti præsens in sua perspicuitate est objectum evidens. Ergo criterium supremum desumitur ex objecto ut evidenti. Sed, ut animadvertit Carl. Zigliara, objectum non est evidens nisi evidētia. Ergo criterium supremum desumitur ultimo ex evidētia.

Confirmatur. Criterium supremum est id quod perficit et quietat intellectum. Sed perfectio et quies intellectus, ut passim audivimus ex Angelico, est *verum ut cognitum*. Ergo criterium supremum est verum ut cognitum. Verum autem cognitum, verum perspicuum, alio nomine dicitur evidens. Ergo verum evidens, seu evidētia objectiva, est criterium supremum.

Arg. II<sup>um</sup>. Illud est criterium primum quod non indiget alio criterio, quo sublato, perit omnis certitudo et, quo posito, mens habet normam ad assentiendum veritati atque ulla errandi formidine; quod non potest cum errore componi; quodque est universale, immutabile, menti internum.

Atqui 1<sup>o</sup> evidētia non indiget alio criterio, evidens quippe per seipsam et vi sui admittitur. 2<sup>o</sup> Sublata evidētia omnis certitudo corrumpitur: nisi enim *evidenter* constet de nostra mundique existentia, etc., ingens errandi formido inducitur. 3<sup>o</sup> Posita evidētia, mens normam sibi præstituit, nam quærenti cur certus sim de mea mundique existentia, etc., præsto

rium esse *veritatem ut factam*. Veritas ut facta potest designare evidētiā objecti ut menti manifestam et a mente dictam. Si vero *subjective* tantum hæc intelliguntur, falsa erit illa sententia, ut ostendit Baluzs, *Phil. fontam.*, c. xxx — Pariter *idea clara et distincta* Cartesianorum potest significare objectum ut menti perspicuum, et tunc ab evidētia objectiva non differt; at alio sensu intellectum falsum deprehenditur assertum cartesianum, ut vidimus, art. præc. n. viii.

(1) Hoc sensu forte intelligi potest Vico, qui docet supremum crite-

est responsio : quia hæc omnia mihi evidenter constant. Cur contra non possim adhærere probabilismo absque ulla errandi formidine? Quia probabilismi veritas non est evidens. 4<sup>o</sup> Evidentia non potest cum errore componi; ostensum est enim (art. 4) evidentiae veræ non subesse falsum. 5<sup>o</sup> Evidentia est criterium universale, se extendens ad omnes certitudines; sic in ipsis fidei objectis assensus certus non est nisi evidentia sint credibilitatis motiva. 6<sup>o</sup> Est criterium immutabile, nam evidentia objectiva est ipsum verum immutabile et æternum. Tandem, evidentia est aliquid menti internum; nam, ut prius dictum est, lux et vis objectiva veritatis, luxque et vis subjectiva intellectus cognoscentis sunt duo elementa omni cognitioni intrinseca. Ergo evidentia est criterium supremum.

### III. — Utrum sit duplex criterium ultimum: veritatis et certitudinis.

Quidam auctores admittunt duplex criterium ultimum: alterum veritatis, certitudinis alterum. Sic Rosmini vocat criterium veritatis principium evidens quod veritatem confert cognitionibus quæ ab alia proveniunt; criterium vero certitudinis, principium quod quidem non confert veritatem propositionibus, sed nobis inservit ad indubie agnoscendum utrum propositiones ipsæ in se habeant necne veritatem, ac proinde ingerit nobis certitudinem earum veritatis vel falsitatis.

Adhuc autem Rosmini ens ideale esse veritatis criterium.

At idem debet esse lumen quo discernimus verum a falso et quo recti sumus de vero: hæc enim se mutuo ponunt. In tantum quippe certificatur intellectus de vero in quantum videt verum discerni a falso. Ergo idem est veritatis et certitudinis criterium.

Quod autem adhuc de ente ideali, recto forte sensu intelligi potest, si ens ideale sit ens ut menti manifestum, mentique præsens in sua luce et perspicuitate, seu ens objective evidens.

Alii vocant criterium veritatis id quo ultimo veritas a falsitate distinguitur, et est evidentia objectiva; criterium autem certitudinis id quo ultimo certitudo ab errore secernitur et est clara perceptio, seu evidentia subjectiva. « Quæ distinctio, ait P. Pesch, videtur esse subtilior quam verior. Nam illa clara

perceptio accipi potest dupliciter. Si intelligitur ut primo et directe emergens ex subjecto cognoscente, præscindendu a re evidenter percepta, non potest esse ultimum principium certitudinis. Id enim non ex subjecto cognoscente, sed primo ex re cognita accipi debet. Si intelligitur ut effecta ab evidentia objectiva, controversia ad litem de modo loquendi reducitur (1). »

Illic tamen loquendi modus non videtur prohandus. Criterium enim supremum, sicut ipsa certitudo, ex duobus adintegratur: ex aliquo subjectivo tanquam conditione, et ex aliquo objectivo tanquam ratione formali. Atqui utriusque denominatur non a mera conditione, sed proprie et simpliciter ab eo quod est potius in ipso, scilicet a ratione formali. Ergo criterium supremum est denominandum, non ab eo quod est subjectivum in certitudine, sed ab eo quod est objectivum, seu ab evidentia objectiva. Ergo sola evidentia objectiva proprie et simpliciter meretur nomen criterii supremi, non autem evidentia subjectiva.

IV. — *Opinio Illustrissimi Lorenzelli.* Egregius et profundissimus Aristotelis et D. Thomæ interpres, Illu. D. D. Lorenzelli, docet criterium veritatis propositionum demonstrationem non esse evidentiam objectivam, sed resolutionem earum propositionum in sua principia (2). Sic arguit: 1<sup>o</sup> Cum assignatur evidentia objectiva cen criterium, vel intelligitur de evidentia objectiva principiorum, vel evidentia ipsius conclusionis controversæ. Hoc secundum non potest concedi, quia alter contradicentium præcise negat conclusionem eo quod ejus veritas ipsi non apparet, seu quia relate ad ipsum caret evidentia objectiva, quæ propterea producenda manet per aliquem logicum processum; et hic erit criterium veritatis conclusionis. Sed et primum esse non potest. Nam vel evidentia objectiva principiorum consideratur ut manens in ipsis principiis, et tunc eadem nihil facit ad ostendendam veritatem conclusionis; vel consideratur ut derivata ad conclusionem, et tunc hæc derivatio manifestanda est, quia ab

(1) *Logic.*, tom. II, p. 307.

(2) *IV Pars Log.*, lect. 5.

allera contradicentium non conspicitur. Unde criterium non erit ipsa evidentia derivata ad conclusionem, sed potius ostensio derivationis: talis autem ostensio sit per demonstrationem legitimitalis ipsius conclusionis vel sequelæ necessariæ, a præmissis utrinque concessis.

Resp. Evidentia objectiva quam statuimus supremum et commune criterium vim suam exercens in omni cognitione, non est hæc vel illa evidentia objectiva particularis, sed evidentia *objectiva ut sic*, que quidem diversimode applicatur in diversis judiciis. In primis principiis est evidentia objectiva convenientiæ vel disconvenientiæ inter subjectum et prædicatum; in judiciis autem iudicialis est evidentia objectiva connexionis inter antecedens et consequens. Admittit Illustrissimus Auctor criterium esse *ostensionem derivationis, resolutionem conclusionis in sua principia*. Atqui ostensio derivationis, resolutio ad principia requirunt vim evidentiam. Ergo resolutio non est primum criterium. Proh. min. Ostensio derivationis, resolutio ad principia nullam vim habet nisi perspicuum sit propositionem esse resolubilem, consequens necessario connecti cum antecedente, resolutionem fieri juxta debitas regulas. Atqui hæc perspicuitas qua constat propositionem esse resolubilem, etc., est ipsa evidentia.

Ergo resolutio ad prima principia vim nullam habet sine evidentia. Admittimus sane cum D. Thoma, scientiam et certitudinem conclusionum causari per resolutionem ad principia, sed inde minime sequitur resolutionem esse primum et supremum criterium, cum ipsa resolutio evidentie vim requirat. Aliis verbis, resolutio est conditio et causa scientiæ, sed criterium primum est evidentia qua constat propositionem esse resolubilem, consequens connecti cum antecedente, resolutionem fieri juxta debitas regulas.

Arguit 2<sup>o</sup>. Evidentia non est criterium, sed effectus vel terminus criterii; est enim terminus omnium iudiciorum et ipsius veritatis possessio.

Resp. Quamvis aliqua evidentia sit effectus et terminus, non sequitur evidentiam objectivam *ut sic* esse sub omni respectu effectum prioris criterii.

Est enim quædam evidentia quæ seipsa ponitur, sicut lux

alia luce non indiget; est quædam evidentia prior resolutione propositionum, nam, ut dictum est, resolutio supponit aliquam evidentiam qua constet resolutionem fieri posse, de facto fieri et juxta debitas regulas. Igitur sub hoc respectu evidentia se habet non ut terminus, sed ut principium et dirigens.

Quod autem sub alio respectu sit terminus iudiciorum, non inde impugnetur thesis nostra. Id e contra ostendit evidentiam esse aliquid communissimum et universalissimum quod est simul principium et finis cognitionum certarum: principium, quia est prior resolutione propositionum in sua principia, et ipsam resolutionem dirigit ut recte fiat; est finis, quia est terminus in quo perlicitur et quietatur intellectus. Et præterea, quia evidentia est aliquid universalissimum et communissimum, se habens ut principium et finis cognitionum certarum, recte dici potest universalissimum et supremum criterium.

Cætera quæ addit clarissimus Auctor minoris sunt momenti.

Qua via, inquit, suaderi potest evidentia objectiva tanquam criterium?

Resp. Est aliqua evidentia quæ seipsa ponitur ut lux diei; hæc admissa nitimur ad ostendendam nostram propositionem.

Quod objicitur de veritatibus supernaturalibus non eugit. Admittuntur istæ veritates propter intrinsecam et objectivam evidentiam auctoritatis, seu propter evidentem auctoritatem Dei revelantis. Hæc autem rationalismum non sapit, siquidem constat mysteria fidei nostræ esse evidenter credibilia.

Veritas quidem credita est intrinsece inevidens, sed motiva credibilitatis sunt intrinsece evidentia.

Cæterum, thesis nostra est præsertim de criterio certitudinis naturalis.

Tandem objicitur: Conclusiones theologicæ sunt recognoscibiles, non propter auctoritatem Dei revelantis, quæ cadit solum supra principia, nec propter evidentiam objectivam quia hæc non competit conclusionibus sicut nec principiis. Ergo propter resolutionem in principia.

Resp. Resolutio, ut jam diximus, nihil valet sine evidentia. Unde in conclusionibus theologicis criterium est evidentia

connexionis inter antecedens et consequens, seu evidentia qua constet conclusiones necessario ex principiis revelatis deduci.

Concludimus itaque cum Angelico : *Certitudo quæ est in scientia et intellectu est ex IPSA EVIDENTIA eorum quæ certa esse dicuntur* (1). Igitur juxta D. Thomam criterium certitudinis, tum in cognitione mediata (*scientia*), tum in cognitione immediata (*intellectu*) est evidentia.

**V. — Utrum criterium solis veritatibus mediatis conveniat.**

Obijci posset : Criterium illis solis cognitionibus applicandum est in quibus veritas non est manifesta, seu conclusivissimum.

Respondemus : Criterium omni cognitioni certæ aliqua ratione applicatur.

Ad omnem quippe cognitionem certam requiritur ut objectum conditionis ipsam gaudet, ut sit verum, necessarium, immutabile ; et ut intellectus videat se cognoscere verum ; et ut lumen seu motivum habeat quo determinetur ad assensum firmum. Ergo in omni cognitione certa adest aliqua conditio qua gaudet objectum, aliqua norma quo intellectus videt objectum esse verum, immutabile, et cognoscit se cognoscere verum ; adest quoque motivum seu lumen quo intellectus determinatur ad assensum firmum. Atqui conditio, norma et motivum in quosmodi est ipsum criterium, quod definitur : Motivum determinans assensum firmum, vel : Norma qua discernimus condiciones quibus præditum esse debeat objectum, vel lumen dirigens omnem cognitionem certam. Ergo omni cognitioni certa applicatur criterium.

Cæterum id jam constat ex articulo præcedenti (n. 2), ubi ostensum est existere aliquod supremum criterium quod in omni certitudine relucet, quodque omnia criteria dirigit et a quo omnia criteria omnesque certitudines effectum suum derivant. Sententia vero opposita, quam tenent Sanseverino (2), Illmus Lorenzelli, non videtur nobis probanda.

In iis tamen quæ per se evidentia sunt criterium inhibetur

in ipsa veritate quæ seipsam manifestat, sicut lux seipsa ponitur, licet ratione distinguatur a veritate, ut dictum est de evidentia, art. 4, r. 10 et 11. Quocirca concedi potest criterium specialius applicari cognitionibus mediatis, in quibus veritas non apparet nisi per resolutionem ad prima principia, quæ tamen resolutio ipsa evidentia dirigitur. Unde resolutio ad principia dici potest criterium proximum veritatum demonstrabilium, sed criterium supremum est evidentia, quæ ipsam resolutionem dirigit.

**VI. — De æquivocationibus hac in materia vitandis.** Difficultates et dissensio circa supremum criterium inde forte oriuntur quod non omnes conveniant de propria criterii acceptione. Una, ut videtur, esset Scholasticorum sententia, si æquivocatio tolleretur. Si enim criterii nomine intelligeretur medium quo pervenitur in cognitionem certam veritatis ignotæ, concedendum omnino esset criterium non competere veritatibus immediatis : iudicium quippe immediata non cognoscuntur aliquo medio, nec alio indigent quo certificentur, « Proprium enim est homin principiorum, ait Angelicus (1) quod non solum necesse est ea per se esse vera, sed etiam necesse est videri quod sint per se vera. Nullus enim potest per se opinari contraria eorum ». Cum autem medium seu modus quo mens certificatur de veritatibus mediatis sit resolutio in prima principia, iudicari nemo posset resolutionem illam esse primum criterium. At, si nomine criterii supremi venit conditio generalis qua omne objectum gaudere debet ut mentis assensum rapiat, lumen quod omnem cognitionem dirigit et in omni cognitione relucere debet ut intellectus alicui enunciabili assentiat, consentiendum est omnibus Scholasticis supremum criterium esse evidentiam ; siquidem intellectus non determinatur nec objecto assentitur nisi propter evidentiam vel veritatis vel credibilitatis. Nos vero communioem Scholasticorum sententiam propugnantes, ostendimus criterium ista generali acceptione esse sciendum, darique aliquod lumen generale omnem cognitionem dirigens, quod su-

(1) III Dist. 23, q. 11, a. 2, sol. 3.

(2) *Dynamilogia.*, n° 640.

(4) I Post. Anal. lect. 19.

proximum criterium dicimus. Quocirca tenemus criterium omnibus veritatibus, etiam immediatis, convenire, licet magis necessarium sit veritatibus mediatis; resolutionem propositionum demonstrabilium ad sua principia esse criterium proximum, non tamen primum, quippe quæ aliud supponit et alio dirigitur: supponit evidentiam et dirigitur evidentia quæ constat propositionem esse resolubilem et resolutionem fieri juxta debitas regulas, etc., ut jam monuimus. Recte ergo statuimus evidentiam quæ omnem cognitionem dirigit et est conditio generalis qua omne objectum gaudere debeat ut intellectus assensum determinet, esse primum et generale veritatis et certitudinis criterium.

VII. — Evidentia est ratio formalior respectu intelligibilium sub quo cæteræ rationes formales continentur. In omni genere movente seu specificante potentiam est aliqua ratio formalior sub qua cæteræ subordinantur et continentur: in invisibilibus hæc ratio formalior est lux, quia nihil videtur nisi quatenus sub luce continetur; in appetibilibus hæc ratio est bonum perfectum, quia nihil appetitur nisi sub ratione istius boni, unde finis ultimus est ratio et id ejus gratia cætera movent; in intelligibilibus, hæc ratio est evidentia, quia nihil intellectum movet nisi per evidentiam et quatenus sub evidentia continetur. « Et hæc ratio ultima et plena, ait Joannes a S. Thoma (1), ac motiva cæterarum, una est, et per modum unius attingitur, eo quod omnis motio et specificatio potentiarum terminum habere debet, et ibi tamquam in aliquo principali sistere, ab illoque unitatem habet, quia sub illo cætera ordinantur; et, cum moveant sub eodem modo et genere movendi, unitatem quoque ab illo habent. »

Ex quibus eruitur nova sententiæ nostræ confirmatio:

Sicut finis ultimus est primum motivum sub quo continentur omnia appetibilia et a quo unitatem desumunt, sicut lux est primum motivum sub quo continentur omnia visibilia et a quo unitatem suam depromunt; ita evidentia est primum motivum sub quo continentur omnia intelligibilia et a quo

unitatem suam derivant. Atqui primum motivum in ordine intelligibilium dicitur alio nomine primum criterium. Ergo evidentia est primum et supremum criterium (1).

(1) De criterio supremo consuli possunt JOANNES A S. THOMAS, *loc. cit.*; ZIGLIARA, *Critic.*, lib. III; PESCH, *Logic.*, t. II; LORENZELLI, *loc. cit.*; SANSEVERINO, *loc. cit.*; JANET, *Philos.*, II° 639, 4°.

(1) *Cursus theologicus*, q. I, *De ultimo fine*, art. 3.



## TRACTATUS TERTIUS

### DE QUÆSTIONIBUS QUÆ SPECTANT TERTIAM MENTIS OPERATIONEM

Tertia mentis operatio est ratiocinium, cujus signum est argumentatio, syllogismus nempe et inductio. In hoc ergo ultimo tractatu versandæ sunt quæstiones quæ ad Syllogismum, Inductionem, Scientiam, Methodumque in scientiis adhibendam propius referuntur.

## QUÆSTIO PRIMA

### De Syllogismo.

Quæ spectant syllogismi formam in Logica Minori expendimus. Ex parte autem materiæ dividitur syllogismus in apodicticum seu demonstrativum, probabilem et sophisticum. Hinc disserendum de demonstratione, de argumentatione probabili, de syllogismo sophistico.

## ARTICULUS PRIMUS

### DE DEMONSTRATIONIS NATURA ET DIVISIONE (1)

I. — **Demonstrationis definitio.** Demonstratio definitur ab Aristotele : *Syllogismus constans ex veris, primis et immediatis, notioribus, prioribus, necessariis, causis conclusionis* (2).

1<sup>o</sup> Præmissæ dehent esse veræ. Quia ex falso verum scientifice concludi non potest, nec de falso dari potest scientia ; quod enim non est, sciri non potest.

(1) Consuli possunt ARISTOTELIS, *Poster. Analyt.*; S. THOMAS, *Comment.* in præfatos Aristotelis libros; JOANNES A. S. THOMA, *Log.* II. P. q. 23; ALAMANNUS, *Logic.*, q. 21 et seqq.; SYLVESTER MAURUS, *Question. Philos.*, vol. I; PESCH, *Logic.*; P. JARRET, *Logique*, sect. I, c. vi; MENCHER, *Logique*, 3<sup>e</sup> partie.

(2) *Post. Analyt.*, lib. I, text. 5, n<sup>o</sup> 4.

2<sup>o</sup> Debet esse primæ et immediatæ, seu indemonstrabiles, quia non debet dari processus in infinitum. Carent igitur medio quo demonstrentur, et sub hoc respectu dicuntur *immediatæ*; et aptæ sunt ad alias demonstrandas et sic dicuntur *primæ*, respectu nempe eorum quæ per ipsas probantur.

3<sup>o</sup> Debet esse priores et notiores conclusionem, quia sunt medium quo innotescit conclusio. Si autem conclusio esset notior vel æque nota, non probaretur per illas, nec ex illis deduceretur.

4<sup>o</sup> Debet esse causæ conclusionis. Est enim de ratione omnis argumentationis ut per præmissas deveniatur ad conclusionem tanquam in causatum per suam causam.

Notandum est autem circa has voces: *notioribus*, *prioribus*, aliquam propositionem dici per se notam, prius notam, vel *quoad se*, vel *quoad nos*.

In genere propositio *per se nota* dicitur, quando prædicatum includitur in ratione subjecti. Triplici autem ratione potest prædicatum in subjecto includi: 1<sup>o</sup> ut genus subjecti, 2<sup>o</sup> ut differentia subjecti, 3<sup>o</sup> ut proprietas a subjecto inseparabilis.

Dicitur *per se nota quoad se et non quoad nos*, cum prædicatum est quidem de ratione subjecti, sed, apprehensis terminis, non illico apprehenditur eorum connexio; est *per se nota quoad se et quoad nos*, quando apprehensis terminis statim et absque discursu percipitur eorum convenientia vel disconvenientia.

*Notius secundum naturam* dicitur quod habet esse prius et perfectius in natura. Verum enim fundatur in esse. Quod ergo habet magis esse, est magis verum, magisque cognoscibile, ideoque secundum se est prius notum.

*Notius quoad nos* dicitur quod prius cadit in nostra cognitione, ideoque magis accedit ad cognitionem sensibilem, quæ est scientiæ humanæ principium. Causa est secundum se notior effectu, essentia proprietatibus; sed quoad nos effectus, ut plurimum, est notior causa, proprietates notiores sunt essentia. — Ad rationem vero demonstrationis requiritur ut præmissæ notiores sint conclusionem saltem quoad nos. Imo ut comparetur demonstratio perfecta, debent esse notiores etiam quoad se. Tunc enim solum paritur cognitio perfecta, cum ordo

logicus et intentionalis ordini rerum perfecte respondet. Ergo tunc solum est perfecta demonstratio, cum præmissæ notiores in ordine logico et quando nos sunt etiam notiores simpliciter et in ordine reali.

Quoad adjectionem: *causæ conclusionis*, animadvertatur præmissas esse causas conclusionis necessarias, ita ut ipsis positis necessario fluat conclusio. Si autem conclusio contingenter consequeretur, esset syllogismus probabilis, non demonstrativus. Hinc Aristoteles requirit ut præmissæ sint necessariæ.

Ratione effectus definitur demonstratio: *Syllogismus faciens scire*. Hæc est definitio descriptiva, ex proprietate demonstrationem declarans. Eo ipso quippe quod syllogismus constet ex veris et necessariis, assensus conclusioni præstitus erit scientificus.

**II. — Est autem præmissa necessaria, quando prædicatum dicitur de omni, dicitur per se, dicitur universaliter:**

*Dici de omni* potest intelligi secundum formam prioristicam et secundum formam posterioristicam. In primo casu sufficit ut conveniat *omni*, licet non semper; sic competit omni homini ridere, non tamen semper. Ad formam vero posterioristicam duæ requiruntur conditiones: prima, ut nullum sit individuum sub subjecto contentum cui non insit prædicatum; secunda, ut nullum possit accipi tempus in quo ei non insit tale prædicatum. Sic convenit omni homini et semper esse animal.

Jam vero demonstratio requirit hoc utrumque; si enim prædicatum non inesset semper, non posset conclusio infallibiliter et semper ex præmissis erui.

Quid autem sit dici seu prædicari *per se*, jam alibi fuse explicatum est, ubi de quatuor modis prædicandi (1). In demonstratione perfecta, major est in quarto modo prædicandi per se, minor in primo. Nam in demonstratione perfecta probatur passio per medium, quod est definitio subjecti. Sed propositio cujus prædicatum est passio et subjectum definitio

(1) *Log. Min.* Tract. II, q. 11, a. 2, n<sup>o</sup> 3.

subjecti est in quarto modo prædicandi per se, et illa cuius subjectum est ipsum subjectum passionis et definitio subjecti est prædicatum, est in primo modo. Ergo, quia major habet pro prædicato passionem et pro subjecto definitionem subjecti, erit in quarto modo prædicandi per se, et quia minor habet pro subjecto ipsum subjectum passionis et pro prædicato ipsam definitionem subjecti, erit in primo modo prædicandi per se. — Dici *universaliter* de subjecto est convenire *omni*, *per se* et *primo ratione sui*. Sic sensitivum dicitur primo de *animali*, non autem dicitur de *homine* primo et ratione sui, quia non convenit *homini* reductive ut est homo. Demonstratio vero per se et perfecta requirit ut prædicatum subjecto insit primo ratione sui. Sic *sensitivum*, non demonstratur de *homine* primo ratione sui, sed in quantum *homo* continetur sub *animali*.

**III. — Demonstratio propter quid.** Notissima est divisio in demonstrationem *propter quid* et demonstrationem *quia*.

Demonstratio *propter quid* est illa in qua manifestatur cur prædicatum insit subjecto in conclusione. Demonstratio *quia* dicitur illa in qua concluditur aliquid inesse subjecto, non tamen assignatur causa cur ipsi insit (1).

Unde ad demonstrationem propter quid requiritur : 1<sup>o</sup> Ut cognoscatur causa rei, formaliter in ratione causæ, seu causa ut causa, 2<sup>o</sup> Ut cognoscatur fieri non posse ut posita causa non ponatur effectus. 3<sup>o</sup> Utsit causa non tantum in cognoscendo, sed in essendo, causa nempe realis vel saltem virtualis. Causa porro realis est quæ reapse influit in effectum a se distinctum; causa autem virtualis æquivaleret causæ reali, non influit quidem realiter in effectum, sed est talis naturæ ut, si id cuius dicitur causa expostularet causam realem, non aliam haberet quam ipsam. Dicitur etiam *ratio a priori*. Sic in Deo æternitas non suscipit proprie causam, sed, si posset habere, hæc causa esset immutabilitas. Unde immutabilitas est causa virtualis, seu ratio æternitatis. 4<sup>o</sup> Non tamen sufficit quælibet causa in essendo, sed debet esse causa *propria*, *immediata*,

(1) Ita. D. THOMAS, opusc. 48.

*adæquata*, cum effectu convertibilis, ita ut causa inferat effectum, et effectus inferat causam. Hinc qui probat aliquid per causam communem non concludit demonstrationem *propter quid*. Sit exemplum : *Omne quod scire scit est corruptibile. Corpus scire scit. Ergo est corruptibile*. Causa propria corruptibilitatis non est senescere, sed constare ex contrariis elementis. Item, si procedit per causam remotam. *Omne ens a se est æternum. Deus est a se. Ergo est æternus*. Esse a se est causam æternitatis remota duntaxat. Item, si causa est inadæquata et partialis, non unica rei causa. v. g. : *Qui feбри laborat, habet pulsum concitatum. Aliquis homo feбри laborat. Ergo habet pulsum concitatum*. Febris non est unica pulsus concitati causa. In sequenti autem exemplo habetur demonstratio propter quid : *Omne spirituale est immortale. Anima est spiritualis. Ergo est immortalis*. Spiritualitas est causa immortalitatis propria, immediata, adæquata. Ex spirituali inferitur immortale, ut ex immortali spirituale.

Demonstrationi propter quid proprie convenit definitio quam tradidimus ex Aristotele : *Syllogismus constans ex veris, primis, etc.*

**IV. — Demonstratio quia.** Demonstratio *quia*, sumpta particula *quia*, non ut est causalis, sed ut significat *quod res est*, procedit vel per signa et effectus, vel per causas remotas, communes, inadæquatas. Tria superiora exempla pertinent ad demonstrationem *quia*. Quærent autem auctores an demonstratio *quia* suscipiat strictam rationem demonstrationis, et conveniat univoce cum demonstratione *propter quid*. Breviter respondemus : Demonstratio *quia* est proprie, et non analogice tantum, demonstratio, imperfecte tamen rationem demonstrationis participat.

Prob. 1<sup>a</sup> pars. De ratione demonstrationis est præstare certitudinem et evidentiam. Sed demonstratio *quia* efficit certitudinem et evidentiam. Ergo. Prob. min. Demonstratio *quia* innititur connexionione necessaria inter effectum et causam, vel inter causam remotam et effectum. Sed ubi percipitur connexio necessaria, generari potest conclusio necessaria, certa et evidens. Ergo.

Haec pars manifesta est. Nam demonstratio *quia*, cum non procedat per causas proprias, non valet percipere et rimari propriam veritatis radicem. Porro de ratione veræ demonstrationis et scientiæ est ipsam veritatis radicem attingere. Ergo demonstratio *quia* facit imperfecte scire.

**V. — Demonstratio a priori et a posteriori.** Demonstratio *a priori* est quæ rem ostendit per causam; *a posteriori* quæ causam colligit per effectum. Unde in demonstratione a priori præmissæ sunt propositiones notiores quoad se, in demonstratione autem a posteriori præmissæ sunt notiores quoad nos, non quoad se, et hinc apparet demonstrationem a posteriori esse imperfectam.

Demonstratio *a priori* nun coincidit cum demonstratione *propter quid*, nec demonstratio *a posteriori* cum demonstratione *quia*. Demonstratio enim *a priori* procedit per causas quascunque sive proximas, sive remotas; demonstratio autem *propter quid*, ut jam novimus, per causas proprias, immediatas, aequatas. Hinc omnis demonstratio *propter quid* est *a priori*, non tamen omnis demonstratio *a priori* est *propter quid*. Demonstratio *a posteriori* est solum per effectus, demonstratio autem *quia* est per effectus et per causas remotas. Omnis ergo demonstratio a posteriori est *quia*, at non omnis demonstratio *quia* est *a posteriori*.

**VI. — Demonstratio regressiva, seu circularis.** Est ea in qua, postquam ab effectibus, seu a posteriori, cognita est causa, de causa attente inspecta, descenditur ad effectus. Est ergo progressus a principiis ad conclusionem, et regressus a conclusione ad principia.

Distinguitur circulus *formalis*, et circulus *materialis*. Circulus est *formalis*, cum conclusio ex antecedente illata et ex solo antecedente nota assumitur ad probandum ipsum antecedens. Hic est circulus vitiosus; nam consequens minus notum ad probandum antecedens magis notum illogice adhibetur.

Circulus est *materialis*, cum conclusio aliunde et aliis principiis quam antecedens nota assumitur ad probandum ante-

cedens vel aliquam e præmissis unde prius fuit deducta conclusio. Qui animæ immortalitatem probat ex ejus spiritualitate, et rursum ex immortalitate per solum spiritualitatem nota probat spiritualitatem, circulum admittit vitiosum. Sed est processus legitimus ex immortalitate quæ supponitur ex aliis principiis jam probata demonstrare spiritualitatem. Circulus igitur materialis maxime inservit ad perfecte cognoscendam relationem inter res quarum una ex alia inferitur. Sic etiam licet ex Scriptura tamquam documento historico et humano Ecclesiæ divinitatem demonstrare; ex Ecclesia autem jam cognita ut societate supernaturali et infallibili probare Scripturæ divinitatem.

Huc accedit demonstratio *reciproca*, quando syllogismi præcedentis conclusio assumitur ut fiat major novi syllogismi, et, minore conversa, ponitur major prioris pro conclusione sequentis. Qui processus legitimus erit, dummodo circulus sit materialis tantum.

**VII. — Demonstratio directa, indirecta, pura, absoluta, etc.** *Directa* est, quæ rem ostendit ex positivis principiis, ut si evincatur immortalitas ex spiritualitate. *Indirecta*, *apagogica*, *ad absurdum*, probat rem ita esse ex absurdis quæ oppositam sententiam comitantur: ut si probeatur animæ immortalitas ex eo quod impunita remaneret culpa et virtus absque premio. Distinguunt quidam auctores demonstrationem *universalem*, quæ est ex propositionibus universalibus, *particularem* ex particularibus, *ostensivam* ex solis affirmativis, *privativam* ex affirmativa et negativa.

Demonstratio *pura* dicitur cujus utraque præmissa est *rationalis*, *a priori*; *empirica*, cujus utraque præmissa est *experimentalis*, *a posteriori*; *mixta*, cujus una præmissa est rationalis, altera experimentalis. Demonstratio *absoluta* ea est cujus principia in se vera et certa assumuntur ad demonstrandum aliquid in se certum. *Relativa*, seu *ad hominem*, cujus principia admittuntur ab adversario, et assumuntur ad aliquid contra ipsum inferendum, licet forte in se vera et certa non sint.

Sic catholici utuntur principio libertatis cultuum ad Ecce-

sive libertatem contra acatholicos vindicandam. Dicitur etiam demonstratio *ex datis* : dato nempe (non concessio) aliquid ita esse, inde arguimus.

Ad argumentationem indirectam referuntur demonstrationes per *retorsionem*, per *inversionem*, per *distraktionem*.

Est demonstratio per *retorsionem*, cum ex præmissis vel conclusione plus sequitur quam velit adversarius, adeo ut cogatur ipse suum solvere argumentum. *Hæc objicis ; retorquero argumentum...*

Per *inversionem*, cum ipsummet medium ab adversario assumptum adhibetur ad conclusionem contrariam consequenti quod ille intulit antecedentem. *Hæc profers ; e tuis verbis oppositum concludo.*

Per *distraktionem*, cum respondens impellit adversarium ad aliquid prius respondendum vel solvendum. Quo modo respondebat Christus Pharisæis : *Interrogabo vos et ego unum sermonem...*

Quando vero ostenditur objectionem esse indignam cui respondeatur, propter adversarii ignorantiam vel improbitatem, dicitur demonstratio *ad verecundiam*, *ad invidiam*, *ad ignorantiam*.

**VIII. — Demonstrationes propter quid et quia alias includunt.** Manifestum est omnes species demonstrationis reduci ad demonstrationem *propter quid* vel *quia*. Implicat enim assignare demonstrationem quæ non procedat vel per effectus, quo casu est demonstratio *quia*, vel per causas remotas aut indirectas, quo casu est adhuc demonstratio *quia*, vel per causas proximatas et adæquatas, quo casu est demonstratio *propter quid*.

**IX. — Recentiorum placita de demonstrationis vi et ratione.**

Stuart Mill contendit demonstrationem omni valore carere, quia major, ut probet, notitiam supponit conclusionis. Qui error jam alibi confutatus est (1).

Alii objiciunt impossibilem esse demonstrationem, quia

principiis nititur : ista porro principia vel iterum demonstrantur, et sic inducitur processus in infinitum, vel demonstratione carent, et jam gratuito admittuntur.

Reponimus principia non demonstrari, imo necessarium esse ut omnis demonstratio ab indemonstrabili incipiat, sicut omnis motus ab immobili. Inde tamen non efficitur ut principia illa gratuito admittantur. Sicut enim lux alia luce non indiget, sed seipsa ponitur, ita principia illa probationem non expostulant, sed propria luce, propriaque evidentia ponuntur. Cum ergo evidentiam in se et per se habeant, certiora sunt omni propositione demonstrata, nam id solum efficit demonstratio ut lux principiorum ad conclusionem derivetur. Potius autem est quod habet evidentiam per se eo quod evidentiam derivatam a alio suscipit.

Ergo, nedum expostulent demonstrationem, imo perfectio ipsorum obstat quin minus demonstrantur.

Namnulli recentiores demonstrationem vocant omnem probationem certam, etiamsi circa veritates contingentes versetur. Hinc demonstratio definitur : Syllogismus constans præmissis certis, etsi contingentibus, ex quibus conclusio hypothetice tantum necessaria eruitur.

At, quia demonstrationis est scientiam parere quæ est de necessariis, demonstrationis ratio competit tantum syllogismo constanti ex veris, primis, necessariis, etc. Quocirca duplici ratione dicitur demonstratio necessaria : ratione formæ syllogisticæ, ratione materiæ, seu objecti (1).

(1) « Il est maintenant aisé de définir la démonstration : c'est un argument en matière nécessaire et parfaitement connue, qui en fait voir clairement la nécessité. Telles sont les démonstrations de géométrie », BOSSUET, *Logique*, liv. III. c. xvi.

(1) *Log. Afm. Tract. III. q. I. art. 2.*

## ARTICULUS SECUNDUS

## DE PRÆCOGNITIONIBUS ET PRÆCOGNITIS

I. — **Præcognitio et præcognitum.** Habita jam demonstrationis naturam indagandum est quid requiratur ad demonstrationem rite concludendam. Aristoteles posuit hoc principium : *Omnis doctrina et omnis disciplina ex præexistenti cognitione fit.* Quæ prævia cognitio dicitur *præcognitio*. Statuit autem Aristoteles duas esse præcognitiones : *An sit?* et *quid sit?* Id autem de quo est præcognitio dicitur *præcognitum*. Tria vero Philosophus ponit præcognita : *Subjectum, passionem, et principia.* *Subjectum* est id præcise de quo quæritur scientia ; *passio* est prædicatum, seu proprietas quam invenire volumus ; *principia* sunt præmissæ, seu medium quo educitur conclusio et quo ostendimus passionem seu prædicatum inesse subjecto vel non inesse. De singulis aliquid est disserendum.

II. — **Quomodo intelligendum sit principium Aristotelis : Omnis doctrina fit ex præcedenti cognitione?**

Imprimis certum est hic sermonem esse tantum de cognitione intellectiva : non enim dari debet processus in infinitum, ita ut omnis cognitio sensitiva oriatur ex alia priori et ita porro. Posset ita intelligi axioma : Omnis cognitio intellectiva oritur ex alia : sic tertia operatio, *ratiocinium*, profluit ex secunda, quæ est *judicium*, secunda procedit ex prima, quæ est *simplex apprehensio*, simplex autem apprehensio oritur ex cognitione sensitiva. Id quidem verissimum est, sed non intenditur in præsentia ab Aristotele. Sensus ergo est : *Omnis disciplina, omnis cognitio discursiva, fit a præcedenti cognitione.*

Hoc autem assertum facillime ostenditur. Cognitio discursiva est cognitio probata et illata. Sed manifestum est cognitionem probatam fieri ex priori cognitione probante ; illatam ex antecedenti cognitione ex qua infertur. Ergo omnis cognitio discursiva fit a præcedenti cognitione.

Insuper, cognitio discursiva est ex qua eruitur veritas ignota. Sed ignotum deducitur ex aliquo principio notiori, in quo talis conclusio est ignota quidem in actu, sed cognita in virtute, seu in potentia.

Ergo omnis cognitio discursiva fit ex præexistente cognitione.

III. — **Duæ præcognitiones.** Diximus duas esse præcognitiones : *An sit et quid sit.* Non enim datur scientia de non ente. Unde, si quæritur scientia de aliquo, præsupponendum est illud vel actu esse, vel esse posse, vel verum esse. Præcognitio autem *quid sit* designat quid sit res secundum definitionem realem, vel saltem secundum definitionem nominalem : unde includit *quid nominis* et *quid rei*. Ad præcognitionem *quid sit* reduci potest præcognitio *qualis sit*, nempe quæ sint rei propria vel accidentia.

Quæstio tamen *qualis sit* argumentationi probabili præsertim deservit. In dialecticis investigatur *qualiter* prædicatum rei conveniat. Id autem quadruplici loco probabili erui potest : prædicatum enim subjecto convenire potest vel ut genus, vel ut definitio, vel ut propriam, vel ut accidens. Hinc quadruplex locus dialecticus, vel quadruplex quæstio *qualis sit* : *a genere, a definitione, a proprio, ab accidente.*

Sed quæstiones *an sit et quid sit*, cum rei essentiam et causas spectent, demonstrationi proprie conveniunt.

IV. — **Tria præcognita.** Tria esse præcognita sic evincitur. Id de cujus scientia per demonstrationem acquiritur est conclusio in qua propria *passio* de aliquo *subjecto* prædicatur, quæ quidem conclusio eruitur ex *aliquibus principiis*. Ergo priusquam habeatur conclusionis notitia, debent præcognosci aliquo modo *subjectum* et *passio* ; et similiter oportet ut cognoscatur *principium* ex quo conclusio infertur, cum ex prin-

cipii cognitione conclusio innotescat. Ergo tria sunt præcognita : *subjectum, passio, principia*.

V. — **Quid vero de his tribus præcognoscere debeamus?** De subjecto præcognoscendum est *quid sit et an sit*.

*Quid sit*. Nam quidditas subjecti non demonstratur, sed ex ipsa fit demonstratio, et ita præsupponitur. Sufficit præcognitio *quid nominis*, si subjectum consideratur ut terminus simplex; si autem consideratur ut pertinet ad cognitionem propositionum requiritur præcognitio *quid rei*; nam *quid rei* subjecti, seu definitio subjecti, est proprium demonstrationis medium.

*An sit*. Quia de non ente vel de ente ficto et impossibili non instituitur quaestio.

De passione vero, seu predicato, præsupponitur tantum *præcognitio quid nominis*. Quod hæc requiratur, liquet. Impossibile est enim disputare de aliquo nisi prius intelligatur quid illius nomine significetur. Quod autem non debeamus præcognoscere *an sit* prædicatum vel *quid sit*, certum est, quia utrumque per demonstrationem concluditur. Ostendit enim demonstratio passionem inesse subjecto, consequenter ostendit passionem esse; non enim potest inesse nisi sit. Et pariter demonstratio ostendit passionem seu prædicatum pendere a subjecto in sua intrinseca ratione; unde simul ostendit quid sit intrinseca prædicati ratio.

De principiis præcognoscitur illa vera esse. Principia quippe sunt propositiones. Sed idem sonat propositionem esse et veram esse; totum enim esse propositionis est ejus veritas. Igitur de principiis potius supponitur illa vera esse quam esse. Necesse est autem præsupponere ipsa vera, quia conclusionis veritas causam habet præcognitam præmissorum veritatem.

Non autem præcognoscendum est de præmissis *quid sint* definitione reali. Principia enim sunt aliquod complexum. Sed de complexis non datur definitio realis.

« Hominis enim albi non est aliqua definitio et multo minus enuntiationis alicujus. Unde cum principium sit enuncia-

tio quædam, non potest de ipso præcognosci quia est, sed solum quia verum est (1). »

VI. — **De medio demonstrationum.** Medium itaque debet aliqua ratione præcognosci, cum sit causa perveniendi in notitiam conclusionis ignotæ.

Sed quaeritur quid possit esse medium: utrum nomina causarum genera, an causa formalis duntaxat. Hæc rationem mediæ soli causæ formali concedit, cæteris vero causis prorsus denegat. Peripatetici autem et Scholastici communiter perfitentur medium ex omnibus causis desumi posse, materiali nempe, formali, efficiente et finali, dummodo sint causæ necessariae, immediate et per se.

Ad id enim tendit demonstratio ut liquido manifestetur essentia. Atqui essentia ex quadruplici causarum genere manifestari potest. Ostenditur enim definitione. Porro definitio potest esse intrinseca, per causam materiale et formalem, et extrinseca, per causam efficientem et finalem. Ergo desumi potest medium tum ex causis intrinsecis, materiali et formali, tum extrinsecis, efficiente et finali.

(1) D. Th. Post. Anal. Lib. I, lect. II.

## ARTICULUS TERTIUS

### DE MODO QUO PRÆMISSÆ CONCURRANT AD CONCLUSIONEM

I. — **Quæstio.** Sæpe monimus præmissas causas esse conclusivis; quaeritur vero in quo genere causæ. Notandum est imprimis præmissas considerari posse materialiter, in quantum ex terminis præmissarum constituitur conclusio. Secundum hoc præmissæ sunt causa materialis conclusionis, quia præbent illi materiam ex qua conficitur: termini nempe, qui sunt materia præmissarum, fiunt etiam conclusionis materia.

Tota difficultas est de præmissis formaliter acceptis, pro assensu ipsis propositionibus præstito. Quidam Logici censent præmissas concurrere in genere causæ formalis extrinsecæ; communiter tamen docetur ipsas concurrere efficienter.

II. — **Conclusio:** Præmissæ non concurrunt in genere causæ formalis, sed in genere causæ efficientis.

Prob. I<sup>a</sup> pars. Causa formalis extrinseca est vel idea exemplaris, vel objectum. Sed 1<sup>o</sup> præmissæ non sunt ideæ exemplares conclusionis; licet enim conclusio à præmissis inferatur, non tamen est instar præmissarum; 2<sup>o</sup> præmissæ non sunt conclusionis objectum, sed conclusio proprium sibi vindicat objectum a præmissis distinctum, quod est ipsa veritas illata. Ergo præmissæ non sunt causa formalis præmissarum.

Prob. II<sup>a</sup> pars. Illud effective ad conclusionem concurrat ex quo intellectus movet se de potentia ad actum quantum ad notitiam conclusionis. Atqui ex notitia antecedentis intellectus movet se de potentia ad actum quantum ad notitiam consequentis. Ergo antecedens, seu præmissæ, efficienter concurrunt ad consequens, seu conclusionem. Ratio minoris est quia

Immen præmissarum ita determinat intellectum ut ipse actu cognoscat conclusionem illique assentiat, unde per præmissas efficitur ut intellectus qui erat in potentia cognoscens conclusionem, jam sit actu cognoscens et admittens ipsam.

Præmissæ igitur conferunt intellectui vim, seu lumen, ad acquirendam conclusionem; hinc conclusio procedit ab intellectu ut potentia eliciente et ab assensu præmissarum ut lumine actu illustrante ipsam potentiam eique præbente vim adjutricem et effectivam. Ita Thomistæ.

III. — **Objicies:** Causa debet existere eo tempore quo producit effectus. Atqui eo tempore quo elicitur assensus conclusionis, jam transiit assensus præmissarum. Ergo.

Resp. Disting. antecedens: Causa debet esse eodem tempore actu vel virtute, concedo; semper actu, nego; sufficit enim ut virtualiter perduret ejus influxus. Contradist. min: Transiit præmissarum assensus formaliter, concedo; virtute, nego; remanet enim in ipsa determinatione intellectus, quæ habetur posita præmissarum assensu.

Ceterum, non concedimus intellectum non posse quasi simul cognoscere præmissas et conclusionem. Repugnat quidem intellectum habere simul plures actus disparatos, et intelligere plura ut plura sunt; non autem repugnat intellectum habere quasi simul actus subordinatos et intelligere plura per modum unius. Porro in presenti cognitio præmissarum et cognitio conclusionis sunt actus subordinati per modum unius integri discursus.

IV. — **Præmissæ causant per medium terminum.** Ostenso præmissas esse causas conclusionis, addimus ipsas per medium terminum causare. Hæc est sententia D. Thomæ (1). « Quia scire opinamur cum scimus causam, demonstratio autem est syllogismus faciens scire, ita consequens est quod *medium demonstrationis sit causa.* »

Probatur breviter. Id est causa cognitionis ignotæ quod invenire desideramus in omni inquisitione scientifica, nam in-

(1) II Post. Anal. Lect. 9.



inquisitio scientifica est de causis. Sed quod invenire desideramus in omni inquisitione scientifica est medium. Ergo medium est proprie causa conclusionis ignotæ. Revera, id quod proprie quæritur est id quo invento quiescit intellectus. Sed invento medio quiescit intellectus, et assignato medio statim ex comparatione extremorum cum ipso generatur cognitio conclusionis ignotæ. Manifestum est igitur medium quæcum duo extrema comparantur esse proprium conclusionis causam.

**V. — An præmissæ necessitent ad assensum conclusionis.** Sciendum est duplicem distinguî necessitatem : specificationis, seu contrarietatis, et contradictionis, seu exercitii. Prima est determinatio ad unum specie actum, ita ut potentia nequeat elicere actum alterius speciei, quamvis possit parere vel suspendere suum actum. Secunda est determinatio potentiae ad aliquem actum quem non potest suspendere, sed elicere tenetur.

His prænotatis, sit

**VI. — Prima conclusio :** Intellectus concessis præmissis evidentibus, necessitatur ad assensum conclusionis necessitate specificationis, id est, non potest facere dissensum.

Probatur. Circa verum ut evidenter verum non potest dari dissensus. Atqui, concessis præmissis evidentibus et cognita bonitate illationis, conclusio est evidenter vera. Ergo intellectus non potest dissentire conclusioni.

Prob. maj. Intellectus objectum formale est verum, sicut objectum formale voluntatis est bonum. Ergo, sicut voluntas circa bonum propositum ut bonum non potest elicere nisi actum amoris, ita intellectus circa verum propositum ut verum non potest elicere nisi actum assensus.

Minor constat. Si præmissæ sunt evidenter veræ, si bonitas illationis est evidens, conclusio etiam erit evidenter vera.

Confirmatur. Intellectus concedendo præmissas, concessit implicite conclusionem quæ in ipsis virtualiter continetur. Ergo, si intellectus, concessis præmissis, conclusionem indicaretur, sibi ipsi contradiceret.

**VII. — Secunda conclusio :** Intellectus, concessis præmissis evidentibus, necessitatur ad assensum conclusionis etiam necessitate exercitii; id est, non potest suspendere actum assensus. Probatur. Potentia naturalis, positis omnibus prærequisitis ad agendum, necessario agit etiam necessitate exercitii, sicut oculus, apertis palpebris, necessario videt etiam necessitate exercitii. Atqui, concessis præmissis evidentibus et cognita bonitate illationis, intellectus habet omnia prærequisita ad assensum conclusionis : præmissæ enim evidentes et recte dispositæ illuminant conclusionem, sicut lux colores. Ergo intellectus necessitatur etiam necessitate exercitii. Voluntas itaque non potest directe impedire hunc assensum; indirecto tamen potest, vel divertendo intellectum ad alias cogitationes, vel impediendo ne attendat ad præmissas. Hæc distinctio subilita evanescent difficultates fieri solitæ.

**VIII. — Explicatur effatum Philosophi :** Major cognoscitur prius tempore quam conclusio; minor vero simul cum conclusione.

Major est propositio universalis, non subsumpta sub alia; potest igitur cognosci secundum seipsam, sensum, independentem a conclusione, et prius conclusivæ. Minor autem formaliter sumpta ut minor, est propositio subsumpta, subordinata et disposita sub majore in ordine ad causandam conclusionem.

Non potest ergo cognosci formaliter ut minor, nisi virtualiter cognoscatur conclusio. Quando enim duo collustrantur eodem lumine, cognito uno cognoscitur alterum. Atqui conclusio illustratur lumine quod est in minore. Ergo simul cognoscitur minor et conclusio.

Prob. min. Lumen quo illustratur conclusio est lumen illativum. Sed lumen illativum continetur in minori; illatio enim sit quatenus major determinatur per minorem ad causandam conclusionem. Igitur eodem lumine illustrantur minor et conclusio.

Effatum intelligitur de cognitione virtuali; non vero contentimus formali cognitione cognosci minorem et conclusionem per eundem indivisibilem actum.

Si vero conclusio evidentior sit ipsa minore, syllogismus di-

citur *abductio*, quia mentis attentio *abducitur* seu avertitur a conclusione ut aciem ligat circa minorem.

**IX. — Utrum conclusio ad essentiam syllogismi pertineat.** Disputant Logici. Cum syllogismus sit discursus in quo *ex* connexione præmissarum inferitur conclusio, putant aliqui essentiam syllogismi consistere et in præmissis inferentibus et in conclusione illata. Alii volunt conclusionem esse solum syllogismi effectum, non autem ad illius essentiam pertinere: ratio est quia conclusio est aliquid illatum et effectum. Alii denique tenent syllogismum consistere formaliter in ipsa illatione, seu motu ab antecedente ad consequens, materialiter autem in præmissis et conclusione.

Ad quæstionis solutionem recolatur syllogismus considerari posse multipliciter. 1<sup>o</sup> Causaliter et active, et hoc modo in præmissis consistit; nam ipsæ efficienter movent ad veritatem cognoscendam et ad assensum præstandum. 2<sup>o</sup> Formaliter ut *ratio manifestativa*, et sic reponitur in illatione seu consequentia, quæ dicitur forma syllogismi. 3<sup>o</sup> Formaliter ut *ratio manifestata*, et sic consistit in conclusione; ipsa enim est obiectum ad quod duæ præmissæ ordinantur, in ratione unius antecedentis. 4<sup>o</sup> Atquequato, et sic in suo essentiali conceptu dicitur orationem compositum et ex præmissis, et ex conclusione, et ex illatione seu consequentia. « Itaque et habet vim illativam, quæ est in præmissis, et habet rem illatam in consequente, et habet ipsam illationem, quæ, passive sumpta, est in consequenti illato, active autem, in præmissis inferentibus. Atque ita est quasi organicum instrumentum, quod constat ex parte movente et ex parte mota, sicut in viventibus una pars movet aliam (1).

(1) JOANNES A S. THOMA, *Log.* 1, P. q. VIII, art. 4.

## ARTICULUS QUARTUS.

### DE ARGUMENTATIONE PROBABILI

**1. — Notio probabilitatis.** Probabile inlem est ac dignum quod probetur, quamvis non necessario sit probandum. Quod est necessario ab intellectu probandum est evidenter verum; quod autem probari potest sed non necessario, est *verisimile*, nempe id quod apparet verum propter aliquod motivum idoneum, viri prudentis assensum suadens, motivum tamen fallibile quod non excludit partis oppositæ formidinem. Definiri igitur potest probabilitas: *Pondus motivorum fallibilium quidem, sed sufficienter gravium, quæ assensum prudentem merentur.* Dicitur 1<sup>o</sup> *pondus motivorum fallibilium*; nam motivum infallibile est veritas evidens, probabilitas autem non est ipsa perspicua veritas, sed tantum quidam ad veritatem accessus. 2<sup>o</sup> *Sufficienter gravium*, id est tum in seipsis, tum in ordine ad sententiam oppositam, itant oppositæ sententiæ motivis non elidantur. Ad huc vero requiritur ut rationibus oppositis afferre possint responsionem, non quidem irrefragabilem et apodicticam, sed rationabilem.

3<sup>o</sup> *Quæ assensum prudentem merentur.* Probabilitas quippe dupliciter consideratur: secundum se, et sic est motivum fallibile sed sufficienter grave; et in ordine ad assensum, et jam innuit id quod assensum prudentem determinare valet. At etiam hoc modo spectari potest *relative et absolute.* *Relative*, si attenditur respectu alienius hominis præ alio; et hinc fit ut quod est uni probabile alteri improbabile evadat. *Absolute* vero, quando respectu omnium vel saltem plurimorum et sapientium sufficiens est ut assensum prudentem moveat.

II. — **Divisio probabilitatis.** Præcipua divisio est in probabilitatem *intrinsecam* et probabilitatem *extrinsecam*. Prima possetur directe ex rei natura, proprietatibus, causis; vel indirecte ex partis oppositæ incommodis. Secunda desumitur ex auctoritate fide digna, nempe doctorum qui huic sententiæ adhæserunt. Hæc tamen non movet nisi in virtute prioris; auctoritas quippe doctorum non est fide digna, nisi præsumatur doctoribus comportas fuisse graves rationes, graviave motiva, huic opinioni assentiendi. Quod vera requirantur doctores ad fundandam probabilitatem extrinsecam, non est mathematicè æstimandum.

Si sermo sit de probabilitate *relativa*, præsertim respectu illiterati, non raro sufficit auctoritas unius, v. g. confessarii, patris, aut alterius viri prudentis. Ad probabilitatem *absolutam* quod attinet, magis pensanda est ex auctorum ingenio, eruditione, probitate quam numero. Generatim loquendo, sufficiunt qualiter vel quinque insignis notæ doctores; imò quovisloque sufficit unus, si sit omni exceptione maior. Sic in rebus dubiis opinio aliquam probabilis censetur eo ipso quod a D. Thomæ doceatur. « Memini de præceptore meo ipso audire, ait Melchior Canus, cum nobis secundam secundæ partem cœpisset exponere, tanti divi Thomæ sententiam esse faciendam, ut, si potior ratio non succurreret, sanctissimi et doctissimi viri *satis nobis esset auctoritas* » (1).

III. — **Duo judicia in statu probabilitatis.** Duo distingui possunt judicia in probabilitate subjective spectata: alterum quo æstimatur aliquid esse probabile, alterum quo veritati probabili assentitur. Primum esse potest certum, evidens; quo modo mihi liquido constat opinionem talem D. Thomæ vel S. Alphonsi, vera gaudere probabilitate. Secundum vero, nempe assensus præstitus sententiæ certo probabili, est semper cum errandi formidine conjunctum. Quæ duo sunt probe discernenda, nam certum esse potest aliquid esse vere probabile, quamvis probabile nunquam possit esse certum.

(1) MELCHIOR CANUS, Lib. XII, *Loc. Theol.* in præmio.

#### IV. — De conflictu plurium opinionum probabilium (1).

Quæstio est an duæ propositiones contradictoriæ esse possint simul probabiles, si inter se conferantur. Circa quod punctum tria solvenda proponuntur: 1<sup>o</sup> an opinio remaneat vere probabilis, quum pro sententiâ opposita afferuntur rationes æque probabiles; 2<sup>o</sup> an remaneat adhuc probabilis, si rationes pro sententiâ opposita sint probabiliores; 3<sup>o</sup> an possit intellectus admittere aliquam opinionem eam probabiliorum et nihilominus opinioni minus probabili adhærere.

Respondemus: 1<sup>o</sup> Opinio non desinit esse probabilis in conflictu opinionis contradictoriæ æque probabilis.

Per accidens quidem destrui potest hæc probabilitas, si elidantur rationes quibus fuitur, sed tenemus *per se* non evanescere.

Probatur. Arg. 1<sup>um</sup>. Illud est vere probabile quod habet motivum grave tam in se tum respectu opinionis oppositæ, adeo ut illius rationes congruenter solvat. Atqui fieri potest ut pro utraque sententiâ militent motiva gravia tum in se tum respective, adeo ut altera alterius momenta rationaliter solvat. Ergo. Proh. min. Illud motivum potest rationaliter solvi quod est fallibile. Atqui motiva utriusque sententiæ supponuntur fallibilia. Ergo altera alterius potest motiva et rationes congruenter solve, quo fit ut altera in concursu alterius probabilis remaneat.

Arg. 2<sup>um</sup>. Opinio probabilis dicitur quæ vera videtur plurimis vel sapientissimis. Atqui tum in speculativis tum in moralibus haud raro evenit ut pro dualibus sententiis contradictoriis oppositis decertent multi et sapientissimi et spectatissimi doctores. Ergo duæ opiniones contradictoriæ oppositæ possunt esse simul probabiles.

2<sup>o</sup> Opinio probabilis non amittit suam probabilitatem etiam in probabilioris concursu.

Probatur. Cum motiva sententiæ probabilioris semper fallibilia remaneant, possunt alterius sententiæ motivis congruen-

(1) Rem hic versamus non eodem sane respectu quem considerant moralistæ. Isti enim quæstionem movent in ordine ad conscientiam et licetalem in agendo; nos autem solum in ordine ad *assensum intellectus*, qui respectus non est a Logica alienus.

ter solvi. Atqui motiva quibus alterius sententiæ motiva congruenter solvantur, adhuc remanent absolute et respective gravia, ideoque vere probabilia censentur. Ergo sententia aliqua potest esse vere probabilis etiam in probabilioris concursu.

*Obijcies* : In statera pondus fortius impedit alterum pondus et in suam partem trahit. Ergo sententia probabilior, utpote fortiori pondere prædita, alterius probabilitatem impedit et elidit.

Resp : Nego paritatem. Nam pondus statere non est momentum fallibile, sed efficax, quo totaliter vincitur oppositum ; pondus vero opinionis probabilioris est motivum fallibile, quo non potest totaliter vinci oppositum, siquidem alterius motiva non valent apodictice et cogenter solvere (1).

3<sup>o</sup> Nim repugnat ut intellectus adhæreat uni opinioni, dum alteram existimat probabiliorē.

Prohatur. Ad hoc duo requiruntur et sufficiunt : 1<sup>o</sup> ut opinio probabilior et opinio minus probabilis simul consistent, 2<sup>o</sup> ut sit aliqua causa quæ intellectum ad assentiendum minus probabiliter determinet. Atqui hæc duo non raro concurrunt. Ergo. Prob. min. Primum haberi posse jam ostendimus. Secundum vero a voluntate præstari potest. Cum enim in probabilitate objectum non sufficiat ad movendum intellectum, determinatio a voluntate proveniat oportet.

Sed voluntas habere potest specialem quamdam affectionem ratione cujus intellectum ad assentiendum sententiæ minus probabiliter inclinet. Quod quidem contingit præsertim quum quis temere judicat ; nunc videmus homines in rebus religiosis haud raro opinioni quam tamen ratio minus esse dicitur credibilem adhærere.

Utrum vero prudenter id fieri possit ? Non videtur impossibile. Affectio enim ratione cujus voluntas intellectum ad partem minus probabilem determinat potest esse recta ac legitima, et consequenter assensus hujusmodi erit bonus et prudens.

(1) Si tamen sententia esset *probabilissima*, vel *maxime probabilior*, jam plene solveret jmo elidere rationes oppositas, et hinc sententia contradictoria ad improbabilitatem vergeret.

— Non tamen infundate quis contenderet opinionem cui adhæret intellectus, quamvis *objective et simpliciter* sit minus probabilis, fieri *subjective et secundum quid* probabiliorē, quatenus voluntas ei addit speciale momentum vi cujus intellectus determinatur.

Quæstionem istam de opinionum conflictu sic resumit Joannes a S. Thoma : « Non repugnare circa idem formari diversos et oppositas sententias probabiles, etiam practice, quia neutra affirmat aut negat absolute veritatem, sed solum probabiliter et fallibiliter. Unde judicium quod affirmat hoc esse verum probabiliter non contradicit nec repugnat judicio neganti illud etiam probabiliter. Sicut in modalibus dici solet quod non sunt contradictoriae propositiones quæ fiunt cum modo contingenter, ut Petrus contingenter disputat, Petrus contingenter non disputat, cu quod ly *contingenter* includit esse et non esse secundum possibilitatem... »

Unde, cum inter duas probabiles opiniones oppositas non negetur veritas minus absolute et simpliciter, sed formetur judicium sub quadam apparentia veritatis, hinc fit quod assensus probabiles oppositi non sunt oppositi et repugnantes formaliter et absolute, sed objective, quia formaliter non affirmatur unum quod negat alterum, sed dicit apparere, seu probari verum, aut apparenter utrumque esse verum, non tamen absolute esse. Ebi objectum illorum assensuum est hoc esse licitum, verbi gratia, hoc non esse licitum, quæ sunt opposita ; formalitas vero est apparere unum et apparere alterum, non utrumque esse et non esse... Quod autem solum apparere, seu probative aut probabiliter, est verum, dat locum alteri parti, quia involvit aliquam formidinem de illa propter incertitudinem qua assentitur ; et ideo ipsamet assensus probabilis ex sua natura sic importat affirmationem de uno ratione apparentiæ, quod dat locum apparentiæ etiam et probationis parti contrariæ... (1) »

**V. — Quatuor gradus in opinione probabili.** Ex præcedentibus eruitur quadruplicem distingui opinionem probabilem :

(1) *Cursus Theologicus*, Edit. VIVES, tom. VI, p. 142.

minus probabilem, æque probabilem, probabiliorē, probabilissimam. Minus probabilis dicitur, si minus bene solvā motiva oppositæ; probabilior, si congruentius solvat; æque probabilis, si argumenta utriusque eodem jure solvantur; probabilissima, si motivis oppositæ sufficientissime satisfaciat, dum propria argumenta non possunt ab opposita congruenter solvi.

**VI. — Definitio syllogismi probabilis.** Dupliciter definitur syllogismus probabilis: 1<sup>o</sup> *Argumentatio quæ ex utraque vel alterutra præmissa probabilis conclusionem infert.* Quamvis utraque præmissa est probabilis tantum, conclusio nonnisi probabilis esse potest, ut liquet. Si autem una est probabilis, altera certa, conclusio pejorem sequitur partem. Cum enim una præmissa sit mere probabilis, comparatio cum meliore non sit certo et necessario, sed contingenter et fallibiliter. Ergo etiam in conclusione est contingenter et fallibiliter affirmanda.

2<sup>o</sup> *Definitur: Argumentatio quæ opinionem tantum generare valet.* Quæ definitio est descriptiva; sicut enim demonstratio ex effectu definitur: *Syllogismus faciens scire*, ita syllogismus probabilis dicitur: *Syllogismus faciens opinari.*

Non raro vocatur *topicus*, a nomine græco, τόπος, quod latine rehditur *locus*, eo quod a quibusdam sedibus, qui dicuntur loci dialectici, eruantur. Dicitur etiam *diulrecticus*, seu *disputatorius*, quia ex prædictis locis desumit argumenta ad quamlibet rem in utramque partem disputandam.

**VII. — Loci ex quibus eruuntur syllogismi probabiles (1).**

Probabilitatis usus frequentissime in vita humana occurrit; nam sæpius deest certitudo et requiritur saltem probabilitas ad agendum. Summopere igitur expedit fontes nosse ex quibus erui possunt argumenta probabilia. Qui fontes, seu loci, definiuntur: *Sedes argumentorum, seu, id unde quavis in qualibet materia eruere potest rationes probabiles.* Qua-

(1) Cf. ARISTOTELIS, *Topic.*; TULLIUS, *Topic.*; BOSSUET, *Logique*, liv. III, c. XX, et Scholastici veteres.

triplex autem est locorum divisio: *a genere, a definitione, a proprio, ab accidente.* Singula horum multas patiuntur divisiones, quas non possumus hic prosequi. Divisioni faciliori insistimus, quæ omnes locos in decem distribuit: *a causis, ab effectibus, a subjertis, ab adjunctis, ab oppositis, a comparatis, a lumine, a definitione, a divisione, a testimonio.*

Primus *a causis: materiali*, ut si ostendatur excellentia hominis ex corporis nobilitate, vel si æstimetur vas quoddam ex materia ex qua est confectum; *formali*, ut si laudetur homo ex animæ præstantia vel vas ex eleganti forma et structura; *efficienti*, ut [si commendetur homo ex parentibus, vel vas ex artifice]; *finali*, ut si innolescat hominis dignitas ex æterna beatitudine ad quam ordinatur, vel reputetur vas honore dignum eo quod sit servitio divino deputatum.

Secundus *ex effectibus.* Potest cognosci causa ex eo quod proficit ut agens et ex eo ad quod concurrat ut instrumentum.

Tertius *ex subjertis*, qua ratione ostenditur ideas nobiliores esse phantasmatibus, quia idea subiectatur in facultate spiritali, phantasma vero in facultate organo corporali affixa.

Quartus *ex adjunctis.* Adjuncta sunt duplicis generis: alia sunt intrinseca et inherencia, ut scientia, virtus; alia externa et circumstantia, ut divitiæ, honores. Habetur itaque locus *ex adjunctis*, si laudatur aliquis ex ingenio, virtute, scientia, vel dignitatibus, divitiis, etc.

Quintus *ex oppositis*: sic evinceo virtutem esse pulchram ex eo quod vitium sit turpe vel a contra vitium esse turpe ex eo quod virtus sit pulchra.

Sextus *ex comparatis vel similibus, seu ab exemplis*: *Luxuria vicit Sunsonem. Ergo et te vincet. Deus pepercit Magdalene peccatrici. Ergo et tibi parcat, si penitentiam egeris.*

Septimus *ex nomine, seu ex nominis etymologia*, v. g: *Consult* significat qui consultat reipublicæ. Atqui Cicero est consult. Ergo consulere debet reipublicæ. Iluc refertur locus qui dicitur *a conjugatis*, id est a nominibus affinis, quorum unum ex alio derivatur, ut *vir et virtus, homo et humanitas,*

Ex: Nero non debet dici vir, quia nihil habet virtutis; nec humo, quin nihil habet humanitatis.

Octavus ex *definitione*, nempe ex definitione ad definitum, et ex definito ad definitionem valet sequela, tam in propositionibus affirmativis quam in negativis. Ex: *Est animal rationale; ergo est homo. Est homo; ergo est animal rationale. Non est homo; ergo nec animal rationale.*

Novus ex *divisione*, scilicet ex uno membro dividente valet sequela ad divisum. *Est rationale; ergo est animal.* Ex diviso autem non valet sequela ad alterum membrum dividens, sed ad omnia membra subdisiunctione: *Est animal.* Non infertur: *Ergo est rationale*, sed: *Ergo est vel rationale vel irrationale.*

Decimus ex *testimonio*, seu auctoritate, aut *promissionis*, vel *elentis*, ut cum dicitur: *Plus obicit animis quam solvit philosophus.* Hic locus duplex est: auctoritatis humanæ et divinæ, de quibus alibi disseritur. Ita communiter Scholastici.

Alia divisio omnes locos ad tres reducit: *analogiam, hypothesein, auctoritatem.* De analogia et hypothesei nonnulla sunt subjungenda.

**VIII. — De analogia.** Prout hic usurpatur, analogia definiiri potest: *Argumentatio probabilis a simili ad simile.* Deprehendimus plura entia in aliquibus convenire, et ex eo quod sint similia inferimus unum attributo gaudere quod in alio comperimus. Principia analogiæ hæc sunt: *Quod in uno similem valet, valet in cæteris.* Vel: *Res similes inter se, in eo in quo sunt similes, eisdem gubernantur legibus et eosdem produciunt effectus.*

Analogia est quedam inductio imperfecta, in qua singula non sufficienter explorata sunt ut earum essentia cognoscatur, unde conclusio nonnisi probabiliter et fallibiliter eruitur. Quandoque tamen tanta esse potest similitudo ut analogia ad certitudinem pertingere valeat. Igitur vis analogiæ gradibus similitudinis proportionatur. Usus analogiæ frequentissimus est in scientiis naturalibus, v. g. in physica et medicina; in scientiis moralibus, præsertim in politicis; in theologia sæpe arguimus ex analogia inter ordinem naturæ et ordinem gra-

tiae, inter naturæ abscondita et liliis mysteria; inter hominem et angelum, inter mentem humanam et SS. Trinitatem, etc.

**IX. — De hypotheseibus.** Delinitur communiter hypothesis: *Propositio neque experientia nota neque ratione probata, quæ tamen assumitur ut vera, eo quod illam sit ad intelligendam causam quorundam factorum certo existentium.* Est igitur hypothesis argumentatio probabilis quæ syllogismo conditionali utitur hoc modo: *Si daretur huiusmodi causæ, darentur huiusmodi effectus. Atqui dantur huiusmodi effectus. Ergo datur huiusmodi causæ.* Minor est certa experientia vel alio modo; major autem hac ratione suadetur: *Dens et aëther nihil faciunt frustra, seu nihil est sine ratione sufficienti. Atqui nisi admittatur nostrum assertum, aliquid erit sine ratione sufficienti. Ergo.* Non tamen liquido constat aliquid esse sine ratione sufficienti ex eo quod negetur prædictum assertum, quia forte alia est illorum effectuum causa quæ nos latet. Quæcirca hypothesis *per se* nonnisi probabilitatem generat. Si quis vero ostenderet non posse aliam latere causam præter assignatam, seu munes alias hypotheses quæ fingi possunt, esse prorsus impossibiles, vera generaretur certitudo; sed tunc hypothesis in thesim seu theoriæ converteretur. Hypothesis naturalis fovet desiderium detegendi causas, earum attributa, multa movimus quæ forte nos semper latuissent. Est igitur optimum inventionis instrumentum, dummodo intra debitos restringatur limites. Regulæ præcipuæ sunt:

Prima. Facta, seu eventus qui certo constant, exploranda sunt cum omnibus præcipuis circumstantiis, in diversas partes dividenda, in seipsis inspicienda, demum cum aliis factis similibus vel oppositis comparanda.

Secunda. Ut aliquid assignari possit tanquam prædictorum effectuum causa, non sufficit mera conjectura, seu mera fictio, sed requiritur solidum et rationale fundamentum.

Tertia. Ad habendum vero firmum fundamentum, non sufficit ut hypothesis rationi vel factis et legibus jam comprobatis nullatenus contradicat, sed debet esse apta ad rem in omnibus suis circumstantiis explicandam; quod si uni tantum circumstantiæ contradiceret, eo ipso inepta deprehenderetur.

Quarta. Censetur autem esse apta ad phænomena explicanda, si perspectis naturæ legibus optime consentiat, si alia facta similia jam approprie explicaverit, si quædam conclusiones particulares inde deductæ experientia confirmantur (1).

**IX. — Divisio hypothesisum.** Triplicis generis esse potest hypothesis : *logica, physica, moralis*. *Logica*, seu *hermeneutica*, cum pro interpretatione alicujus vocabuli vel explanatione alicujus sententiæ adhibetur. *Moralis*, cum assumitur ad investiganda et quasi divinanda cordis intima, mores, intentiones, cogitationes, consilia. *Physica* instituitur ad explicandum naturæ phænomena, mundi originem, terræ formationem, etc. Hæc iterum subdividitur in *cosmologicam, astronomicam, geologicam*, etc. (2).

(1) Cf. quæ infra disseruntur de inductione ejusque methodis.

(2) Ad syllogismum probabilem reducitur argumentum ex *probabilitate* calculi desumptum. « Par exemple supposons, avec S'Gravesande, qu'un homme sort d'un vaisseau dans lequel il y aura 84 Hollandais, 12 Anglais et 4 Allemands : si j'ignore de quelle nationalité est cet homme, on demande quelle probabilité il y a que ce soit un Hollandais, un Anglais ou un Allemand. Tout le monde voit à première vue que la probabilité est en faveur des Hollandais ; mais le calcul des probabilités nous apprend quelle est la valeur exacte de cette probabilité. Le nombre de tous les cas, dans cet exemple, est de 100. Le degré de probabilité en faveur de chaque nationalité sera donc exprimé par le rapport du nombre de chacune au total, par conséquent  $\frac{84}{100}$  pour les Hollandais,  $\frac{12}{100}$  pour les Anglais,  $\frac{4}{100}$  pour les Allemands, c'est-à-dire par le rapport de 21 à 25 pour le premier cas, 3 à 25 pour le second, 1 à 25 pour le troisième. Je pourrai donc dire qu'il y a vingt-et-une chances contre quatre que l'homme en question sera Hollandais. — Tel est le principe du calcul des probabilités. Le développement de ce principe appartient aux mathématiques, non à la logique. » JANET, *Philosophie*, n° 204.

Consuli possunt ERNEST NAVILLE, *Logique de l'hypothèse* ; LAPLACE, *Principes généraux du calcul des probabilités* ; S'GRAVESANDE, *Intitul. à la phil.* ; CL. BERNARD, *Introduction à la médecine expérimentale*. — Notetur tamen ex additione probabilitatum non constitui certitudinem, nisi novum addatur elementum quod omnem errandi formidinem propellat. Certitudo quippe et probabilitas sunt ordinis diversi. Quare omnes probabilitatis gradus etiam simul sumpti remanent in ordine a certitudine diverso, semperque errandi formidinem reliunt.

## ARTICULUS QUINTUS

### DE SYLLOGISMO SOPHISTICO (1).

**I. — Triplici modo potest esse fallax syllogismus.** Peccare potest syllogismus vel ratione formæ tantum, vel ratione materiæ tantum, vel ratione utriusque. Ratione formæ tantum, cum propositiones in se veræ sunt, sed vitiosa est terminorum vel propositionum forma, seu dispositio. Quo casu non habetur syllogismus sed paralogismus vel *parasyllogismus* ; quare, concessis premissis, neganda est sequela. Ratione materiæ tantum, cum syllogismus est in mundo et figura debilis, sed ratione alicujus equivocationis aut alterius similis causæ fallit. Quo casu non sufficit consequentiam negare, sed distinguenda est major vel minor, in qua latet equivocatio aut aliud, vel etiam aliquando neganda. Si vero preest ratio materia et ratione formæ, distingui possunt premissæ vel negari sequela.

**II. — Syllogismus pseudographus, syllogismus sophisticus.** Syllogismus *pseudographus* est « qui mendaci et quasi falsa descriptione nititur, et propositionibus constat quæ necessariae videntur, quum tamen falsæ sint ; syllogismus igitur demonstrativum imitatur, et fere semper procedit ex principiis alicujus scientiæ propriis, quæ latins vel pressius vel aliter accipiuntur quam intelligi debent. Cujus generis principium illud est : *Ex nihilo nihil fit* ; quo male utuntur ii qui mundi creatio-

(1) Consuli possunt, præter Scholasticos, *Logique de Port-Royal* ; GRATY, *Les Sophistes et la critique* ; STUART MILL, *Système de Logique* ; WHATELY, *Logic* ; BROGHART, *De l'erreur* ; BALMES, *Art d'arriver au vrai*.

nem negant (1) ». Syllogismus *sophisticus* de quo solum hic est sermo, definitur : *Syllogismus procelens ex apparentibus, quæ nempe videntur esse, sed revera non sunt*. Hinc qui huiusmodi utuntur dicuntur *Sophistæ*, non quasi sint veri sapientes, sed apparentes, seu finati. Singula sophisticata exponemus ex veteribus Scholasticis præsertim Thomistis, classicisque utemur exemplis.

III. — Quot sint fallaciæ seu loci *sophistici*. Sicut assignantur quidam loci *topici* ex quibus eruntur syllogismi probabiles, ita aliqui sunt loci *sophistici* ex quibus fallaces argumentationes deprociuntur. Triduum communiter enumerantur : sex fallaciæ contingunt in *dictione*, seu vocibus, cum nempe ex unitate vocis unitus rei falso inferitur ; septem vero in *rebus significatis*, seu extra dictionem, quoniam aliquæ res aliquomodo convenientes vel differentes accipiuntur ut eandem simpliciter vel diversæ. Sex sophisticata in dictione sunt : *Homonymia*, seu *æquivocatio*, *amphibologia*, *compositio*, *divisio*, *accentus* et *figura dictionis*.

Septem sophisticata extra dictionem sunt : *Fallacia necidentis*, dictum simpliciter et secundum quid, ignoratio elenchii ; *fallacia consequentis* ; *petitio principii*, *fallacia non causæ ut causæ*, *fallacia plurium interrogationem ut unius*.

IV. — De *æquivocatione* et *amphibologia*. *Æquivocatio*, seu *homonymia*, est locus aptus ad decipiendum ex ambiguitate vocabuli quod in multiplici ac diverso sensu accipitur. *Canis est latrabilis. Sed silus est canis. Ergo silus est latrabilis.* — *Mus est monosyllabum. Atqui mus rodit caseum. Ergo monosyllabum rodit caseum.* — *Qui sanabatur sanus est. Atqui egrotus sanabatur. Ergo egrotus sanus est.*

*Amphibologia* est locus aptus ad decipiendum ex orationis ambiguitate. In *æquivocatione* adest solum ambiguitas vocabuli, in *amphibologia* vero concurrebat ambiguitas totius orationis, seu sententiæ. Id autem tripliciter contingere potest : 1<sup>o</sup> quia oratio in diversos sensus trahi potest. *Hic liber est*

(1) Psen. Lib. II *Dial.*, cap. III, n<sup>o</sup> 433.

*Petri*, intelligi potest : *Est Petri possessio*, vel aliter : *Est Petri opus*. 2<sup>o</sup> Ex constructione grammaticali. Exemplum est illud Augustini : *Deus cuius regnum est totus mundus, quem sensus ignorat. Quem referri potest ad Deum vel ad mundum.*

3<sup>o</sup> Ex eo quod dictum metaphorice expressum accipitur ab aliquo in significatione propria : *Qui docet ineptum, litus arat. Atqui ad litus arandum opus est aratro. Ergo ad docendum ineptum opus est aratro.* *Arare* smittitur in maiori metaphorice, in minori proprie.

V. — *Fallacia compositionis et divisionis*. Est locus aptus ad decipiendum ex variatione sensus compositi et divisi ; quum nempe a sensu composito vero arguitur ad sensum divisum falsum, vel e converso. *Sensus compositus* componit non actum vel actum oppositum cum actu ; *divisus* vero dividit actum a non actu vel ab actu opposito, ut dictum est in *Logica Minori* (1) : *sensus compositus importat potentiam simultatis, divisus similitudinem potentie*. Contingit hæc fallacia si dicitur : *Qui non potest ambulare non habet potentiam ambulandi. Atqui sedens sedendo non potest ambulare. Ergo non habet potentiam ambulandi.* Vel e contra : *Qui habet potentiam ambulandi potest ambulare. Atqui sedens sedendo habet potentiam ambulandi. Ergo sedens sedendo potest ambulare.* Prior syllogismus sic distinguitur : Qui non potest ambulare in sensu composito nec in sensu diviso non] habet potentiam ambulandi, concedo ; qui non potest ambulare in sensu composito, bene autem in sensu diviso, non habet potentiam ambulandi nego. *Contradict. min.* Sedens non potest ambulare in sensu composito, concedo ; in sensu diviso, nego. Et nego conseq. — Secundus syllogismus ita resolvitur : Qui habet potentiam ambulandi potest ambulare in sensu diviso, concedo, in sensu composito, nego.

Concedi potest minor, et distingui consequentia : Sedens potest ambulare in sensu diviso, concedo ; in sensu composito, nego. Aliis verbis sedens habet *simul* potentiam sedendi et ambulandi, non vero potentiam sedendi et ambulandi *simul*.

*Fallacia compositionis et divisionis* contingit præsertim in

(1) Tract. II, q. II, art. 3, n. 3.



propositiōnibus modalibus, quæ patiuntur sensum compositum et divisum, sed etiam in aliis habere potest locum.

*Quicunque numerus componitur ex duobus et tribus est duo et tria. Sed quinque componitur ex duobus et tribus. Ergo quinque sunt duo, vel quinque sunt tria.* Distinctio hæc est : Sunt duo et tria conjunctim sumpta, concedo ; divisim, nego.

**VI. — Fallacia accentus et figuræ.** Fallacia accentus est locus aptus ad decipiendum ex varietate accentuum vel pronunciationum ejusdem vocabuli. *Qui querit lepores est venator. Sed rhetor querit leparris (in secunione). Ergo rhetor est venator.*

Fallacia figuræ est locus aptus ad decipiendum ob similitudinem dictionum, quatenus nempe aliqua dictio alteri similis eundem videtur exprimere sensum, quem tamen non refert. Attendi potest hæc similitudo materialiter, nempe in structura et terminatione vocis, et sic habetur transitus de uno genere grammaticali ad aliud. *Omnis substantia affecta albedine est alba. Atqui homo est substantia affecta albedine. Ergo homo est alba.* Contingit illeptia et transitus de genere masculino in femininum ob similitudinem materialem terminationis vocabuli in majori et in conclusione. Hæc modo distingui potest : Est *alba* quoad rem significatam, concedo ; quoad genus vocis, nego. Aliquamdo similitudo dictionis attenditur formaliter in re significata, et sic habetur sophisma quo fit gressus de uno genere philosophico ad aliud, id est de uno ad aliud predicamentum. *Video hominem quem vidi anno præterito. Atqui anno præterito vidi eum sanum. Ergo video eum sanum.* Resp. : Dist. maj. Hominem quem vidi anno præterito video nunc, quoad substantiam, concedo ; quoad accidens et qualitatem, nego. Idem est sophisma quum dictio trahitur de significato particulari ad commune ; vel de communi ad particulare. *Quod ego sum tu non es. Atqui ego sum homo. Ergo tu non es homo.* Distinguitur : Quod ego sum secundum differentiam individualement, tu non es, concedo ; quod ego sum secundum rationem communem, tu non es, nego. — Contradist. min. Ego sum tantum homo secundum rationem individualement, nego ; nam hoc modo, sum homo *talis*, non homo

*ut sic* ; ego sum homo secundum rationem communem, concedo. Et nego consequ.

**VII. — De fallacia accidentis.** Est locus aptus ad decipiendum ex eo quod ea quæ accidenti conveniunt aut non conveniunt inferantur convenire aut non convenire subjecto antea converso.

Est igitur variatio suppositionis vel appellationis ab eo quod prædicatur per se ad id quod prædicatur per accidens et vice versa.

Unitas per accidens enim diversitate in re est propria hujus sophismatis causa. Tres fallaciæ ex hoc loco oriuntur. Prima, cum prædicatum essentiale accidentis tribuitur subjecto, a quo tamen distinguitur illud accidens. *Animal est genus. Homo est animal. Ergo homo est genus.* Secunda, cum prædicatum proprium accidentis tribuitur subjecto. *Risibile est proprietas. Homo est risibilis. Ergo homo est proprietas.* Tertia, cum prædicatum commune accidentis tribuitur subjecto. *Albus est concretum accidentale. Homo est albus. Ergo homo est concretum accidentale.* In prima exemplo *animal* est prædicatum essentiale ; in secundo *risibile* est prædicatum proprium, in tertio *albus* est prædicatum commune. Facile refelluntur hujusmodi cavillationes. *Animal* est genus, quoad significationem logicam, concedo ; significatione reali, et quoad rem conceptam, nego, sic enim est *vivens sensitivum*. Contradist. min. : *Homo* est animal, quoad significationem realem, concedo ; quoad significationem logicam, nego. Et nego consequ. Eodem modo distingui possunt cætera sophismata.

Huc reducitur celebre sophisma : *Asinus est pater. Sed asinus est tuus. Ergo asinus est pater tuus.* — Disting. : *Asinus* est pater secundum accidens, concedo ; secundum substantiam, nego. *Asinus* est tuus, secundum eundem respectum quo est pater, nego ; secundum diversum, concedo ; et nego consequ.

**VIII. Fallacia a dicto simpliciter ad secundum quid.** Est locus aptus ad decipiendum, quatenus ex eo quod aliquid cum adito et secundum quid alicui tribuitur vel denegatur, infert arguens esse tribuendum vel denegandum simpliciter et

sine nihilo, vel vice versa. *Ægrotō licet carues manducare dicaveris. Ergo simpliciter licet curabis vesci dicaveris. Petrus est doctus in arte equitandi. Ergo Petrus est simpliciter doctus.* Hæc fallacia contingit etiam in analogiis proportionalitatis, quum ea quæ in aliquo conveniunt interl quis in omnibus convenire. *Sicut se habet visus in homine, ita se habet visus in pento. Atqui visus in homine fit per labia. Ergo visus in pento fit per labia.* Argumenta hujusmodi pene nunc dicuntur incidere, et claudicare nunginta novem, quia concludunt esse simpliciter eadem quæ in aliquo puncto aliquanlter conveniunt, et in plurimis maxime differunt.

**IX. — Ignorantia elenchi et petitio principii.** Elenchus significat redargutionem, seu contradictionem; unde habetur hæc fallacia quum quis non recte statuendo propositionem loco rei arguendæ aliam ponit quæ revera non est arguenda; unde sit ut difficultatis punctum ignoretur aut ignorari fingatur. Hoc sophisma committunt, v. g., qui confabulant Summi Pontificis infallibilitatem cum impeccabilitate (1).

Dicitur etiam *lucus contradictionis*, quia aptus est ad decipiendum ubi apparentiam contradictionis ubi revera non est contradictio, defectu alienius conditionis ad contradictionem requisitæ. Quinque vero conditiones contradictioni sunt præviæ; unde quinque modis contingere potest hoc sophisma.

Prima conditio ad contradictionem est ut sit de eodem *secundum idem*, electu ejus conditionis inducitur primus fallaciæ modus. *Æthiops est albus quondā dentes et non albus quondā corpus. Ergo est albus et non albus.* Secunda, ut sit de eodem secundum idem et eodem modo sumptum: hinc altera deceptionis occasio. *Velum applicatum corpori tegit, complacina in arca non tegit. Ergo velum tegit et non tegit.* Tertia,

(1) « Un conseiller municipal reproche à un maire d'avoir fait des dépenses sans l'autorisation du conseil. Le maire répond en faisant valoir l'urgence et les avantages des mesures qu'il a prises. *Ignoratio elenchi!* » LIARD, *Logique* p. 206.

ut sit de eodem secundum idem, eodem modo sumptum, *respectu ejusdem*. Unde tertius fallaciæ modus: *Quaternarius est duplus binarii et non est duplus ternarii. Ergo est duplus et non duplus.* Quarta, ut sit de eodem secundum idem eodem modo sumptum, respectu ejusdem, *pro eodem tempore*. Unde quartus modus fallaciæ. *Aristoteles est natus ante Christum, et non est natus post Christum. Ergo est natus et non natus.* Quinta, ut sit *pro eodem loco*. Unde quintus fallaciæ modus: *D. Thomas mortuus est Passæ Novæ, et non est mortuus Lugduni. Ergo est mortuus et non mortuus.*

— Petitio principii habetur, cum arguens vel respondens accipit tanquam probationem seu probationis fundamentum ipsam conclusionem contrariam, seu id quod esset probandum; vel probat idem per idem sub alio vocabulo propositum. *Plato est filius Aristonis, quia Aristo est pater Platonis.*

Hæc accidit *circulus vitiosus*, qui probatur prius per posterius et posterius per prius, ut quum conclusio ex antecedente illata et ex sola antecedente nota, iterum ad probandum ipsum antecedens assumitur.

**X. — Tres ultimæ fallaciæ.** Fallacia consequentis contingit ex eo quod existimetur antecedens ex consequente profluere sicut consequens ex antecedente aritur, quod tamen falsum est. *Si est homo, est animal. Ergo, si est animal, est homo.* Item, si concludatur ex opposito antecedentis valere sequentiam ad oppositum consequentis, sicut valet ex opposito consequentis ad antecedentis oppositum. *Si est homo, est animal. Ergo, si non est animal, non est homo,* recta consequentia; sed illegitima ista: *Ergo si non est homo, non est animal.*

Fallacia non causæ ut causæ committitur quum aliquis effectus alicui adscribitur cum causæ ipsius, cum tamen vera causa non sit. *Philosophia religioni nocet. Ergo est improbitas.* Non philosophia vera, sed defectus philosophiæ, potest religioni nocere. Item, quando accipitur pro molio id quo revera non est medium nec causa uniendi prædicatum cum subiecto. *Mori et vivere sunt contraria. Atqui mori est corrumpi. Ergo vivere est generari.* Porro vita et mors non sunt contrarie, sed privative opposita.

fallacia plurium interrogationum ut unius est deceptio proveniens ex eo quod plures interrogationes per modum unius proponantur eo fine ut respondens non possit simplici responsione omnibus satisfacere, quo fit ut capiatur a sophista interrogante. *Mel et fel suntne dulcia an amara?* Si simplici responsione reponis: *dulcia*, infert sophista: *Ergo fel est dulce*. Si eligis: *amara*, infert: *Ergo mel est amarum*. Solutio hujus sophismatis est distinguere juxta diversitatem interrogationum. Ita communiter Scholastici.

**XI. — Hodierna sophistica.** Recentiorum sophismata ad præcedentem divisionem reduci possunt; quædam tamen specialia sunt quas frequentius usurpantur, scilicet: *Sophisma hypothesis*, *sophisma inductionis*, *sophisma enumerationis incompletæ*, *sophisma analogiæ*, *transitus de genere ad genus*.

*Sophisma hypothesis*, quum ex præconcepto systemate seu fundamentum inconcussum adhibetur illud quod vel suppositio gratuita est, vel rationi repugnat, ut quum increduli arguant ex istis principiis: *Materia est æterna, omnia reducuntur ad motum, homo originem trahit a simia*.

*Sophisma inductionis*, quum ex particularibus insufficienter enumeratis concluditur lex universalis. *Sophisma enumerationis incompletæ* cum aliquis ex uno vult discere omnes, vel asserit de toto quod de quibusdam partibus tantum valet. *Quidam religiosi deficiunt a boue. Ergo omnes. Videmus corporis partem interire. Ergo totus homo interit*.

*Sophisma analogiæ* (quod aliquatenus reducitur ad sophisma de dicto secundum quid ad dictum simpliciter), quando inferitur simpliciter et in manibus convenire quæ aliqualem tantum similitudinem et proportionem habent.

*Transitus de genere ad genus* (quod hodie frequenter committitur) cum principia et facta alicujus ordinis absolute et absque ratione alteri ordini omnino diverso applicantur.

*Miraculum non fit per naturæ vires. Ergo nec fit virtute supernaturali.* — *Lex quæ valet in ordine mechanico, etiam in ordine vitali valet.* — *Scientiæ progressus ostendit eos erravisse qui Galileum impugnare. Ergo scientiæ progressus evincit creationem repugnare.*

Plura alia sunt sophismata quæ enumerat P. Lepidi (1). *Sophisma auctoritatis*, cum quis infert ab auctoritate non vera, sed apparenti confirmationem alicujus doctrinæ. *Sophisma locutionis*, quas tota locuta dulcedine sua animus rapit, vel libertate sententiarum elevat ut sic ab ipsa descripti tanquam ex facie externa judicent imbecilles verum esse quod sophistæ asserunt. *Sophisma eruditionis*, cum quis copiam eruditionis ostendit ad pompam et apparatus, ut sic facilius suæ auctoritati credatur. *Sophisma fulgoris*, quando aliquibus verbis generalibus brevi ac forti sententia falsum ut verum asseritur, vel e converso. *Sophisma sextarii*, quando ea dumtaxat de re dicuntur quæ propriæ sententiæ non adversantur; cætera vero quæ proprium possent turbare intentum radula raduntur. *Sophisma distractionis*, quando vera et falsa, certa et incerta, varia ac disparata inter se, diffusa ac tortuosa oratione simul miscentur.

Admittit Stuart Mill *sophisma simplicis inspectionis*, seu *a priori*, quod non in ratiocinio sed circa ipsa principia committitur. At vero ostensum est mentem nostram non posse circa prima principia errare, sed circa ratiocinia dumtaxat fallibilem esse per accidens (2). Cum ista principia necessario evidentia gaudeant, *sophisma* circa ipsa esset *sophisma evidentiæ*. Porro implicat evidentiam esse *sophisticam* vel *illusionariam* (3). Non datur ergo *sophisma simplicis inspectionis*, nisi quis voluntarie confundat evidentiam veram cum eo quod reapse evidens non est.

Bædo omnia sophismata ad quatuor classes, seu *idola*, reducit, ut alibi vidimus (4).

Malebranchius ad quinque: 1º errores *sensuum*; 2º errores *imaginationis*; 3º errores *intellectus*; 4º errores *inclinationum*, ut sunt inquietudo, curiositas, cupiditas divitiarum vel honoris; 5º errores *passionum*.

Logica Portus-Regalis distinguit sophismata proprii inte-

(1) Vol. I, pag. 329.

(2) Tract. II, q. III, art. 3.

(3) Ibid., art. 5.

(4) Tract. I, q. 1, a. 1, n. 6.

resse propriæ amoris aut passionis, et sophismata quæ ex ipsis objectis oriuntur.

Quæ divisiones, etsi legitimæ, rem non ita plene exhaustiunt sicut divisio in sophismata dictionis et sophismata rerum.

**XII. — Finis sophistarum.** *Sophista* in principio designavit philosophum, sen qui sapientiam colit, sed a temporibus Protagoræ et Gorgiæ audit hominem vanum et captiosum qui falsum sub specie veri suadet. Immuneris extiterunt sophiste; celebrior vero apud Antiquos fuit schola illa cujus duces erant Protagoras et Gorgias; apud Recentiores vero schola quæ dicitur *novæ scientiæ*, ducibus Bayle, Voltaire, Hegelii, Renan, etc.

Finis porro sophistis omnibus communis est ex una parte questus et lucrum, ex altera vero, legum et religionis contemptus. Fines autem qui respectu respondentis intenduntur quinque sunt: *redargutio*, *falsum*, *paradoxum*, *solæcismus*, *nugatio*. *Redargutio*, cum respondens cogitur contradictorinum ejus quod concesserat profiteri; *falsum*, cum trahitur ad absurdum. *Habes quod non amisisti. Atqui non amisisti alas. Ergo habes alas.* *Paradoxum*, cum inducitur ad aliquid contra communem opinionem audientium. *Solæcismus*, ut in exemplo superius allato: *Substantia affectu albedine est alba. Atqui homo est substantia affectu albedine. Ergo homo est alba.* *Nugatio* tandem, cum respondens inducitur ad rei inutilis repetitionem, ut inde ridiculus deprehendatur.

## QUÆSTIO SECUNDA

### De Inductione.

Argumentatio syllogismum complectitur et inductionem. Unde expletis omnibus quæ ad syllogismum referuntur, obvius est ad inductionem processus (1).

## ARTICULUS UNICUS

### DE INDUCTIONE

**I. — Inductio fit per ascensum et per descensum.** Inductio definitur ex Aristotele: *A singularibus sufficienter enumeratis ad universale progressio*. Ut si dicas: *iste ignis calefacit; et ille, et ille, etc., etc. Ergo omnis ignis calefacit*. Et, quia oppositorum eadem est ratio, sub hac definitione inductionis, quæ est per ascensum, intelligitur oppositum ejus quod est

(1) Consuli possunt ARISTOTELES, II. *Post. Anal.*, c. xv; D. THOMAS, in *Post. Anal.*, lect. XXX; JOANNES S. THOMAS, *Logic. et Cursus theologicus*, de Virtut. theol. disp. XVI, art. 2: *De modo quo acquiritur habitus principiorum*; BACO, *Novum organum*; J. DE MAISTRE, *Leçons de la philosophie de Bacon*; JANET, *Les causes finales, et Logique*, c. vii; LACHELIER, *du fondement de l'induction*; MERCIER, *Logique*; FONSEGRIVE, *François Bacon*; FOLGHERA, *Revue Thomiste* tom. VIII, p. 310, p. 678; etc.

descensus, id est ab universali ad singularia progressio. Inductio ergo fieri potest per ascensum et per descensum, et utroque casu quadruplex est modus: ascensus et descensus *copulativus*, ascensus et descensus *copulatus*; ascensus et descensus *disjunctivus*, ascensus et descensus *disjunctus* (1).

Inductio quantum ad ascensum ordinatur ad inveniendas et probandas veritates universales, ut universales sunt. Nec enim potest probari aliquid universaliter esse tale, nisi quia ejus singularia sunt talia. Corpus A est grave, corpus B est grave, et corpus C et corpus D, etc. Hinc eruitur hanc veritatem universalem: *Omne corpus est grave*, esse probatum per ascensum. Descensus autem ab universali ad singularia præcipue ordinatur ad demonstrandam falsitatem universalis, ut est universalis. *Omnis homo est albus*. Falsitatem illius universalis optime evinco descendendo ad singulos homines, singulos Europeos, singulos Africanos, singulos Aethiopes, et ostendendo aliquem ex hominibus non esse album.

Si veritas universalis sit jam per ascensum inventa, etiam utilis erit descensus ad probandum universale de facto singularibus sub ipso contentis respondere. Inveni per ascensum hanc universalem: *omnis homo moritur*; nunc descensu ostendo universale illud respondere et Petro, et Paulo, et cæteris singularibus sub homine contentis. Duplex igitur est munus inductionis. Præcipuum quidem est reducere ad sensum probationem universalis a singularibus ascendendo; attamen minus per descensum non est totaliter sub silentio prætereundum, ut sit apud quosdam Logicos.

II. — Comparatur inductio cum syllogismo. Inductio, sicut syllogismus, est vera ratiocinii species: in utraque veritas ignota ex veritate prius nota eruitur. Quare ad inductionem argumentativam non sufficit quilibet transitus de singulari ad universale: sic actus quo mens ex singularibus abstrahit universalis ideam, vel quo ex singulari propositione ad universalem devenit, non sunt inductiones proprie dictæ. Sed oportet ut diversus sit motus quo mens fertur in singularia a motu

(1) Cf. Log. Min. Tract. I. q. II, art. 2, n. 5.

quo in universale deducitur, et ut ex singularibus prius cognitis ad universale deveniat. Primum itaque intellectus fertur in singularia et, secundo, per singularia in universale tanquam in causatum per suam causam. Intelligi causam non in essendo, sed in cognoscendo.

In syllogismo et inductione adsunt tres termini, tria iudicia, tres propositiones, saltem implicite.

Differentiæ. Syllogismus procedit a majori universali ad minus universale vi principii: *dictum de omni, dictum de nullo*; inductio procedit de singularibus ad universale. Vel si quando ab universali descendit ad singularia, id non præstat vi principii: *dictum de omni, dictum de nullo* (non enim intendit probare subjectum particulare ex eo quod continetur sub universaliore habere prædicata hujus universalioris), sed hoc idem facit ut per substitutionem individuorum universali, appareat falsitas hujus universalis, ut universale est; vel etiam ut ostendatur per hanc successivam singularium substitutionem universale de facto singularibus respondere et adæquari. Syllogismus descendendo prædat veritatem vel falsitatem particularis ex universali; inductio probat veritatem vel falsitatem universalis ex singularibus, et hoc facit tum ascendendo tum descendendo.

Per syllogismum videmus minus extremum in majori extremo, per inductionem majus in minori; per syllogismum partes in toto, phaenomena in legibus, effectus in causis; per inductionem totum in partibus, leges in phaenomenis, causas in effectibus. Syllogismus utitur termino medio ad probandum extrema uniri inter se; inductio vero non assumit medium uniens extrema, ad ostendendum extrema uniri inter se, sed probat aliquod extremum, seu prædicatum, convenire alicui subjecto communi, quia convenit singularibus; aut singularibus convenire quia communi convenit.

Singularia itaque funguntur officio medii, et hoc medium his subicitur, in majori nempe et in minori. Inductio ergo similitudinem quamdam refert cum syllogismo tertiæ figuræ, in qua medium subicitur in utraque præmissa; sed in syllogismo tertiæ figuræ conclusio est particularis, in inductione vero conclusio est universalis.

Exemplo apparebit dispositio terminorum in syllogismo et in inductione.

SYLLOGISMUS : *Omne vivens se movet ab intrinseco.*

*Sed homo, brutum, planta sunt vivencia.*

*Ergo homo, brutum, planta se movent ab intrinseco.*

INDUCTIO : *Homo, brutum, planta se movent ab intrinseco.*

*Sed homo, brutum, planta sunt omnia vivencia.*

*Ergo omne vivens se movet ab intrinseco.*

### III. — Inductionis divisio. Dividitur inductio :

1<sup>o</sup> In *moralem* et *physicam*. *Moralis* habetur, cum ex multis factis observatis in humanis moribus inferatur aliquid communiter inter homines contingere. *Græci, Romani, Egyptii, destituti revelatione non potuerunt servare legem naturalem. Ergo homia revelatione destitutus legem naturalem nequit servare.* *Physica* est argumentatio quæ ex multis factis quæ in natura contingere solent, existere legem nature universalem concluditur. Hæ maxime utuntur rerum physicarum periti.

Non datur proprie inductio mathematica aut metaphysica, nam huiusmodi veritates potius abstractione quam inductione comparantur.

Quomodo autem procedat inductio physica, prout est exponere ex Aristotele et D. Thoma. Ex cognitione accepta per sensus externos fit memoria; ex memoria multoties facta circa eandem rem, in diversis tamen singularibus, fit experimentum, « puta cum aliquis recurrit quod talis herba multoties sanavit a febre, dicitur esse experimentum quod talis sit sanativa febris (1) ». *Experimentum* et *observatio* promiscue sæpe usurpantur; sensu tamen stricto experimentum designat cognitionem acquisitam ex factis quæ per nostram industriam oblinemus, ut sunt multa facta physica et chimica; observatio vero cognitionem acquisitam ex factis quæ ultro se nobis exhibent, ut facta astronomica, geologica, etc.

Ex multis experimentis fit scientia. Ratio enim non sistit in experimento particularium, sed ex multis particularibus quæ experta est accipit unum commune quod fit principium artis

(1) II *Post. Anal.*, cap. xv.

et scientiæ. Quamquam ergo inductio ex particularibus procedat, debet tandem accipere aliquod principium commune quod ex diversis particularibus fortis colligitur. Quando autem aliquod factum constanter verificatur in tali et tali circumstantia, potest ex hoc ad legem generalem concludi.

2<sup>o</sup> Dividitur in *inductum completam* et *incompletam*.

*Completa* est quæ constat antecedente omnia singularia actu enumerante; *incompleta* quæ constat antecedente enumerante actu quædam singularia, cætera vero solum aliqua clausula communi. *Incompleta* subdividitur in *sufficientem* et *insufficientem*. *Sufficiens* est in qua, licet omnia individua non sint enumerata, nihilominus tot singularia sunt explorata ut essentia eorum cognoscatur; et, quia essentia in omnibus eadem est, de omnibus tuto idem inferri potest. Huiusmodi sunt inductiones quibus concluditur omnia corpora in vacua pari impetu ferri deorsum, omnia corpora esse impenetrabilia, etc.

*Insufficiens* est in qua non tot individua explorata sunt ut essentia cognoscatur. Unde hic non fit demonstratio apodictica, sed argumentatio probabilis, a simili ad simile. Hæ vocatur analogia et nititur his principiis : *Quod in uno similium valet, valet in cæteris; quod in uno eorum non valet, nec in cæteris.*

IV. — De vi inductionis. Multi post Baconem a Verulamio in tantum extollunt vim inductionis probativam, ut putent ipsam plene sibi sufficere, ac syllogismum penitus exulare. Fuerunt forte quidam scholastici qui inductionis utilitatem non satis agnoverint. Nos vero melius via incedentes, tenemus inductionem necessariam esse ad acquirenda syllogismi principia, et aliunde ipsam inductionem intelligere aliquo principio universali, ut probare valeat.

V. — Conclusio : Inductio est conditio necessaria ad scientiam acquirendam, sed non est ratio formalis assentiendi principio universali : nec secundum se est discursus necessarius et infallibilis, nisi ipsi adjungatur aliquis locus probandi, seu aliquod principium universale quo reddatur efficax ipsius probatio.

Prob. 1<sup>a</sup> pars. Scientia est de universalibus. Sed inductio

perat viam ad universale acquirendum ex sufficienti singularium enumeratione; et insuper ex singularibus probat veritatem universalis ut universale est, per ascensum vel per descensum, ut prius explicatum est. Ergo inductio est conditio necessaria ad scientiam acquirendam. Ceterum, modus cognitionis nostræ est ut intelligibilia ex sensibilibus et universalia ex particularibus colligantur. Unde Aristoteles dicit inductionem esse *id ex quo generatur cognitio principiorum, quantum ad aliquem modum*, seu conditionem requisitam.

Declaratur II<sup>a</sup> pars, nempe certitudinem principii universalis ita cogniti non iniri inductioe tanquam ratione formali.

Quam enim agitur de primis principiis universalibus, ratio assentiendi veritati est ipsa connexio terminorum ad invicem. Cum dicitur: *totum est majus sua parte*, certitudo mei assensus non experientia et inductione ut ratione formali nititur; sed ex habitudine terminorum totius et partis generator.

Experimentum quidem et inductio, presertim circa principia non nota quoad nos, maxime juvant ad assensum eliciendum, quia terminorum manifestationem prestant; ipsa autem ratio formalis assensus est habitudo terminorum inter se. Hæc spectant inductionem communiter sumptam.

Nunc probatur III<sup>a</sup> pars in qua agitur de inductione proprie argumentativa. Ut conclusio inductionis sit certa, enumeranda sunt vel omnia singularia vel ita sufficienter ut recte ponatur particula: *Et sic de cæteris*. Sed prima hypothesis non est communiter possibilis; quis enim experiri potest omnia singularia, quæ sunt quasi infinita? — Altera vero hypothesis non valet nisi addatur aliquod principium universale. Si enim cætera sunt in experta, respectu illorum invidens et incerta est inductio. Non potest ergo dici: *Et sic de cæteris*, nisi violata regula: *Conclusio non debet esse litor quam præmissæ*. Ergo inductio non probat necessario et infallibiliter, nisi addatur aliquod principium universale.

VI. — Quodnam vero sit hujusmodi principium? Alii aliud assignant. Quidam id ponunt: *Quod dicitur et negatur de singulis individuis speciei vel generis dici et negari debet de tota specie vel de toto genere*. Sed ab ipsis quærimus: quando

non sunt enumerata omnia singularia, ut communius contingit, quoniam fundamento dici potest de cæteris non expertis et de toto, id quod dicitur de quibusdam individuis? Huic ergo principio aliud præsupponitur.

Principia communiter assignata reduci possunt ad istud essatum D. Thomæ et Scholasticorum: *Natura determinatur ad unum, uno eodemque modo operatur nisi impediatur, eadem est in singulis*.

Hoc principio admissio efficax redditur inductio. Sic enim procedi potest: Sufficiens est observatio singularium ut ad eorum essentiam toto concludit possit. Atqui essentia est ad unum determinata, eadem in omnibus. Ergo, observatis quibusdam phenomenis ad essentiam singularium pertinentibus, recte inferri potest: *et sic de cæteris*.

Quo jam habito, recte subli potest: Quod dicitur de omnibus individuis speciei vel generis de tota specie vel genere dici potest et debet.

VII. — Qua vero ratione concludi possit aliquid ad essentiam singularium pertinere. Hic est processus: quod uniformiter et constanter et invariabiliter invenitur in multis, ad naturam eorum pertinet; omnis quippe effectus habet proportionatam causam: effectui invariabili debet invariabilis respondere causa, id est natura. Atqui id quod observatum est in multis quorum habita est experientia invenitur in ipsis constanter, uniformiter, invariabiliter. Ergo id ad eorum essentiam, seu naturam, pertinet.

Igitur tota vis inductionis hæc polysyllogismo exprimi potest: Quod est constans et uniforme pertinet ad naturam. Effectus observatus in multis est constans et uniformis in ipsis. Ergo pertinet ad eorum naturam. Sed quod pertinet ad naturam invenitur in omnibus habentibus hanc naturam. Ergo effectus hujusmodi invenitur in omnibus quibus inest natura, et ideo dici potest de cæteris omnibus, de ipso toto genere et de tota specie.

Principium itaque proximum inductionis est: *Natura determinatur ad unum, est una et eadem in omnibus*, a quo non differt quoad sensum, istud: *Leyes naturæ sunt constantes*,

*invariabiles*. Nilitur tamen alio remoto : *Nihil fit sine causa* (1).

### VIII. — An reduci possit inductio ad syllogismum ?

Fuerunt ante Wolfium Logici qui asseruerint inductionem ad syllogismum revocandam esse, seu esse enthymema in quo omissa est minor. Wolfiani autem communiter censent esse enthymema in quo omissa est major. Ita etiam opinantur Rosmini, Jules Simon (2). Alii, ut Fungiorgi (3), Barthélemy Saint-Hilaire (4), retnemunt inductionem ad syllogismum tertiæ figuræ. Sed inductionem esse speciem argumentationis irrefragabilem apparet ex tribus : 1<sup>o</sup> Modus procedendi est diversus in inductione et in syllogismo ut jam ostendimus n<sup>o</sup> II. 2<sup>o</sup> Principium est diversum, nam principium syllogismi est dictum de omni, principium autem inductionis est : *natura determinatur ad unum*. 3<sup>o</sup> Dispositio terminorum non est eadem, ut constat ex n<sup>o</sup> II. Nec etiam dicatur esse syllogismum tertiæ figuræ : nam in illo medium est universale et conclusio particularis, in inductione vero medium sunt singularia et conclusio est generalis.

(1) Principium inductionis non fuit inventum a Schola Scotica, cuius nomine dicit Royer-Collard : « Le principe de l'induction repose sur deux jugements : L'univers est gouverné par des lois stables, voilà le premier; l'univers est gouverné par des lois générales, voilà le second. » Nec etiam a Gravesande : « L'analogie n pour fondement ce principe extrêmement simple : que l'univers est gouverné par des lois générales et constantes. » Nam ante ipsos Peripatetici et Scholastici frequentissime principium usurpabant : *Natura determinatur ad unum eodemque semper modo operatur*. Quam doctrinam optime expressit Rosminius : « Mais, dira-t-on, avez-vous vu tous les particuliers pour en tirer cette conséquence ? Non, sans doute. Aussi n'est-il pas nécessaire ; il suffit que ni moi ni aucun autre que j'aie vu, ni qui que ce soit au monde, n'ait jamais ni vu ni ouï dire qu'on ait vu des hommes faits autrement. Comme donc on sait d'ailleurs que la nature va toujours au même train, je suis assuré par l'induction que non seulement tous les hommes qui sont aujourd'hui sont capables de rire, mais que jamais il n'y en a eu et n'y en aura d'une autre façon. » *Logique*, liv. III, c. xxi.

(2) *Manuel de Phil.*, c. vi.

(3) *Log.*, lib. I, c. iv.

(4) *Logique d'Aristote*, t. I, préf.

Contendant Wolfiani inductionem fieri syllogismum stricte dictum si suppleatur major omissa, quæ juxta ipsos est hoc principium : *Quidquid competit singulis individuis inferioribus competit superiori*. At etiam posito hoc principio ut majori non sit syllogismus, ut statim exemploprehenditur : *Quidquid competit singulis inferioribus competit superiori. Atqui homo, brutum, planta se movent ab intrinseco. Ergo omne vivens, se movet ab intrinseco*. Subiectum conclusionis non fuit comparatum cum medio in præmissis. Ergo nullus syllogismus.

Aliquo tamen sensu concedi potest inductionem et syllogismum esse processus ad invicem reductibiles, inquantum ex una parte indiget syllogismus inductione ad acquirenda principia prima, et ex altera parte accipit inductio a syllogismo principium universale quo efficax redditur ejus probatio, ut ostensum est, n<sup>o</sup> V.

Quoad structuram ergo et formam, syllogismus et inductio sunt proprii juris et ab invicem independentes ; quoad vim probandi et propria principia, se mutuo exposulant : syllogismus requirit inductionem ut principia universalis comparantur, et inductio, ut firmum habeat principium, indiget syllogismo.

**IX. — Leges inductionis.** Ex prædictis erui possunt. Prima. Si non possunt enumerari omnia individua, tal tamen enumeranda sunt ut possit adiri : *Et sic de cæteris*.

Secunda. Tunc vero dici potest : *Et sic de cæteris*, quum ex multis expertis concludi potest ad essentiam singularium.

Tertia. Aliquid autem ad essentiam singularium pertinere censetur, quum ipsis inest constanter et uniformiter : siquidem effectus uniformis causam uniformem et constantem postulat, quæ est natura.

Quarta. Ut demum constet aliquid uniformiter et constanter inesse pluribus, varianda sunt experimenta vel observationes, et inspicendum est an etiam mutatis adjunctis idem producat effectus. Si vero non liquet effectum esse constantem et uniformem inductio nonnisi probabilitatem generat. Vide dicta de hypothesi.



**X. — Usus inductionis.** Maxima fuit inductionis fortuna e Baconis tempore. Mos est apud philosophos Scholasticæ osiores condecernere inductionis vim a Scholasticis ignoratam penitus fuisse, ipsumque Aristotelem nihil in inductione considerasse nisi partium enumerationem; ac demum solam legitimam esse inductionem baconianam, cujus est principium: *Non debet affirmari aliquid de aliquo nisi postquam illud negatum fuerit de omnibus quibus non convenit.*

Sed respondemus: 1<sup>o</sup> Apud Peripateticos et Scholasticos frequentissimum est ascendere de singularibus ad universalia; imo ipsi asserunt inductionem scientiæ comparandæ cœ conditionem præsupponi. Famosa fuit inductio socratica, quæ per successivas quæstiones et responsiones progrediebatur ad universalia principia.

2<sup>o</sup> Aristoteles et Scholastici non solam enumerationem partium considerant, sed ipsum principium statuunt a quo vis inductionis pendet. Hoc principium ex Aristotele et D. Thoma depræsumimus: *Natura determinatur ad unum.*

3<sup>o</sup> Ipsum processum methodo proprium assignant. « Ex sensu quidem sit memoria, ait Aristoteles; ex memoria autem multoties ejusdem facta, experimentum. Multæ enim memorias numero experimentum est unum. Ex experimento autem, aut ex omni quiescente universali in anima, non præter multa, quod cum in omnibus unum sit et idem, illud est artis principium et scientiæ » (1).

Eundem processum exponit Angelicus: « Diu medicus consideravit hanc herbam sanasse Socratem febrientem et Platonem et multos alios singulares homines; est experimentum. Cum autem sua consideratio ad hoc ascendit quod talis species herbarum sanat febrientem simpliciter, hoc accipitur ut quædam regula artis medicinæ » (2).

Similia tradit Scotus: « De cognitis per experientiam dico, quod licet experientia non habeatur de omnibus singularibus, sed de pluribus, nec quod semper, sed quod pluries, tamen expertus infallibiliter novit quod ita est et quod semper et in

omnibus; et hoc per istam propositionem quiescentem in anima: Quidquid evenit ut in pluribus ab aliqua causa non libera est effectus naturalis illius causæ. Quod autem iste effectus evenit a tali causa producens ut in pluribus, hoc acceptum est per experientiam; quia inveniendo nunc talem naturam cum tali accidente, nunc cum tali, inventum est quod, quantumcumque esset diversitas accidentium talium, semper istam naturam sequebatur talis effectus. Ergo non per aliquod accidens, per accidens illius naturæ, sed per naturam ipsam in se consequitur talis effectus » (1).

4<sup>o</sup> Inductio tamen, prout scientiis physicis applicatur, plenius fuit a modernis intellecta. Methodus experimentalis quæ hodie mirifica operatur possibilis non fuit veteribus, deficientibus investigationis mediis. « Il ne faut pas revendiquer pour ces loyaux penseurs un privilège qu'ils eussent été les premiers à répudier, celui de créer de toutes pièces des sciences qui ne peuvent se développer qu'au fur et à mesure de la découverte de moyens nouveaux d'investigation » (2).

5<sup>o</sup> Principium baconianum reddit inductionem impossibilem. Experiri quis poterit omnia singularia? Si ergo nihil affirmari potest de aliquo nisi negatum fuerit de omnibus quibus non convenit, semper aut fere semper inductio conclusione carebit.

Vera igitur inductio est inductio positiva quæ nititur principio universali et abstracto a quo rediitur firma et infallibilis, sicut exposuimus.

#### **XI. — An perfectior sit inductio syllogismo.**

Inductio in nonnullis syllogismum superat. Primo quidem est inductio prior ordine inventionis, nam est viâ ad acquirenda principia universalia, quibus utilis syllogismus. Secundo, est faciliior, manifestior respectu nostri, nam procedit ex singularibus et sensibilibus, quæ sunt nobis notiora.

Simpliciter vero et secundo se perfectior et efficacior est syllogismus, quippe qui procedit aliis quæ sunt prima et no-

(1) II *Post. Anal.*, cap. xv.

(2) In *Post. Anal.*, lect. XX.

(1) SCOTUS, in I, *Sent.* dist. 3, q. IV, 9.

(2) D. MERCIER, *Logique*, p. 232.

tibna secundum se, scilicet ab universalibus ad particularia, a principiis ad effectus, a legibus ad phænomena. Insuper inductio pendet a syllogismo, a quo accipit principium universale, quod etiam in scientiis inductivis concurrat oportet.

Animadvertatur tamen inductionem et syllogismum, ut jam pluries monuimus, non esse duos processus separabiles et adæquale independentes, sed ab invicem aliquatenus dependere et se mutuo juvare; nam inductio inservit ad acquirenda syllogismi principia, et syllogismus præbet inductioni principium generale quo efficax redditur processus inductivus. Ex inductione ergo et syllogismo constituitur unum et integrum scientiæ instrumentum.

**XII.** — De quatuor inductionis methodis quæ a recentioribus proferuntur. Stuart Mill quatuor statuit inductionis methodas: *concordantiæ, differentiæ, variationum concomitantium, residuorum.*

Methodus *concordantiæ* hoc canone regitur: Si omnes casus alicujus phænomeni eandem communem circumstantiam semper et ubique præ se ferunt, hæc circumstantia haberi potest eæ propria phænomeni causa. Cum enim nihil fiat sine causa, conjunctio constans hujus circumstantiæ (aliis exclusis) cum tali phænomeno, arguit habitudinem causalitatis.

Methodus *differentiæ* est præcedentis methodi contraprobatio. Si suppressa circumstantia illa comuni, supprimitur phænomenon, liquet circumstantiam illam esse propriam phænomeni causam.

Methodus *variationum concomitantium* in hoc consistit quod varietur causa, seu circumstantia quæ supponitur causa; si autem varietur phænomenon in eadem proportionem, indicium est circumstantiam illam esse veram phænomeni causam (1).

(1) « Un exemple remarquable et lumineux de l'application des trois méthodes nous est fourni par les expériences célèbres de Pasteur sur la génération spontanée. Supposons que l'on parte de cette hypothèse que la production prétendue spontanée d'organismes vivants ait pour cause la présence de germes en suspension dans l'air, qui viennent à

Methodus *residuorum* hæc est: Si ab aliquo phænomeno subtrahitur quidquid vi præcedentium inductionum attributum est causis jam cognitis, id quod residuum est effectus erit antecedentium quæ fuerant neglectæ et quarum effectus erat quantitas incognita. Hæc regula, quæ ex se liquet, non est nisi particularis determinatio methodi differentiæ, nec est distincta methodus.

Tres priores methodi fuerant jam a Bacono invecæ sub nomine tabularum. Methodus concordantiæ respondet tabulis præsentæ, methodus autem differentiæ respondet tabulis absentiæ, methodus demum variationum concomitantium respondet tabulis graduum, seu comparationis.

Cæterum, illæ regulæ non fuerunt Veteribus ignotæ, qui illas simpliciter proponebant: *Posita causa ponitur effectus. — Sublata causa tollitur effectus. — Variata causa variatur effectus.*

rencontrer dans un liquide fermentescible un milieu favorable à leur éclosion. Que fera-t-on pour justifier l'hypothèse?

1° On exposera à l'air libre des vases remplis de liquides fermentescibles, et on prouvera que partout où des germes supposés auront pu tomber sur ces liquides, les productions dites spontanées auront lieu: *méthode de concordance.*

2° On pratiquera la contre-épreuve, en soustrayant au contraire ces liquides à l'action de l'air extérieur et en prouvant que des vases fermés où l'air ne peut pénétrer, restent indéfiniment exempts de tout organisme: *méthode de différence.*

3° On montrera que le nombre des organismes produits est proportionnel au nombre de germes que l'on peut supposer dans l'air. Par exemple, dans les caves, où l'air est immobile et où les germes doivent être depuis longtemps tombés sur le sol, on pourra exposer des vases ouverts à l'air libre sans que les organismes se produisent, et si l'on gravit les montagnes, où les germes doivent devenir de moins en moins fréquents à proportion de la hauteur, le nombre des organismes doit décroître proportionnellement; or, tous ces faits se sont vérifiés. C'est la *méthode des variations concomitantes.* » P. JARRET, *Philos.*, n° 400.

## QUÆSTIO TERTIA

## De scientia.

Solutis questionibus de syllogismo et inductione, subsequitur consideratio de scientia, quæ ex illis comparatur. De scientia porro multa utiliter versantur, circa ejus notionem, objectum, partitionem, etc. Et, quia quæstiones de scientia ad Logicum maxime spectant, est clare et accurate expendenda (1).

## ARTICULUS PRIMUS

## VERA SCIENTIÆ NOTIO

I. — **Multiplex vocabuli acceptio.** Nomen scientiæ quadruplici sensu potest sumi. Primo, designat omnem cognitionem, quæcumque sit, sive certa sive incerta, sive evidens sive fidei. Secundo, cognitionem certam et evidentem, mediatam vel immediatam; quo sensu cognitio primorum principiorum di-

(1) Consuli possunt auctores prius citati *De demonstratione* (q. I, art. 1), et insuper BACO, *De augmentis scientiarum*; AMPÈRE, *Essai sur la philosophie des sciences*; SPENCER, *Classification des sciences*; ELIE BLANC, *Traité de philosophie scolastique, Logique*; etc.

citur scientia. Proprie vero importat cognitionem mediatam quæ per demonstrationem generatur. Isti in hac acceptione dupliciter etiam usurpatur: primo, pro scientia *actuali*, id est pro actu quo rem cognoscimus per suas causas, seu pro assensu scientifico, qui producit a demonstratione; secundo, pro scientia *habituali* quæ ex tali actu, et tali assensu generatur. Scientiam hanc habitualement esse intellectui necessariam manifestum est. Cum intellectus sit potentia indeterminata ad assensus plurium et diversarum conclusionum, et ad plures et diversos modos assentiendi eidem conclusioni, necesse est dari qualitates quasdam ratione quarum intellectus quasi per modum naturalis dispositionis determinetur ad assentiendum uni potius quam alteri conclusioni, tali et non alio modo. Sed hujusmodi qualitas inclinans ad determinatum assensum dicitur habitus. Ergo necesse est existere habitum scientificum, seu scientiam habitualement.

II. — **Scientiæ definitio.** Scientia, utpote effectus demonstrationis, sufficienter jam innatescit ex his quæ de demonstratione disseruimus; deliniri convenienter posset: *Habitus qui versatur circa conclusionem notam ex propositionibus universalibus, necessariis, primis, etc.* Diximus circa *conclusionem*. Scientia enim efficitur a demonstratione; sed quod efficitur a demonstratione est sola conclusio; nam principia, seu præmissas, demonstratio supponit, non facit. Habitus autem qui versatur circa principia est intellectus. Hinc effatum. *Intellectus est principiorum, scientia conclusionum.*

Iam vero demonstratio procedit a *primis, necessariis, etc.*, ut explicatum est (q. I). Recte ergo scientia dicitur versari circa conclusionem notam ex *propositionibus universalibus, necessariis.*

III. — **Accuratior definitio.** Sed rem accuratius rimari et explicare oportet. Definitur ergo scientia: *Cognitio certa et evidens entis per se, entis necessarii, entis universalis, per suas causas.*

Dicitur 1<sup>o</sup> *Cognitio certa et evidens* ut distinguatur ab opi-

minime quæ est assensus incertus, et a fide quæ est assensus invidens. De his jam habitus est sermo (1).

2<sup>o</sup> *Entis per se*. Scientia est proprie de ente. Sed ens per accidens est magis non ens, vel ens solo nomine. Ergo scientia non est de ente per accidens. Prob. min. Unumquodque dicitur ens secundum rem quatenus est unum. Sed ens per accidens, ea ipso quod supponitur per accidens, non est per se nec proprie unum. Ergo non est proprie ens, sed solum nomine. Insuper, scientia est de eo quod est semper vel saltem ut plurimum, ut mox constabit. Sed ens per accidens neque est semper, neque ut plurimum, siquidem definitur: *Defectus ejus quod est in pluribus*. Ergo de ente per accidens non est scientia.

3<sup>o</sup> *Entis necessarij*. Ad firmitatem assensus scientiæ requiritur ut cognoscamus rem non posse aliter se habere. Recolantur quæ dicta sunt de natura certitudinis (2). Atqui intellectui non constat contingentia non aliter se habere; tunc enim solum potest de illis certitudo haberi cum cadunt sub sensu; sed quanta desinunt videri, seu sentiri, tunc latet utrum sint necne, utrum possint aliter se habere necne. Ergo scientia non est de contingentibus, sed de necessariis.

4<sup>o</sup> *Entis universalis*. Singularia quippe non sunt necessaria; possunt aliter se habere, cum sint corruptibilia, mutabilia, defectibilia.

5<sup>o</sup> *Est cognitio per causas*. Scire enim est perfecte cognoscere veritatem rei et principium veritatis rei. Sed, cum res et verum convertantur, id quod est principium esse rei est etiam principium veritatis rei. Ergo cognoscere perfecte veritatem et principium veritatis rei est cognoscere principium esse rei. Sed principium esse rei est causa. Ergo scire est cognoscere causam. Verbo: scire est cognoscere rem ut est. Atqui res est per causam. Ergo scire est cognoscere rem per causam.

Insuper, cognitio non est perfecta nec scientiæ nomen meretur nisi intellectum plene satiet et quietet. Sed intellectus remanet inquietus et curiosus quoad videns effectum igno-

rat causam. Ergo scientia debet esse cognitio per causam.

Age vero. Qui cognoscit causam tantum in abstracto, non scit effectum in actu, sed solum in virtute. Atqui scire perfecte et simpliciter effectum est illum cognoscere in actu. Ergo oportet scientem, ut simpliciter sciat, cognoscere etiam applicationem causæ ad effectum, seu dependentiam effectus a tali causa. Tandem, ut habeatur cognitio rerum certa et inmutabilis oportet cognoscere rem propter hanc causam non posse aliter se habere.

Hæc omnia expressit Aristoteles in sua definitione: *Scire est cognoscere rem per causam propter quam res est, et quod ejus est causa, et non contingit aliter se habere* (1). Tria ergo requirit Philosophus: 1<sup>o</sup> ut cognoscatur causa; 2<sup>o</sup> causa in ratione causæ, ideoque dependentia effectus a causa; 3<sup>o</sup> ut cognoscatur effectum propter hanc causam non posse aliter esse.

IV. — Quæritur utrum scientia debeat esse per causas intrinsecas, an sufficiat cognitio per causas extrinsecas.

Distingnendum est. Logiens potest querere scientiam per causas extrinsecas, metaphysicus præsertim per causas internas. Cum enim objectum Logiæ sit ens rationis, logiens non querit rei existentiam sed modum prædicandi; potest ergo procedere ex omnibus quæ pertinent ad modum prædicandi, sive intrinseca sive extrinseca sint. Metaphysicus autem investigat præcipue esse, seu existentiam rerum. Sed finis et agens, cum sint extrinseca, non comprehenduntur sub ipso esse rei. Ergo metaphysicus non procedit præcipue per causas finalem et agentem, sed per causas intrinsecas, licet causas agentem et finalem etiam attendat.

V. — Quæritur an cognitio per causas in cognoscendo mereatur scientiæ nomen.

Resp. hic valere quæ de demonstratione diximas. Demonstratio propter quid est perfectissima cognitio; demonstratio vero quia, licet imperfecta, est tamen proprie et univocè demonstratio; ita cognitio per causas in essendo est scientia supereminens, cognitio autem per causas in cognoscendo, licet minus perfecta, est tamen proprie et univocè scientia.

(1) I Post. Anal. cap. II.

(1) Tract. II. Q. III, art. 6. n. 6.

(2) Tract. II. Q. I, art. 1. n. 11.

Probatnr. Paritur vera scientia, quum intellectus redditur certus et quietus vi demonstrationis. Atqui demonstratio per causas in cognoscendo reddit intellectum certum et quietum. Ergo potest haberi vera scientia per causas in cognoscendo.

Probatnr minor. Demonstratio per causas in cognoscendo nititur connexionione necessaria et infallibili quæ effectum inter et causam viget. Sed assensus qui nititur connexionione necessaria et infallibili, est ipse infallibilis, certus, quietus. Ergo.

Fatendum est tamen intellectum non ita plene quietari sicut quum videt causam qua res est; et indecirco cognitioni per causas in essendo competere perfecte rationem scientiæ.

VI. — Scientia et cæteri habitus intellectuales. Natura scientiæ plenissime innatescit ex comparatione cum cæteris habitibus intellectualibus. Quinque præcipui enumerantur: *ars, prudentia, intellectus, scientia, sapientia*. Omnes id commune habent quod sint virtutes intellectuales. De ratione enim omnis virtutis est facere subjectum bonum, seu perfectum. Jam vero perfectio intellectus est verum. Igitur omnis virtus intellectualis debet recte discurrere intellectum circa verum. Sed tunc solum habetur recta dispositio intellectus, quum procedit cum firmitate et certitudine; si enim non est firmatus in vero, sed potest delicere, dicitur et est defectuosus. Ergo omnis virtus intellectualis est habitus certus circa veritatem. Duæ porro ex his virtutibus versantur circa verum *practicum*, *ars* scilicet et *prudentia*, tres autem circa verum *speculativum*, scilicet *intellectus, scientia* et *sapientia*.

VII. — Quomodo scientia differat ab arte, a prudentia et ab intellectu. Ars est recta ratio *factibilium*, quæ secundum se sunt singularia et in tali materia fiunt; scientia autem versatur circa universalia; insuper, ars potest nisi auctoritate extrinseca; a ratione autem scientiæ excluditur cognitio motivo extrinseco innixa — Prudentia etiam versatur circa practica et singularia, scilicet actiones humanas, seu *agibilia*, prout conducunt ad finem ultimum vel ab eo retrahunt. Manifeste ergo differt a scientia, quæ circa universalia occupatur.

Distinctio scientiæ ab intellectu jam explicata est. Intellectus est de veritatibus per se notis, usque in finem; scientia est de veritatibus non per se notis, sed per aliquod medium notificandis.

VIII. — De differentia inter sapientiam et scientiam. Hæc notat D. Thomas (1). « Sapientia non dividitur contra scientiam sicut oppositum contra oppositum, sed quia se habet ex additione ad scientiam. Est enim sapientia, ut dicit Philosophus, caput omnium scientiarum, regulans omnes alias in quantum de altissimis principiis est. »

Sapientia igitur includit scientiam cuique plura addit. Hæc sunt differentię inter utrumque habitum. Prima: scientia procedit per quascunque causas, et requirit solum demonstrationem *quia*; sapientia vero procedit per causas altissimas, et exigit demonstrationem *propter quid*.

Secunda: scientia versatur tantum circa conclusiones, sapientia occupatur quidem circa conclusiones, nam est habitus illativus, ex principiis procedens ad illationem; sed insuper versatur circa principia; ascendit usque ad primum principium quod est radix et caput aliorum, explicat et defendit principia tum sua tum aliarum scientiarum. Si quis enim hæc principia impugnet, sapientia illa omnia defendet objectionesque propellet, sive declarando rationes terminorum, sive ostendendo ordinem, connexionem, dependentiam quæ est inter ista principia; ac tandem ascendendo usque ad primam et ultimam radicem a qua omnis veritas et omnis certitudo profluit. Proprium ergo sapientiæ est contemplari hunc mirum ordinem quo connectuntur inter se veritates et a prima veritate derivantur. Id autem non prestat scientia quæ intra ordinem conclusionum coarctatur.

IX. — Scientia non est mera collectio specierum intelligibilium, sed est qualitas primæ speciei, nempe habitus.

Prob. 1<sup>a</sup> pars. Arg. 1<sup>um</sup> Species intelligibiles ad hoc requiruntur ut intellectus sit simpliciter potens et capax considerandi conclusionem; scientia vero habitualis ad id ponitur,

(1) Opusc. 70, q. II, a. 2, ad. 1.

non ut intellectus sit *simpliciter potens* et capax considerandi, sed ut consideret *faciliter, prompte ac delectabiliter*. Atqui esse simpliciter potens seu capax considerandi et considerare faciliter, prompte ac delectabiliter, diversæ sunt rationis. Ergo scientia non est mera specierum intelligibilium collectio, sed specialem addit perfectionem.

Arg. II<sup>um</sup>. Scientia generatur ex actibus intellectus considerantis conclusionem. Atqui species intelligibiles non cansantur ex actibus intellectus considerantis conclusionem, sed consideratio supponit species iam productas. Ergo scientia non est collectio specierum. — Ut exponetur in Psychologia, duplex est intellectus: alter qui dicitur *agens* et qui efformat species intelligibiles per abstractionem a rebus sensibilibus; alter qui dicitur *passivus*, seu possibilis, ad quem pertinet intellectio et consideratio. Cum ergo species intelligibiles producantur per intellectum agentem et scientia per intellectum possibilem, palam est scientiam non esse meram specierum collectionem. Illas quidem supponit, sed ipsis novum addit motum novamque perfectionem.

Proh. II<sup>a</sup> pars, scilicet scientiam esse habitum. Scientia ad hoc ponitur 1<sup>o</sup> ut intellectus, qui est affectus speciebus diversarum conclusionum, determinetur ad utendum istis præ aliis, vel hoc et non alio modo; 2<sup>o</sup> ut prompte et firmiter iis utatur; 3<sup>o</sup> ut illis utatur delectabiliter. Sed hæc tria competunt habitui: de ratione quippe habitus est efficere ut potentia ex se indeterminata ad plura, determinetur ad unum præ alio accipiendum; ut agat prompte, firmiter ac delectabiliter. Ergo scientia habet rationem habitus.

X. — **Scientia habitus simplex.** Scientia designat non solum cognitionem alicujus particularis conclusionis, sed sæpius sumitur pro aliquo systemate, seu pro complexo conclusionum quæ inter se intime connectuntur et quæ aliæ ex aliis deduntur. Hoc modo sumpta estne scientia qualitas simplex, an ex pluribus habitibus constituta? — Est qualitas simplex, si omnes istæ cognitiones ad eundem ordinem rerum pertinent. Habitus enim est unicus et simplex qui respicit eandem rationem objecti. Sed scientia respicit suas conclusiones secundum eandem

rationem objecti; et omnis multiplicitas scilicet est ordinata ad aliquod unum quod principaliter respicit scientia. Ergo est habitus unicus et simplex. Quod ut plena intelligatur sermo est de objecto scientiæ faciendus.

XI. — **Utrum scientia sit habitus corruptibilis.** Recalendum est habitum quemlibet duplici modo posse corrumpi: *per se*, quando a suo contrario eliditur, *per accidens*, quando destruitur subiectum.

Licet autem habitus principiorum nullatenus possint corrumpi a suo contrario, quia circa prima principia nullus potest errare, scientia tamen corruptioni per se subicitur. Etenim contrarium scientiæ est discursus fallax quo admittitur error. Atqui discursus fallax sæpius contingit, cum ratio circa ratiocinium sit naturaliter fallibilis. Ergo contrarium scientiæ subrepiere potest in intellectu et scientiam corrumpere.

Indirecte etiam corrumpi potest per actus cessationem. Repetiti enim scientiæ actus remonent contrarios actus corruptos. Quod si interrumpatur vel totaliter cesset scientifica operatio, de facili subrepunt contrariæ operationes quæ contrarium habitum generant.

Ratione autem subiecti non corrumpitur quoad substantiam, sed corrumpi potest secundum quid.

Scientia quippe est principaliter et formaliter in intellectu, secundum quid autem, nempe materialiter et dispositive, in viribus inferioribus quæ intellectui plantasmata ministrant. Atqui intellectus est penitus incorruptibilis, vires autem inferiores possunt aliquatenus corrumpi vel alterari. Ergo ratione subiecti scientia non corrumpitur formaliter et quoad substantiam, licet possit secundum quid corrumpi.

## ARTICULUS SECUNDUS

### DE SCIENTIÆ OBJECTO

**I. — Objectum per se et per accidens.** Objectum generatim designat id quod considerationi alienius facultatis obijciuntur. Distinguitur objectum *per se* et objectum *per accidens*. Objectum *per se* est id quod propter se consideratur vel saltem connectitur naturæ suæ et positive cum eo quod propter se attenditur. Objectum *per accidens* aliquantulum refertur ad id quod propter se attingitur, non tamen naturæ suæ et positive cum eo connectitur. Sic *vitia* et *peccata* sunt objectum *per accidens* Moralis; considerantur quidem a Morali, non tamen propter se, nec naturæ suæ nexum habent positivum cum eo quod propter se queritur a Morali.

**II. — Divisio in objectum materiale et formale.** Objectum *materiale* ita dicitur, quia, sicut materia indifferens est ut per diversas formas actuetur, ita objectum indifferens est ut a diversis scientiis sub diverso respectu considerari possit. Est igitur objectum materiale illud quod a scientia attingitur quidem, ea tamen ratione ut circa idem alia vel aliæ scientiæ possint versari. Sic *corpus humanum* est objectum materiale medicinæ, psychologiæ, physiologiæ, etc.

Objectum *formale* est id quo objectum materiale, de se indeterminate et indifferens ad plura, determinatur ad eum specialem modum quo ab aliqua scientia consideratur. Duplex est: formale *quod* et formale *quo*. Formale *quod* est id quod primo et per se attenditur in objecto materiali et ratione cuius cætera attinguntur; seu est ratio illa quam facultas in

objecto materiali directo inspicit. Sic Philosophia multa speculatur, sed id quod directe spectat et ratione cuius cætera attingit sunt *altissimæ causæ*. Theologia vero omnia considerat in ordine ad Deum, et id quod directe attendit est *Deus in ratione deitatis*. Hinc Deus in ratione deitatis est objectum formale *quod* Theologiæ — Objectum autem *formale quo* est vel ratio propter quam res cognoscitur, quo casu dicitur objectum *propter quod*, vel ratio sub qua facultas attingit objectum suum materiale et formale *quod*, quo sensu dicitur objectum *sub quo*. Sic lux est objectum formale *sub quo* oculus attingit suum objectum materiale *corpus*, et suum objectum formale *quod*, *colorem*. Igitur objectum formale *quod* est quasi materiale respectu objecti formalis *sub quo*.

Hæc duplex ratio *quæ* et *sub qua* respondet duplici rationi quæ in rebus reperitur. Est enim aliqua ratio qua res constituitur in genere entis, in propria natura specifica; et ratio qua res constituitur in genere scibilis, unde vocatur ratio scibilitatis. Ratio porro qua res ponitur in genere entis præstat objectum formale *quod*, seu rationem formalem *quam*; ratio vero qua res ponitur in genere scibilis præbet objectum *sub quo*, seu rationem *sub qua*, vel *medium quo*. Porro hæc ratio scibilitatis illustrat, illuminat veritates; unde vocatur *lumen sub quo*. Itaque principia scientiæ quæ sunt lumen quo scientia suas conclusiones illustrat dici debent objectum formale *quo*, seu ratio *sub qua*.

**III. — Subjectum scientiæ.** Non raro occurrit apud scholasticos mentio *subjecti* scientiarum, de quo plura utiliter quærantur. Subjectum scientiæ est genus rerum circa quod versatur scientia: sic subjectum mathematicæ est corpus quantitate præditum; apud veteres enim genus frequenter dicebatur subjectum. Jamvero in scientiis considerari potest duplex subjectum, nempe *subjectum attributionis* et *subjectum attributum*. Subjectum attributionis est objectum saltem generè unum quod per se et principaliter queritur, et in ordine ad quod cætera attinguntur; subjectum autem attributum est illud quod ab eadem quidem scientia attingitur, sed secundo et per respectum ad subjectum attributionis. Subjectum

attributionis est in scientia sicut imperator in exercitu. « Nam, sicut imperator est unus et primus ad quem ceteri ordinate reducuntur, ait Sylvester Maurus, et est principium totius ordinis qui est in exercitu: sic subjectum attributionis est unum et primum in scientia, ad quod cetera ordinate reducuntur et est principium totius ordinis, qui est in scientia » (1).

Quidam auctores hanc statuunt differentiam subjectum inter et objectum scientiæ. Recolendum est tria in scientiis requiri præcognita: *subjectum*, de quo quæritur scientia, *passio*, seu proprietas quam invenire desideramus, et *principia* ex quibus ostenditur proprietatem convenire subjecto. Juxta hos auctores objectum est tota conclusio constans ex subjecto et proprietate quam demonstratio probat convenire subjecto; subjectum autem scientiæ est tantum subjectum conclusionis cui proprietatem convenire per demonstrationem ostenditur. Generatim tamen subjectum attributionis et objectum formale quod promiscue usurpantur.

His prænotatis quæritur an scientiæ specificentur, id est desumant suam unitatem vel diversitatem specificam, ex objecto.

**IV. — Prima conclusio: Omnis scientia specificatur a suo objecto formali.**

Probatur, Quod non potest definiri nisi per ordinem ad aliud specificatur ab illo. Atqui scientia non potest definiri nisi per ordinem ad objectum. Ergo. Ratio majoris est quia species cognoscitur ex definitione. Ergo unumquodque definitur ab eo a quo specificatur. Minor vero liquet: objectum scibile cognosci quidem potest independentem a scientia, sed concipere scientiam absque objecto scibili omnino implicat. Ergo non potest definiri nisi per ordinem ad objectum scibile. Scientia quippe est ad objectum sicut motus ad terminum. Sed omnis motus definitur a suo termino. Ergo scientia definitur seu specificatur a suo objecto.

Diximus ab *objecto formali*. Motus enim non specificatur a termino materiali; sic lapidis casus non specificatur ex eo

quod ejus terminus sit aqua vel tellus ut sic, sed a termino formali, scilicet ab aqua vel tellure quatenus sunt illoorsum. Ergo motus scientificus non specificatur ab objecto materiali, sed ab objecto formaliter sumpto.

**V. — Secunda conclusio: Specificatio provenit ab utraque ratione formali, quæ et sub qua; sed præsertim a ratione formali sub qua.**

Probatur I<sup>a</sup> pars, sc. provenire a ratione formali *quæ*. Cum præcipuum scientiæ munus sit cognoscere propriam naturam rerum, scientia sane specificatur ab eo quo res constituitur in propria natura. Atqui id quo res constituitur in propria natura est ratio formalis *quæ*. Ergo ratio formalis *quæ* specificat scientiam.

Probatur II<sup>a</sup> pars, scilicet specificationem provenire a ratione formali *sub qua*. Ratio formalis *sub qua* constituit objectum in ratione scibilitatis. Sed ratio scibilitatis est inseparabilis a scientia, ideoque est specificativa scientiæ. Ergo.

Probatur III<sup>a</sup> pars, nempe specificationem provenire præcipue a ratione formali *sub qua*.

Arg. I<sup>ma</sup>. Ratio formalis *sub qua* se habet ad rationem formalem *quæ* sicut differentia ad genus, sicut forma ad materiam; constat ex dictis, nam sicut objectum formale quod determinat objectum materiale, ita objectum *sub quo* determinat objectum quod. Atqui diversitas specifica rerum ex diversitate differentiarum resultat. Ergo diversitas specifica scientiarum ex diversitate rationis formalis *sub qua* præcipue desumitur.

Arg. II<sup>ma</sup>. Id est potius in scientia quod est potius in demonstratione: nam demonstratio est syllogismus faciens scire, seu generans scientiam. Atqui id quod est potius in demonstratione est medium; præmissæ enim vim causandi non habent nisi per medium, ut alibi ostensum est (1). Ergo id quod potius est in scientia, et quod itaque præcipue specificat scientiam, est medium, seu objectum formale *sub quo*.

Arg. III<sup>ma</sup>. Cum scientia sit habitus faciens promptitudinem et facilitatem in actu considerationis, id præcipue scientiam specificat quod præcipue respicit facilitatem actus. Sed

(1) Nova edit. tom. I, p. 156.

(1) Q. I, art. 3, n. 4.



facilitas in scientiis præcipue nititur ex mediis et principiis: qui enim media et principia bene inveniit facile et prompte in considerationis actu præcedet. Ergo specificatio in scientiis præcipue resultat ex mediis et principiis. Media autem et principia constituent objectum formale *sub quo*. Ergo specificatio ex objecto *sub quo* præcipue resultat.

Igitur, si duplex est objectum [formale *quod*], duplex manifeste erit scientia; ut contingere potest ut sit unum objectum *quod*, et plures tamen inducantur scientiæ, illuminato objectum *sub quo* sit diversum.

Exemplum tritum est in Theologia. Deus sub ratione deitatis est objectum formale *quod* commune theologiæ naturalis, theologiæ viatorum, theologiæ Beatorum; ex qua parte non diversificatur scientia, sed inducitur specificatio ex objecto formali *sub quo*. Ratio enim *sub qua* theologia Beatorum attingit Deum est lumen gloriæ, ratio *sub qua* theologia viatorum quærit Deum est revelatio virtualis et mediata, ratio *sub qua* theologia naturalis speculatur Deum est lumen naturale intellectus.

**VI. — Unitas rationis sub qua desumitur tandem ab eadem luce evidentiae objectivæ sub qua conclusiones manifestantur.** Tota evidentia et certitudo conclusionum a principiis oritur et causatur, sicut planta a semine. Ergo una erit specie evidentia conclusionum, et ideo una erit ratio sub qua in scientia, si una species sit evidentia principiorum a quibus derivatur conclusio: cum enim plura una et eadem luce collustrantur, necesse est illa sub eadem luce cognosci. Quare, si lux omnium principiorum sit specificæ una, liquet lucem omnium conclusionum esse pariter specie unam.

Porro lux objectiva omnium principiorum est specificæ una, quum principia ista propria proxime redeuntur ad unum principium illi scientiæ proprium. Eo ipso enim quod omnia principia uni principio proprio proxime conjungantur et immediate subordinentur, omnium ab illo influxum eandemque lucem evidentiam participant, ac proinde sunt specie una, et ejusdem speciei erunt omnes conclusiones ab illis derivatæ.

Quocirca tota specificationis scientiarum theoria in his pau-

cis constat: Scientiæ unitatem specificam desumunt potissimum ab unitate rationis formalis *sub qua*. Ratio autem *sub qua* una est specie cum specificæ una est lux objectiva evidentiae sub qua omnes conclusiones manifestantur. Una porro est lux conclusionum si una sit lux principiorum propriorum a quibus illæ derivantur. Denique una est lux principiorum, quum omnia ista principia ad unum principium proxime redeuntur, quod sit illi scientiæ proprium, et cui omnia immediate subordinentur.

## ARTICULUS TERTIUS

## DE SCIENTIARUM PARTITIONE

I. — **Quæstio.** Explorato quid sit scientia et undenam unitatem aut multitudinem accipiat, rectus expostulat ordo et doctrinam illam in concreto inspicimus et queramus quot in genere sint scientiæ, quæ sit scientiarum partitio et subalternatio.

II. — **Conclusio :** Scientiæ ex diverso abstractionis a materia gradu distinguuntur ; ac recte in quinque primarias dividuntur : *Physicam* scilicet, *Mathematicam*, *Metaphysicam*, *Logicam* et *Moralem*.

Notandum est abstractionem duplicem distingui : unam activam et formalem, quæ est ipsa actio intellectus rem depurantis a materia ; aliam vero passivam et radicalem, quæ est ipsa immaterialitas rei. De hac in presenti est sermo.

Probatur conclusio. Diversitas scientiarum præcipue desumitur ex diversitate rationis formalis *sub qua*.

Atqui diversitas formalis sub qua pendet ex diverso gradu abstractionis a materia. Ergo diversitas scientiarum desumitur ex diverso gradu abstractionis a materia.

Prob. min. Ratio formalis *sub qua* est scibilitas, seu intelligibilitas rei. Sed diversitas scibilitatis desumitur ex diverso gradu abstractionis, seu immaterialitatis. Objectum quippe tanto magis est intelligibile et scibile quanto magis est conforme naturæ intellectuali. Sed natura intellectus constituitur per immaterialitatem. Ergo objectum tanto magis est intelligibile et scibile quanto magis est immateriale vel a materia abs-

tractum. « Abstractio a materia, ait Bannez (1), est conditio objecti scibilis ei annexa et manifestativa differentie luminis scientifici, quod tanto perfectius erit quanta magis abstracta a materia manifestaverit. Est tamen advertendum circa hoc fundamentum, quod differentia abstractionis fundamentum habet in ratione formali objecti *quæ*, prout res est. Ex ea enim quod res ipsa in se magis aut minus participat de materia, provenit quod intellectus circa illam versetur cum majore vel minore abstractione a materia. »

Quocirca tot sunt gradus scibilitatis quot sunt gradus abstractionis. Ex quo paratur via ad probandam alteram conclusionis partem.

Prob. II<sup>a</sup> pars. Tot sunt scientiæ primariæ et generales quot sunt classes generales scibilium ex diversis gradibus abstractionis provenientes. Atqui quinque sunt huiusmodi classes. Ergo.

Prob. min. Triplex est abstractio : abstractio nempe a materia singulari, abstractio a materia sensibili, abstractio a materia intelligibili. Nomine porro materiæ singularis intelligitur id omne quod pertinet ad individuationem, sive singularitatem rei, materia autem sensibilis est quicquid ad sensus pertinet et ab aliquo illarum percipi potest ; materia demum intelligibilis dicitur quæ a sola intellectu attingi potest, ejusmodi est ipsa substantia corporea, quantitas sive discreta sive continua, quæ constat corpus mathematicum.

Abstractio a materia singulari præbet primam classem scibilium, quæ pertinet ad *Physicam* ; abstractio vero a materia sensibili efficit secundam classem scibilium, quæ refertur ad *Mathesim*, abstractio demum a materia intelligibili trifariam spectari debet. Objectum enim abstractum ab omni materia vel est aliqua entitas quæ efficitur in mente et a mente tantum, et ita habetur tertia classis scibilium quæ constituit *Logicam* ; vel est aliqua entitas realis inspecta secundum se, et ita habetur quarta scibilium classis, quæ propria est *Metaphysicæ*, vel est entitas aliqua considerata prout ordinatur ad dirigendam voluntatem in suis operibus, et sic habetur quinta classis scibilium quæ constituit *Moralem*.

(1) *Comm.* in I, P, q. 1, art. 3.

Constat igitur esse quinque generales classes scibilium idcirco quinque scientias generales. Moralis et Logica habent specialem immaterialitatis gradum, et specialem constituunt classem propter specialem respectum quem attendunt in suo scibili. Logica enim considerat ens abstractum intentionale, prout est directivum trium mentis operationum; Moralis vero ens abstractum intentionale, directivum voluntatis operationum; dum Metaphysica attingit ens abstractum reale.

Moralis itaque aliquid habet de Logica in quantum versatur circa ens intentionale, et aliquid de Physica, in quantum experientia utitur. Igitur immaterialitas in Metaphysica, Logica et Morali dici potest diversa, quia diverso modo intellectui applicatur.

III. — Ratio specifica scientiarum non sumitur solum ex recessu a materia, sed etiam ex accessu ad determinatum gradum immaterialitatis. Sicut in angelis differentia propria sumitur non tantum ex recessu a materialitate, sed etiam ex accessu ad determinatum modum habendi spiritualitatem et ad actum purum, ita in scientiis species atque consideranda est ex diverso modo habendi immaterialitatem. Sic, in mathematicis, geometria et arithmetica distinguuntur realiter: quamvis sit idem recessus a materia, nempe abstractio a materia sensibili, arithmetica tamen magis accedit ad immaterialitatem; nam quantitas discreta, objectum mathematicæ, minus pendet a loco et tempore, quam quantitas continua, objectum geometriæ, siquidem quantitas continua dicit partes copulatas in loco.

Pariter Logica, Metaphysica, Theologia habent eundem recessum a termino a qua, sed diversum accessum, seu diversum modum immaterialitatis; in Logica enim est tantum immaterialitas *negativa*, non realis et positiva; in metaphysica vero est major immaterialitas, quæ est positiva, suprema nempe ratio entis ut abstrahit a creato et increato. Theologia magis adhuc accedit ad actum purum, siquidem respicit ipsum Deum ut cognitum lumine revelationis virtualis.

In scientiis ordinis supernaturalis specificatio fit, non per abstractionem a rebus, sed per participationem et derivationem

a lumine divinæ scientiæ. Hoc modo, fides, prophetia, scientia infusa, scientia beata distinguuntur; nam lumen divinum aliter participatur a fide, quæ est obscura, aliter a prophetia, quæ potest esse clara vel obscura; aliter a scientia infusa, quæ quidditates supernaturales quidditative cognoscit; aliter a scientia beata, quæ Deum clare in se attingit (1).

IV. — *Scientia speculativa et practica.* Præter generalem scientiarum divisionem, aliæ sunt partitiones; quasdam exponere juvat. Dividitur itaque scientia in *speculativam* et *practicam*. Scientia quippe principaliter attenditur ex eo ad quid essentialiter ordinatur. Sed scientia essentialiter inclinatur ad objectum tanquam ad finem. Ergo scientia consideranda est ex parte finis.

At duplex est finis scientiæ: unus quidem est contemplatio veritatis, et ab hoc fine denominatur scientia *speculativa*; alter vero est operatio, et ab illa constituitur scientia *practica*. Utraque autem, speculativa et practica, veritatem contemplantur; sed speculativa sistit in hac operatione tanquam in ultimo fine, practica autem veritatem illam ordinat ad opus. Quæcirca respicere debet illas res quæ nostra opere fieri possunt, ut earum cognitio in operationem quasi in finem ordinari possit. Speculativarum autem scientiarum materiam oportet esse res quæ a nostro opere non fiunt (2).

Quæ divisio in speculativam et practicam est essentialis. Cum enim scientiæ essentialiter diversificentur ex gradu abstractionis et immaterialitatis, illæ differunt essentialiter quæ differunt secundum immaterialitatem. Atqui speculativa et practica scientiæ differunt secundum immaterialitatem; speculativum enim, cum sit necessarium et universale, est magis spirituale, practicum vero, cum sit contingens et singulare, minus participat de immaterialitate. Ergo.

V. — *Scientia practica dividitur in activam et factivam.*

Scientiæ practicæ est ordinare operationes hominis.

Sed duplex in operationibus hominis attenditur ordo:

(1) Cf. JOAN., a S. Th. *Log.* II, P. q. XXVII, art. 1.

(2) S. Th., *In Boet.*, De Trinitate, II, V, a 1.

nons quem ratio considerando facit in operibus voluntatis, et secundum illum respectum scientia practica dicitur *activa seu moralis*; alter quem ratio considerando facit in exterioribus rebus quarum ipsa est causa, ut in arca et in domo, et hic ordo pertinet ad scientiam *activam* et artes mechanicas.

VI. — De subalternatione scientiarum (1). Divisio notissima est in scientiam subalternantem et subalternatam. Ratio hujus divisionis est quia aliquæ scientiæ ita se habent ut una sub altera constituatur. Potest autem una scientia esse sub altera triplici ratione: 1<sup>o</sup> ratione finis, quando una respicit finem superiorem et alia inferiorem priori subordinatum: sic architectonica subiecitur architectonica et militaris politicae. 2<sup>o</sup> Ratione objecti, cum objectum unius continetur sub objecto alterius, vel essentialiter tanquam species sub genere, sicut scientia de homine est de subjecto contenta sub animali; vel accidentaliter, sicut musica agit de numero sonoro, sonorum vero accidentaliter se habet ad numerum. 3<sup>o</sup> Ratione principiorum, quando una scientia accipit sua principia ab alia superiori a qua pendet.

Jam vero ad propriam subalternationem de qua hic agimus, non sufficit primus modus. Subalternatio enim debet veritatis manifestationem præbere. Sed ex eo quod finis unius scientiæ subordinetur fini alterius, non præstat veritatis manifestatio. Secundus modus pertinet quidem ad subalternationem, sed oportet ut objectum inferioris addat differentiam *accidentalem* objecto superioris, non *essentialem*. Nam objectum subalternatæ debet esse objecto subalternantis extraneum, secus eadem esset scientia. Sed species essentialiter sub genere contenta non reddit objectum extraneum ab objecto generico, cum eadem scientia de genere et de speciebus generis agat. Ergo objectum subalternatæ addere debet differentiam *accidentalem*, non vero *essentialem*. Tertius modus proprie etiam requiritur. Scientia quippe subalternata ea proprie dicitur quæ non habet principia propria et immediata, sed tanquam principia sumit conclusiones demonstrabiles in scientia superiori. Subalternans contra nititur principiis pro-

priis et immediate notis, qualenus nempe evidentiam suorum principiorum ab intellectu principiorum propriorum directe accipit. Dicimus ab *intellectu principiorum propriorum*, nulla quippe scientia est de principiis, sed de conclusionibus. At hæc est differentia inter subalternantem et subalternatam, quod principia subalternantis sint immediate visibilia in intellectu principiorum, principia vero subalternatæ sint visibilia mediante alio habitu scientifico, id est, scientia subalternante.

VII. — Tria requiruntur ad subalternationem. Hinc colligitur tria requiri ad subalternationem scientiarum: Oportet 1<sup>o</sup> ut objectum subalternatæ contrahat objectum subalternantis, illique superaddat aliquid quod sit radix novæ scibilitatis, nam scientiæ scibilitatem proprie respiciant; 2<sup>o</sup> ut addat differentiam, non *essentialem*, sed *accidentalem* quæ reddat objectum subalternatæ distinctum ab objecto subalternantis; 3<sup>o</sup> ut principia subalternatæ accipiantur a subalternante.

Hæc conditiones verificantur in musica respectu arithmetice. Musica enim contrahit objectum arithmetice, scilicet numerum; addit aliquid *accidentale*, nam *sonorum* accidentaliter se habet ad numerum; tandem musica supponit principia demonstrata in arithmetica. Item medicina subalternatur physice. Contrahit objectum physice, *corpus naturale*; addit differentiam *accidentalem*, nam *sanabile* accidentaliter respicit corpus; tandem medicus supponit principia physice, juxta illud effatum. *Ibi incipit medicus, ubi desinit physicus*. — Et contra inter quinque primarias scientias non adest proprie dicta subalternatio. Nam objectum unius non contrahitur objecto alterius, sed unaquæque proprium sibi vindicat objectum ab alterius objecto plane diversum. Quælibet etiam habet principia sibi propria. Licet Metaphysica principia aliarum scientiarum deducat, deducendo adversarium ad impossibile, non tamen illa directe et positive demonstrat; licet etiam ex principiis Logicæ aliæ scientiæ aliquando procedant, non tamen dependent totaliter ab illa in evidentia suorum principiorum, sed ab ea solum juvantur. Ergo non datur subalternatio proprie dicta, sed secundum quid.

(1) Cf. S. THOMAS, I. P., II, 1; CAJETANUS, BANNER, in li. loc.

VII. — An subalternata habeat propriam rationem scientiæ. Concedunt omnes scientiam subalternatam esse proprie scientiam, si conjungatur cum subalternante: sic musica vera est scientia in eo qui simul est arithmeticus et musicus. Disputatur autem an subalternatæ competat scientiæ vis et ratio in absentia subalternantis; an musicus qui non est arithmeticus vera gaudeat scientia. Sententiam affirmativam tenent sere committer Thomistæ; negant quidam alii.

VIII. — Conclusio: Subalternata etiam in absentia subalternantis est proprie scientia, in statu tamen imperfecto. Arg. 1<sup>um</sup>. Subalternata etiam in absentia subalternantis natura sua inclinatur ut conjungatur cum illa. Atqui nisi esset scientia non postularet conjunctionem cum subalternante. Ergo.

Prob. maj. Unumquodque naturaliter postulat conjungi illi a quo accipit suum principium, suamque perfectionem.

Atqui subalternata omnia sua principia et suam perfectionem accipit a subalternante. Ergo naturaliter petit uniri cum illa.

Prob. min. Nihil inclinatur ad sui destructionem. Sed, si subalternata non esset scientia et tamen inclinaretur ad subalternantem, ad sui destructionem tenderet, nam tunc fieret scientia, et ideoque destrueretur. Ita Thomistæ.

Confirmatur. Si subalternata non est scientia, est habitus inevidens. Atqui habitus inevidens non inclinatur ad evidentiam. Ergo si subalternata non esset scientia, non inclinaretur ad subalternantem, quæ est habitus evidens.

Arg. II<sup>um</sup>. Cum scientia sit proprie de conclusionibus, habetur vera scientia, quum mens videt conclusionem evidenter et necessario deduci ex principiis. Atqui in scientia subalternata mens videre potest conclusionem liquido et necessario provenire ex principiis; licet enim principium non sit actualiter evidens, illatio ex principio potest esse omnino et perfecte evidens. Ergo scientia subalternata est vera scientia.

Cæterum, quamvis subalternata non habeat evidentiam actualem et intrinsecam principiorum, suscipit tamen evidentiam radicalem, quia inclinatur ad subalternantem; et extrinsecam, nam cognoscit evidenter principia quæ a tot et tantis sapien-

tibus admittuntur esse omnino certa et infallibilia. Potest ergo ab hujusmodi principiis, absque ulla errandi formidine, conclusiones infallibiles deducere.

Est tamen imperfecta quoad statum, quia evidentia actuali suorum principiorum non potitur. Sicut puer usum rationis nondum plene adeptus est simpliciter homo, in statu tamen imperfecto, ita scientia subalternata nondum evidentiam suorum principiorum adepta, simpliciter est scientia, licet in statu imperfecto.

IX. — Objicies: Ubi deficit evidentia, deficit scientia, quæ est habitus evidens. Sed in scientia subalternata deficit evidentia. Ergo deficit ratio scientiæ.

Resp: Disting. maj. Ubi deficit evidentia tum illationis tum principiorum, deficit ratio scientiæ, concedo; ubi deficit solum evidentia principiorum, adest vero evidentia illationis, deficit ratio scientiæ perfectæ, concedo; ratio scientiæ imperfectæ, nego. Contradist. min. et disting. conclus. Subalternata non habet rationem scientiæ perfectæ, concedo; imperfectæ, nego.

Solutio patet ex dictis. Scientia est proprie habitus illativus; unde, si adsit evidentia illationis, aderit essentialis ratio scientiæ. Constat vero illationem posse evidentem esse, quamvis principium fide teneatur, ut in hoc argumento: *Verbum divinum assumpsit naturam humanam. Atqui natura humana includit voluntatem. Ergo Verbum assumpsit voluntatem.* Consequentia, seu nexus antecedens inter et consequens, est omnino evidens, licet antecedens fide teneatur.

## ARTICULUS QUARTUS

## DE DIGNITATE ET SUBIECTIONE SCIENTIARUM INTER SE

**I. — Una scientia potest esse altera nobilior et secundum se et in ordine ad intellectum scientis.**

In scientiis secundum se consideratis tria attendi possunt : *subjectum, modus cognoscendi et finis*. Sub hoc triplici respectu una scientia potest esse alia nobilior. Sic illa quæ versatur circa res divinas et altissimas causas nobilior est illa quæ causas proximas attingit ; nobilior est pariter illa quæ res cognoscit per modum magis remotum a materia ; tandem quæ versatur circa finem altissimum dignior est aliis quæ finibus particularibus attendunt.

In ordine vero ad intellectum scientis dicitur nobilior quæ facilius et perfectius capitur ab intelligente. Porro in intelligente tria concurrunt : potentia intellectiva, lumen quo intelligit, et species intelligibilis. Igitur dignior poterit esse scientia tripliciter. Primo, si intellectus est perfectior ; quo modo scientia Christi nobilior est aliorum hominum scientia. Secundo, si lumen est fortius vel altioris ordinis. Tertio, si species intelligibilis est perfectior ; vel quia est a Deo inlusa, vel quia est plurium rerum representativa. Hoc modo scientia Christi scientiam hominum, imo et angelorum, excedit.

**II. — Utrum una scientia sit alia certior.**

Ex parte qua excluditur errandi formido una scientia non est alia certior (1), sed ex parte firmitatis assensus una scientia potest esse alia certior tripliciter. Primo, scientiæ quæ dicunt causam et *propter quid* certiores sunt illis quæ solum

dicunt effectum et *quia*, nam priores procedunt ex notioribus simpliciter. Secundo, scientiæ quæ quæruunt formam certiores sunt illis quæ versantur circa materiam sensibilem : ratio est quia forma est magis nota magisque intelligibilis quam materia. Tertio, scientiæ quæ abstrahunt ab omni materia, etiam intelligibili, certiores sunt illis quæ circa materiam intelligibilem occupantur, quia quod est magis abstractum est magis cognoscibile.

Hæc intelliguntur de certitudine considerata ex parte causæ, nempe, scientiæ certiores sunt quæ certiorum habent causam. Ex parte vero subjecti, certior dicitur scientia, quæ plenius et perfectius percipitur, seu quæ magis proportionatur conditionibus scientis.

**III. — Scientia certior, sed de ignobiliore objecto, est simpliciter inferior scientia de nobiliore objecto, licet hæc sit incertior.**

Omnis scientia laudatur ex actu. Porro duo sunt quæ actui conferunt dignitatem : objectum et qualitas, seu modus actus. Igitur dignitas scientiæ attendi potest ex objecto et ex qualitate seu modo. Ex primo capite, nobilior est quæ nobilius habet objectum ; ex secundo, nobilior quæ firmitior et certior est. Simpliciter tamen dignior est quæ honorabilius spectatur objectum. Etenim illud quod habet nobilitatem ex se et ex sua substantia simpliciter nobilior est eo quod habet dignitatem ex modo et qualitate. Sed scientia quæ est de nobiliore objecto habet dignitatem ex se et ex sua substantia, nam objectum essentialiter constituit scientiam ; dignitas vero quæ provenit ex certitudine est dignitas ex modo et qualitate. Ergo scientia de honorabiliore objecto est simpliciter dignior scientia quæ est certior, sed de ignobiliore objecto. Unde melius est scire modicum et minus certe de rebus nobilioribus et altissimis quam multum et per certitudinem de rebus minus honorabilibus (1).

**IV. — An scientiæ speculativæ nobiliores sint practiciis.** Ex parte modi nobiliores sunt speculativæ, quia procedun-

(1) Tract. II. q. I, art. 1, n° 12.

(1) I De Anim., lect. 4.

cum majori certitudine. Practicæ enim considerandas habent multas singularium operabilium circumstantias, speculativæ autem procedunt a paucioribus, et versantur circa rerum naturas in universali, de quibus facilius est certitudinem consequi. Ex parte objecti, Theologia, quæ agit de Deo, Metaphysica, quæ disserit de primis principiis et altissimis causis, Philosophia naturalis, quæ rimatur hominis substantiam, etc., nobiliores sunt practicis quæ versantur circa operationes internas vul externas hominis. Scientiæ vero mathematicæ inferiora habent objecta iis quæ in scientia morali tractantur: sic figura, linea, nobilitate inferiores sunt virtutibus.

**V. — Quomodo in dignitate ordinandæ sint quinque scientiæ primariæ.**

Metaphysica est simpliciter prior. Habet objectum nobilius, nempe prima principia, altissimas causas. Ab aliis non dependet; cæteræ o contra ipsa indigent quantum ad notiones fundamentales entis, substantiæ, accidentis, unius, veri, boni; quantum ad prima principia, nam proprium est Metaphysicæ tum sua tum aliarum scientiarum principia defendere.

Insuper, ratione influentiæ quam exercet in principia et conclusiones aliarum scientiarum, Metaphysica omnibus imperat, imperio scilicet speculativo.

Si vero agatur de imperio practico, et considerentur scientiæ ratione finis, præstantior est Moralis. Probatur. Ratione finis scientia dicitur nobilior quæ ultimum finem respicit et omnia alia in finem dirigit. Atqui Moralis ultimum finem respicit, et alia in finem dirigit, etiam Metaphysicam; etenim Metaphysica inutilis aut nociva fieret, nisi in ultimum finem juxta regulas Moralis tenderet.

Tandem Logica, in aliquo ordine, nempe ratione directionis quam in mentis actibus exercet, est potior; ipsa enim viam edocet per quam homo faciliter et ordinate et sine errore procedat; et insuper ipsa formam syllogisticam qua aliæ scientiæ utuntur conficit.

**VI. — Quomodo ordinandæ sint scientiæ ratione certitudinis. Metaphysica simpliciter et secundum se est certior;**

quoad nos vero Physica est certior Metaphysica, et Mathematica est certior Physica.

Prob. I<sup>a</sup> pars. Scientia dicitur certior simpliciter quæ magis facit scire causam et *propter quid*; et cujus objectum est magis abstractum a materia. Atqui inter omnes scientias Metaphysica magis facit scire causam et *propter quid*, nam procedit per causas in essendo, imo causas primas et altissimas; ejus objectum est magis abstractum, nam ipsa speculatur res ab omni materia, etiam intelligibili, abstractas, quæ habent immaterialitatem positivam. Ergo Metaphysica est certior simpliciter et secundum se.

Prob. II<sup>a</sup> pars. Illud est certius quoad nos quod facilius menti applicatur et magis quietat intellectum. Atqui res sensibiles de quibus disserit Physica facilius applicantur intellectui quam abstracta et invisibilia circa quæ Metaphysica versatur. Ergo quoad nos Physica est certior Metaphysica.

Prob. III<sup>a</sup> pars. Illud majorem certitudinem quoad nos parit quod notiones a sensibilibus abstractas applicat subjecto magis immobili: quando enim videt intellectus subjectum, seu objectum, majori gaudere immutabilitate, magis in seipso quietatur.

Atqui Mathematica notiones a sensibilibus abstractas applicat subjecto magis immobili quam est subjectum Physicæ. Ergo Mathematica majorem parit certitudinem quoad nos; hinc est quod de Mathematicis non experiamur dubitationes quæ de rebus physicis suboriri possunt.

Declaratur minor. Mathematica, sicut Physica, accipit notiones a rebus sensibilibus; sed dum Physica versatur circa corpus naturale, seu mobile, Mathematica notiones subjecto abstracto et immutabili applicat. Sic triangulus, superficies, prout considerantur a Mathematica magis sunt immobiles quam corpus quod attingit Physica.

**VII. — De Sacra Theologia.** « Cum ista scientia quantum ad aliquid sit speculativa, et quantum ad aliquid sit practica, omnes alias transcendit tam speculativas quam practicas. Speculativarum enim scientiarum una altera dignior dicitur tum propter certitudinem tum propter dignitatem materiæ.

Et quantum ad utrumque hæc scientia alias speculativas scientias excedit. Secundum certitudinem quidem, quia aliæ scientiæ certitudinem habent ex naturali lumine rationis humanæ, quæ potest errare; hæc autem certitudinem habet ex lumine divinæ scientiæ, quæ decipi non potest. Secundum dignitatem vero materiæ, quia ista scientia est principaliter de his quæ sua altitudine rationem transcendunt; aliæ vero scientiæ considerant ea tantum quæ rationi subduntur. Practicarum vero scientiarum illa dignior est quæ ad ultimum finem ordinatur, sicut civilis militari. Nam bonum exercitus ad bonum civitatis ordinatur. Finis autem hujus doctrinæ, in quantum est practica, est beatitudo æterna ad quam sicut ad ultimum finem ordinantur omnes alii lines scientiarum practicarum. Unde manifestum est secundum omnem modum eam digniorem esse aliis (1). »

(1) I P. q. I, art. 3.

## ARTICULUS QUINTUS

### DE DIVISIONE ET ORDINATIONE SCIENTIARUM IN PHILOSOPHIA MODERNA

**I. — Divisio baconiana.** Traditis veris principiis veraque doctrina de scientiarum divisione et ordinatione, hand alius re erit quædam addere, eruditinnis gratia, de divisione et hierarchia scientiarum in philosophia moderna.

Prima divisio, quam invexit Baco et tenuerunt d'Alembert et alii non pauci, scientias partitur non per ordinem ad scibilia, sed per ordinem ad facultates cognitionis. Triplicis autem generis esse autumant facultates cognoscitivas: imaginationem, memoriam et rationem. Hinc triplex scientiarum partitio: ad imaginationem redneitur *poësis*, ad memoriam *historia*, quæ est naturalis vel civilis; ad rationem *philosophia*, quæ circa Deum, naturam et hominem versatur.

Quæ divisio inepta facile deprehenditur. Imprimis est manca, incompleta, quippe quæ non omnes scientias complectitur. Falsissime ponit imaginationem esse facultatem sciendi, nam imaginatio ad sensibilia tantum, non vero ad scibilia quæ sunt universalis et abstracta, se porrigere valet. — Unica est sciendi facultas, nempe ratio; ergo unica erit scientia, si divisio ex parte facultatum desumitur. Ruinoso ergo fundamento nititur illa partitio, cum scientiæ non ex facultatibus, sed ex objectis propriis et formalibus specificentur.

**II. — Divisio amperiana.** J. Ampère, attendens ad objectum scibile, animadvertit duo esse objecta generalia, *materiam* nempe et *spiritum*. Unde duplex classis generalissima: scientiæ nempe *cosmologicæ*, circa *materiam*, et scientiæ *noo-*



*logica*, circa *spiritum*, seu mentem. Utraque autem classis in duas subdividitur, et istæ in alias et ita porro.

Sequentibus versibus enumerantur scientiæ primi ordinis, numero triginta duæ :

- A. Hæc ubi cuncta animo peragrarè licebit,  
 (arithm.) (geom.) (mechanic.) (uranologia.)  
 Jam numeros, spatium, vires, et sidera noris ;  
 (physic.) (technologia) (geologia)  
 Corpora, falrorumque artes tractabis et orbem  
 (orychtotechnia circa mineralia terræ infossa).  
 Lustrabis, latebras penitus rimabere terræ.  
 (botan.) (agricult.)
- B. Herbarum inquires genus, agricolæque labores.  
 (zoologia) (zootechnia)  
 Jam quæ sint, jam quos hominum fingantur in usus,  
 (hygienic.)  
 Et quibus aegrescant vigeantve animalia discas.  
 (physic-medic.) (nosologia)  
 Nunc firmanda salus, nunc noscere morbos ;  
 (medicina practica.)  
 Nunc ægris lethum durosque arcere dolores.  
 (psychol.) (nitol.)
- C. Tum mentem res atque Deum meditabere et inter  
 (ethic.) (thelesilogia)  
 Affectus hominum, virtus ut libera regnet ;  
 (technæsthetic.) (glossologia)  
 Tum voces et scripta simul, tum noveris artes  
 (litteral.) (pædagogic.)  
 Ingenuas, et quæ pueri sit cura magistro.  
 (ethnolog.) (archæol.) (histor.)
- D. Mox populos, monumenta et facta notabis ;  
 (hierologia)  
 Quos gentes servant ritus, quod nomen adorent ;  
 (œconomia socialis)  
 Jura fori, leges populorum et munia disce  
 (militaris) (nomologia)  
 Bellantum ; mox gentium opes scrutare ducesque  
 (politica)  
 Ut paci valeant et bello imponere morem.

III. — Critica. — Quæ divisio admodum ingeniosa, imò et aliquantulum utilis est, nec ullatenus spernenda. In multis tamen

deficit. Negligit imprimis fundamentale specificationis principium, scilicet objectum formale ; non enim sufficit inspicere objectum concrete sumptum, scilicet materiam et spiritum, nam plura objecta materialia ad eandem scientiam referri possunt, sed attendendæ sunt rationes formales quæ in uno objecto materiali diversus inducunt scientias. Aliunde, divisio amperiana rectum non servat ordinationem inter diversas scientias ; nam philosophiam, non ut primariam et universalem scientiam exhibet, sed solum per membra dispersa commemorat ; ac Logicam inter scientias tertii ordinis amandat. Thelesilogiam, id est, scientiam voluntatis, eam specialem, imò primariam scientiam ponit, cum tamen voluntatis cognitio ad Psychologiam vel Moralem reducat.

IV. — Divisio Positivistarum. — A. Comte scientias partitur in *abstractas* et *concretas*. Porro concretæ scientiæ nondum sunt constitutæ ; abstractæ autem sex in sectiones principales scinduntur : *mathematicam*, *astronomiam*, *physicam*, *chimiam*, *biologiam* et *sociologiam*.

Spencer distinguit scientiam *abstractam*, scientiam *abstractam-concretam*, ac scientiam *concretam*. Ad abstractam referuntur Logica, Mathematica ; ad abstractam-concretam, Mechanica, Physica, etc. ; ad concretam demum Astronomia, Biologia, Psychologia, etc.

Quæ divisiones multiplici laborant vitio. Animadvertatur imprimis nullam scientiam esse proprie concretam, cum scientia de universalibus sit et abstractis. Præterea nititur hæc divisio falsissimis principiis quæ omnia ad ordinem sensibilem et concretum coarctant, Metaphysicum vero et omnem ordinem spirituales penitus subvertunt.

V. — Scholasticorum divisio scientias omnes complectitur. Scientias in quinque primarias dispescimus, ut singulæ illarum plurimas sub se continent, ita ut omnes scientiæ possibiles ad unam ex quinque primariis reducantur. Sic ad *Physicam* referuntur *physica* proprie dicta, *chimia*, *mineralogia*, *botanica*, *zoologia*, *biologia*, *physiologia*, *geologia*, *astronomia* ; omnes quippe considerant abstractionem a materia in-

dividuali, sed adhuc retinent materiam sensibilem. Ad Mathematicam vero reducuntur scientiæ quæ abstrahunt a materia sensibili, sicut illæ quæ versantur circa quantitatem abstractam : scientia nempe *algebraica* circa quantitates abstractiones, *arithmetica* circa quantitatem discretam, *geometria* circa quantitatem continuam, etc.

Ad Moralem referuntur *jurisprudentia*, *politica*, *œconomia socialis*, etc., etc.

## QUÆSTIO QUARTA

### De methodo

Quæstionem de scientia logica subsequitur consideratio de methodo in scientiis adhibenda. Logicam ergo absolvemus nonnulla disserendo de methodo in genere, de methodo in philosophando, ac de methodo disputandi in scholis (1).

## ARTICULUS PRIMUS

### DE METHODO IN GENERE

I. — **Notio methodi.** Vi etymologice (μετὰ ὁδόν), methodus est via ad aliquid. Quemadmodum viator, ut facilius et tutius ad terminum pertingat, viam eligit brevem et expeditam, ita mens in suo itinere ad veritatem, debet aliquam sibi præstitui viam, seu rationem ordinate procedendi. Mens vero non uno actu, sed multiplici operatione, finem suum, qui est cognitio veritatis, obtinet. In hac igitur operationum serie debet esse ordo, et methodi scopus præcisus est illam cognitionum

(1) Consuli possunt S. THOMAS, 1<sup>a</sup> 11<sup>a</sup>, q. 14, a. 3; BACO, *Novum organum*; LEIBNITZ, *Nouveaux essais*; *Logique de Port-Royal*, IV<sup>e</sup> partie; PASCAL, *Discours sur l'esprit géométrique*; BALMÈS, *L'art d'arriver au vrai*; DURAMEL, *Méthodes dans les sciences de raisonnement*; JANET, *Logique*, sect. II; LEFEBVRE, *Log.*, lib. IV; et Scholastici recentiores.

seriem rite ordinare, ut tuto et facile veritatem consequamur. Potest igitur definiri methodus: Ordo quem intellectus in suis operationibus sequitur ut veritatem adipiscatur et scientiam sibi comparet.

Cum autem methodus designet aliquam viam, seu motum, tria necessario requirit: *Principium*, a quo incipit; *finem*, ad quem tendit; *processum*, a principio ad finem. Principium est terminus *a quo*; finis, seu cognitio veritatis, est terminus *ad quem*, seu processus est id quod *formaliter* constituit methodum; sicut via non consistit formaliter in initio nec in termino, sed in progressu ab initio ad terminum. Unde posset strictius definiri methodus: *Modus ordinate procedendi a principio a quo mens incipit, ad ipsum finem, qui est certitudinis adeptio et scientiæ acquisitio.*

**II. — Leges methodi.** Attendi possunt ex parte principii, ex parte ordinate progressionis, ex parte finis.

Primo quidem, ex parte principii, oportet ex notis ad ignota, vel a notioribus ad minus nota, procedere. Hic est enim nature ordo, quem transgredi nunquam licet. Sufficit vero ut principia sint notiora quoad nos.

Secunda, quo ordinatior sit progressio, debet mens minutatim et gradatim procedere, ut clare perspiciatur nexus inter immediata principia et immediatas conclusiones, ac deinde inter primas conclusiones et remotiores illationes. Quæ connectio non manifeste apparebit, si proceditur per saltum. Pariter, ut ordinata sit progressio, oportet omnia quæ ad statum questionis conferunt dilucide exponere: objectum in seipso saltem confuso apprehendere, deinde in suas partes dividere; ex partibus, eas quæ ad propositum non faciunt seponere, cæteras vero singillatim considerare, et postea ad invicem conferre.

Tertio, ex parte finis tria servanda sunt. 1º Nemo debet inquirere de his quæ captum suum transcendunt. 2º Quoad ea vero quæ sunt proprio captui proportionata, non est de omnibus et per singula disserendum, sed de his tantum quæ vel necessaria sunt scitu, vel utilia scitu, vel pulchra scitu. 3º Non est quærenda certitudo in his in quibus certitudo esse

non potest, nec etiam eadem in omnibus indiscriminatim scientiis exigenda est certitudo. Hinc deridendi sunt illi qui in materiis ubi possibilis est sola certitudo moralis, nihil recipere volunt nisi dicatur eis per modum mathematicum.

**III. — Quotuplex sit methodus.** Distinguantur methodum *prudentialis*, cui non præscribuntur cæteræ et speciales leges, sed quæ regitur juxta communes et generales normas prudentiæ; et methodum *artis*, quæ specialiter Logicæ legibus regulatur. De hac in præsentem est sermo.

Methodus porro artis multipliciter dividitur.

Ex parte mediomm quibus utilis dividitur in *experimentalem* et *rationalem*. Experimentalis adhibet præcipue observationem, experimentum, inductionem; rationalis vero principia a priori, definitiones, divisiones, demonstrationes; licet non detur methodus quæ sit *unice* experimentalis vel *unice* rationalis, juxta ea quæ docuimus de inductione et syllogismo, q. II.

Ex parte finis dicitur methodus *inventivus*, si ordinatur ad scientiam proprio Marte, propriæque investigatione comparandam; methodus autem *disciplinarius*, si scientia ab aliis sive legendo sive audiendo addiscitur.

Methodus quæ ordinatur ad discipulos instruendos vocatur *didascalica*; quæ autem ad veritatem ab adversariorum impugnationibus vindicandam, dicitur *apologetica*; quæ tandem ad errorem impugnandum et propellendum, *polemica*.

Sed famosior divisio quæ alias complectitur est in methodum *analyticam* et *syntheticam*.

**IV. — Analysis et synthesis.** Vi etymologiæ methodus analytica eadem est ac resolutiva (ἀνάλυσις) et synthetica idem sonat ac compositiva (συνθεσις). Quod vero sit processus compositivus et resolutivus explicat S. Thomas (1). « In omni inquisitione, inquit, oportet incipere ab aliquo principio; quod quidem, si, sicut est prius in cognitione, ita etiam sit prius in esse, non est processus resolutorius, sed magis compositivus.

(1) 1ª II 4. 14, art. 3.

Procedere enim a causis in effectus, est processus compositivus, nam causæ sunt simpliciores effectibus. Si autem id quod est prius in cognitione, sit posterius in esse, est processus resolutorius, utpote cum de effectibus manifestis iudicamus, resolvendo in causas simplices. »

Igitur, juxta Thomam, processus resolutorius seu analyticus « est procedere ab iis quæ sunt notiora et priora tantum quoad nos ad ea quæ sunt notiora et priora simpliciter, et ab iis quæ sunt magis composita ad ea quæ sunt simpliciora ». Processus vero compositivus, seu synthetivus, est procedere ab iis quæ sunt priora in esse ad ea quæ sunt posteriora simpliciter, et ab iis quæ sunt magis simplicia ad ea quæ sunt magis composita. Jam vero causa est prior effectui, partes actuales sunt priores suo toto; principia priora conclusionibus; leges priores phaenomenis; pariter universalis sunt priora et simpliciora particularibus. Unde methodus analytica procedit ab effectibus ad causas, a toto actuali ad partes actuales, a phaenomenis ad leges, a particularibus ad universalis. Et e contra, synthetica procedit a causis ad effectus, a partibus actualibus ad totum actuale, a legibus ad phaenomena, a principiis ad conclusiones, ab universalibus ad particularia.

**V. — Exempla utriusque methodi.** Analyti utitur Philosophus qui, acturus de homine, procedit ab ipso composito ad partes, et ex operationibus animæ infert ejus essentiam; Chemicus qui, inquisiturus naturam aquæ, ipsam resolvit in oxygenium et hydrogenium; Physicus qui, observatis multis phaenomenis quoad corporum gravitatem, leges generales de corporum gravitate statuit; Rhetor qui, ex auditione vel lectione multorum virorum eloquentium, colligit generalia rhetorices et eloquentiæ præcepta.

Synthesi utitur Philosophus qui prius tractat de simplicibus intentionibus quam de propositionibus, et prius de istis quam de argumentatione, vel ille prius disserit de materia et forma et postea de composito, aut prius de corpore et anima ac postea de homine; Chemicus qui ex oxygenio et hydrogenio aquam efformat; Geometra qui ex axioma demonstrat theorema; Physicus qui leges determinatis materiis applicat; Rhetor qui

præcepta eloquentiæ jam statuta alicui concioni appropriat.

**VI. — Falsæ notiones methodi analyticæ et syntheticæ.** Præfata methodi notio, quæ est clarissima et traditionalis, non semper retinetur a modernis; sed processum analyticum nonnulli esse dicunt, quum mens incipit ab aliquo simplicissimo resoluta, ut est idea entis universalissimi et indelimitati; syntheticum vero quum mens incipit ab aliquo composito in quo totam cognitionem involvi dicunt. Qui tenent illud unum esse ideam logicam entis universalissimi, ejus esse est quoddam juge fieri, quædam indefinita et continuata progressio, ut loquitur Hegel, horum methodus vocatur *synthetico-transcendentalis*. Qui tradunt illud unum esse proprium *Ego*, prout variis modificationibus afficitur, ut Cartesio tribuitur, horum methodus nuncupatur *syntheticò-psychologica* vel *synthetico-subjectiva*. Qui trahunt illud unum esse Deum in quo omnes intelligibiles rationes immediate concipiuntur, ut docent Ontologistæ, horum methodus nominatur *syntheticò-ontologica* vel *synthetico-objectiva* (1).

Quorum omnium doctrina nititur falsis principiis ideologicis, quæ confutabuntur in Psychologia.

Nonnulli etiam synthesisin cum analysi confundunt, processum a toto ad partes vocant synthesisin, cum is ab aliis analysis nuncupetur. Confusio ex eo provenit quod nesciant distinguere inter totum potentiale et totum actuale. Recolantur quæ saepe dicta sunt de idearum extensione et comprehensione: extensio designat numerum subjectorum quibus idea convenit, comprehensio vero numerum notarum seu elementorum quibus constituitur. Universale excedit extensione sua inferiora: *animal* enim plura subjecta habet quam homo; sed ab eis exceditur in comprehensione: *homini* quippe plures adscribuntur notæ quam *animali*. Juxta primum modum, universale se habet ut totum; juxta alterum modum se habet ut partem. Hinc, si attendatur comprehensio, processus a toto universali ad totum actuale est processus a partibus ad totum, et ita dici potest synthesis. Comprehensio autem importat ma-

(1) Cf. P. LEIBNIZ, *Log.* lib. IV, cap. 1.

jorom compositionem quam extensio; ratione quippe extensionis entia sunt magis simplicia, ratione vero comprehensionis magis composita sunt. Unde processus a comprehensione ad extensionem, seu a toto actuali ad totum potentiale, est a compositis ad simplicia, et ita dici potest analysis (1).

#### VII. — Comparantur iterum analysis et synthesis.

Synthesis ergo incipit ab extensione et terminatur ad comprehensionem; analysis autem incipit a comprehensione et ad extensionem terminatur. Compositio actualis est principium analysis, totum vero potentiale est principium synthesis. Hac explicatione intelligitur cur dicant Scholastici totum logicum analysi dividi, synthesis colligi; totum actuale synthesis componi, analysi resolvi. Semper tamen analysis et synthesis distincte remanent; semperque analysis est processus a compositis ad simplicia, synthesis autem processus a simplicibus ad composita; analysis processus a toto actuali ad partes actuales, synthesis vero a partibus actualibus ad totum.

Methodus synthetica adhibetur in syllogismo, qui procedit ab universalibus ad particularia; analytica in inductione, quae ex particularibus ad universale, ex phaenomenis ad leges progreditur.

Analysis est prior synthesis ordine temporis et generationis; simpliciter tamen synthesis est prior et nobilior. Probatur breviter. Analysis et inductio sibi respondent; jam vero os-

(1) « Toute méthode peut se ramener à deux procédés essentiels, dit Janet: l'analyse et la synthèse. Ces deux termes ont été employés par les logiciens dans des sens bien différents: ce qui jette beaucoup d'obscurité sur la théorie de la méthode ». Exponit deinde ille auctor quomodo fuerint illae methodi a Condillac, a *Logica Portus Regalis* intellectae, quae sit geometrarum analysis, ac deinde concludit, cum Duhamel omnem analysim ad analysim mathematicam reduci (*Logique*, sect. 2, c. 1). Rabier (*Logique*, c. xvi) animalverens analysim mathematicam esse omnium analysium typum et normam, asserit analysim essentialiter esse regressionem a conditionato ad conditionem, synthesis vero progressionem a conditione ad conditionalum.

Ponsegrive (*Revue philosophique*, t. XIV) optime exponit quae ratione fieri poterit ut quod ab aliis dicebatur analysis fuerit ab aliis synthesis nuncupatum, difficultatemque solvit adhibita distinctione extensionis et comprehensionis.

tensum est (q. 2) inductionem esse medium necessarium ad comparanda principia universalia quibus utitur synthesis. Ergo analysis synthesis praecedit. At vero illa methodus est simpliciter prior et nobilior quae progreditur ab iis quae sunt simpliciter priora et nobiliora, quia tunc ordo cognoscendi ordini essendi respondet. Sed ex notione synthesis constat ipsam procedere ab eis quae sunt simpliciter priora, scilicet a causis ad effectus, a legibus ad phaenomena. Ergo est simpliciter analysi prior.

Ceterum, analysis et synthesis non sunt duo processus separabiles, sed ex utroque integratur et perficitur humanae mentis progressio. Optima ergo est methodus quae utraque vicissim utitur, ut fusius ostendetur, cum loquemur de methodo scholastica (Art. seq. n. 3).

VIII. — Regulae utriusque methodi. Ex ipsarum notione prolant. In synthetica methodo incipiendum est a rei principis, rei notione et definitione; deinde procedendum gradatim, a simplicioribus ad composita, ab universalioribus ad particularia. In analysi vero, quae originatur a compositis, incipiendum est a divisione totius; nempeque principaliora sunt subdividenda, et deinde singula partes considerandae, ac tandem de toto id solum concludendum est quod de partibus fuit consideratum. Ceterum, cum analysis sit processus inductivus, in ipsa servandae sunt omnes inductionis leges.

## ARTICULUS SECUNDUS

DE PRÆCIPUIS METHODIS QUÆ IN PHILOSOPHANDO  
ADHIBENTUR

I. — **Ratio articuli.** Philosophiæ non est tradere in speciali methodum singulis scientiis propriam, sed solum methodi naturam, divisiones et leges in genere exponere. Non ergo immorabimur, ut faciunt plures auctores, in describendo singulas singularium scientiarum methodos.

Ut enim unicuique scientiæ propria assignetur methodus, inspicienda est scientia in seipsa, in suis principiis, suo objecto, suæque lineæ et ordine. At consideratio principiorum, objecti vel finis singulis scientiis propriorum, est quid a Logica penitus alienum. Ergo assignare in speciali methodum singulis scientiis propriam est extra Logicæ limites excurrere. Sicut philosophi non est mathematicæ aut physicæ principia tradere aut objecta speculari, sic nec ad ipsum spectat mathematicæ aut physicæ methodos inquirere, nisi sub ratione methodi in genere.

Quare methodologia prout a quibusdam adhibetur qui in Logica omnium scientiarum methodos tradunt, videtur contra fundamentalem methodi regulam peccare: Nulla disciplina extra proprium ordinem excurrat.

Ad Logicam tamen maxime pertinet investigare qua methodo in philosophando utendum sit. Unde quedam dissereamus de diversis methodis quæ in scholis philosophicis adhibentur.

Præcipuæ vero methodi quæ de facto proponuntur vel fuerunt adhibitæ, sunt methodus *Scholastica*, *Idealistica*, *Empirica*, *Ecclectica*, *Traditionalistica*, *Ontologistica*.

II. — **Methodus Scholastica.** Calumniatores et adversarios multos nacta est Scholasticorum methodus. Sed facile vindicabitur si attente inspicatur quid sit, quomodo procedat. Hæc autem servatur ratio apud Scholasticos: Primo, status questionis proponitur. Quod ut recte fiat, præmittuntur quedam prænotamina seu præsupposita. Si opus sit, rem definiunt, aut dividunt; ex partibus vero divisis illam tantum assument de qua est controversia, cæteras eliminant. Ponunt rationes dubitandi, diversas opiniones vel sententias referunt. Deinde conclusionem statunt, et ipsam probant sive auctoritate, sive experientia, sive a priori; demum rationes dubitandi solvunt. In toto processu utuntur oratione brevi, pressa, simplici, cujusque artificii vacua. His explicatis, sit

III. — **Conclusio:** Scholasticorum methodus omnino est approbanda. Egregia est methodus quæ analysi vicissim et synthesisi utitur. Sed Scholastica methodus utitur analysi vicissim et synthesisi. Ergo. Prob. maj. Excellens methodus duo debet præstare: 1<sup>o</sup> scientiæ acquisitionem, 2<sup>o</sup> scientiæ certitudinem. Sed ad acquisitionem scientiæ requiritur analysis, ad ejus certitudinem requiritur synthesis. Ergo perfecta methodus est quæ analysi et synthesisi vicissim utitur.

Probatur I<sup>a</sup> pars minoris. Analysis est quæ a sensibilibus et particularibus ad intelligibilia et universalia progreditur. Sed omnis scientiæ acquisitio procedit a sensibilibus et particularibus ad intelligibilia et universalia; nam nihil est in intellectu quin prius fuerit in sensu. Insuper, objectum intellectus humani est quidditas rei materialis. Sed, ut cognoscatur plene rei materialis quidditas, requiritur repetita ipsius rei materialis experientia. Ergo scientiæ acquisitio analysis exposit.

Probatur II<sup>a</sup> pars minoris, videlicet, ad scientiæ certitudinem requiri synthesisim. Synthesis est quæ a principiis universalibus et necessariis procedit. Sed ad certitudinem scientiæ requiritur processus a principiis universalibus et necessariis. Ergo ad certitudinem scientiæ requiritur synthesis. Declaratur minor. Certitudo scientiæ ex firmitate et stabilitate objecti dependet. Sed objectum non est firmiter et stabile nisi sit universale et necessarium: singularia quippe et contingen-

lia perpetuo fluxui et mutationi subjacent. Ergo scientia non erit certa nisi ex objectis, seu principiis, universalibus et necessariis procedat.

Argumentum alterum. Præstans est methodus quæ hominem dirigit tum circa inventionem tum circa disciplinam, id est, tum in acquirenda tum in docenda veritate. Atqui methodus quæ nititur analysi et synthesisi hominem et circa inventionem et circa disciplinam instruit. Ergo.

Analysis enim et inductio sunt medium veritatem per seipsum adipiscendi, et hac via generaliter omnes artes et scientiæ ab hominibus inventæ sunt. Synthesis vero præcipue valet ad alios docendos. Nam in scientiis tradendis procedendum est a facilioribus, ideoque a simplicioribus, ad magis composita. Insuper, discipulus magis proficit, quam videt in præcedentibus rationem eorum quæ sequuntur. Sed hoc præstatur per synthesisi: hæc namque originatur a principiis quæ in ordine reali causa sunt et ratio eorum quæ sequuntur.

Licet autem communiter synthesis opportunior sit ad docendum, non debet tamen magister ab analysi abstinere; sed optima disciplina debet ex synthesisi et analysi, participare, ut discipuli per experientiam et inductionem quasi sensibilibus certificentur de his quæ a priori et per deductionem didicerunt. Igitur qui analysi vicissim et synthesisi nititur perfectum habet modum tum ad inveniendum tum ad docendum.

Probatur nunc Scholasticorum methodum esse simul analyticam et syntheticam.

Scholastici enim uno ore illud aristotelicum effatum conelamant: *Nihil est in intellectu quin prius fuerit in sensu*. Et aliud pronunciatum: *Per experientiam ars et scientia hominibus efficitur*. Hinc docent inductionem necessariam esse ad acquirendum prima principia et scientiam. Non a priori systemata conficiunt, sed ex particularium notione ad universalis, ex effectibus ad causas assurgunt. Sic D. Thomas animæ naturam colligit et demonstrat ex ejus operationibus; passiones ex intima cordis humani scrutatione describit, etc.

Aliunde in sola analysi non sistunt, sed ut cognitiones in unum colligant, synthesisi adhibent; statuuntque principia

universalis et necessaria a quibus scientia suam mutuatur firmitatem et certitudinem; et ita miro nexu analysim et synthesisi conjungunt.

Confirmatur thesis auctoritate Ecclesiæ, quæ in *Syllabo* sequentem damnavit propositionem: « Methodus et principia quibus antiqui Doctores Scholastici Theologiam excoluerunt temporum nostrorum necessitatibus scientiarumque progressui minime congruunt. »

Hinc colligitur methodum scholasticam recte vocari *psychologico-rationalem*, quia et ex psychologica experientia et rationalibus principiis conflatur. Humanæ naturæ et humanæ cognitioni apprime congruit.

Sicut homo ex corpore et anima, parte nempe sensibili et parte rationali, absolvitur, ita methodus vera et sensuum experientis et rationis abstractione nititur; sicut humana cognitio incipit in sensu et perficitur in intellectu, sic genuina methodus progreditur a sensibilibus, quæ per inductionem et analysim manifestantur, ad universalis et necessario, quæ sunt synthesisi propria.

Initiandum tamen non est, deficientibus investigationis instrumentis, analysim et experientiam fuisse apud veteres in pluribus neglectas. Quare, licet quoad substantiam et modum procedendi, sit retinenda Scholastica, potest tamen hodie in melius immutari, quantum, sarta lecta servando veterum principia, plus inductioni et experientiæ indulgeat, ac positivis scientiis frequentius innitatur.

Aliunde cavendum est ne scientiæ experimentales supra modum in Philosophia adhibeantur, sicut apud nonnullos fit, quorum philosophia eo pauperior et debiliore vadit quo scientiæ historicæ, physicæ, mathematicæ, etc., magis in eorum operibus abundant.

IV. — De cæteris methodis. Non multa hic sunt disserenda. *Idealismus*, qui tenet scientiam esse a priori, jam improbalus remanet ex his quibus ostensum est inductionem, analysim, experientiam requiri minime ad scientiæ acquisitionem, et amplius confutabitur in Psychologia. *Empirismus*, qui in sola experientia sistit, iterum in Ideologia exploditur,

et jam exsufflatus est sufficienter, siquidem constat inductioni vim infallibilem non competere nisi adjungatur illi aliquod principium universale, et synthesis requiri ad scientiæ certitudinem. Methodus vero *ontologistica* in Psychologia expenditur; *Traditionalismus* jam expunctus est (1), et iterum in Psychologia impugnabitur.

Methodus *auctoritativa* non differt a traditionalismo et ex iisdem principiis confutatur. Recolantur quæ disseruimus contra illos qui supremum criterium in aliquo extrinseco reponunt. Restat solum ut pauca de methodo ecclētica subjiciamus.

V. — *Ecclectismus*. Vi etymologiæ designat quamdam selectionem. Est erga methodus in hoc consistens quod seligantur et extrahantur veritates in quocumque systemate reperiæ, et quocumque auctore traditæ, et inde in unam doctrinæ corpus adigantur. Duplex est: *absolutus* et *temperatus*. Absolutus dicitur etiam *syneretismus*, et nititur hoc fundamento: Dari non posse errorem parum, cum omnis error sit veritas incompleta, seu relativa; unde licet potest ut, decursu temporum et per indefinitum humanæ rationis progressum, ea quæ prius ut falsa habebantur postea seu vera agnoscantur. Quare methodi scientificæ erit colligere omnes doctrinas, omniaque elementa quæ in diversis systematibus reperiuntur, et ex hac cogitationis humanæ historia conflabitur scientiæ ædificium.

Temperatus ecclēctismus hæc habet principia: Non omnia quidem in omnibus systematibus vera et perfecta sunt, sed in omnibus, etiam maxime erroneis, aliqua vera falsis admiscuntur: philosophi autem erit has veritates seligere et ex diversis partibus selectis integrum scientiæ systema conficere. Neoplatonici primi referuntur qui ecclēctismum docuerint. Syneretismum proflitentur Transcendentales Germani eorumque discipuli, Renan, Scherer; ecclēctismi autem temperati defensor præcipuus fuit Cousin.

VI. — *Conclusio*: Ecclēctismus, sub quacumque forma consideratus, admitti nequit ut vera philosophandi methodus. Primo, Ecclēctismus absolutus simpliciter implicat.

(1) Tract. III, q. II, art. 8.

Error opponitur vero contrarie; verum enim est simpliciter conformitas, error autem est simpliciter difformitas intellectus cum objecto. Sed duo contraria esse idem prorsus repugnat. Ergo implicat errorem esse veritatem etiam incompletam. Unde Ecclēctici exacti sunt vel contrariorum identitatem proferri, vel concedere verum nihil absoluti extra mentem existentis referre, quod est scepticismus. Insuper, ideo Ecclēctici tenent errorem parum cadere non posse in rationem, quia putant rationem esse supremam veri normam. Suprema autem regula veri est Deus. Ecclēctismus ergo Paulismo ansam præbet.

Secundo, quoad Ecclēctismum temperatum, animadvertatur opposita systemata prout se mutuo excludunt nihil veri præ se ferre. Sic materialismus quatenus negat esse spiritus et idealismus quatenus negat existere corpora, e regione opponuntur et sunt simpliciter erronei. Ex parte vero qua se complent, v.g., quatenus materialismus asserit esse corpora et idealismus asserit esse spiritus, legitime possunt Ecclēctismus aliqua vera, in falsis systematibus, errori misceri. At etiam hoc modo acceptus nequit admitti Ecclēctismus ut genuina philosophandi methodus, præpter tria:

1° Selectio verorum a falsis supponit media, instrumenta, præcepta selectionis. Sed huiusmodi media, præcepta sunt ipsa methodus. Ergo Ecclēctismus, neque methodus sit, methodum supponit. 2° Vera methodus debet esse scientifica, mediaque præbere ad veritates novas addiscendas, scientiamque proprio Marte comparandam. Sed Ecclēctismus est historicus dumtaxat, tradit solum opiniones aliorum, non autem confert media ad veritatem proprio Marte inveniendam. Ergo non est vera philosophandi methodus. 3° Nimis est periculosus. A prudentia est illeclero sese inter verum et falsum injicere, non prius habitis principiis discernendi verum a falso, præsertim cum agitur de juvenibus quibus facilior est deceptio. Ergo Ecclēctismus, nisi ipse dirigatur alia jam methodo quæ tradat normas discernendi verum a falso, est periculis repletus. Hinc Ecclēctici vel in varios errores inciderunt, vel, tot videntes systemata, et nescientes quibus fiderent, in scepticismum delapsi sunt.



## ARTICULUS TERTIUS

### DE METHODO DISPUTANDI, SEU DE CONCERTATIONE SCHOLASTICA.

I. — **Quid sit disputatio.** Definitor a S. Thoma (1): *Actus syllogisticus unius ad alterum ad aliquod propositum ostendendum.* Dicitur: 1° *actus syllogisticus*, id est *argumentativus*, qui comprehendit et syllogismum proprie dictum et inductionem, et exemplum. 2° *Unius ad alterum*, quia, sicut nullus miles contra seipsum dimicat, ita nullus contra seipsum disputat; sed duo saltem adsunt contendentes: *opponens*, seu *arguens*, et *respondens*. 3° *Ad propositum ostendendum*, ut innatur finem disputationis non esse meram logomachiam, nec libidinem rixandi aut adversarium decipiendi et deridendi; sed veri ostensionem vel obscuri elucidationem. Hinc apparet disputationis utilitas. Quando enim aliquod problema per disputationem in omnes suas facies versatur, æquivocationes tolluntur, vera a falsis discernuntur; plura quæ in expositione thesisi caligine involuta erant, in discussione pateſcunt. Insuper, mens acuitur, promptior et celerior rediditur, dum ab arguente agitur.

Sciendum est autem quadruplicem esse disputationis speciem: *doctrinalem*, seu *didascalicam*, *dialecticam*, *tentativam* et *sophisticam*. *Didascalica* ea est quæ fit inter docentem et adulescentem, et ordinatur ad scientiam pariendam; quocirca procedere debet, sicut syllogismus demonstrativus, ex primis, veris, per se notis et scientiæ illi propriis.

Disputatio *dialectica* procedit ex probabilibus, et ordinatur

ad opinionem generandam. *Tentativa* potius tendit ad experimentum de aliquo sumendum per ea quæ nota sunt aut videntur respondentem.

*Sophistica* tandem est quæ fallaciis nititur et inanem gloriam intendit, ut nempe quis victor et sapiens videatur.

Disputatio porro scholastica, quæ inter discipulos fieri consuevit, habere potest aliquid de disputatione tentativa, immo etiam, ratione modi, aliquid de sophistica, in quantum obijciens aliquid falsum intentum miscet; sed ratione finis debet semper esse doctrinalis, aut saltem dialectica; ad hoc enim instituitur ut vera scientia, aut saltem solida opinio, generetur.

II. — **Officia disputantium.** Ambo contendentes convenire debent in principiis communibus, secus impossibilis evaderet disputatio; imo etiam in principiis quæ alibi probata supponuntur, secus nimis pateret disputationis ambitus. Oportet insuper ut questionem versandam uterque apprime calleat, eodem sensu intelligat, secus extra difficultatis punctum vagarentur.

**Respondens** tria præstare debet: *exponere*, *probare*, *solvere*; exponit breviter sed clare propositum ostendendum; probat, considerando rationes intrinsecas et extrinsecas et ordinationem huiusmodi motivorum ad invicem, quo clarius et efficacius thesisi demonstratur. Denique solvit, vel concedendo, vel transmittendo, vel distinguendo, vel urgendo.

**Opponens**, consideratis rationibus eversivis propositi earumque ordinatione ad invicem, sumit contradictoriam propositi, quam statim probare conatur. Uti debet syllogismo simplici et in forma perfecta. Permittitur interdum dilemma, et etiam enthymema in concertationis decursu; sed sorites et polysyllogismus omnino excluduntur. Syllogismus opponentis non debet esse omni ex parte sophisticus; major generatim ea debet esse quæ non possit simpliciter negari, sed sit vel concedenda vel distinguenda. Negare majorem esset quandam injuriam obijcienti irrogare; quare, si quando cogitur respondens negare majorem omni ex parte falsam, debet quasi veniam petere, dicendo: *Salva reverentia*. In majore et minore non impugnet obijciens quod non negat defendens, et in conclusione non inferat quod non impetit defendente, quamvis id sit

(1) Opusc. XXXIX, cap. I.

verum. Incipere debet ab aliqua ratione eversiva quæ cæteras implicite complectatur, adeo ut istæ videantur esse solummodo instantiæ prioris, et naturaliter subinducantur post aptas distinctiones, concessiones, vel negationes respondentis. Quocirca debet arguens prævidere responsiones et distinctiones et semper in sensu ultimæ distinctionis urgere. Quantum ergo fieri potest, servetur idem impugnationis medium. Quamvisque tamen difficultas post paucas instantias totaliter exhaustitur, et tunc cavillatio esset in eodem medio instare; nihilominus debet opponens medium terminum non per saltum dimittere, sed paulatim, et novum medium cum priori ita connectere, et novas objectiones cum præcedentibus ita colligare, ut eadem semper urgeri videantur.

**Defensor** primo recitat integrum argumentum, postea ad singulas præmissas, redit, de quibus suum profert iudicium: *Concedo*, si propositio sit vera; *transmitto, transeat*, si non constet de veritate aut falsitate propositionis, vel, si nihil inde contra thesiam inferri possit. *Nego*, si propositio falsa sit; *distinguo*, si propositio ambigua sit. Frequentissime datur locus distinctioni, non raro est negandum, aliquando concedendum, juxta verum:

Sæpe nega, concede ruro, distingo frequenter.

Præcipuum igitur munus respondentis est distinguere, et perfectus existit disputator qui perfecte noverit distinguere.

Unde quædam de modo distinguendi juverit addere.

**III. — De modo distinguendi.** Generalim hac ratione proceditur: *Distinguo majorem, contradistinguo minorem, et nego conclus.* Minor *contradistinguitur*, quatenus membrum quod conceditur in majori negetur in minori, et membrum quod negatur in majori concedatur in minori. Ex: *Quod pendet a corpore est materiale. Atqui anima humana pendet a corpore. Ergo est materialis.* Respondeo: *Distinguo majorem*: Quod pendet a corpore *subjective et intrinsece*, est materiale, concedo; quod pendet a corpore *objective, extrinsece, instrumentaliter* tantum, est materiale, nego. *Contradistinguo mi-*

*norem*: Anima humana pendet a corpore *objective, extrinsece, instrumentaliter*, concedo; *subjective et intrinsece*, nego. Et nego conclus.

Formula distinguendi quasi innumere sunt; quasdam ex celebrioribus hic subjicimus.

**Per se, per accidens.** Medicus per se curat, per accidens cantat.

**Simpliciter, secundum quid.** Projicere merces in mare urgente naufragio, est voluntarium simpliciter, involuntarium secundum quid. — **Directe-indirecte.** Judex vult directe justitiam, indirecte rei mortem. — **Formaliter, materialiter.** Objectum intellectus et objectum voluntatis sunt idem materialiter, formaliter autem sunt diversa. Qui occidit hominem putans esse feram committit homicidium materialiter, sed non formaliter. — **Formaliter, virtualiter, eminenter.** Calor est formaliter in igne, planta est virtualiter in semine, pentagonum est eminenter in hexagono, perfectiones creaturarum sunt eminenter in Deo.

**Formaliter, causaliter.** Deus vivificat hominem causaliter seu effective, non formaliter; anima autem vivificat corpus formaliter. — **Materialiter, seu objective, formaliter, seu subjective.** Beatus consistit materialiter et objective in summo bono, quod est Deus; formaliter et subjective in actu quo præfatum bonum attingitur. — **Formaliter, dispositive, radicaliter, imputative.** Peccata venialia sæpius repetita causant mortale, non formaliter, sed dispositive; cupiditas continet omnia mala, non formaliter, sed radicaliter. Præceptor scriptor qui docet furtum, homicidium, fur est et homicida, non formaliter, sed imputative. — **Formaliter, reduplicative, specificative.** Homo ratiocinatur formaliter et reduplicative ut homo, sentit autem specificative ut homo.

**In actu signato, in actu exercito.** Mater quæ filium verbis increpat, ipsum admonet in actu signato; si vero puerulum propter culpam verberat, increpat in actu exercito. In omni iudicio intellectus cognoscit suam conformitatem cum objecto, in actu exercito, non tamen in actu signato. (Tract. II, q. I, a. 2). — **In sensu composito, in sensu diviso.** Sedens potest ambulare in sensu diviso, sed non in sensu composito. — **Absolute, hy-**

pothetice. Si Petrus sedet, necesse est ipsum sedere, hypothetice, concedo; absolute, nego.

**Antecedenter, consequenter.** Iudex antecedenter vult bonum et vitam omnibus, consequenter vero ad peccatum vult reo malum et mortem. — **In recto, in obliquo.** Unitas, seu unum significat principaliter et in recto ens; minus principaliter et in obliquo carentiam divisionis. — **Univoce, analogice.** Animal dicitur univoce de homine et bruto; ens autem dicitur analogice de Deo et creaturis, de substantia et accidente.

**Distributive, collective.** Omnes religiosi sunt conventus non distributive, sed collective; omnes vero homines sunt mortales distributive. — **Entitative, denominative, terminative.** Creatio est eterna entitative, temporalis vero denominative; est etiam entitative et formaliter immanens, terminative autem et virtualiter transiens; entitative est infinita, terminative finita.

**Essentialiter, accidentaliter, participative.** Homo est essentialiter rationalis, accidentaliter doctus; Deus est ens essentialiter, seu per essentiam, homo vero est ens participative, seu per participationem. — **Fieri, factum esse.** In actione successiva prius est fieri quam factum esse; sic prius est calefieri quam calefactum esse; in actione autem instantanea simul est fieri et factum esse, v.g., simul est intelligi et intellectum esse.

**IV. — Cætera officia distinguentis.** Quinque munia incumbunt distinguenti juxta hunc versum:

Divide, defini, concede, negato, probato.

**Divide,** nempe distingue duplicem propositionis sensum.

**Defini,** nempe explica, ostende revera propositionem duplici gaudere sensu.

**Concede,** scilicet partem propositionis veram; **negato,** falsam partem; **probato,** nempe adijunge rationem cur negaveris.

**Ex:** *De essentia libertatis est indifferentia. Atqui in Deo non est indifferentia. Ergo in Deo non est libertas.*

**Divide:** De essentia libertatis est indifferentia *activa*, concedo; *passiva*, nego. Contradist. min. et neg. conclus.

**Defini.** Ut ostenditur in Psychologia, duplex est indifferentia; una *passiva* et suspensa, quæ est capacitas ad plures

determinationes recipiendas; altera *activa*, quæ importat eminentiam voluntatis ad plura objecta, ita ut non necessario ad unum determinetur.

**Concede.** Hæc indifferentia est de essentia libertatis, ut ibidem ostendetur.

**Negato.** Sed nego indifferentiam passivam esse de libertatis essentia.

**Probato.** Nam hæc indifferentia innuit suspensionem, potentialitatem, imperfectionem. Porro imperfectio non potest esse constitutivum libertatis essentialis, quæ in suo conceptu nonnisi perfectionem involvit. Eodem modo proceditur ad minorem.

Quando distinctio ex se liquet, necesse non est multas adijungere rationes, præsertim si opponens statim instantias inducat.

Quandoque sufficit conclusionem distinguere; nonnunquam duplici vitio laborat argumentum, et tunc dupliciter responderi potest. Resp.: 1<sup>o</sup> Nego majorem, quia... resp.: 2<sup>o</sup> Transmissa majore. dist. min., vel neg. min., vel dist. conclus. Si argumentum non est in forma, possunt concedi major et minor et negari conclusio; si argumentum non est ad rem, sufficit reponere: Conceda totum, at nihil inde contra thesim.

#### V. — Schema disputationis scholasticæ.

**Defendens,** stans, hoc modo incipit: Thesis propugnanda sic se habet: *Facultates inter et essentiam animæ realis viget distinctio.* Tunc sedet, thesim exponit et probat. Postea surgens: *Ita videtur probata thesis; si qua tamen obscura remaneat, forsitan ex discussione patebunt.* Iterum sedet; tunc **Opponens:** *Optime thesim exposuisti et probasti, attamen ego contra: Facultates inter et essentiam animæ nulla realis viget distinctio. Ergo falsa thesis.*

**Defendens:** *Sic facit insurgere contra thesim meam N. studens philosophiæ et carissimus condiscipulus. Facultates inter... nulla viget distinctio... faciens probare antecedens.*

**Opp. Probo.** Id a quo desumitur differentia essentialis non distinguitur ab essentia. Atqui facultates sunt id a quo desumitur differentia essentialis. Ergo.

**Resp.** Dist. maj. Id a quo desumitur, id est *constituitur* differentia essentialis, non distinguitur ab essentia, concedo; id a quo desumitur, id est *cognoscitur* differentia essentialis non distinguitur ab essentia, nego. Contradist. min. Facultates sunt id a quo sumitur, id est, *cognoscitur* differentia essentialis, concedo; sunt id a quo *constituitur* differentia essentialis, nego. Et nego conclusionem.

**Explico.** Id a quo differentia essentialis desumitur potest esse vel ejus *constitutivum* vel ejus *manifestativum*. Si sit constitutivum, ad essentiam sane pertinet; si autem sit solum manifestativum, non inile arguitur essentialis, quia res ex accidentibus dignosci potest.

**Opp.** Atqui facultates sunt id a quo *constituitur* differentia essentialis. Ergo stat difficultas.

**Resp.** Faveas probare subsumptum.

**Opp.** Probo. Id a quo constituitur differentia essentialis est sensitivum vel intellectivum. Atqui sensitivum et intellectivum sunt facultates. Ergo facultates sunt id a quo differentia constituitur.

**Resp.** Dist. maj. Differentia essentialis est sensitivum vel intellectivum sumptum pro *primo principio vitæ sensitivæ vel intellectivæ*, concedo; sumptum pro *ipso sensu vel intellectu*, nego. Contradist. min. Sensitivum vel intellectivum sumptum pro *sensu vel intellectu* est facultas, concedo; sumptum pro *primo principio vitæ sensitivæ vel intellectivæ*, nego. Et nego consequ.

**Explico.** Sensitivum et intellectivum non raro usurpantur pro primo et radicali principio vitæ sensitivæ et intellectivæ, quo modo non designant facultates, sed ipsam animæ essentiam, ut est radix sensibilitatis vel rationalitatis. Alio modo, sumuntur pro sensu vel intellectu, qua acceptione non sunt differentia essentialis, sed solum id ex quo differentia essentialis innotescit.

**Opp.** Atqui intellectivum sumptum pro intellectu est differentia essentialis. Ergo remanet tota difficultas. Illico probo antecedens. Quod ingreditur rei conceptum est differentia essentialis. Atqui intellectivum sumptum pro intellectu ingreditur animæ conceptum. Ergo est differentia essentialis.

**Resp.** Dist. maj. Quod ingreditur conceptum rei ut prædicatum *essentiale* et *constitutivum*, est differentia essentialis, concedo; quod ingreditur conceptum rei ut *proprium consecutivum*, est differentia essentialis, nego. Contradist. min. Intellectivum sumptum pro intellectu ingreditur animæ conceptum, ut *proprium consecutivum*, concedo; ut *essentiale constitutivum*, nego. Et nego consequ.

**Explico.** Aliquid potest rei conceptum ingredi dupliciter: ut constitutivum, et ut consecutivum. Constitutiva dicuntur prædicata essentialia, inter quæ invenitur differentia essentialis; consecutiva autem sunt proprietates quæ ab essentia necessario dimanant, sed ab ea realiter distinguuntur. Intellectus porro est hujusmodi; ingreditur animæ conceptum, ut proprietas, non vero ut prædicatum essentialis.

**Opp.** Insto in sensu distinctionis. Consecutivum, seu proprietas, non potest esse accidens. Atqui quod non est accidens ingreditur rei conceptum ut prædicatum essentialis et ut differentia essentialis. Ergo et consecutivum rei est differentia essentialis. Ergo nulla distinctio.

**Resp.** Dist. maj. Proprietas non potest esse accidens *prædicabile*, concedo; *prædicamentale* nego. Contradist. min. Quod non est accidens *prædicabile* nec *prædicamentale*, est prædicatum essentialis, concedo; quod non est accidens *prædicabile*, scilicet est accidens *prædicamentale*, est prædicatum essentialis, nego. Et nego consequ.

**Explico.** Maxima intercedit differentia inter accidens prædicamentale et accidens prædicabile. Accidens prædicamentale designat ens quod non existit in se, sed in alio; accidens vero prædicabile importat aliquid quod potest esse vel abesse, salva rei essentia. Inter essentiam et accidens prædicamentale non datur medium, inter essentiam vero et accidens prædicabile mediat aliquid, scilicet proprium. Intellectus porro et cæteræ facultates sunt hujusmodi: non sunt essentia, nec accidentia prædicabilia, sunt tamen accidentia prædicamentalia, ab essentia distincta quidem, sed inseparabilia.

**Opp.** Insto. Accidentia hujusmodi essent partes animæ. Atqui repugnat ut sint partes in anima. Ergo.

**Resp.** Dist. maj. Essent partes *potestativæ*, concedo; essent

partes *essentiales* vel *integrales*, nego. Contradist. min. Repugnatur ut sint in anima partes *essentiales* vel *integrales*, concedo; ut sint partes *potestativæ*, nego. Et nego conseq.

*Explico.* Partes *essentiales* dicuntur partes *physicæ*, sicut materia et forma; partes vero *integrales* illæ sunt quæ adintegrant totum, seu complent ejus quantitatem, ut pedes, brachia, etc., quæ partes manifeste excluduntur ab anima. Partes vero *potestativæ* sunt principia operativa, quæ in *essentia* radican- tur. Minime autem repugnatur ut principia operativa in animæ *essentia* seu in *subjecto* radificentur.

*Opp.* Insto. Etiam partes *potestativæ* repugnant animæ. Ergo remanet difficultas. Probo antecedens. Animæ competit perfecta simplicitas. Atqui perfecta simplicitas excludit omnem compositionem ex partibus. Ergo anima excludit compositionem etiam ex partibus *potestativis*.

*Resp.* Dist. maj. Animæ competit perfecta simplicitas, quæ *convenit substantiæ creatæ* et *formæ corporis*, concedo; simplicitas quæ *convenit actui puro*, nego. Contradist. min. Simplicitas perfecta quæ *convenit actui puro* excludit omnem compositionem, concedo; simplicitas *substantiæ creatæ* quæ est corporis forma, nego et nego conseq.

**VI. — De disputatione solemnī.** Regule hucusque assignatæ servandæ sunt etiam in disputatione solemnī; sed hoc in casu adhibere decet exquisitiorem argumentandi formulam. In Gallia hæc uti solent: Si prius jusserit reverendissimus superior, vel (si adsit Episcopus) Illustrissimus ac Reverendissimus Præsul, et annuerint sapientissimi magistri, faveritque ornatissima adstantium corona, argumentabor, dilectissime condiscipule, contra unam e thesibus tuis sic positam: FACULTATES INTER ET ESSENTIAM ANIMÆ REALIS VIGET DISTINCTIO, Ego vero contendo: Nulla realis viget distinctio, unde mihi videtur minus recte posita tua thesis.

Mos est ut præter discipulos, argumententur alii sive ex magistris sive ex adstantibus. Isti etiam forma syllogistica uti debent; sed fert mos ut in disputationis exitu aliquid extra formam objiciatur. Ex.: Impugno nunc tuam thesim: 1º experientia, quæ oppositum testatur; 2º ex testimonio scientili-

corum, qui contrarium docent; 3º ex inconvenientibus innumeris quibus illa sententia scalet.

Defendens singulis respondet brevi, dilucido et quasi oratorio sermone.

His omnibus de logicali disciplina traditis, habet sibi ratio media et normam ad veritatem naturalem consequendam, qua cognita, ulterius per gratiam progrediendum est ad Eum Qui est prima Via primaque Veritas et Vita, et cujus visio erit ultimus animæ finis summaque beatitudo.

EXPLICIT LOGICA.

## INDEX RERUM ANALYTICUS

---

### PHILOSOPHIÆ PROLEGOMENA

#### ARTICULUS PRIMUS

##### *De Philosophia in genere.*

- I. Vocabuli fortuna. — II. Philosophiæ definitiones. — III. Rectæ definitiones. — IV. Explicatur definitio. — V. Quid per causas altissimas intelligatur. — VI. Dicitur naturali rationis lumine comparata. — VII. Objectum Philosophiæ. — VIII. Philosophiæ excellentia, utilitas, necessitas. — IX. Jucunditas ex Philosophiæ studio proveniens. — X. Partitio Philosophiæ. — XI. De ordine partium Philosophiæ. 1

#### ARTICULUS SECUNDUS

##### *De Existentia et causis Philosophiæ.*

- I. Quæstio. — II. Prima conclusio : Existit aliqua veri nominis Philosophia. — III. Secunda conclusio : Non existit Philosophia in statu perfecto. — IV. Tertia conclusio : In statu præsentis naturæ humanæ, non existit Philosophia quæ possit de Deo et veritatibus religiosis ac moralibus ordinis naturalis sufficientem præbere cognitionem, ut homo recte et honeste vivere queat. — V. De causis Philosophiæ. — VI. Causæ efficientes. — VII. Causa occasionalis est admiratio. — VIII. Causæ formalis, materialis et finalis. . . . . 13

## LOGICA

## APPARATUS AD TOTAM LOGICAM

- I. Logicæ definitio. — II. Logicæ objectum. — III. Prima conclusio : Sub objecto materiali Logicæ continentur omnia quæ sunt materia discursus et etiam tres mentis operationes : apprehensio nempe, enunciatio, argumentatio. — IV. Objectum formale. — V. Ens rationis. — VI. Secunda conclusio : Objectum formale Logicæ non sunt voces, nec etiam tres mentis operationes ; sed ens rationis ut directivum trium mentis operationum. — VII. Solvuntur difficultates. — VIII. An Logica sit scientia. — IX. Prima conclusio : Logica est vera scientia. — X. Secunda conclusio : Logica est scientia tota speculativa. — XI. Logicæ divisio. — XII. Præstantia Logicæ. — XIII. Prima conclusio : Ad acquirendas scientias in statu imperfecto, non requiritur Logica artificialis. — XIV. Secunda conclusio : Logica artificialis necessaria omnino est ad ceteras scientias perfecte addiscendas. — XV. Tertia conclusio : In demonstrationibus aliarum scientiarum forma syllogistica efficitur a Logica. — XVI. Logica est omnia et nihil. — XVII. De Logicæ fortuna. — XVIII. Scriptores de re logica. . . . . 17

## LOGICA MINOR SEU DIALECTICA

## TRACTATUS PRIMUS

DE SIMPLICI APPREHENSIONE RIUSQUE SIGNO NEMPE TERMINO

## QUÆSTIO PRIMA

De elementis simplicis apprehensionis.

## ARTICULUS PRIMUS

*Prænotiones generales.*

- I. Quid sit cognitio. — II. Cognitionis elementa. — III. Cognitionis divisio. — IV. Species sensibilis, phantasmata, idea. — V. Verbum, con-

- ceptus. — VI. Intentio, notio, natio. — VII. Simplex apprehensio. — VIII. Diversi actus qui reducuntur ad apprehensionem . . . 30

## ARTICULUS SECUNDUS

*De divisione conceptuum.*

- I. Quatuor divisionis fontes. — II. Ex parte objecti, conceptus est positivus vel negativus. — III. Conceptus simplex, conceptus compositus. — IV. Conceptus geometriens et purus. — V. Conceptus concretus et abstractus. — VI. Conceptus intentionis primæ et intentionis secundæ. — VII. Conceptus singularis et universalis. — VIII. Conceptus particularis et generalis. — IX. Conceptus particularis dividitur in particularem determinatum et particularem indeterminatum. — X. Conceptus generalis dividitur in distributivum et collectivum. — XI. De secunda partitione conceptuum : ex modo repræsentandi. — XII. — De tertio fonte divisionis conceptuum, nempe ex comparationes idearum inter se. — XIII. De quarta partitione conceptuum, nempe ratione originis seu in ordine ad mentem. — XIV. Schema omnium conceptuum. . . . . 36

## ARTICULUS TERTIUS

*De univocis analogis, etc.*

- I. De univocis. — II. Analogi. — III. Divisio analogiæ. — IV. Conditio analogorum. — V. Modus loquendi sancti Thomæ. — VI. De Æquivocis. — VII. De Denominativis. — VIII. Scholion de causis analogiæ . . . . . 43

## ARTICULUS QUARTUS

*De transcendentalibus et universalibus.*

- I. De transcendentalibus. — II. Universale. — III. Universale directum, reflexum. — IV. Prædicabilia. — V. Quinaris est prædicabilium numerus. — VI. Describuntur et explicantur prædicabilia. — VII. Descriptio prædicabilium in abstracto. — VIII. Quæstio : An necesse sit universale esse actu in multis. — IX. Conclusio : Non potest dari genus habens unicam speciem ; bene autem dari potest species habens uni-

cum individuum. — X. An species habens unicum individuum dici possit universalis. — XI. Quomodo exprimenda sint universalis. 52

## ARTICULUS QUINTUS

*De universalibus in particulari.*

I. De genere. — II. Quid sit genus sumi a materia. — III. De multiplici differentia. — IV. Qua ratione differentia dicatur universalis. — V. De specie. — VI. Qua ratione species dicatur universalis. — VII. Speciei correspondet individuum. — VIII. De proprio. — IX. Proprium habet rationem universalis per respectum ad individua speciei. — X. De accidente. — XI. Accidentis habet rationem universalis per ordinem ad subjecta quae denominat, non vero per respectum ad propria inferiora. . . . . 60

## ARTICULUS SEXTUS

*Universalium coordinatio.*

I. Genus dividitur in supremum seu generalissimum, in subalternum seu medium et in infimum seu proximum. — II. Species dividitur sicut genus. — III. Triplex etiam est differentia. — IV. Arbor Porphyriana. — V. Scholion: quidam modus loquendi. . . . . 67

## ARTICULUS SEPTIMUS

*De prædicamentis, seu categoriis, in genere.*

I. Aristotelis tractatus. — II. Antepædicamenta quinque assignantur. — III. Conditiones ut aliquid poni possit in prædicamento. — IV. Deliniuntur Prædicamenta: Suprema genera ad quæ revocantur omnia quæ prædicari possunt de omni ente aliquam essentiam habente. — V. Duplex consideratio prædicamenti. — VI. Prædicamentum logicè acceptum. — VII. Prædicamentorum numerus. — VIII. De differentia inter accedens prædicabile et accedens prædicamentale. 70

## ARTICULUS OCTAVUS

*Explicantur singulæ categoriæ.*

I. Substantia. — II. Quantitas. — III. Qualitas. — IV. Relatio. — V. Actio. — VI. Passio. — VII. Ubi. — VIII. Situs. — IX. Quando. — X. Habitus . . . . . 77

## ARTICULUS NONUS

*De postprædicamentis.*

I. Postprædicamenta. — II. Oppositio. — III. Prioritas. — IV. Simulatio. — V. Motus. — VI. De modo habendi . . . . . 84

## QUÆSTIO SECUNDA

*De his quibus manifestatur simplex apprehensio.*

## ARTICULUS PRIMUS

*De signis et terminis.*

I. Signum in communi. — II. Signum dividitur in formale et instrumentale. — III. Aliæ partitiones signi. — IV. In quo prædicamento sit reponendum signum in communi, et an debeat esse aliquid sensibile. — V. Signa logica. — VI. De sermone. — VII. Inter omnia signa vocabula principatum obtinent. — VIII. Nomen. — IX. Verbum. . . . . 90

## ARTICULUS SECUNDUS

*De divisione et proprietatibus terminorum.*

I. Terminorum divisio. — II. De suppositione. — III. Suppositio termini non habet locum extra propositionem. — IV. Suppositionis partitiones. — V. De descensu. — VI. Suppositio distributiva, collectiva, disjunctiva et disjuncta. — VII. Regula suppositionis. — VIII. Appellatio. — IX. Regula appellationis. — X. Ampliatio. — XI. Restrictio. — XII. Alienatio. . . . . 98

## QUÆSTIO TERTIA

*De modo sciendi.*

## ARTICULUS PRIMUS

*De modo sciendi in communi.*

I. Modus sciendi sumitur tripliciter. — II. Quis oratio. — III. Sola oratio enunciativa pertinet ad logicam. — IV. Conditiones modi sciendi.



— V. Modi sciendi tres recte assignantur: Definitio, divisio, argumentatio. — VI. Solvitur dubium . . . . . 105

## ARTICULUS SECUNDUS

*De definitione.*

I. Notio definitionis. — II. Definitio nominis et rei. — III. Definitio conceptualis. — IV. Subdivisiones definitionis realis. — V. Regulae quoad definitionem. — VI. Regulae quoad definitum. — VII. Processus ad inveniendas definitiones duplex est: descensus et ascensus . . . . . 108

## ARTICULUS TERTIUS

*De divisione.*

I. Notio divisionis. — II. Totum reale. — III. Totum logicum. — IV. Totum potestativum. — V. Regulae divisionis. — VI. Divisionis utilitates. — VII. Divisio secundae operationi praesertim deservit . . . . . 113

## TRACTATUS SECUNDUS

DE SECUNDA MENTIS OPERATIONE, NEMPE JUDICIO, EJUSQUE SIGNO, NEMPE PROPOSITIONE

## QUAESTIO PRIMA

*De natura et partitionibus judicii.*

## ARTICULUS PRIMUS

*De natura judicii.*

I. Judicii notio. — II. In judicio tria sunt elementa distincta. — III. De actibus qui requiruntur ad judicium. — IV. Judicium qualitas simplex. — V. Objicies. — VI. Judicii diversa nomina. — VII. Judicio proprium est . . . . . 116

## ARTICULUS SECUNDUS

*Judiciorum partitio.*

I. Judicium certum, prudens, etc. — II. Judicium immediatum et mediatum. — III. Judicium analyticum, syntheticum. — IV. Num sit medium inter judicium syntheticum et analyticum. — V. Conclusio. Repugnant judicia synthetica a priori qualia a Kantio adstruuntur. — VI. Judicium attributionis et judicium existentiae . . . . . 123

## QUAESTIO SECUNDA

*De propositione ejusque partitionibus.*

## ARTICULUS PRIMUS

*De propositione in genere.*

I. Enunciatio. — II. Propositionis definitio. — III. Elementa propositionis. — IV. Propositio de primo, de secundo, de tertio adjacente. — V. Naturalis ordo in terminis propositionis. — VI. An veritas propositionis sit significatio veri. — VII. De interpretatione. — VIII. De propositione mentali . . . . . 127

## ARTICULUS SECUNDUS

*De propositionum speciebus.*

I. Ad quatuor refertur propositio. — II. Ratione materiae. — III. De modis praedicandi per se. — IV. Ratione formae. — V. Qua ratione negatio afficere debeat copulam. — VI. Ex parte qualitatis. — VII. Suppositio subjecti in propositione indefinita. — VIII. Triplex universalitas. — IX. Extensio praedicati. — X. Praedicati comprehensio . . . . . 131

## ARTICULUS TERTIUS

*De divisione propositionis ratione unitatis.*

I. Unitas simplicitatis et compositionis in propositione. — II. Divisio in categoricam et hypotheticam est divisio essentialis. — III. Propo-

silio occulte simplex. — IV. Propositio incidens. — V. Propositionis compositæ divisiones. — VI. Propositionis aperte compositæ præcipuæ species sunt: copulativa, causalis, rationalis, discretiva relativa, hypothetica. — VII. Propositio hypothetica. — VIII. Triplicem distinguunt propositionem hypotheticam: conditionalem, disjunctivam et conjunctivam. — IX. Regulæ hujus propositionis. — X. Regulæ propositionis propriæ disjunctivæ. — XI. Disjunctiva resolvi potest in conditionalem. — XII. Conjunctiva . . . . . 138

## ARTICULUS QUARTUS

*Propositiones exponibiles.*

I. Propositiones exponibiles. — II. Exclusiva. — III. Exceptiva. — IV. Comparativa. — V. Propositio reduplicativa . . . . . 144

## ARTICULUS QUINTUS

*De modalibus*

I. Notio modi. — II. Divisio modi. — III. Quid requiritur ad essentiam propositionis modalis. — IV. De re, de dicto. — V. Necessitas consequentiæ et consequentis. — VI. Sensus compositus et sensus divisus. — VII. Potentia antecedens et consequens. — VIII. Modalium quantitas ex parte subjecti. — IX. Quantitas ex parte modi. — X. Quid sit forma in modalibus. — XI. Quadruplex fieri potest dispositio affirmationis et negationis in modalibus. — XII. Quid sit propositio efficiens. — XIII. Schema omnium propositionum . . . . . 146

## QUÆSTIO TERTIA

*De proprietatibus propositionum.*

## ARTICULUS PRIMUS

*De oppositione.*

I. Quid oppositio. — II. Quotuplex oppositio. — III. Definiantur diversæ oppositionum species. — IV. Quomodo designentur propositiones. — V. Oppositionum schema. — VI. Leges propositionum oppositarum. — VII. Maxima omnium oppositionum est contradic-

toria. — VIII. Natura divisionis in oppositione. — IX. Oppositio modalium. . . . . 153

## ARTICULUS SECONDUS

*De conversione propositionum.*

I. Quid conversio. — II. Quotuplex conversio. — III. Regulæ conversionum. — IV. De conversione propositionis singularis. . . . . 158

## ARTICULUS TERTIUS

*De æquipollentia propositionum.*

I. Definitur æquipollentia. — II. Conditiones æquipollentiæ. — III. Regulæ æquipollentiæ. — IV. Signa æquipollentiæ. — V. Subcontrariæ non sunt capaces æquipollentiæ. — VI. De æquipollentiæ modalium. — VII. Schema æquipollentium modalium . . . . . 161

## TRACTATUS TERTIUS

## DE RATIOCINIO MUSQUE SIGNO NEMPE ARGUMENTATIONE

## QUÆSTIO PRIMA

*De syllogismo secundum se.*

## ARTICULUS PRIMUS

*De ratiocinio et argumentatione in genere.*

I. Ratiocinii definitio. — II. In ratiocinio unum cognoscitur ex alio. — III. Materia et forma ratiocinii. — IV. Conditiones ad ratiocinium requisitæ. — V. Divisio ratiocinii. — VI. Exemplum non differt specie ab inductione . . . . . 167

## ARTICULUS SECONDUS

*De syllogismo quoad suam materiam, suam formam suaque principia.*

I. Syllogismi definitio. — II. Materia syllogismi. — III. Quid sit munus præmissarum et conclusionis. — IV. Syllogismi forma. — V. De

consequentia. — VI. Leges consequentiæ. — VII. Principia syllogismi. — VIII. De valore syllogismi contra Stuart Mill. — IX. De historia et fortuna syllogismi. . . . . 467

## ARTICULUS TERTIUS

*De regulis syllogismi.*

I. Enumerantur Syllogismi regulæ. — II. Prima regula. — III. Secunda regula. — IV. Tertia regula. — V. Quarta regula. — VI. Quinta regula. — VII. Sexta regula. — VIII. Septima regula. — IX. Octava regula. — X. De reductione regularum ad unam . . . . . 477

## ARTICULUS QUARTUS

*De syllogismo in ordine ad formam prout disponit terminos, seu de figuris.*

I. Figuræ definitio. — II. Triplex figura. — III. Non datur quarta figura realiter distincta a prima. — IV. Leges primæ figuræ. — V. Leges secundæ figuræ. — VI. Leges tertie figuræ. — VII. Leges figuræ galenicæ. . . . . 481

## ARTICULUS QUINTUS

*De syllogismo in ordine ad formam prout disponit propositiones, seu de modis.*

I. Definitio modi. — II. Quot modi possibiles. — III. Quot vero legitimi sint. — IV. Non omnes ex his modis in se legitimis conveniant singulis figuris. — V. Novendecim modi. — VI. Tabula omnium modorum legitimorum. — VII. Scholion. De quantificatione prædicati . . . . . 486

## ARTICULUS SEXTUS

*De reductione modorum.*

I. Ratio articuli. — II. Quid sit reductio. — III. Conditiones reductionis directæ. — IV. De reductione ad impossibile. — V. Conditiones reductionis indirectæ. — VI. Prima conditio. — VII. Secunda conditio . . . . . 494

## ARTICULUS SEPTIMUS

*De inventione mediæ.*

I. Ratio articuli. — II. Prima regula. — III. Secunda regula. — IV. Tertia regula. — V. Quarta regula. — VI. Quinta regula. — VII. Sexta regula. — VIII. Septima regula . . . . . 200

## QUÆSTIO SECUNDA

*De partitionibus syllogismi.*

## ARTICULUS PRIMUS

*De divisione syllogismi ex parte formæ.*

I. Syllogismus formatus et informis. — II. Divisio syllogismi formalis. — III. Enthymema in sensu veterum. — IV. In sensu recentiorum. — V. Quænam sit præmissa subaudita in enthymemate. — VI. Epicheirema. — VII. Dilemma. — VIII. Dilemmatis regulæ. — IX. Sorites aristotelicus. — X. Sorites galenicus. — XI. Sorites chrysippeus. — XII. Polysyllogismus. . . . . 202

## ARTICULUS SECUNDUS

*De cæteris syllogismi divisionibus.*

I. De divisione syllogismi ratione materiæ. — II. Syllogismus simplex. — III. Syllogismus compositus. — IV. Conditionalis. — V. Syllogismus disjunctivus. — VI. Syllogismus conjunctivus. — VII. De syllogismo modali. — VIII. Crux logicorum. — IX. Syllogismus expositivus. — X. Syllogismus ex obliquis. — XI. Utilitas omnium hucusque expositorum . . . . . 207

## LOGICA MAJOR SEU CRITICA

## TRACTATUS PRIMUS

DE PROBLEMATIBUS QUAE SPECTANT PRIMAM MENTIS OPERATIONEM

## QUAESTIO UNICA

## De universalibus.

## ARTICULUS PRIMUS

*De natura universalium.*

- I. Multiplex acceptio universalis. — II. Duo sunt de conceptu universalis in essendo. — III. Triplex status naturae. — IV. Comparatur universale metaphysicum in sensu praecisivo cum universali logice. — V. Ad efformandum universale metaphysicum sufficit abstractio : ad efformandum vero universale logicum requiritur insuper comparatio. — VI. Quae sit autem ista relatio quae constituit universale logicum. — VII. Quid sit praedicari. — VIII. Quid requiritur ut aliquid sit praedicabile de multis. — IX. Universalium proprietates. 217

## ARTICULUS SECUNDUS

*Systemata quae omnem realitatem denegant universalibus.*

- I. Referuntur sententiae. — II. Nominalismus. — III. Conclusio : Falsus et absurdus est nominalismus absolutus. — IV. Conceptualismus. — V. Conclusio : Etiam Nominalismus temperatus, seu Conceptualismus, est omnino rejiciendus. — VI. Solvuntur difficultates. 223

## ARTICULUS TERTIUS

*De falso realismo.*

- I. Diversae formae realismi. — II. Prima conclusio : Realismus platonici-  
cus omnino repugnat. — III. Secunda conclusio : Realismus ontolo-  
gicus aut punctum difficultatis non attingit, aut incidit in pan-  
theismum. — IV. Objeies. — V. Tertia conclusio : Natura non est  
actu universalis aut operationum intellectus, ideoque repugnat rea-  
lismus empiricus Gilberti et ejus scholae. — VI. Quarta conclusio :  
licet natura secundum se dici possit communis negative, tamen ut  
est in re et extra intellectum nullatenus dici potest communis nec  
positive, nec negative : ideoque repugnat realismus Scotistarum. —  
VII. Solvuntur difficultates. — VIII. Quaestio. — IX. Quinta conclu-  
sio : Ista aptitudo, seu non repugnantia, quae est fundamentum  
proximum universalitatis, nullo modo invenitur in natura secun-  
dum se, neque ut contracta in individuis, sed solum in natura praedi-  
cata per intellectum. — X. Quae utilitas competat naturae a parte rei  
in singularibus existenti. — XI. Quenam praedicata convenient naturae  
a parte rei existenti? 231

## ARTICULUS QUARTUS

*Systema assertus universalium esse partim in rebus partim in  
intellectu, seu realismus temperatus.*

- I. Tria asserta realismi temperati. — II. Ostenditur primum assertum.  
— III. Ostenditur secundum assertum. — IV. De tertio asserto. —  
V. Solvuntur difficultates. — VI. Praecedentium recapitulatio. 239

## ARTICULUS QUINTUS

*De utilitate tractatus universalium.*

- I. Ratio articuli. — II. Principia hodierna systemata ad quaestionem  
universalium reducuntur. — III. Subjectivismus et criticismus cum  
doctrina universalium comparatur. — IV. Materialismus comparatur  
cum doctrina universalium. — V. Ontologismus et doctrina universa-  
lium. — VI. Pantheismus et doctrina universalium. — VII. Intellec-  
tualismus et doctrina universalium. — VIII. Utilitas quaestionis univer-  
salium in Theologia. 244

## TRACTATUS SEUNDUS

QUESTIONES QUAE SPECTANT SECUNDAM MENTIS OPERATIONEM

## QUÆSTIO PRIMA

## De veritatis natura.

## ARTICULUS PRIMUS

*De statibus mentis in ordine ad veritatem.*

- I. Notio veritatis. — II. Quatuor status mentis respectu veritatis. — III. Ignorantia. — IV. Ignorantiae causae. — V. Error. — VI. Erroris causae. — VII. Dubium. — VIII. An dubitatio supponat iudicium. — IX. Opinio. — X. Opinio requirit aliquam voluntatis influxum, non tamen procedit ex perfecta voluntate. — XI. Certitudo. — XII. Certitudinis gradus. — XIII. Certitudinis divisio. — XIV. Certitudo immediata, mediata. — XV. Certitudo metaphysica, physica, moralis. — XVI. Certitudo absoluta, hypothetica. — XVII. Certitudo metaphysica, physica, moralis, sunt tres certitudines specie diversae. — XVIII. Certitudo vulgaris et philosophica. — XIX. De certitudine analogice sumpta. — XX. Certitudo cognitionis et certitudo causalitatis. — XXI. Quomodo differant certitudo et veritas . . . . . 249

## ARTICULUS SECUNDUS

*Quibus actibus veritas attingatur.*

- I. Quæstio solvenda. — II. Duplex apprehensio. — III. Prima conclusio : Simplicis apprehensioni inest veritas formalis, licet imperfecto modo. — IV. Secunda conclusio : Apprehensioni incomplexæ nunquam admiscetur falsitas, complexæ vero falsitas per accidens subesse potest. — V. Tertia conclusio : In sensibus non est proprie et formaliter veritas ; bene tamen veritas quædam materialis. — VI. Quarta conclusio : Veritas aut falsitas perfecta habetur in intellectu compositæ et dividende, seu in iudicio. — VII. Veritas est in iudicio tanquam in summo analogato. — VIII. Solvuntur difficultates. — IX. De ratione formali veritatis logicæ constitutiva. — X. De ipsa adæquatione. — XI. Quid sit res cui intellectus dicitur adæquari . . . . . 264

## QUÆSTIO SECUNDA

## De veritatis existentia.

## ARTICULUS PRIMUS

*De scepticismo universali absoluto.*

- I. Dogmatismus et scepticismus. — II. Scepticismi brevis historia. — III. Scepticismi causæ. — IV. Scepticismi divisio. — V. Principia scepticismi absoluti. — VI. Prima conclusio : Scepticismus ita absurdus est ut propugnari non possit quin eo ipso impugnetur. — VII. Secunda conclusio : Scepticismus ut factum et ut doctrina est impossibilis. — VIII. Tertia conclusio : Scepticismus naturæ adversatur, reddit vitam impossibilem, moralitatem evertit. — IX. Solvuntur difficultates. . . . . 274

## ARTICULUS SECUNDUS

*De scepticismo hypothetico.*

- I. Exponitur dubium cartesianum. — II. Prima conclusio : Methodus cartesiana precludit omnem viam ad philosophandum. — III. Secunda conclusio : Methodus cartesiana contradictionibus implicatur. — IV. Tertia conclusio : Principium : *Cogito ergo sum* per se nihil probat. — V. Quarta conclusio : Dubitatio cartesiana sive ut doctrina sive ut factum est prorsus impossibilis. — VI. Quinta conclusio : Absurda est hypothesis gentii maligni qui perperno nos illudendo. . . . . 285

## ARTICULUS TERTIUS

*De dubio methodico.*

- I. Quid dubium methodicum. — II. Dubitatio methodica philosopho utilis est et necessaria, modo intra debitos limites contineatur. — III. Prima conclusio : De veritatibus primariis non potest etiam fiele dubitari. — IV. De tribus veritatibus primariis. — V. An tres illæ veritates sint revera fundamentum certitudinis. — VI. De cæteris veritatibus primis. — VII. Secunda conclusio : De aliis veritatibus certis, ut sunt conclusiones quæ necessariæ et evidenter fluunt ex primis principiis, non licet dubitare realiter ; licet autem dubitare licet et expedit. — VIII. Tertia conclusio : Licetum est dubium reale circa ea omnia quæ non necessario et evidenter deducuntur ex primis principiis, vel quæ experientia et inductione sufficienti explorata non sunt, imo etiam in veritatibus certis et evidentibus circa quosdam respectus qui non sunt in ipsis evidentes et necessarij. — IX.

Quarta conclusio : In quacunque materia cessare debet dubium facti evidentia vel veritatis vel credibilitatis . . . . . 293

### QUÆSTIO TERTIA

#### De veritatis criteriis.

##### ARTICULUS PRIMUS

#### *De notione et divisione criterii.*

I. Duplex acceptio criterii. — II. In utraque acceptione criterium distinguitur formaliter tum a facultate cognoscente, tum ab objecto cognito. — III. Criterii divisio. — IV. Criterium internum adæquate sumptum dividitur in subiectivum et objectivum. . . . . 298

##### ARTICULUS SECUNDUS

#### *De criterio sensuum externorum.*

I. Notio sensus. — II. Sensibile. — III. Triplex distinguitur sensibilia : proprium, commune et per accidens. — IV. Conditiones sensibilis per accidens. — V. Opinionones circa veritatem sensuum. — VI. Prima conclusio : Veritas sensuum est veritas tam obvia et primaria ut demonstrari nec debeat nec possit. — VII. Secunda conclusio : Corpora externa veram habent objectivitatem et causæ sunt sensationum. — VIII. Tertia conclusio : Sensus externi attingunt immediate objecta externa, non vero proprias affectiones. — IX. Quarta conclusio : Sensus circa sensibilia commune veraces per se quidem sunt, non tamen absolute nisi conjunctioni sumantur. — X. Quinta conclusio : Circa sensibile per accidens, sensus infallibiles sunt in remittendo existentiam alienius subiecti in genere ; minime autem in referendo quidnam sit hoc subiectum in speciali. — XI. Sexta conclusio : Circa sensibile proprium, positis conditionibus requisitis, sensus omnes infallibiles sunt, ne exceptis quidem visu et auditu. — XII. Objectiones ex scientiis desumptæ. — XIII. Solvuntur generales difficultates contra sensuum veracitatem . . . . . 301

##### ARTICULUS TERTIUS

#### *De criterio cæterarum facultatum cognoscitivarum, sensuum nempe internorum et intellectus.*

I. Sensus interni. — II. Conclusio : Omnes sensus interni per se sunt veraces ; specialim autem conscientia intra limites proprii objecti

est criterium omnino infallibile. — III. Facultas intellectiva. — IV. Prima conclusio : Veritas intelligentiæ propria demonstrari nec debet nec potest ; his tamen qui aliquam certitudinem admittunt certo et evidenter probari potest. — V. Secunda conclusio : Ratio humana in inferendis per rationum conclusionibus per se infallibilis est, licet falli possit per accidens. — VI. De valore idearum objectivo. . . . . 313

##### ARTICULUS QUARTUS

#### *De criterio objectivo quod est evidentia.*

I. Ratio articuli. — II. Evidentiæ notio. — III. Explicatur quid sit fulgor objecti. — IV. Differentia inter certitudinem et evidentiam. — V. Evidentia objectiva et subiectiva. — VI. Evidentia materialiter sumpta, evidentia formalis. — VII. Evidentia immediata et mediata. — VIII. Evidentia intrinseca et extrinseca. — IX. Conclusio : Evidentia est criterium quod vi sua cogit intellectus assensum et cui subesse nequit falsum. — X. An evidentia distinguatur a veritate. — XI. An omnis veritas sit evidens. — XII. Quid dicendum de evidentiis illusoriis. — XIII. De triplici evidentie modo. — XIV. Inevidentia. . . . . 323

##### ARTICULUS QUINTUS

#### *De criterio primorum principiorum.*

I. Notio primorum principiorum. — II. Quæ sit differentia inter axioma, maximas, effata, principia facti. — III. An prima principia criteria sint veritatis. — IV. Prima conclusio : Principia prima analytica firmissima sunt criteria veritatis. — V. Secunda conclusio : Etiam principia facti, seu experimentalia, criteria sunt veritatis. — VI. Quodnam sit principium omnium primum. — VII. Conditiones primi principii. — VIII. Prima conclusio : Primum principium humanæ certitudinis non est aliqua veritas prima que sit fons et ratio representationis omnium que a nobis cognoscuntur. — IX. Secunda conclusio : Principium simpliciter primum est principium demonstrationis directæ, ostensiva, positiva. — X. Tertia conclusio : Primum principium in demonstratione ostensiva positiva est : *Quæcunque est id quod est, seu, est sua propria natura.* — XI. Quarta conclusio : Primum principium in demonstratione indirecta est principium contradictionis : *Impossibile est idem secundum idem simul esse et non esse.* — XII. Quinta conclusio : Abstractione facta a specialibus demonstrationum, primum principium est principium contradictionis. — XIII. Corollarium. — XIV. Quo sensu concedi possit contradic-

tionis principium non esse primum. — XV. De vera formula principii contradictionis. — XVI. De principio primo in ordine experimentalis. . . . . 329

## ARTICULUS SEXTUS

*De criterio extrinseco quod est auctoritas divina.*

I. Notio magisterii. — II. An aliquis possit esse sui ipsius magister. — III. Magisterium et testimonium. — IV. Conditiones magisterii. — V. Dividitur magisterium in divinum et humanum. — VI. Notio fidei in genere. — VII. De fide divina. — VIII. Conclusio: Revelatio divina est firmissimum veritatis criterium generare valens certitudinem metaphysicam quavis alia metaphysica certitudine prestantiorem. — IX. Objectio. — X. Scholion I<sup>um</sup>. De fide analogice sumpta. — XI. Scholium II<sup>um</sup>. Brevis analysis vetus fidei . . . . . 340

## ARTICULUS SEPTIMUS

*De criterio externo quod est auctoritas humana.*

I. Sensus communis. — II. Conditiones iudiciorum quae pertinent ad sensum communem. — III. Duplex respectus considerandus in iudiciis sensus communis. — IV. Conclusio: Sensus naturae communis, circa proprium objectum est criterium veritatis, criterium quidem ordinis moralis, quod tamen resolvitur in aliquod iudicium metaphysice certum. — V. De testimonio humano. — VI. Prima conclusio: In rebus scientificis, testimonium humanum infimum locum tenet inter criteria; saepe tamen est omnino necessarium, et est norma certa quam tuto sequi licet. — VII. Secunda conclusio: In rebus facti testimonium humanum est criterium necessarium quod veram gignere potest certitudinem. . . . . 350

## ARTICULUS OCTAVUS

*Quid non possit esse criterium supremum.*

I. Quaestiones de supremo criterio. — II. Conclusio: Quamvis non sit unicum criterium, admittendum tamen est aliquod criterium commune et supremum, quod cetera dirigat. — III. Conditiones supremi criterii. — IV. Referuntur sententiae generales circa supremum criterium. — V. Sententiae quae reponunt supremum criterium in subiecto cognoscente. — VI. Prima conclusio: Neque sensus ex-

terni, seu cognitio experimentalis, neque conscientia, sunt supremum veritatis criterium. — VII. Secunda conclusio: Fides circa aut instinctus cretus minime possunt esse supremum criterium. — VIII. Tertia conclusio: Nec interior animi affectus nec sensus divinus possunt esse criterium supremum. — IX. Quarta conclusio: Perceptio, seu idea clara et distincta rationis, non potest esse supremum criterium. — X. Sententiae quae reponunt criterium supremum in aliqua extrinseco. — XI. Conclusio: Neque auctoritas divina seu revelatio divina, neque auctoritas humana, seu consensus generis humani, sunt criterium supremum omnis certitudinis; nec auctoritas sapientium dici potest supremum criterium certitudinis mediatæ. — XII. Sententiae A. Balfour et P. Brunetière. — XIII. Critica. . . . . 357

## ARTICULUS NONUS

*Assignatur supremum criterium.*

I. Quid restat probandum. — II. Conclusio: Supremum certitudinis criterium non in principis primis, sed in evidentia obiectiva spectata reponendum est. — III. Utrum sit duplex criterium ultimum: veritatis et certitudinis. — IV. Opinio Illustrissimi Lorenzelli. — V. Utrum criterium solis veritatibus medialis conveniat. — VI. De equivocationibus hac in materia vitandis. — VII. Evidentia est ratio formalior respectu intelligibilium sub qua ceterae rationes formales continentur. . . . . 368

## TRACTATUS TERTIUS

## DE QUÆSTIONIBUS QUÆ SPECTANT TERTIAM MENTIS OPERATIONEM

## QUÆSTIO PRIMA

*De Syllogismo.*

## ARTICULUS PRIMUS

*De demonstrationis natura et divisione.*

I. Demonstrationis definitio. — II. Est præmissa necessaria, quando prædicatum dicitur de omni, dicitur per se, dicitur universaliter. — III. Demonstratio propter quid. — IV. Demonstratio quia. — V. De-

monstratio a priori et a posteriori. — VI. Demonstratio regressiva, seu circularis. — VII. Demonstratio directa, indirecta, pura, absoluta, etc. — VIII. Demonstrationes propter *quid* et *quia* alias includunt. — IX. Recentiorum placita de demonstrationis vi et ratione. . . . . 379

## ARTICULUS SECUNDUS

*De præcognitionibus et præcognitis.*

I. Præcognitio et præcognitum. — II. Quomodo intelligendum sit principium Aristoteles: Omnis doctrina fit ex præcedenti cognitione? — III. Duæ præcognitiones. — IV. Tria præcognita. — V. Quid vero de his tribus præcognoscere debemus? — VI. De medio demonstrationum. . . . . 388

## ARTICULUS TERTIUS

*De modo quo præmissæ concurrant ad conclusionem.*

I. Questio. — II. Conclusio: Præmissæ non concurrunt in genere causæ formalis, sed in genere causæ efficientis. — III. Obiicies. — IV. Præmissæ consunt per unum terminum. — V. An præmissæ necessitent ad assensum conclusionis. — VI. Prima conclusio: Intellectus, concessis præmissis evidentiis, necessitatur ad assensum conclusionis necessitate specificationis, id est, non potest facere dissensum. — VII. Secunda conclusio: Intellectus, concessis præmissis evidentiis, necessitatur ad assensum conclusionis etiam necessitate exercitii, id est, non potest suspendere actum assensus. — VIII. Explicatur ellatum philosophi: Major cognoscitur prius tempore quam conclusio; minor vero simul cum conclusione. — IX. Num conclusio ad essentiam syllogismi pertineat. . . . . 392

## ARTICULUS QUARTUS

*De argumentatione probabili.*

I. Notio probabilitatis. — II. Divisio probabilitatis. — III. Duo iudicia in statu probabilitatis. — IV. De conflictu plurimum opinionum probabilium. — V. Quatuor gradus in opinione probabili. — VI. Definitio syllogismi probabilis. — VII. Loci ex quibus eruntur syllogismi probabiles. — VIII. De analogia. — IX. De hypotheseis. — X. Divisio hypotheseum. . . . . 397

## ARTICULUS QUINTUS

*De syllogismo sophistico.*

I. Triplici modo potest esse fallax syllogismus. — II. Syllogismus pseudographus, syllogismus sophisticus. — III. Quot sint fallacie, seu loci sophistici. — IV. De equivocatione et amphibologia. — V. Fallacia compositionis et divisionis. — VI. Fallacia accentus et figuræ. — VII. De fallacia accidentis. — VIII. Fallacia a dicto simpliciter ad secundum quid. — IX. Ignorantia elenchi et petitio principii. — X. Tres ultimæ fallaciæ. — XI. Hodierna sophistica. — XII. Finis sophistarum. . . . . 407

## QUÆSTIO SECUNDA

*De inductione.*

## ARTICULUS ENICUS

*De inductione.*

I. Inductio fit per ascensum et per descensum. — II. Comparatur inductio cum syllogismo. — III. Inductionis divisio. — IV. De vi inductionis. — V. Conclusio: Inductio est cognitio necessaria ad scientiam acquirendam, sed non est ratio formalis assentiendi principio universali; nec secundum se est discursus necessarius et infallibilis, nisi ipsi adiungatur aliquis locus probandi, seu aliquid principium universale quo reddatur efficax ipsius probatio. — VI. Quodnam vero sit huiusmodi principium. — VII. Qua vero ratione concludi possit aliquid ad essentiam singularium pertinere. — VIII. An reduci possit inductio ad syllogismum. — IX. Leges inductionis. — X. Usus inductionis. — XI. An perfectior sit inductio syllogismo. XII. — De quatuor inductionis methodis quæ a recentioribus proficiuntur. . . . . 418

## QUÆSTIO TERTIA

*De scientia.*

## ARTICULUS PRIMUS

*Vera scientiæ notio.*

I. Multiplex vocabuli acceptio. — II. Scientiæ definitio. — III. Accuratio definitio. — IV. Queritur utrum scientia debeat esse per



causis intrinsicis, an sufficiat cognitio per causas extrinsecas. — V. Queritur an cognitio per causas in cognoscendo mereatur scientias nomen. — VI. Scientia et ceteri habitus intellectuales. — VII. Quomodo scientia differat ab arte, a prudentia et ab intellectu. — VIII. De differentia inter sapientiam et scientiam. — IX. Scientia non est mera collectio specierum intelligibilium sed est qualitas primæ speciei, nempe habitus. — X. Scientia habitus simplex. — XI. Utrum scientia sit habitus corruptibilis. . . . . 430

## ARTICULUS SECUNDUS

*De scientiæ objecto.*

I. Objectum per se et per accidens. — II. Divisio in objectum materiale et formale. — III. Subjectum scientiæ. — IV. Prima conclusio: Omnis scientia specificatur a suo objecto formali. — V. Secunda conclusio: Specificatio provenit ab utraque ratione formali, *quæ* et *sub qua*; sed præsertim a ratione formali *sub qua*. — VI. Limitas rationis *suo qua* desinitur tandem ab eadem luce evidentiæ objectivæ sub qua conclusiones manifestantur. . . . . 438

## ARTICULUS TERTIUS

*De scientiarum partitione.*

I. Quæstio. — II. Conclusio: Scientiæ ex diverso abstractionis a materia gradu distinguuntur; ac recte in quinque primarias dividuntur: Physicam scilicet, Mathematicam, Metaphysicam, Logicam et Moralem. — III. Ratio specifica scientiarum non sumitur solum ex recessu a materia, sed etiam ex accessu ad determinatum gradum immaterialitatis. — IV. Scientia speculativa et practica. — V. Scientia practica dividitur in activam et factivam. — VI. De subalternatione scientiarum. — VII. Tria respiciuntur ad subalternationem. — VIII. An subalternata habeat propriam rationem scientiæ. — IX. Conclusio: Subalternata etiam in absentia subalternantis est propria scientia, in statu tamen imperfecto. — IX. Objicies . . . . . 444

## ARTICULUS QUARTUS

*De dignitate et subjectione scientiarum inter se.*

I. Una scientia potest esse altera nobilior et secundum se et in ordine ad intellectum scientis. — II. Utrum una scientia sit alia certior. —

III. Scientia certior, sed de ignobiliori objecto est simpliciter inferior scientia de nobiliori objecto, licet hæc sit incertior. — IV. An scientiæ speculativæ nobiliores sint practiciis. — V. Quando in dignitate ordinandas sint quinque scientiæ primariæ. — VI. Quomodo ordinandæ sint scientiæ ratione certitudinis. — VII. De sacra Theologia . . . . . 452

## ARTICULUS QUINTUS

*De divisione et ordinatione scientiarum in philosophiâ moderna.*

I. Divisio Baconiana. — II. Divisio amperiana. — III. Critica. — IV. Divisio Positivistarum. — V. Scholasticorum divisio scientiarum omnes complectitur . . . . . 457.

## QUÆSTIO QUARTA

*De methodo.*

## ARTICULUS PRIMUS

*De methodo in genere.*

I. Notio methodi. — II. Leges methodi. — III. Quotnplex sit methodus. — IV. Analysis et synthesis. — V. Exempla utriusque methodi. — VI. Falsæ notiones methodi analyticæ et syntheticæ. — VII. Comparantur iterum analysis et synthesis. — VIII. Regulæ utriusque methodi . . . . . 461

## ARTICULUS SECUNDUS

*De præcipuis methodis quæ in philosophando adhibentur.*

I. Ratio articuli. — II. Methodus Scholastica. — III. Conclusio: Scholasticorum methodus omnino est approbanda. — IV. De cæteris methodis. — V. Eclectismus. — VI. Eclectismus sub quacumque forma consideratus admitti nequit ut vera philosophandi methodus. . . . . 468

## ARTICULUS TERTIUS

*De methodo disputandi seu de concertatione scholastica.*

- I. Quid sit disputatio. — II. Officia disputantium, opponentis nempe et defensoris. — III. De modo et formulis distinguendi. — IV. Cætera officia distinguuntis : *divide, defini, concede, negato, probato*. — V. Schema disputationis scholasticæ. — VI. De disputatione solemnium . . . . . 474

EXPLICIT LOGICA